



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

АКАДЕМИЯ НАУК АРМЯНСКОЙ ССР
ИНСТИТУТ ИСТОРИИ

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

А. Г. ВАРДАНЯН

Հ. Գ. ՎԱՐԴԱՆՅԱՆ

**ВОПРОС ОСВОБОЖДЕНИЯ ЗАПАДНЫХ
АРМЯН И АРМЯНСКИЕ ОБЩЕСТВЕННО-
ПОЛИТИЧЕСКИЕ ТЕЧЕНИЯ**

В ПОСЛЕДНЕЙ ЧЕТВЕРТИ XIX ВЕКА

**ԱՐԵՎՄՏԱՀԱՅԵՐԻ ԱԶԱՏԱԳՐՈՒԹՅԱՆ ՀԱՐՑԸ
ԵՎ ՀԱՅ ՀԱՍԱՐԱԿԱԿԱՆ-ՔԱՂԱՔԱԿԱՆ
ՀՈՍԱՆՔՆԵՐԸ**

XIX Դ. ՎԵՐՁԻՆ ՔԱՌՈՐԴՈՒՄ

ИЗДАТЕЛЬСТВО АКАДЕМИИ НАУК АРМЯНСКОЙ ССР
Е Р Е В А Н 1 9 6 7

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՏԱՐԱԿՉՈՒԹՅՈՒՆ
Ե Ր Ե Վ Ա Ն 1 9 6 7

Ժամանակի մամուլի, գրականության և արխիվային փաստաթղթերի լայն օգտագործման հիման վրա, աշխատությունը լուսաբանում է արևմտահայերի իրավա-քաղաքական վիճակը, բացահայտում ու մերկացնում է սուլթանական կառավարության հայադինջ քաղաքականությունը հատկապես 1878 թվականի Բեռլինի կոնգրեսից հետո: Ապացուցում է հայ ժողովրդի սուլթանական բռնապետության դեմ ուղղված ազգային-ազատագրական պայքարի արդարացիությունը, մերկացնում է եվրոպական խոշոր պետությունների դիվանագիտական խաղերը հայերի և Հայկական հարցի նկատմամբ:

Մենագրությունում ցույց է տրվում հայ հասարակական-քաղաքական հոսանքների, աչքի ընկնող մտավորականների ու քաղաքական գործիչների դիրքորոշումը արևմտահայերի ազատագրության հարցում:

Ն Ե Ր Ա Մ Ո Ւ Թ Յ Ո Ւ Ն

1

Հայ ժողովուրդը ավելի քան հինգ հարյուր տարի տառապել է օսմանյան արյունարբու նվաճողների տիրապետության ներքո:

Հրով ու սրով հաստատելով իրենց գերիշխանությունը, օսմանյան բարբարոսները կործանում էին ժողովրդի տնտեսությունն ու կուլտուրան, վարում էին ասիմիլացման և ֆիզիկական ոչնչացման քաղաքականություն:

Հայ ժողովրդի ողբալի անցյալի նկարագրությանն անդրադառնալիս 1935 թ. նոյեմբերի 28-ի առաջնորդողում «Պրավդան» գրում էր. «Հայաստան... Ով չգիտե այդ ժողովրդի ողբերգական ու կոշմարալին անցյալը: Գտնվելով երկու աշխարհների ու երկու աշխարհամասերի՝ Եվրոպայի և Ասիայի սահմանների վրա, լինելով Հին Արևելքի երբեմնի հզորագույն երկրներից մեկը, Հայաստանը եղել է անվերջ ճակատամարտերի ու ասպատակությունների թատերաբեմ: Մի նվաճողին փոխարինում էին մյուսները: Սրով ու մրրկով սլանում էին երկրի վրայով հոնները, պարսիկները, հոմեացիները, արաբները, բյուզանդացիները, սելջուկները, մոնղոլները և օսմանցիները: Հագիվ էր ժողովուրդը ուշքի գալիս մի ավերիչ փոթորկից, երբ վրա էր հասնում նորը: Եվ նորից կործանվում էին գյուղերը, քաղաքները, կործանվում էր կուլտուրան, ոչնչանում էին աշխատավոր հայերը»¹:

Բայց հայ ժողովուրդը հեղուկամբ չի տարել օտար բռնակալների լուծը: Նրա պատմությունը միաժամանակ եղել է օտար նվաճողների դեմ մղված հերոսական պայքարի պատմություն, պատմություն, որը սերտորեն առնչվել է արևելյան և արևմտյան տերու-

¹ «Պրավդա», № 327 (6573), 1935:

թյունների միջև տեղի ունեցած պատերազմների և աշխարհակալական զավթումների հետ:

Հայաստանը եղել է այդ ոսոխների ընդհարումների ասպարեզ: Նրանց առաջխաղացումները չէին կարող տեղի ունենալ այլ կերպ, քան Հայաստանի վրայով, առաջխաղացումներ, որոնք լրջորեն շոշափում էին հայ ժողովրդի կենսական շահերը:

Պատմական Հայաստանը հանդիսացել է «Եվրոպայի և Ասիայի կամուրջը»²—գրում է Բաֆֆին, իսկ հայ ժողովրդի կրած ծանր տառապանքների մասին, շարունակում է նա «Հունաց կայսրը մեկ կողմից, պարսից արքան մյուս կողմից, երկու անհագ վիշապների նման, բերանները բաց արած, մաքառում էին միմյանց դեմ, թե ո՞րը ավելի շուտ կկլանե անտեր մնացած երկիրը...»³:

Այդ աշխարհակալների համար Հայաստանը «մի կամուրջ էր, որտեղից պետք է անցնեին սրանք՝ միմյանց հանդիպելու համար»: Ուստի, գրում է Բաֆֆին, «Հայաստանը մնաց երկու կրակի մեջտեղում, դեպի որ կողմը որ մոտենում էր, այրվում էր»⁴:

Հայ ժողովրդի անձնուրաց զավակները անօրինակ սխրագործություններ են կատարել օտար բռնակալների դեմ մղված ազատագրական պայքարում, բայց ուժերի անհավասարության հետեւանքով նրանք տանուլ են տվել: Այդ մասին հայ մեծ դեմոկրատու Սամվոսի խ. Աբովյանը տառապալից հպարտությամբ գրում է. «Սար ըլեր՝ փուլ կգար, երկաթ ըլեր՝ կհալչեր, ծով ըլեր՝ կպակասեր, կցամաքեր, բայց Աստվածասեր հայ ազգը՝ մինչև էսօր գերօրինակ հսկայությամբ տարավ բոլորը ու իր անունը պահեց»⁵:

Բազրատունիների ժամանակ հայերը սկսեցին մի քիչ շունչ քաշել և կարողացան քաղաքական կարևոր դիրք գրավել Արևելքում: Բայց կենտրոնացված իշխանության բացակայության պատճառով XI դարի կեսին հույները գրավեցին Հայաստանը:

Առաջավոր Ասիան և Անդրկովկասը ավար դարձան Լենկ-Թեմուրի (1336—1403 թթ.) թուրք-մոնղոլական նվաճումներին, որոնց տիրապետության ժամանակ կործանման եզրին հասան երկրի արտադրողական ուժերը, գյուղատնտեսությունն ու ոռոգման սիստեմը, ժողովրդի կուլտուրան:

«Ավերիչ մի պատերազմ,—գրում է Էնգելսը,—ընդունակ էր մի քանի դարով անմարդաբնակ անել երկիրը և օրկել նրան իր ամբողջ քաղաքակրթությունից»⁶:

Սելջուկներն ու մոնղոլները երկար չէին մնում իրենց նվաճած երկրներում: Նրանք արագորեն թողնում էին այդ տերիտորիաները: Այլ էր թուրք-թաթարական հորդանների տիրապետությունը: Սրանք հանդիսացան է՛լ ավելի դաժան բռնակալներ:

Թուրքերի նախահայրերն ապրում էին Միջին Ասիայի տափաստաններում: Հինգ հարյուր տարվա ընթացքում հրի ու սրի մատնելով բազմաթիվ ժողովուրդների, թուրքական հորդանները դարձան Արևելքի հզոր տիրակալները, որոնք իրենց տիրապետությանը ենթարկեցին Աֆրիկայի, Ասիայի ու Եվրոպայի շատ ժողովուրդների: Նրանք Փոքր Ասիայում եկվորներ են: «Ժամանակագրական քաղվածքներ» աշխատության մեջ Կ. Մարքսը հաղորդում է, որ թուրքերն առաջին անգամ երևան են եկել իրենց գրաված ժամանակակից սահմաններում 1230 թվականից: Ուստի «գրեթե հենց այդ նույն ժամանակ,—գրում է Մարքսը,—թուրք օսմանցիների հորդան մուտք է գործում Փոքր Ասիա, որտեղ նախ և առաջ նրանք հիմնում են Ղարահիսար ավաղակային պետությունը»⁷:

Օսմանյան ցեղերը ձգտում էին տիրել բազմաթիվ ժողովուրդների, ասիմիլացնել նրանց և հաստատել իրենց համաշխարհային տիրապետությունը: Նրանք մեծ ախորժակ ունեին գրավելու Եվրոպան: Իրա համար պետք է ընդհարվեին այն ժամանակ իրենց առջև ծառայած Բյուզանդական կայսրության հետ, որի տերիտորիան կամուրջ էր՝ Եվրոպա ներխուժելու համար:

Թուրքական հորդանները արագորեն գրավեցին Պելեպոնեսն ու Ալբանիան, Ղրիմն ու Մոլդավիան, Պարսկաստանն ու Հայաստանը: Ասորիքը, Պաղեստինն ու Եգիպտոսը, Սիրիան, Հունգարիայի զգալի մասը, Միջագետքն ու Վրաստանը, մոտեցան Վիեննային:

XVII դարի սկզբից օսմանյան նվաճողների և պարսկական ցեղերի միջև տեղի ունեցան երկարատև պատերազմներ՝ Փոքր Ասիային և Անդրկովկասին տիրապետելու համար: Անդրկովկասի ժողովուրդները կանգնեցին նոր ու սարսափելի աղետների առջև: Պարսկաստանի Շահ Աբբաս I-ի բանակը 1603—1608 թվականներին գրավեց Ադրբեջանը, Հայաստանը և Արևելյան Վրաստանը:

2 «Մշակ», № 126, 1879.

3 Բաֆֆի, Սամվել, Հայպետհրատ, 1957, էջ 27.

4 Նույն տեղում:

5 Խ. Աբովյան, Վերք Հայաստանի, 1955, էջ 97.

6 К. Маркс и Ф. Энгельс. Сочинения, т. 9, Москва, 1957, էջ 132.

7 Архив К. Маркса и Ф. Энгельса, т. V, էջ 223.

Այսպիսով, Արևելքում կազմավորվեցին երկու հզոր ռազմա-ֆեոդալական տերություններ՝ օսմանյան և պարսկական, որոնք տևական կռիվների ճանապարհով 1639 թվականին վերջնականապես իրար մեջ բաժանեցին Հայաստանը և սահմանեցին իրենց արյունոտ տիրապետությունը:

Հայ ժողովրդի պատմության մեջ վրա հասան ամենամոռյալ ժամանակները: Թուրքիայի ներքին ուժերի բախումները, հպատակ ժողովուրդների ազատագրական շարժումները և 1683 թվականին Վիեննայի մոտ ստացած լուրջ հարվածը թուլացրին Օսմանյան կայսրության երբեմնի ռազմական հզորությունն ու փառքը:

1768—1774 թվականների ռուս-թուրքական պատերազմում Թուրքիայի կրած պարտությունը և Ռուսաստանի տարած հաղթանակը հզոր հարված էր օսմանյան հղիացած նվաճողներին:

Թուրքիայի դեմ Ռուսաստանի մղած պատերազմների հաջողությունները և հպատակ ժողովուրդների համակրության աճումն ու զարգացումը Ռուսաստանի նկատմամբ Անգլիային ու Ֆրանսիային մղեցին դեպի թուրքապաշտպանական դիրքը, Թուրքիային հովանավորելու քաղաքականության, որոնք ամենից ավելի մեծ շահեր ունեին Թուրքիայում:

1801 թվականին Վրաստանի միացումը Ռուսաստանին, 1813 թվականին կնքված Գյուլիստանի հաշտության պայմանագրերը Անգլիային ու Ֆրանսիային ավելի ու ավելի էին զազազեցնում Ռուսաստանի դեմ: Դրա համար էլ նրանք 1815 թվականին Վիեննայի կոնգրեսում սահմանեցին, այսպես կոչված՝ «Status quo»—Թուրքիայի անձեռնմխելիությունը, որը միաժամանակ ուղղված էր հպատակ ժողովուրդների ազատագրական շարժումների դեմ: Հետևապես, Անգլիայի ու Ֆրանսիայի այդ քաղաքականությունը հպատակ ժողովուրդներին ավելի էր մղում Ռուսաստանի գիրկը: Վիեննայի կոնգրեսից հետո եվրոպական տերությունների շահերի բախման հետևանքով, իր գործած բոլոր ոճրագործություններով հանդերձ՝ Թուրքիան մնաց կանգուն:

Անգլիական բուրժուազիայի ականավոր քաղաքագետ Լույդ Ջորջը «Ճշմարտություն հաշտության պայմանագրերի մասին» վերնագրով իր մեմուարներում Թուրքիայի մասին գրել է. «Թուրքերը կառավարում, ավելի ճիշտ՝ ճնշում էին աշխարհի ամենապտղաբեր ու փառապանծ երկրամասերի ժողովուրդներին: Նրանց կառավարչությունը ոչ մի հաջողություն չունեի նվաճած տերիտորիաներից և ոչ մեկում, և, ինձ թվում է, որ նրանք թերևս աշխարհի այն միակ

ժողովուրդն են, որի մասին այդ կարելի է ասել առանց որևէ վերապահության: Թուրքերը կառավարել են այն երկրները, որոնք եղել են քաղաքակրթության օրրաններ, քաղաքակրթության տաճարներ, իսկ նյութական տեսակետից, նրանք ժամանակին եղել են քաղաքակրթության շտեմարաններ: Այժմ այդ գեղեցիկ երկրները ամաչի անապատներ են... Մեծ նվաճում կլինի, եթե մենք այդ փառապանծ երկրներին վերադարձնենք իրենց նախկին մեծությունը, եթե նրանց հնարավորություն տանք կրկին մասնակցելու ամբողջ աշխարհի բարօրության ու ծաղկման ուղղությամբ կատարվող ընդհանուր աշխատանքին»⁸:

1768—1774 թվականների ռուս-թուրքական պատերազմի ժամանակ ռուսական կայսրուհի Եկատերինա II-ը և նրա հաջորդները ձգտում էին Թուրքիայի ջախջախմանը, նրա առաջխաղացումների կասեցմանն ու դեպի իր ելման կետը բշելուն: Բայց Անգլիան ու Ֆրանսիան սահմանեցին «Status quo» և դրանով իսկ լուրջ արգելք հանդիսացան հպատակ ժողովուրդների ազատագրական հակումներին:

«Status quo»-ն չկարողացավ խանգարել Ռուսաստանին՝ նոր պատերազմներ մղելու Թուրքիայի ու Պարսկաստանի դեմ: 1826—1828 թվականներին Ռուսաստանը հաղթանակ շահեց Պարսկաստանի դեմ մղված պատերազմում և Թուրքմենչայի պայմանագրով Արևելյան Հայաստանն ազատագրվեց պարսկական ֆեոդալների տիրապետությունից, և իր բախտը կապեց ռուս մեծ ժողովրդի հետ:

Ընդունելով Ռուսաստանի հպատակությունը, արևելահայ ժողովուրդը տնտեսական և կուլտուրական կապ ստեղծեց համեմատաբար ավելի առաջադեմ ժողովրդի հետ, որը Արևելքի նկատմամբ քաղաքակրթության ու պրոգրեսի միսիա ուներ:

Այսմղարյանը, Թաղիադյանը և Աբովյանը ողջունեցին Պարսկաստանի դեմ ռուսական զենքի տարած հաղթանակը, ջերմորեն ընդունեցին Արևելյան Հայաստանը Ռուսաստանին միացնելու պատմական ակտը: Նրանք հայ և ռուս ժողովուրդների անխախտ բարեկամության մեջ էին տեսնում նաև արևմտահայ հատվածի ազատագրությունը թուրքական բռնապետությունից: Խ. Աբովյանն այդ պատմական ակտը դիտում էր իբրև նոր դարագլուխ հայ ժողովրդի կյանքում:

«Սեր, խաղաղություն պահեն զամենայն
Զազգս և զազգինս ի բարօրության»⁹:

⁸ Ллойд Джордж. Правда о мирных договорах, т. 1, Москва, 1957, էջ 63.
⁹ Խ. Աբովյան, Երկերի լիակատար ժողովածու, հատ. 4, էջ 374:

1827 թ. հոկտեմբերի 12-ին Թիֆլիսից Երևան, Ներսես Աշտարակեցուն (1771—1857) ուղղած իր նամակով Ալամդարյանը ողջունեց Արևելյան Հայաստանը Ռուսաստանին միացնելու պատմական աղետը:

1828 թվականին Երևանի իր բարեկամներին ուղարկած նամակում, որն առաջին անգամ տպագրվել է 1880 թվականին «Փորձ» ամսագրում, Մեսրոպ Թաղիադյանը (1803—1857) գրում է. «Աչքներդ լույս, որ մեր քաղցր աշխարհքն պարսից դառն շարժարանքից ազատվեց, քրիստոնեա տէրութեան ներքո ընկավ: Փառք բարերարին Աստուծոյ, որ այսուհետև ան էլ նեղութիւն չեք ունենալու, ազատ քաղաքի քաղաքացի պիտի անուանիք, ձեր ազատագրութեան լուրն և արուեստից յառաջադիմութիւնն բոլոր աշխարհ պիտի տարածուին:

Իմ լա՛վ քաղաքացիք.—էսպէս երջանիկ բախտի, որ դուք եք պատահել, կարծեմ որ մեր նախնիքն ևս Արշակունի թագաւորութեան ժամանակն էլ չէին պատահել, գերա թէպէտ և թագավորութիւնն իւրեանցն էր, սակայն բարբարոսութիւն և զուլումն պակաս չէր»¹⁰:

Անկախ ռուսական ցարիզմի հետապնդած նվաճողական քաղաքականութիւնից, 1853—1856 թվականների Ղրիմի պատերազմի ժամանակ հայ ժողովուրդն ամեն կերպ օգնում էր Ռուսաստանին և նրա բանակի հաղթանակին: Հայ ժողովրդի զավակները, վրացիների ու ադրբեջանիցների հետ միասին քաջաբար կռվում էին ռուսական բանակի շարքերում, նյութապես ու բարոյապես աջակցում նրա հաղթանակին, որի հետ կապվում էր թուրքական բռնակալութեան տակ տառապող հայերի ազատագրութեան հույսը:

Անգլիան, Ֆրանսիան և Սարդինիայի թագավորութիւնը պաշտպանեցին Թուրքիային: Ռուսաստանը պարտութիւն կրեց: **Ուժի մեջ մնաց «Status quo»-ն.**

Անգլիան ու Ֆրանսիան կամենում էին կախման մեջ պահել Թուրքիան և նրան ծառայեցնել Ռուսաստանի դեմ: Թուրքիայում առաջացավ մի հոսանք, որն ուներ եվրոպական օրինատաղիա և կամենում էր եվրոպականացնել երկիրը: 1839 թվականին քանդիմաքը, 1856 թվականի Հաթթի-Հումայունը և 1876 թվականի Միդհատի Սահմանադրութիւնը այդ նպատակն էին հետապնդում:

¹⁰ «Կենսագրութիւն Մեսրոպայ Դավթին Թաղիադեանց Երևանցոյ», հավաքեց և խմբագրեց Տ. Հովհաննէս, Կ. Մկրտչ, Թիֆլիս, 1886, էջ 183:

Առաջացան երիտասարդ թուրքերը՝ պանիսլամիզմի և պանթուրքիզմի գաղափարախոսները, որոնք ջանում էին ասիմիլացնել Թուրքիայի բոլոր հպատակ ժողովուրդներին ու ցեղերին, դարձնել Թուրքիան միասնական ազգ՝ միասնական պետութիւն ստեղծելու դիտավորութեամբ: Այդ ուղղութեան ակնավոր ներկայացուցիչներից մեկն էր Ֆուադ փաշան, որը Աբդուլ Ազիզին թողած իր կտակ-նամակում (1869 թ.) Թուրքիայի գոյութեան անհրաժեշտ պայմանը համարում էր հպատակ ժողովուրդների միաձուլումը:

Աբդուլ Համիդի տիրապետութեան ժամանակաշրջանում (1876—1908 թթ.) Թուրքիան շարունակեց իր նախորդների քաղաքականութիւնը:

2

Թուրքիայում հպատակ ժողովուրդների համար ստեղծվել էին կյանքի ծանր պայմաններ: Առանձնապես ծանր էր հայ ժողովրդի դրութիւնը: Քրիստոնյաներն իրավազուրկ էին: Տնտեսական հարուստահարութիւնները, ազգային ու կրոնական հալածանքները, կյանքի ու զույգի անապահովութիւնը, մարդկային արժանապատիւթեան ու ընտանեկան պատվի արատավորումը,—այդ ժողովուրդներին պետք է մղեին, և իրոք մղեցին ազատագրական պայքարի ուղին:

Ռուսաստանի արևելյան քաղաքականութեան հաջողութիւնների հետ կապված հպատակ ժողովուրդները ավելի աշխուժացրին իրենց ազատագրական շարժումները թուրքական բռնապետութեան դեմ: 1804 թվականին պայքարի ելան սերբերը, 1821 թվականին զինված ապստամբութիւն բարձրացրին հույները, 1862 թ. օգոստոսին տեղի ունեցավ Զեյթունի հայութեան զինված ելույթը: Ապրտամբական շարժումներ տեղի ունեցան Զերնոգորիայում՝ 1862 թվականին, Կրետտում՝ 1866—1868 թվականներին, Բոսնիայում և Հերցեգովինայում՝ 1875 թվականին, Բուլղարիայում՝ 1876 թվականին, Զեյթունում՝ 1878—1879 թվականներին:

Թուրքական բռնապետութեան դեմ ուղղված հպատակ ժողովուրդների մղած ազատագրական շարժումները արդարացի էին: Իրենց ազատութեան նվաճման համար նրանք պետք է հենվեին մի զորեղ տերութեան օգնութեան վրա: Այդ տերութիւնը Ռուսաստանն էր:

Այդ նկատառումով 1877—1878 թվականների ռուս-թուրքական պատերազմը, իր պատմական օբյեկտիվ բերումով, անկախ ռուսա-

կան ցարիզմի նվաճողական դիտավորություններից,—պրոպագանդիստները խաղաղ: Նա ազատագրեց բալկանյան սլավոն ժողովուրդներին և նրանց հնարավորություն տվեց ընթանալու կապիտալիզմի ու կապիտալիստական հարաբերությունների հաստատման ու զարգացման ուղիով:

1877—1878 թվականների ռուս-թուրքական պատերազմը մի կողմից, բալկանյան ժողովուրդների ազատագրական շարժումները՝ մյուս կողմից, է՛լ ավելի բարձրացրին հայ աշխատավորական մասսաների ինքնագիտակցությունն ու ինքնաճանաչողությունը: Նրանք նույնպես ազատագրական պատերազմի ելան, օգնեցին ռուսական բանակին և ստեղծված պատմական կոնկրետ դրությունից ելնելով՝ Հայկական հարցի լուծումը կապում էին Ռուսաստանի օգնության հետ:

1878 թվականին Սան-Ստեֆանոյի հաշտության պայմանագրով Ռուսաստանն իր վրա վերցրեց լուծելու Հայկական հարցը: Այդ դաշնագրի 16-րդ հոդվածով Ռուսաստանը թուրքիային հարկադրում էր անհապաղ կիրառել բարենորոգումներ և ապահովել հայերի կյանքն ու գույքը թուրքական փաշաներից, քրդական բեկերից և շերքեղներից:

Արևմտասլավոնական մեծ տերությունները կռալիցիա կազմեցին Ռուսաստանի դեմ: 1878 թվականին Բեռլինի դաշնագրի 61-րդ հոդվածը հատկացրին Հայկական հարցին: Վեց տերությունների կոլեկտիվ խնամակալությանը հանձնվեց այդ հարցը, որի սնորոշությունից օգտվելով՝ սուլթան Աբդուլ Համիդը ձեռնարկեց հայերի ոչնչացումը՝ սրի, արտաքսման և ասիմիլյացիայի միջոցով:

Անգլիական բուրժուազիայի քաղաքականագետ Լյուդ Զորըը հարկադրված խոստովանեց, որ Հայաստանը միաժամանակ եղել է Անգլիայի քաղաքականության զոհը:

«Սան-Ստեֆանոյի դաշնագրի համաձայն, ռուսական բանակը պետք է օկուպացներ Հայաստանը,—գրում է նա,—բանի դեռ չէին կիրառվել անհրաժեշտ ռեֆորմներ: Այդ որոշումը փոխվեց 1878 թվականի Բեռլինի դաշնագրով, որը ամբողջապես մեր ձեռքման արդյունքն էր, և գուլաբանվեց մեր կողմից որպես Անգլիայի խոշորագույն հաղթական երթ և դիտվեց որպես պատվավոր հաշտություն... Հայաստանը մեր փառապանծ հաղթական սեղանի զոհ դարձավ»¹¹:

Լյուդ Զորըը միաժամանակ Անգլիայի վրա է բարդում հայերի ողբերգության հանցանքի պատասխանատվությունը: «...Մենք սվինք թուրքերին հնարավորություն կատարելու այդ հանցագործությունը, մեր վրա ընկավ բարոյական պարտք օգտագործելու առաջին իսկ առիթը, որպեսզի ուղղենք մեր կողմից թույլ տրված անարդարությունը և, որքանով կենքի մեր ուժը, անհնարին դարձնել այդ սարսափը, որի համար պատմությունը միշտ մեր վրա կբարդի հանցանքի պատասխանատվությունը»¹²:

Այսպիսով, Լյուդ Զորըը Անգլիային հանցավոր է համարում հայերի կոտորածների համար և գտնում է, որ այդ քաղաքականությունը ստիպել է հայերին՝ իրենց փրկության հույսը կապելու Ռուսաստանի օգնության հետ: Նա դառնություն էր ընդունեց, որ թուրքիայի հպատակ ժողովուրդները ազատագրվել են Ռուսաստանի օգնությամբ:

«Նրա (իմա՝ Ռուսաստանի—Ղ. Վ.) նախորդ պատերազմները մի մասին՝ հայկական լեռնաշխարհում: Եթե մեր շարաքաստիկ միջամտությունը չլիներ, այն ժամանակ, 1878 թ. Սան-Ստեֆանոյի դաշնագրով հայերի մեծամասնությունը կլիներ ռուսական դրոշի պաշտպանության ներքո»¹³:

Ռուսաստանն առաջին անգամ առաջ քաշեց և միջազգային քաղաքականության հարցերի շուրջը դասեց Հայկական հարցը: 1913 թվականին «Հորիզոն»-ում տպագրված «Հայկական հարցն ու իր լուծումը» հոդվածում Ղ. Թումանյանը գրում է, որ արևելյան երկու բռնակալական երկրների անտանների լծի տակ այդ հարցը դարձել է «արյունոտ և արցունքոտ» հարց¹⁴:

Մերկացնելով եվրոպական տերությունների շաղակրատություններն ու նենգ դիտավորությունները, Թումանյանը ցույց է տալիս, որ «տաճկահայ ժողովուրդը... եղել է եվրոպական պետությունների հակամարտության դժբախտ զոհերից մեկը և անպայման ամենադժբախտը»¹⁵:

Թումանյանը Հայկական հարցի լուծումը կապում էր Ռուսաստանի հետ և նրան համարում էր այդ հարցի լուծման ավանդական պաշտպանը: «Իրերի պատմական... դասավորությունից ափաշ-

12 Ллойд Джордж, Правда о мирных договорах, т. 1, էջ 390:

13 Նույն տեղում:

14 Ղ. Թումանյան, Երկերի ժողովածու, հատ. 4, Հայպետհրատ, 1951, էջ 226:

15 Նույն տեղում, էջ 226:

¹¹ Ллойд Джордж, Правда о мирных договорах, т. 1, էջ 389—390.

կարա պարզ է, — գրում է նա, — որ հայ ժողովուրդը պետք է լիներ ուսի հետ և իր կյանքի, գույքի ու պատվի պահպանության հույսը պետք է կապեր Ռուսաստանի հաջողությունների հետ»¹⁶:

Այսպիսով, Ռուսաստանն էր, որ առաջին անգամ առաջ քաշեց Հայկական հարցը՝ Սան-Ստեֆանոյի դաշնագրի 16-րդ հոդվածով և դրանով իսկ նրան միջազգային նշանակություն տվեց: Բայց այդ հարցը համանվթական կերպարանք ստացավ և միջազգային դիվանագիտության հարցերի շարքում դասվեց Բեռլինի դաշնագրի 61-րդ հոդվածով:

Հետևապես, ճիշտ չեն նրանք, ովքեր հայերի ազատագրական շարժումները շփոթում են Հայկական հարցի հետ: «Հայոց հարցի վավերագրեր»-ի ներածականում Վեոն գրում է. «Հայոց հարցը նույն-քան հին է, որքան ինքը հայ ազգը: Քրիստոսից 6 դար առաջ էր, որ հայ ազգը դուրս եկավ խավարի անհայտությունից պատմության լուսավոր ասպարեզը և հենց այդ առաջին քայլերի հետ նա անհայտությունից իր հետ դուրս է բերում իր ազգային գոյությունը պահպանելու մեծ հոգսը: Իսկ հայոց հարցը... հայ ժողովրդի ազգային գոյության հարցն է... Այսպիսով հայոց հարցի պատմությունը հայ ազգի պատմությունն է սկզբից մինչև մեր օրերը»¹⁷:

Սուլթան Համիդի կառավարությունը օգտվելով եվրոպական տերությունների հակամարտությունների սրումից, ուժեղացրեց հայերի նկատմամբ սոցիալական և ազգային ճնշումն ու հալածանքը, որի նպատակը հայերի բնաջնջումն էր, որը է՛լ ավելի էր բորբոքում հայերի ատելությունը թուրքական բռնապետության դեմ:

Ռուս-թուրքական պատերազմից հետո է՛լ ավելի ուժեղացան արևմտահայերի ազատագրական ձգտումները: Առաջանում են ազգային գաղտնի խմբակներ ու կազմակերպություններ:

1880-ական թվականներին ազգային-ազատագրական շարժումներ ծավալվեցին էրզրումում, Վասպուրականում, Ալաշկերտում և Սասունում: 1884 թվականին ազատագրական շարժում սկսվեց Զեյթունում և 1886 թվականին՝ Վանում: Ազգային-ազատագրական շարժումները ինքնարուխ էին: Նրանց վերելքը սուլթանական կառավարության հալաչինք քաղաքականության արգասիք էր:

Ազգային-ազատագրական շարժումներն է՛լ ավելի ուժեղացան 1890-ական թվականներին, երբ սուլթան Համիդի կառա-

վարությունն սկսեց կազմակերպել համիդիական քրդական զորագնդեր և ձեռնարկեց հայերի մասսայական կոտորածը:

Սուլթան Համիդի կառավարությունը սրի քաշեց ավելի քան 300 հազար անմեղ հայերի՝ եվրոպական տերությունների և Ռուսաստանի դիվանագետների աչքի առջև: Հայերի ազատագրական շարժումները ոչ մի հիմք չէին տալիս այդպիսի եղեռնագործությունների: Այդ էր Հայկական հարցի «լուծման» թուրքական եղանակը: Հայկական հարցն ապրեց իր ճգնաժամը:

Չնայած իրենց հայացքների ու նպատակների էական տարբերություններին, այնուամենայնիվ, Ռ. Պատկանյանը, Բաֆֆին, Գր. Արծրունին, Ս. Շահազիզը, Մ. Մամուրյանը, Մերենցը, Խրիմյանը, Փորթուզալյանը, Ա. Արփիարյանը և ուրիշներ, հանդիսանում էին ազգային-ազատագրական պայքարի գաղափարախոսները: Նրանց գաղափարախոսությունը ընդառաջ էր գնում հայ ազատագրական շարժմանը և պրոգրեսիվ էր:

Հայ հեղափոխական դեմոկրատական հոսանքը, որի երևան գալը կապված էր Մ. Նալբանդյանի անվան ու գործունեության հետ, մեր ժողովրդի ազատագրության հեռանկարը տեսնում էր ռուսական դեմոկրատական հեղափոխության հաղթանակի մեջ: Նա այդ հեղափոխության հաղթանակը միաժամանակ համարում էր բոլոր անշված ժողովուրդների ազատագրության նախադրյալը:

Հեղափոխական դեմոկրատական հոսանքը նշավակում էր արևմտահայ կղերա-պահպանողական հոսանքին, որը պաշտպանում էր սուլթանական կարգերը թուրքիայում և դատապարտում էր հայերի ազատագրական ձգտումները, նրանց ազատագրական շարժումներն ու գաղափարախոսությունը: Այդ հոսանքը քննադատում էր նաև արևմտահայ ազգային լիբերալների արևմտա-եվրոպական օրինետացիան, լիբերալներ, որոնք եվրոպական տերությունների դիվանագիտական միջամտության հետ էին կապում հայերի ազատագրությունը սուլթանական բռնապետությունից:

Արևելահայ ազգային լիբերալները և ազգային դեմոկրատները նմանապես կանգնած էին ռուսական օրինետացիայի դիրքերում և Ռուսաստանի օգնության հետ էին կապում արևմտահայ ժողովրդի փրկության հույսը: Բայց այդ հոսանքները ամենևին չէին կտրում իրենց հույսը եվրոպական դիվանագիտության օգնությունից: Մեծ տերությունների դեմ ուղղված նրանց քննադատությունը նպատակ ուներ ակտիվացնելու այդ տերությունների միջամտությունը:

16 Ն. Ռուսանյան, Երկերի ժողովածու, հատ. 4, էջ 226:

17 Առ. Հայոց հարցի վավերագրեր, Թիֆլիս, 1915, էջ 1:

Արևելահայ ազգային լիբերալները և ազգային դեմոկրատները լուրջ պայքար ծավալեցին կղերա-պահպանողական և ազգային պահպանողական հոսանքների դեմ, որոնք նույնպես դեմ էին հայերի ազգային-ազատագրական պայքարին ու նրա գաղափարախոսությանը և արևմտահայ ժողովրդի ազատության հույսը կապում էին արևմտաեվրոպական տերությունների դիվանագիտության միջամտության հետ:

Արևմտահայ ազգային դեմոկրատական ուղղության կողմնակիցները, ուսական ցարիզմի հակահայկական, ազգային ճնշման քաղաքականության դեմ էին զայրացած: Եվ այդ էր պատճառը, որ նրանք դեմ էին ուսական օրիննտացիային: Բայց նրանց մեջ գտնվեցին այնպիսիները, որոնք կարողացան հասկանալ, որ աշխատավորական Ռուսաստանը և միապետական Ռուսաստանը միևնույն բանը չեն: Նրանք կանգնեցին ուսական օրիննտացիայի դիրքերում: Այդպիսիք էին Մ. Մամուրյանը (որոշ դեպքերում ներով), Ա. Արփիարյանը, Ծ. Օտյանը և ուրիշներ:

Արփիարյանը իրավացի կերպով նշում է, որ «Ազգային քաղաքականության կողմնացույցը դեպի Ռուսիա կը հակեն...»¹⁸: Մեղադրելով Անգլիային, Արփիարյանը ցույց է տալիս, որ նա իր շահագիտական քաղաքականությամբ ձախողում է Բեռլինի դաշնագրով հայերին խոստացված բարենորոգումները:

Արփիարյանը խիստ կերպով նշավակում էր արևմտահայ լիբերալներին, որոնք Բեռլինի կոնգրեսից հետո ոչ մի հետևություն չարին և նորից հայ ժողովրդին կերակրում էին կոլեկտիվ խնամակալության սին խոստումներով և աշխատում էին նրան շեղել ուսական օրիննտացիայից: «...Նոքա որք ուրիշ գործ չարին,—գրում է նա,—բայց միայն Ռուսիո դեմ որոտալ, մի՞թե այսօր Հայաստանի վիճակն չնկատելով չպիտի հարցնեն ինքնին թե ի՞նչ շահեցանք:—Դեռ խրատվելու ժամը չհասա՞վ մեզ համար»¹⁹:

Մերկացնելով ուսական ցարիզմի հակահայկական քաղաքականությունը, Արփիարյանը շեր շփոթում ուս ժողովուրդը ռեակցիոն ցարիզմի հետ: Նա բարձր է գնահատում ուս ժողովրդին ու նրա պրոգրեսիվ մտավորականներին: Նա ուս ժողովրդին համարում էր բոլոր ճնշված ժողովուրդների բարեկամը: Ուստի, գրում է նա, «Երիտասարդ, լի կորովով կերևի ուս ժողովուրդը»²⁰:

18 «Մշակ», № 77, 1879.

19 «Մշակ», № 80, 1879.

20 «Մասիս», № 3736, 1884, էջ 194.

Հակառակ ուս ժողովրդի ապաշնորհ կառավարողների ռեակցիոն քաղաքականության, մամուլի, գրականության և առաջավոր մտածողների նկատմամբ գործադրած հալածանքների, Արփիարյանը ուս ժողովրդի մեջ տեսնում էր պոտենցիալ ուժ ու եռանդ՝ այդ ամենի հետ հաշվեհարդար կատարելու համար:

Այդ ամենի հետ միասին «Ռաֆֆի և հայ վիպասանությունը» խորագիրը կրող հոդվածաշարում Արփիարյանը գտնում էր, որ Ռուսաստանում գրական խոշոր դեմքերն ավելի բարձր են գնահատվում: «Ռուսիո հայոց մեջ գրական անձինք միշտ կանգնած են բարձր պատվանդանի վրա,—գրում է նա,—և ժողովուրդը կարգարացնե նոցա անուններն անկեղծությամբ և համակրանք: Ռուս ժողովուրդը մեծապես նպաստած է այս զգացման և գաղափարաց զարգացմանն ի հայս: Հրապարակախոս, վիպասան, պատմաբան, գրականության ամեն ճյուղերուն պատկանող անձնավորությունք վայելած են ամեն ատեն ուս ազգին սերը, և իրենց ազդեցությունը միշտ մեծ եղած է իրենց ազգին վրա: Ռուս ազգը մին է ի նոյսանե. որք ինչքան ալ թերությունք ենթակա լինի, բայց և այնպես հայրենյաց սերը իրենց առաքինությանց զլիսավորն է: Հայրենասեր ժողովուրդ մը պետք է նաև լինի գրասեր: Ազգային ոգու զարթնում և ազգային գրականության բարգավաճում ժամանակակից են միմյանց»²¹:

Այսպիսով, Արփիարյանը տեսնում էր ուս ժողովրդի մեջ աճող ցասումը բնորոշ բռնակալության:

Բեռլինի կոնգրես մեկնած հայ պատվիրակության քարտուղար և թարգման Մինաս Չերազը ամեն կերպ փորձում էր ապացուցել, որ հայոց պատրիարքարանի և պատվիրակության խնդրագրերի քաղաքականությունը եղել է ճիշտ և դեմ էր հայերի ազատագրության հույսը Ռուսաստանի օգնության հետ կապելուն:

Քննադատելով Չերազին, Չոբանյանը իրավացիորեն ցույց է տալիս, որ ո՛չ արևմտաեվրոպական տերությունների և ո՛չ էլ Անգլիայի սին խոստումների մեջ է հայ ժողովրդի փրկությունը, նրա ֆիզիկական ու բարոյական գոյությունը, այլ «Ամենն ավելի Ռուսիո մեջ է, որ պետք է մկրտել այդ բարոյական ամենակարևոր գործունեությունը»²²:

Անգլո-Հայկական ընկերության «Լ. Արմենիա» թերթի խմբագիր պրոֆեսոր Կ. Թումայանը, որը իր «Պատմություն Արևելյան խնդրու

21 «Մասիս», № 3737, 1884, էջ 215.

22 «Անահիտ», № 4, Փարիզ, 1899, էջ 84.

և առաջնորդ Հայկական հարցի» երկհատորանոց աշխատության մեջ լուրջ քննադատության է ենթարկում եվրոպական տերությունների արևելյան քաղաքականության շահադիտականությունը, գրում է, որ հայ ժողովուրդը դժ է եղել այդ քաղաքականությունը, բայց և այնպես հանգում է սխալ եզրակացության, մերժում է ռուսական օրինենտացիան, Ռուսաստանի հետ չի կապում հայ ժողովրդի ազատագրության հարցը և օբյեկտիվորեն մնում է թուրքական օրինենտացիայի վրա կանգնած մտավորականների դիրքերում:

Բացասաբար տրամադրված լինելով ռուսական ցարիզմի նկատմամբ, Թումայանը չկարողացավ տեսնել աշխատավորական Ռուսաստանը, որի ազատագրությունը պետք է նախապայման հանդիսանար նաև հայ ժողովրդի ազատագրության: Նա խորհուրդ էր տալիս թուրքական իշխանություններին՝ հայերին տալ ինքնավարություն՝ Թուրքիայի հովանավորության ներքո, որպեսզի նրանք չհակվեն դեպի Ռուսաստանը: «Հայոց համակրությունը և հավատարմությունը եղած է դեպի օսմանյան պետությունը: Հայք բնականաբար Ռուսիային նախապատիվ կը համարեին Թուրքիան»²³:

Թումայանի դատողության իմաստը պարզ է ու հասկանալի: Նա ցավում էր, որ Արևելյան Հայաստանը միացվեց Ռուսաստանին և թուրքական կառավարողներին նախազուգուցնում էր Արևմտյան Հայաստանը չկորցնելու համար: Ըստ նրա ստացվում է, որ հայերի ու թուրքական կառավարողների հարաբերությունները վատացան միայն Աբդուլ Համիդի տիրապետության ժամանակ, երբ նա հրաժարվեց նրանց տալ ինքնավարություն և իրագործել Բեռլինի դաշնագրով նախատեսված բարենորոգումները: Սա առնվազն պատմության կեղծումն է: Չէ՞ որ շուրջ 500 տարի հայ ժողովուրդը հերոսաբար կռվել է պարսկական ու թուրքական բռնապետական կարգերի դեմ՝ հանուն իր կյանքի, գույքի ու պատվի, հանուն իր ազգային ինքնուրույնության, իր կուլտուրայի անխափան զարգացման, հանուն իր ազատության:

Թումայանը և ընդհանրապես անգլիական օրինենտացիայի դիրքերում կանգնած հոսանքներն ու քաղաքական գործիչները չէին ուզում ընդունել, որ Թուրքիայի ու Ռուսաստանի միջև տեղի ունեցած պատերազմների ընթացքում հայերի համակրանքը պետք է լիներ և էր Ռուսաստանի կողմը:

²³ Կ. Թումայան, Պատմություն Արևելյան խնդրի և առաջնորդ Հայկական հարցին, հատ. Ա, Էդուդոն, 1905, էջ 152—159:

«Մասիս»-ի խմբագիր-տնօրեն Բյուզանդ Քեչյանը ռուսական օրինենտացիայի հակառակորդ էր և դատապարտում էր Արևելյան Հայաստանը Ռուսաստանին միացնելու պատմական ակտը: «...Հայոց ազգային ճշմարիտ շահը նկատելով,—գրում էր Քեչյանը,— որ կուզեմք ուշադրություն հրավիրել Ռուսիո շնորհած ազատությանց կասկածելի հանգամանաց վրա: Այդ ազատությունք երաշխավորյալ չեն. ուստի չեմք կըրներ քաղաքական ծրագիր մը հիմնել նոցա վրա. ասկից զատ այդ ազատությունք քաղաքական դրդմամբ արված են, հետևաբար, անկեղծ չեն, կասկածելի են»²⁴:

Բյուզանդ Քեչյանի, Յուսուֆյանի, Շիշմանյանի (Մերենց) և «Արևելք»-ի վարչության մյուս լիբերալ անդամների—«Մասիս»-ի շուրջը համախմբված լիբերալների սխալ դիրքավորումների դեմ ճիշտ էին պայքարում Արփիարյանը և նրա գրչակիցները, ճիշտ էին պայքարում արևելահայ ազգային լիբերալները և, հատկապես, նրանց առաջնորդ Գր. Արծրունին:

Այդ օրգանների շուրջը համախմբված լիբերալներն ուղղակի դեմ էին հայերի ազգային-ազատագրական պայքարին ու նրա գաղափարախոսությանը, քարոզում էին հայերին կույր հնազանդություն Օսմանյան կայսրությանը և նրանց նյութական ու բարոյական զարգացումը պայմանավորում էին այդ կայսրության անսասանությամբ: Նրանք գտնում էին, որ հայ ժողովուրդը յուր «նյութական ու բարոյական բարեկեցության» զարգացումը «օսմանյան փառապանծ գահույն ներքև միայն կըրնա գտնել»²⁵, որ հայերը թուրքական կայսրության «հովանավորության ներքև կասկածվեն իրենց բարոյական և նյութական ամենայն հառաջադիմությունք ու բարօրությունք»²⁶:

Արևելահայ ազգային պահպանողական հոսանքները կանգնած էին արևմտահայ ազգային-լիբերալների դիրքերում, դեմ էին ռուսական օրինենտացիային, պաշտպանում էին Թուրքիայում գոյություն ունեցող կարգերը, դատապարտում էին հայերի ազատագրական պայքարն ու նրա գաղափարախոսությունը:

«Կոունկ»-ի խմբագիրներն ու հրատարակիչները ողջունեցին դաշնակից տերությունների՝ Անգլիայի, Ֆրանսիայի ու Թուրքիայի հաղթանակը 1853—1856 թվականների Ղրիմի պատերազմում: «Պետք է հուսանք,—գրում է «Կոունկ»-ը,— որ Ֆրանսիո, Անգլիո և

²⁴ «Մասիս», № 2781, 1880:

²⁵ «Արևելք», № 1459, 12(24) նոյեմբերի, 1888:

²⁶ «Կոունկ հայոց աշխարհի», 1863, Քիֆլիս, էջ 616:

Տաճկաստանի ընդդեմ հյուսիսի հսկային արած փառավոր պատերազմից հետո, 1854-ից մինչև 1856 Տաճկաստանի քրիստոնյայք առհասարակ և մասնավորապես հայք մի նոր թվական կը վայելին, և իրենց վիճակը քիչ շատ կը լավանա և իրենց մտավորական և ընկերական կործանված վիճակից կվերականգնեն և իրենց տգիտությունից և թշվառությունից կպրծնեն»²⁷:

Ղրիմի պատերազմում դաշնակից տերությունների հաղթանակը Ռուսաստանի դեմ է՛լ ավելի ամրապնդեց թուրքիայի խախտված դիրքերը և է՛լ ավելի վատացրեց հպատակ ժողովուրդների դրությունը:

Կ. Շահնազարյանը դատապարտում էր հայերի այն ջանքերը, «որոնք տեղի ունեցան Հայաստանում անցկացած դարում և որոնք հայերուն փոխանակ մի կանոնավոր գոյություն տալու, հեշտացրին Պարսկաստանի կործանումը և ուսաց հաստատվիլն այս երկրում»²⁸: Արևելյան Հայաստանի ազատագրումը պարսկական բռնապետությունից նա համարում էր մի շարիք, որը նրան «դատապարտեց ավելի դաժան մի ստրկություն»²⁹:

«Մեղու Հայաստան»-ի առաջնորդողը գտնում էր, որ թուրքիայի (կիսալուսինի) «Դրոշակի տակ ապրողներն սկսում են վայելել... մարդկային բոլոր իրավունքները»³⁰: Նա պահանջում էր լինել խոհեմ ու հնազանդ թուրքական կառավարությանը, որով հայերը կարող են իրենց համար հանգիստ կյանք նվաճել: Նա դեմ էր հայերի ինքնավարության պահանջին, պատճառաբանելով, թե հայերը Հայաստանում «մի նշանավոր մեծություն չեն կազմում»³¹: Նա Հայաստանը համարում էր լոկ աշխարհագրական հասկացողություն, ասում էր այն, ինչ ասում էին թուրքական կառավարողները:

Դիմադարձ լինելով արևմտահայ ազատագրական շարժման նկատմամբ, քարոզելով հայերին կույր հնազանդություն թուրքական բռնապետությանը, այդ հոսանքները արգելք էին դառնում հայերի ազատագրության գործին:

Արևելահայ լիբերալները շարունակեցին «Հյուսիսափայլ»-ի ուսական օրինատացիայի գիծը՝ Ստ. Նազարյանցի գիծը, հայ ժողովրդի ազատագրության հույսը կապեցին Ռուսաստանի օգնու-

թյան հետ և գաղափարական ուղղություն տվին հայ ազատագրական շարժմանը, անհաշտ պայքար ծավալեցին բոլոր այն հոսանքների ու քաղաքական գործիչների դեմ, ովքեր հայ ժողովրդի գոյությունը պայմանավորում էին թուրքիայի գոյությամբ, ովքեր դիմադարձ էին լինում հայ ազատագրական շարժումներից:

Շարունակելով նազարյանցի գործը, արևելահայ ազգային լիբերալները, անկասկած, նայում էին դեպի միապետական—բուրժուական Ռուսաստանը: Բայց նրանց վերջրած կուրսը ճիշտ կողմնորոշում էր տալիս արևմտահայ հատվածին:

Գր. Արծրունին գտնում էր, որ ուսական բանակը մեծ միսիառնի Արևելքում. «Ռուսաց զորքերը կոշումն ունեն այս բոպեխ սեվրոպական քաղաքակրթության մի լայն ճանապարհ բաց անելու դեպի Արևելք»³²:

Գր. Արծրունին նշում էր, որ 61-րդ հոդվածից հետո «թուրքաց հայերը ավելի վատ դրության մեջ են», որ «Անգլիան ստանալով Կիպրոսը և մի քանի բազաներ Բոսֆորի վրա, այլևս չէր պնդում թուրքիայի քրիստոնյաներին մարդավայել իրավունքներ տալու անհրաժեշտության վրա»³³:

Այսպիսով, Գր. Արծրունու ժամանակաշրջանում նշանակալից է եղել արևելահայ ազգային-լիբերալների խաղացած դերը հայ ազատագրական շարժման ու նրա գաղափարախոսության պրոպագանդման բնագավառում:

3

1880—1890-ական թվականներին հայերի տնտեսական ու հասարակական-քաղաքական կյանքում տեղի ունեցած հեղաբեկումների և սուլթանական բռնապետության դեմ արևմտահայ հատվածի ուժեղացած ազգային-ազատագրական շարժման ժամանակաշրջանում առաջ եկան ազգային-քաղաքական կուսակցություններ՝ Արմենականներ (1885 թ.), Հնչակյաններ (1887 թ.), Դաշնակցություն՝ (1890 թ.), որոնք նմանապես դրսևորեցին իրենց վերաբերմունքը Հայկական հարցի կամ արևմտահայերի ազատագրության նկատմամբ:

Այս քաղաքական հոսանքները, անկասկած, բարյացակամորեն էին տրամադրված դեպի արևմտահայ ժողովուրդը, դեպի նրա

27 «Կոունկ Հայոց աշխարհի», 1886, Թիֆլիս, էջ 616:
28 Նույն տեղում:
29 Նույն տեղում:
30 «Մեղու Հայաստանի», № 37, 1879:
31 «Մեղու Հայաստանի», № 17, 1879:

32 «Մշակ», № 45, 1876:
33 «Մշակ», № 29, 1881:

ազատագրութիւնը: Սակայն տարբեր էր նրանց գործելակերպը, նրանց տակտիկան: Հնչակյանների ու դաշնակցութեան գործադրած տակտիկան սխալ էր ու երբեմն՝ վնասակար: Համեմատաբար արմենականները տակտիկական ճիշտ դիրքավորում ունեին:

Իննելով անհեռատես քաղաքագետներ, խաբւելով արեւմտաեվրոպական դիվանագիտութեան սին խոստումներից, հայ ժողովրդի ազատագրութիւնը կապելով այդ դիվանագիտութեան միջամտութեան հետ, անժամանակ ցույցերի ու դավադրութիւնների եղանակով հայ ազգային կուսակցութիւնները կամենում էին ակտիվացնել եվրոպական տերութիւնների միջամտութիւնը հայկական դատի նկատմամբ: Իրականում այդ տերութիւններն օգնում էին Թուրքիային և Հայկական հարցը ծառայեցնում էին իրենց զավթողական նպատակներին:

«Կողմնորոշված դեպի իմպերիալիստական տերութիւնների այս կամ այն խմբակցութիւնը, — գրում է Աշոտ Հովհաննիսյանը, — բուրժուական կազմակերպութիւնները հրահրում էին թուրքահայ մասսաների ապստամբական ելույթները սոսկ որպէս պետութիւնների զինական կամ դիվանագիտական միջամտութիւնն առիթելու միջոց: Թուրքահայ ժողովրդի բախտը ստորագրվում էր իմպերիալիստների քաղաքականութեանը, որի վարքագիծը գործնականապէս հանգում էր ոչ թէ թուրքահայերի ազատագրման, այլ նրանց բնաջնջման՝ թուրք բարբարոս կառավարութեան կազմակերպած ջարդերի միջոցով»³⁴:

Արեւմտահայ ժողովրդի ազատագրութեան հարցի նկատմամբ միանգամայն յուրահատուկ գիծ են ունեցել հայ հեղափոխական մարքսիստները, որոնք ղեկավարվում էին մարքսիզմ-լենինիզմի հեղափոխական թեորիայով ու պրոլետարական ինտերնացիոնալիզմի սկզբունքներով:

Բարձր գնահատելով թուրքական բռնապետութեան դեմ ուղղված հայ ժողովրդի ազատագրական պայքարը, հեղափոխական մարքսիստները միաժամանակ նրան հասկացնում էին, որ հայ ազգայնականների նախընտրած ուղին չի կարող լավ հետևանքների հասցնել: 1903 թվականին Կովկասյան միութենական կոմիտեն ողջունեց պայքարող հայ ժողովրդին և արտահայտեց իր վստահութիւնը նրա շուտափուլից ազատագրութեան համար:

Ղեկավարվելով պրոլետարական ինտերնացիոնալիզմի անխախտ սկզբունքներով, հեղափոխական մարքսիստները համագործակցում էին բոլոր ճնշված ժողովուրդների հետ՝ ընդգեմ բռնակալներին: Նրանք մասսաներին նախապատրաստում էին հեղափոխութեան համար, հայ ժողովրդին համախմբեցին ցարիզմի ու բուրժուազիայի դեմ ծավալված հեղափոխական շարժման մեջ, շարժում, որը հասցրեց Ռուսաստանում շահագործողների տիրապետութեան տապալման ու պրոլետարիատի դիկտատուրայի հաստատմանը, որի շնորհիվ հայ ժողովուրդը փրկվեց ֆիզիկական բնաջնջումից և կանգնեց ազգային վերածննդի ուղու վրա:

Այսպիսով, ձեռնարկելով սույն մենագրութիւնը, մենք նպատակ ենք ունեցել բացահայտելու և մերկացնելու սուլթանական կառավարութեան շար դիտավորութիւնները Բեռլինի կոնգրեսից հետո հայերի բնաջնջման գործում, մերկացնելու եվրոպական մեծ տերութիւնների դիվանագիտութեան խարդախութիւններն ու շահագիտականութիւնը Հայկական հարցում, ապացուցել սուլթանական բռնապետական կարգերի դեմ ուղղված հայերի ազգային-ազատագրական պայքարի արդարացիութիւնը և երևան հանելու հայ հասարակական-քաղաքական հոսանքների դիրքավորումը այդ հարցում:

Ինդրի հաջող լուծման համար մենք օգտագործել ենք մարքսիզմ-լենինիզմի կլասիկների, հայ առաջավոր մտավորականների բազմաթիւ աշխատութիւններն ու հրապարակախոսական ելույթները, հայ պարբերական մամուլը, կենտրոնական և տեղական արխիվային բազմաթիւ նյութեր ու փաստեր, որոնցից շատերը նոր են մտնում գիտական շրջանառութեան մեջ, ուսերեն թարգմանված եվրոպական հասարակական-քաղաքական գործիչների աշխատութիւնները հայերի ու Հայկական հարցի մասին և այլն: Օգտագործված շատ հեղինակների ու հոսանքների ներկայացուցիչների աշխատութիւնների նկատմամբ ցուցաբերել ենք քննական մոտեցում՝ մեկնելով պատմական գիտութեան կուսակցականութեան լենինյան սկզբունքից:

³⁴ Աշոտ Հովհաննիսյան, Նախընտրանք և նրա ժամանակը, Հայպետհրատ, 1956, հատ. 2, էջ 572:

ԱՐԵՎՄՏԱՀԱՅԵՐԻ ՏՆՏԵՍԱԿԱՆ ԵՎ ԻՐԱՎԱ-ՔԱՂԱՔԱԿԱՆ
ԴՐՈՒԹՅՈՒՆԸ ՌՈՒՍ-ԹՈՒՐԲԱԿԱՆ ՊԱՏԵՐԱԶՄԻ ՆԱԽՕՐՅԱԿԻՆ
(1850—1870-ԱԿԱՆ ԹԹ.)

1

Արևմտահայերի տնտեսական և իրավա-քաղաքական ծանր դրությունը սերտորեն կապված էր Թուրքիայում իշխող հասարակական, պետական կարգերի գոյության հետ: Թուրքիան իրենից ներկայացնում էր ֆեոդալական հետամնացության և արևելյան բռնապետության մարմնացումը:

Թուրքիայում տիրապետող և ներքուստ փտող ասիական բարբարոս, բռնապետական կարգը չէր համապատասխանում երկրի հասարակական-քաղաքական կյանքի զարգացման առաջընթացին, լուրջ արգելք էր հանդիսանում երկրի արտադրողական ուժերի, մարդկանց ու ժողովուրդների ստեղծագործական ունակությունների ծավալմանն ու զարգացմանը:

Մարքսն ու էնգելսը Թուրքիայում տիրապետող բռնապետական կարգը անհամատեղելի էին համարում քաղաքակրթության զարգացման ու կապիտալիստական կարգերի հետ:

Ֆեոդալական հարաբերությունների, ֆեոդալական կարգերի լիկվիդացման հետ միասին, կապիտալիզմն իր հետ բերում է նաև ճնշված ժողովուրդների ազգային գիտակցության արթնացումը, նրանց ազգային-ազատագրական պայքարը գոյություն ունեցող բռնակալական կարգերի դեմ՝ իրենց ազատ ու անկախ զարգացման համար: Մարքսն ու էնգելսը Թուրքիայում իշխող պետական կարգը և ֆանատիզմը համարում էին կապիտալիզմի ու կապիտալիստա-

կան հարաբերությունների զարգացման, ժողովուրդների քաղաքակրթության լուրջ արգելքներ:

Թուրքիայում և հատկապես նրա եվրոպական մասում առևտուրն ու արդյունագործությունը ծավալվում էր հպատակ ժողովուրդների՝ սլավոնների, հույների, հայերի և հրեաների նախաձեռնությամբ: Քաղաքակրթություն տարածողը նրանք էին: «Թուղ հեռացնեն եվրոպայից բոլոր թուրքերին,—գրում է էնգելսը,— առևտուրը դրանից չի տուժի»¹:

Հույները, սլավոնները, հայերը, հրեաները իրենց կապիտալով, առևտրական ու արդյունագործական գործողություններով նշանակալից դեր էին խաղում Թուրքիայում: Առանձնապես նշանակալից դեր էր խաղում հայ կոմպրադորական բուրժուազիան՝ Թուրքիան կապիտալիստական շրջապտույտի մեջ ներքաշելու ուղղությամբ: Եվ, պատահական չէր, որ Կոստանդնուպոլսի և Տրապիզոնի «հույն և հայ վաճառականները,—գրում են Մարքսն ու էնգելսը,— մեծ քանակությամբ անդլիական գործարանային ապրանքներ են ներմուծում, որոնք, շնորհիվ իրենց ցածր գների, արագ կարգով շրջանառությունից դուրս են վանում ասիական հարեմների տնային ինդուստրիայի ապրանքները»²:

Թուրքիայում եղան եվրոպական քաղաքակրթության կողմնակիցներ: Սակայն նրանք փոքրաթիվ էին: 1834 թվականի հողային ռեֆորմը, 1839 թվականի Թանզիմատը, 1854, 1856 թվականների օրենսդրական ակտերը, 1858 թվականի հողային ռեֆորմը և 1876 թվականի Սահմանադրությունը կապիտալիզմի զարգացման արգելքները վերացնելու թույլ փորձեր էին: Այդուհանդերձ, դրանք մնացին որպես օրենսդրական ձևական ակտեր և ամենևին չխախտեցին ֆեոդալիզմի հիմքերը:

Թուրքական սուլթանները հենվում էին խոշոր կալվածատերերի վրա, արտահայտում էին նրանց կամքն ու ցանկությունը, որոնց համար խորթ ու վնասակար էր քաղաքակրթությունը: Այդ առումով էլ Մարքսի խոսքերով ասած՝ Օսմանյան կայսրության անխուսափելի անկումը միայն նրան այս կամ այն ճանապարհով գցելու էր եվրոպական քաղաքակրթության գեոիշխանության տակ:

Ոչ մի երկրում ժողովրդական մասսաները և հատկապես հպատակ ժողովուրդները այնքան ճնշման, հարստահարությունների ու

իրավագրկման չէին ենթարկվում, որքան Թուրքիայում: Բացառիկ կերպով ծանր էր հայ ժողովրդի վիճակը:

Թուրքիայում գոյություն ունեին բազմաթիվ հարկեր ու սուրքեր, որոնց գանձումները կատարվում էին քմահաճ եղանակով, օրենքի բոլոր տարրական նորմաների խախտման ճանապարհով: Աշխատավորներից գանձվում էին.

1. Եմլակ կամ հողային սուրք, 2. աշար կամ տասանորդ, 3. Թեմեթթահաթ կամ առևտրական սուրք, 4. աղնում՝ ուշխանների և մյուս մանր կենդանիների գլխատուրք, 5. մաորիֆ հրսասի՝ դպրոցական սուրք, 6. բեդելի ասկերիե՝ զինվորական սուրք, 7. շենքերի սուրք, 8. ժառանգական սուրք, 9. ճանապարհների և կամուրջների սուրք, 10. աղի, մետաքսի, ծխախոտի պլանտացիաների սուրք, 11. դրոշմաթղթի սուրք, 12. մաքսային սուրք և 13. զանազան ուրիշ սուրքեր³:

Հարկային այսպիսի ծանր լուծ էին կրում աշխատավորները և հատկապես հպատակ ժողովուրդները: Քրիստոնյաները մինչև թանդիմաթը, պարտավոր էին վճարել նաև գլխահարկ կամ խարջ, որը թուրքական կառավարողները ժառանգություն էին ստացել ասիական իրենց զավթած երկրներից: «Ասիական այն երկրներում,—գրում է Թ. Ավդալբեկյանը,—որ նախորդ պետություններից նվաճել էր Տաճկաստանը,—սա գլխահարկը ժառանգություն ստացավ խարջ անունով»⁴:

Թուրքիայում հողահարկն էլ խարաջ էր անվանվում, որի հետևանքով հարկման ենթակա հողերը կոչվում էին խարջիե՝ «տարբերվելով աշար (տասանորդ) վճարող հողերից, որոնք այս բառով կոչվում էին ուշրիե»⁵:

Հարկերի ու սուրքերի գանձումները տրվում էին բարձր աստիճանավորների մերձավորներին՝ կապալով: Այդ կապալառուները ուղղակի կեղծում էին աշխատավոր մասսաներին՝ ընդհանրապես, և հայ ժողովրդին՝ մասնավորապես:

1876 թվականին Կ. Պոլսի հայոց պատրիարքարանի հրատարակած «Տեղեկագիրք»-ում արձանագրված են գավառահայության

3 Տե՛ս Ա. Կարինյան, Հին Թուրքիան և Թուրքահայաստանը, «Նորք», № 1—2, 1926, էջ 158:

4 Քաղ. Ավդալբեկյան, Գլխահարկը Թուրքիայում 17—18-րդ դարերում, հայ պատմագրության տվյալներով (տե՛ս «Պատմա-բանասիրական հանդես», № 1, Երևան, 1959), էջ 175:

5 Նույն տեղում:

¹ К. Маркс и Ф. Энгельс. Сочинение, т. 9, Москва, 1957, էջ 25:

² Նույն տեղում, էջ 12:

նկատմամբ կապալառու հարկահավաքների և թուրքական տեղական պաշտոնյաների գործադրած հարստահարությունների, կամայականությունների, դուշբի հափշտակման ու պատվի արատավորման բազմաթիվ դայրացուցիչ փաստեր:

Պատրիարքարանին ուղարկած իրենց նամակներում հայ գյուղացիները գրում են.

«Կիները և անշահաճաս մանուկները բռնաբարվում են մահմեդական կրոն շրնդունելու համար:

Ոչ-մահմեդականները վկայությունը շրնդունելով, մահմեդականների՝ հայերի վերաբերմամբ կատարած առևանգությունները, գողություններն ու սպանությունները մնում են անպատիժ:

Ձինյալ քրդերի, լեռնաբնակ ցեղերի, շերքեզների և բնիկ թուրք դերբեջների (ինքնիշխան բռնակալ) և այլ հարստահարողների ներքո հայ ժողովուրդը տանջվում և կեղեքվում է:

Կիները, հարսները, այլև կույս աղջիկները առևանգվելով՝ բռնաբարվում են»⁶:

Փաստերը ցույց են տալիս, որ գավառահայությունը թուրքիայում իրավազուրկ էր: Թուրքական կառավարությունը և նրա տեղական իշխանության բռնակալները ստեղծել էին ճորտային պայմաններ աշխատավորների համար: Զանազան հարկերի միջոցով թուրքական պետությունը խլում էր գյուղացիության եկամուտի 67 տոկոսը, չհաշված տեղական իշխանությունների և քրդական բեկերի ապօրինի գանձումները:

«Իսլամը 19-րդ դարում» վերտառությամբ իր գրքի ներածականում գերմանացի Վամբերին, ուսումնասիրելով թուրքիայի աշխատավոր մասսաների գոյավիճակը, տեսնելով թուրքիայում տիրող համատարած աղքատությունն ու ժողովրդական մասսաների իրավազրկությունը, դիմելով իր ընթերցողներին, հարցնում է. «Մեզանից ո՞վ կարող է ընկճել այն ցավակցական զգացմունքը, որ ծագում է մարդու մեջ, տեսնելով սարսափելի աղքատությունը շատ անգամ բնության հարուստ պարագաների մեջ, տեսնելով սրամիտ և մտավորապես ընդունակ արևելցուն անկարող յուրյան հասարակական ցավերը դարմանելու, ուր շոալությունամբ զարդարված հոյակապ պալատների մոտ ցեխի և աղքատության մեջ թաթախված ողորմելի խրճիթներ են կեցած, ուր միլիոնավոր մարդկանց կյանքն ու ստացվածքը խաղալիք է հեշտախտության մեջ ընկողմ-

⁶ «Մշակ», № 145, 1878.

ված և գերմարդկային պատվով շրջապատված մի քանի բռնակալների ձեռքին»⁷:

Վամբերին միանգամայն ճշմարտացիորեն ցույց է տալիս, որ թուրքիայի տնտեսական ու քաղաքական կյանքի լճացման ու անշարժության, աշխատավորական մասսաների աղքատության ու թշվառության պատճառները գոյություն ունեցող կարգերն են. որոնք իրենց հարստահարիչ ու դաժան քաղաքականությամբ արդելակում են երկրի պրոգրեսին: Նա ցույց է տալիս, որ թուրքական կառավարության ներկայացուցիչները դեպի ժողովուրդն են գնում իրենց գրպանները հարստացնելու համար: «Սոքա,— գրում է նա,— գնում են գավառները ոչ թե երկրները կառավարելու կամ ծաղկեցնելու, այլ յուրյանց քսակը լեցունելու և նորից կենտրոնը վերադառնալու նպատակով: Եթե այդ կենտրոնաձիգ գողությունը չլիներ, եթե յոթնաբլրյան մայրաքաղաքը չունենար այն վայելչությունը ի բնե դատարկապորտ արևելցու համար... Թերևս շատ բան փոխված կլիներ... Հասկանալի է ուրեմն, թե ինչի՞ երկրագործը ավելի լավ է համարում ձեռքերը ծալած նստել, քան թե յուր երեսի քրտինքով հարկահանին հարստացնել»⁸:

Վամբերին իրավացի է: Գյուղացիական մասսաները չէին ցուցաբերում ոչ մի շահագրգռվածություն իրենց եկամուտի ակունքներն ընդարձակելու և զարգացնելու ուղղությամբ, որովհետև թե՛ պետությունը և թե՛ վամպիրների մի ամբողջ ոհմակ խլում, հափըշտակում էին նրանցից ամեն ինչ:

Թուրքական սուլթանը համարվում էր բոլոր հավատացյալների տերը, նրանց խալիֆան: Նա համարվում էր աստծո ներկայացուցիչը երկրի վրա: Սուլթանը երկրի տերն էր, իսկ հպատակ ժողովուրդները՝ նրա ղուլը կամ ստրուկներն էին: «Սուլթանը նույնպես էր հպատակներին իբրև ստրուկների,— գրում էր Կ. Պոլսի անգլիական դեսպաններից Բիկոն,— որոնց նա ժառանգություն էր ստացել իր նախնիների կողմից: Բնական է այնուհետև, որ սուլթանը այդ ստրուկների նկատմամբ լինի ոչ միայն կյանքի, այլև նրանց ամբողջ սեփականության տերը: Պետության մեջ գտնվող բոլոր անշարժ կալքերը, բացի այնպիսիներից, որոնք ծառայում էին աստծու գործերին, պատկանում էին սուլթանին»⁹:

⁷ «Մշակ», № 16, 1875.

⁸ «Մշակ», № 17, 1875.

⁹ ՆՍՍՀ ԳԱ պատմության ինստիտուտի արխիվ, Լեոի ֆ., թղթապանակ № 12, վավերագիր № 38, թերթ 2:

Որպես մարգարեի հաջորդի՝ խալիֆի, սուլթանը հանդիսանում էր նաև կրոնական բարձրագույն պետը: Ըստ իսլամական կրոնի, սուլթանը հանդիսանում էր ամեն տեսակ պատվերների, ամեն մի երջանկության և մարդկանց շնորհների աղբյուրը: Նրա հպատակության տակ գտնվող բոլորը, մեծից մինչև փոքրը, իբր թե ապրում են սուլթանի ողորմածութամբ, նրանից են ստանում ապրուստի միջոցները, նրա հաշվին կերակրվում, նրա ջրով հագեցնում իրենց ծարավը:

Երկրի ամբողջ հողը պատկանում էր սուլթանին: Հողի նկատմամբ մահմեդական օրենքն ասում է. «Ամբողջ տիեզերքը աստծուն է պատկանում,—գրում էր Րաֆֆին,—սուլթանը աստծու խալիֆան կամ ներկայացուցիչն է երկրի վրա, իսկ հողը նրա սեփականությունն է»¹⁰:

Թուրքական սուլթանները կարծում էին, որ բոլոր այն երկրները, ուր ոտք է դնում իսլամի թագավորը, հողը ամբողջությամբ պետք է պատկանի նրան: Եվ իրոք, սուլթանը հողի տերն էր, իսկ մշակող գյուղացին՝ հողի վարձակալը կամ կապալառուն էր: Մահմեդականների և քրիստոնյա հպատակների մասնավոր հողատիրական իրավունքները տարբեր էին: Պետությունը սրանցից հարկեր էր գանձում իր հայեցողությամբ: Բնության աղետների, անբերրիության տարիներին էլ հարկերը մնում էին անփոփոխ:

Թուրքիայում ազգաբնակչության կենսունակ մասն էր կազմում հայ գյուղացիությունը, որի զգալի մասը ուներ հող մշակելու, պետությունը և հարստահարիչ մյուս խավերին հարստացնելու պարտականություն, իսկ հողի եկամուտից օգտվելու շնչին իրավունքներ: «Տաճկաստանում,—գրում է Րաֆֆին,—սեփականության անապահովությունը և հետևապես ապրուստի դժվարությունը կայանում է գլխավորապես այն բանի մեջ, որ հայը հող չունի, այս պատճառով նա կյանքի հաստատուն հիմք չունի»¹¹:

Րաֆֆու այդ միտքը հաստատում է Գ. Սրվանձտյանը: «Թորոս աղբար» աշխատության մեջ նա խորքերդի գյուղացիության կյանքը նկարագրում է հետևյալ կերպ. «Հողերը մեծ մասամբ բեկերու սեփականություն էին և թափուն»¹² իրենց վրա ըրած քիչ բա-

ցառություններ: Գեղացիք առհասարակ մարաբա¹³ էին, ևսարբերդի բեկերը կամ հողատերերը կատարյալ սակատներ էին, իրենց երկրագործներն ալ կատարյալ ստրուկներ, այնքան ստրկացած էին, որ չէին գիտեր, թե իրավունք ունի՞ն կամ կարո՞ղ էին ձայն ունենալ բողոքելու իրենց բեկերուն լլկանց և զրկանց դեմ»¹⁴:

Թուրքիայում գավառահայության մի մասը, հատկապես քրդախանոն հայկական գավառներում, ճորտային կախման մեջ էր: Թուրքական կալվածատերերը, քրդական ու թուրքական ինքնիշխան բռնակալները (դերբեքյները) և բեկերը վարում էին ճորտատիրական տնտեսություն, ինչպես գրում է Լենինը. «Կալվածատերերն ստրկացնում են գյուղացիներին, ինչպես եղել է սրանից և հարյուր, և երեք հարյուր, և հինգ հարյուր տարի առաջ, ստիպելով նրանց՝ գյուղացիական ձիով, գյուղացիական գործիքներով մշակելու հողը... Այդ հին շինարեն է: Այդ քուրֆականորեն է: Այդ նորտատիրականորեն է»¹⁵:

Հայ գեղջուկը չէր կարողանում վճարել հողի հարկը—թափուն. բազմաթիվ այլ կարգի հարկերն ու տուրքերը, որի պատճառով թողնում էր հայրենի երկիրը ու դիմում պանդխտության, որը սոցիալական և ազգային մեծ շարիք էր, հուզում էր ամբողջ հայ պրոպրետարիատին:

Ո՞րն էր պանդխտության պատճառը, այս հարցին մենք դեռևս կանդորդառնանք: Այժմ նկատենք, որ դրա պատճառը հողազրկությունն էր, կյանքի ու գույքի անապահովությունը, սոցիալական և ազգային ճնշումն ու հարստահարությունը: Ո՞րն էր այս դրությունից դուրս գալու ճանապարհը, նրա ելքը: «Հայն իր հայրենի երկրի հետ կապելու համար, գաղթականությունը դադարեցնելու համար միակ և ամենակարևոր միջոցն է,—գրում է Րաֆֆին,—նրան (իմա՝ գյուղացուն—Հ. Վ.) պետք է իրավունք տալ ազատ կալվածատեր (հողատեր) լինելու, ուր նա որպես սեփականություն իր հողն ունենա: Դրանով կարելի է միայն հնար տալ գյուղացուն իր աշխատությունը իր հացը հայթայթելու: Նա շպետք է լինի վարձակալ.

13 Այն գյուղացիները, որոնք զուրկ էին հողից, մշակում էին բեկերի հողերը և դրանով իրենց ապրուստի միջոցներ հայթայթում, կոչվում էին մարաբա: Այս դասին պատկանող մարդիկ ամբացված չէին հողին և ցանկացած ժամանակ կարող էին հեռանալ:

14 Գ. Վ. Սրվանձտյան, Թորոս աղբար, հատ. 2, Կ. Պոլիս, 1884, էջ 141:

15 Վ. Ի. Լենին, Երկեր, հատ. 19, Հայպետհրատ, 1950, էջ 228:

10 «Մշակ», № 162, 1878:

11 Մելիքզադե, «Ի՞նչ վերանորոգություններ են պետք Տաճկական Հայաստանում», «Մշակ», № 162, 1878:

12 Թափուն՝ այն կալվածազիրն էր, որով մեկի հողը կամ կալվածքը տրվում էր օգտագործման իրեն կամ մեկ ուրիշի՝ 1858 թ. հրամանագրով:

այլ հողը պետք է լինի նրա սեփականությունը, մի հաստատուն ժառանգություն, որ անցնում է սերնդից սերունդ»¹⁶:

Հայերի սոցիալական ու ազգային ճնշման, հարստահարման իր քաղաքականությունը օսմանյան կառավարությունը հատուկ նպատակ էր հետապնդում մաքրել Հայաստանը հայերից՝ նրանց արտաքսման ճանապարհով: Հետևապես, հայերի գաղթը և պանդրխտության դիմելու նրանց քայլերը թուրքիայի կառավարության պետական քաղաքականության արդյունքն էր ու հետևանքը:

Անդրադառնալով համազգային շարիք հանդիսացող պանդրխտության հարցին, գիտականորեն բացահայտելով նրա պատճառները, Մ. Նալբանդյանը դառնություններ գրում է. «Ազգը օրըստօրե թողնում է յուր երկիրը և կենտրոնանում քաղաքներում. Աղքատությունը ստիպում է նրան թողուլ յուր տունը, յուր ընտանիքը, յուր ամուսինը, յուր զավակներն ու զնալ Պոլիս կամ այլ քաղաք աղքատությունից ազատվելու համար»¹⁷:

Նախապես հարկ ենք համարում ասել, որ կղերս-պահպանողական հոսանքի օրգանները՝ «Մեղու Հայաստանի»-ն, «Նոր դար»-ը սխալ դիրքերից էին մոտենում այս խնդրին: Նրանք հայերի գաղթի պատճառը չէին կապում թուրքական կառավարության քաղաքականության, հարստահարությունների ու հողազրկության հետ, այլ համարում էին հայերի շահադիտական ձգտում, ուրիշ վայրերում փող շատ վաստակելու փափագ, որի մասին մենք հանգամանորեն կխոսենք ստորև:

Մ. Մամուրյանը խոր գայրույթով լցված, անդրադառնալով պանդրխտության հարցին, ցույց է տալիս, որ թուրքական կառավարության և նրա տեղական ինքնիշխան բռնակալների անողորմ կեղեքումների հետևանքով գաղթում են բոլորը: Նա գրում է. «Վաճառականը կը գաղթե, երկրագործը կը գաղթե, արհեստավորը կը գաղթե, բանվորը կը գաղթե: Մեկ խոսքով ամենքը կը գաղթեն և Հայաստանը կը մնա շատ շատ տեղ միայն ծերեր, կիներ, մանկունք»¹⁸:

Բայց փառասեր հարստահարիչների կյանքն էլ երկար չէր: Երբ սուլթանը տեսնում էր, որ «հարուստ մեկը չի մեռնում իր բնա-

կան մահով և կարող էր շատ ժամանակ ունենալ իր գանձերը թաքցնելու համար,—ասում է անգլիական դեսպան Բիկոն,—ուղղակի մահվան հրաման էր տալիս: Եվ որովհետև խոշոր հարստությունները կենտրոնանում էին ավելի այն մարդկանց ձեռքում, որոնք մոտիկ էին սուլթանին և պետական բարձր պաշտոններ էին վարում, ուստի շատ հաճախ այդպիսիներն էլ էին մահվան դատապարտվում: Սուլթանական մի հրամանով պալատ էին տանում դրանց ոսկին, արծաթը, գոհարեղենը և գլուխը: Դա սուլթանի անձնական հարստության մի աղբյուրն էր: Մի ուրիշ աղբյուր էլ այն հաստատ և բացարձակ կարգն էր, որով յուրաքանչյուր պաշտոնյա, որ կանչվում էր պետական բարձր պաշտոնի, պարտավոր էր բարերարության փոխարեն մատուցանել սուլթանին փեշքեշ կամ ընծա, որի արժողությունը պետք է համապատասխաներ ընդունողի մեծությանը: Այդ ընծաներն ահագին գումարների էին հասնում»¹⁹:

Բոլոր բարձր պաշտոնյաներին անձամբ նշանակում էր սուլթանը: Կային սուլթանի սիրելիները, որոնք միջնորդում էին սրան կամ նրան համապատասխան պաշտոնի ընդունելու համար: Ընդունվող յուրաքանչյուր պաշտոնյա պարտավոր էր կաշառք տալ ոչ միայն սուլթանին, այլև միջնորդ բարեխոսներին, որոնք հրապարակով պաշտոնավաճառությամբ էին զբաղվում:

Պաշտոնների գինը որոշելու համար նկատի էր առնվում նրա արդյունավետությունը: Նահանգապետները պետք է վճարեին 400 հազար էկյու²⁰: Իսկ սովորական գներն էին՝ 200 հազար, 100 հազար, 50 հազար: Այդ գումարները պաշտոն ստացող փաշաները պարտք էին վերցնում վաճառականներից՝ 40—50 տոկոսով: Բայց երբ գումարներն անցնում էին պաշտոնական ներքինիների ձեռքով՝ կրկնապատկվում էին:

Պաշտոնյաները նահանգներ էին մեկնում պարտքերի մեջ թաղված, անվստահ իրենց ապագայի վրա: Ուրիշ միջոց չկար պարտքերը մարելու և հարստանալու համար, բացի աշխատավոր մասսաների կեղեքումից: Ժողովրդական մասսաներին կեղեքող այս փաշաներն իրենց հերթին պահում էին բազմաթիվ կեղեքիչներ ու կողոպտիչներ: Ամեն մի նահանգապետ իր մոտ պահում էր ազդեցիկ երեք պաշտոնյա. «Սյուֆթին, Ռեյի-էֆենդին և Տեֆթերդար-բաշին».

¹⁶ Մելիֆադե, Ինչ վերանորոգություններ են պետք Տաճկական Հայաստանին, «Մշակ», № 162, 1878:

¹⁷ Մ. Նալբանդյան, Երկրի լիակատար ժողովածու, հատ. 1, էջ 73:

¹⁸ Մ. Մամուրյան, Անկլիական նամականի, էջ 200:

¹⁹ ՀՄՍՀ ԳԱ պատմության ինստիտուտի արխիվ, Լեոի ֆոնդ, Թղթապ. № 12, վավերագիր № 38, թերթ 3:

²⁰ Մեկ էկյուն հավասար էր 3 ֆրանկի:

որոնք նահանգապետի առաջին մինիստրներն ու խորհրդատուներն էին»²¹—ասում է Բիկոնը:

Պաշտոնյաների, թուրքական և քրդական ինքնիշխան բռնակալների, բեկերի ու էֆենդիների կողմից աշխատավոր մասսաների ու մասնավորապես հպատակ ժողովուրդների կեղծումների սիստեմը շատ ընդարձակ էր: Նա ոչ մի անհանգստություն չէր պատճառում կառավարությանը և, ընդհակառակը, այն դիտվում էր որպես շատ օգտակար՝ գոյություն ունեցող դեսպոտական կարգը պահպանելու տեսակետից:

Սուլթանական թուրքիայում իսկական իմաստով օրենք գոյություն չուներ: Մահմեդական աշխարհը, բացի շարիաթից, չէր ընդունում ուրիշ որևէ օրենսդրություն: Մահմեդական կառավարողներին թուլյատրվում էր հրատարակել օրենքի ուժ ունեցող կանոններ միայն այն պայմանով, որ դրանք միանգամայն համապատասխանեին շարիաթի սկզբունքներին: Բացի ղուրանից, շարիաթը հենվում էր իսլամի առաջին դարերի ավանդությունների, նշանավոր աստվածաբանների և առաջին խալիֆաների ավանդությունների վրա:

Իսլամական դավանությունը թուրքական փառանքներին, խաներին, իսլամացած քրդական բեկերին և այդ մոլեռանդությամբ սնված մյուս խավերին իրավունք էր վերապահում հալածելու, կողոպտելու, ոչնչացնելու հպատակ ժողովուրդներին, մասնավորապես քրիստոնյաներին: Հենց «Սրբազան Շարիաթի օրենքներով» է ներծծված եղել սուլթանական թուրքիայի ազգային քաղաքականությունը, մի քաղաքականություն, որը իրար հետ համերաշխ աշխատող և բարեկամ աշխատավոր ժողովուրդներին կրոնական և ազգային հողի վրա լարում էր միմյանց դեմ:

«Ղուրանը և դրա վրա հիմնված մուսուլմանական օրենսդրությունը,—գրում է Մարքսը,—աշխարհագրությունը և ամբողջ աշխարհի ազգագրությունը հանգեցնում է երկու կեսի՝ ուղղահավատների և անհավատների պարզ ու հարմարին ֆորմուլին: Անհավատը՝ դա գլավորն է. նա թշնամի է: Իսլամն անիծում է անհավատների ազգը և անընդհատ թշնամության վիճակ է ստեղծում մահմեդականների և անհավատների միջև»²²:

²¹ ՆՍՍՀ ԳՄ պատմության ինստիտուտի արխիվ, Լեոի ֆոնդ, Բզթապ, № 12, վավերագիր № 38.

²² К. Маркс и Ф. Энгельс. Сочинения, т. 10, Москва, 1958, էջ 167.

Թուրքական մոլլաները քարոզում էին, թե ճշմարիտ հավատը մահմեդականությունն է, որ «Աշխարհիս մեջ գտնվող քրիստոնյաները անհավատներ են,—Աստված նրանց մեր հաճույքի համար է ստեղծել, նրանց ամեն ինչը մեզ կպատկանի. թե՛ հարստություն, թե՛ արական և իգական սեռի գեղեցիկները, նրանց ուտեստի վերաբերյալ ամեն ինչ մեզ հալալ է, նրանց ոչխարներն ու անասունները տանելը մեղք չէ, մուսուլման ժողովուրդը պետք է միշտ խրոխտ և հաղթական դիրք ունենա նրանց վրա, չէ՞ որ նրանք մեր ստրուկներն են...»²³,—գրում է վանեցի Սաքո Թարգյուլյանը գեներալ-գնդապետ Հ. Լազարյանցին:

Այդ վարդապետությամբ ղեկավարվելով, թուրքական մոլեռանդները և իսլամացած քրդերն իրենց իրավունք էին վերապահում հայերի հետ վարվելու քմահաճորեն, որոնց համարում էին իրենց գերիները կամ ստրուկները:

1839—1858 թվականների ռեֆորմները կամ օրենսդրական ակտերը ձևական արարողություններ էին, թուրքիայի եվրոպականացման անհաջող փորձեր, Անգլիայի, Ֆրանսիայի ու Ավստրիայի թելադրանքը՝ Օսմանյան կայսրության հպատակ ժողովուրդների ազգային-ազատագրական շարժումները կասեցնելու նպատակով: Նրանք դրանով կամենում էին հասկացնել տալ Ռուսաստանին, թե ազգային հարցը թուրքիայում լուծվում է ռեֆորմներով և, հետևապես, ավելորդ է խառնվել նրա ներքին գործերին: Այդ տերությունների և Ռուսաստանի միջև պայքար էր գնում հպատակ ժողովուրդների իրենց քաղաքականությանը ծառայեցնելու համար: 1856 թվականի Փարիզյան դաշնագրով սահմանված՝ թուրքիայի տերիտորիալ ու քաղաքական անձեռնմխելիությունը հպատակ ժողովուրդներին ավելի ու ավելի էր մղում ազատագրական պայքարի ուղին:

Պաշտպանելով թուրքական սուլթաններին, արևմտաեվրոպական տերությունները դրանով իսկ պաշտպանում էին հպատակ ժողովուրդների նկատմամբ եղած ճնշումն ու հարստահարությունները և դեմ էին նրանց ազգային-ազատագրական շարժումներին:

«Եվրոպական տերությունները,—գրում է Մ. Նալբանդյանը,—անդադար օգնություն են ցույց տալիս թուրքիային, որ նա դիմանա և չկործանվի:

Որպեսզի թուրքին ստրկացած հայ, սլավոն և հույն ժողովուրդը քաղաքակրթիչ հոգաբարձուից չզրկվի:

²³ ՆՍՍՀ ԳԿԳ, Հ. Լազարյանցի ֆոնդ, № 42, գործ № 11, Բ. 66:

— Կուրանով Ավետարանի որդի՞ք քողաքակրթել:

— Այդ քողաքակրթությունը ավելի փրկարար է: Ավետարանից թերևս ազատություն կարող է ծագել, իսկ Կուրանից այդ երկուլը չկա»²⁴:

Թուրքիայում հայերը բացարձակապես անպաշտպան և իրավազուրկ էին՝ չհաշված սուլթանական իշխանությունների կողմից հովանավորվող հայ հարստահարիչները:

«Հայերը Թուրքիայում բոլորովին անպաշտպան են,—գրում է Մ. Նալբանդյանը 1863 թ. ապրիլի 8-ին Ղազարոս Նալբանդյանին ուղարկած նամակում,—անգլիական ու ֆրանսիական կառավարություններն այդ հանգամանքը գործադրում էին իրենց օգտին: Փաշաների բռնություններից իրենց պաշտպանության տակ են վերցնում այն քրիստոնյաներին, որոնք բողոքական կամ կաթոլիկ են դառնում»²⁵:

2

Արևմտահայերի մտավորականության՝ Կ. Պոլսում ծավալած հասարակական-քաղաքական շարժումների ճնշման ներքո Աբգուլ Ազիզի կառավարությունը հայերին տվեց, այսպես կոչված, Ազգային Սահմանադրություն, որը ավելի շուտ հայերի ներքին կյանքի վերաբերյալ մի կանոնադրություն էր, որը սահմանափակում էր հայ ամիրա սեղանավորների իրավունքները և տեղ տալիս հայ կոմպրոպորական բուրժուազիային: Գավառահայությունը Սահմանադրությունից գրեթե ոչինչ չէր ստանում: Նա նորից մնում էր հարրատահարությունների և իրավազրկության պայմաններում:

Արևմտահայերի Ազգային Սահմանադրության մասին միջազգային իրավունքի խոշոր մասնագետ Ռոլլեն ժեքմենը գրում է. «Այստեղ ամեն ինչ կար, բացի մի հոգվածից, որի վրա հայը կատողանար հենվել, որպեսզի քուրդը չխլեր նրա ուղիարները, բեյը չբռնաբարեր նրա աղջիկներին և չզրավեր նրա հողը, հարկահավաքը երկու կամ երեք անգամ չպահանջեր միևնույն հարկը. մի խոսքով ամեն ինչ կար, բացի մի այնպիսի կարգադրությունից, որն իրոք երաշխիք լիներ թուրքական կառավարության կամայականության դեմ»²⁶:

²⁴ Մ. Նալբանդյան, Երկերի լիակատար ժողովածու, հատ. 3, էջ 89:

²⁵ Մ. Նալբանդյան, Երկերի լիակատար ժողովածու, հատ. 4, էջ 188:

²⁶ Роллен—Жек-Мен. Армения, армяне и трактаты, Москва, 1898, էջ 19:

Կ. Պոլսի հայոց պատրիարքարանին ուղարկված գավառահայության բազմաթիվ բողոքներն ու դիմումներն իրենց հարստահարությունների ու իրավազրկման, կյանքի, գույքի և պատվի անպահովության մասին ապացույց են այն բանի, որ Ազգային Սահմանադրությունը աչքակապություն էր և գլխավորապես ծառայում էր միայն հայ հարուստների շահերին: «Իրավ է,—գրում է Մ. Մամուրյանը,—որ երբեմն անիրավ և վատ գործերու օրինավորության գույն տալու համար, պեյ, էֆենդի խորհուրդ կկազմեն, ազգին տունը կառնեն, կը ծախեն, կը կերտեն, կը թափեն և ապա Բ. Դուռը կերթային ու կըսեն. «Ազգային կամքն այս է»²⁷:

Գրիգոր Արծրունին միանգամայն իրավացիորեն մեղադրում է արևմտահայ լիբերալներին և բոլոր նրանց, ովքեր հրճվում էին Ազգային Սահմանադրությամբ և աչք էին փակում գավառահայության հարստահարությունների, ճնշման ու իրավազրկման հանդեպ: Նա այդ Սահմանադրությունը համարում է խաբուսիկ թուղթ, որը երբեք չէր կարող բուժել հայ ժողովրդի վերքերը, չէր կարող պաշտպանել տառապյալ հայի ոտնահարված իրավունքը: «Հային կողոպտում են,—գրում է նա,—հարստահարում են, ծեծում են, անպատվում են,—ո՛ւր է Սահմանադրությունը, որ պետք է պաշտպաներ նրան»²⁸:

Ազգային ժողովի անդամ Մինաս Չերազը նշվակում էր հայունևոր խավերին, որոնք իրենց փողի ուժով ընտրվում էին երեսփոխաններ, խափանում էին աշխատավոր մասսաների մուտքը ազգային հիմնարկությունները, վարկաբեկում էին Սահմանադրության սկզբունքները:

«Նկատելով,—ասում է նա,—որ դրամական սեղմումներ ազգի փոքրամասնությանը կը նետեն կատարել երեսփոխանական ընտրություններ:

Նկատելով, որ այդ փոքրամասնության մի շնչին փոքրամասնությունն կը գործադրե ստեպ յուր ընտրողական իրավունքը:

Նկատելով, որ այս զանցառության շնորհիվ, մինչև իսկ 10—15 հայերի ընտրված մի անհատ կը հռչակվի երեսփոխան և կկոչվի լինել ազգի ներկայացուցիչն, ըստ 93-րդ հոդվածի Ազգային Սահմանադրության, և վճռել 4.000.000 հայերի ճակատագիրն:

Նկատելով, որ այս համեմատություն է անարդար և անարդարանալի, և կեղծ է սահմանադրական գաղափարն, Ժողովրդապե-

²⁷ Մ. Մամուրյան, Հայկական նամականի, էջ 169:

²⁸ «Մշակ», № 45, 1876:

տութեան անունին տակ ստեղծելով մի ճշմարիտ սակավապետութիւն:

Կառաջարկեմ, որ Ազգային ժողովն մերժե անուհետեւ իբրև անբավական ամեն երեսփոխանական ընտրութիւն, որ չէ կրցած ստանալ ընտրող ժողովրդի մեծամասնութիւնն»²⁹:

Մինաս Զերազի մոտ հայերի թիվը չափազանցված է: Բայց ճշմարիտ է այն, որ երեք միլիոն հայերից Կ. Պոլսում կային 250 հազար, որոնք Ազգային ժողովի համար տալիս էին 100 երեսփոխան, իսկ մնացած՝ 2.750 հազար գավառահայութիւնը տալիս էր 40: Դրա համար էլ Զերազն առաջարկում էր, որ «Ազգային Սահմանադրութեան 93-րդ հոդվածը բարեփոխվի և այսուհետև կենտրոնական երեսփոխաններ լինեն 40 և գավառականները՝ 100»: Նա գտնում էր, որ ընտրութեան այս ձևը «կը վիրավորե մեր գավառացի եղբայրները և մի տեսակ հարստահարութիւն է անոնց դեմ»³⁰:

Զերազի ցանկութիւնները մնացին անիրագործելի: Հայ ունևոր խավերը չէին զիջում իրենց ղեկավար դիրքերը, որոնց համար ոչ մի էական նշանակութիւն չունեին գավառահայերի կրած տառապանքները: Ազգային Սահմանադրութիւնը հայ աշխատավոր մասսաների համար մնում էր որպես մեռած տառ:

Այդուհանդերձ, Սահմանադրութիւնն այն կարևոր առանցքն էր, որի շուրջը մեկ տասնամյակից ավելի ծավալվեցին հասարակական-քաղաքական շարժումներ, որն առիթ տվեց թեր ու դեմ կարծիքների բախման: Սահմանադրական պայքարը քաղաքականացեալ հասունացրեց արևմտահայ առաջավոր մտավորականութեանը, նրան նախապատրաստեց ազգային-ազատագրական պայքարի:

Հայ աշխատավորութեան համար մեռած տառ և խաբեութիւն էր նաև 1876 թվականի Միզհաթ փաշայի խոստացած Սահմանադրութիւնը: Իսլամական կրոնը և նրա հետ կապված ֆանատիզմը թուրքիայում անփոփոխ էր թողնում կառավարման ձևը և, հետևապես, անհնար էր դարձնում մահմեդականների և քրիստոնյաների հավասար իրավունքը: Դրա համար էլ գերմանացի Գլենարը շատ իրավացիորեն 1876 թ. դեկտեմբերի 23-ի Սահմանադրութիւնը

²⁹ «Ատենադրութիւնը Ազգային ժողովո», հատոր Ե, Կ. Պոլիս, 1876:

³⁰ Նույն տեղում, էջ 89:

համարում էր «աշքակապութիւն», մի տեսակ խաղ, անխելոք կատակ և ուրիշ ոչինչ»³¹:

Գլենարը միաժամանակ այդ Սահմանադրութիւնը համարում էր «դատարկ ցույց, պառլամենտական կապկութիւն»: «Սուլթանները, — գրում է նա, — օրենսդրութեան վրա կարող են գործադրել ինչքան որ կամենան թուղթ, Հատտի-շերիֆներ, Հատտի-հումայուններ, բայց չեն հավատա այդ ասածների մի խոսքին, որ կարող են խոսել, գրել կամ տպել, շատ լավ գիտեն ինչ գործադրական գին ունեն բոլոր այդ գեղեցիկ պաշտոնական վկայութիւնները...»³²:

Գլենարը մատնացույց է անում Աբդուլ-Մեջիդի կառավարութեան օրոք հրապարակված օրենսդրական ակտերը և եվրոպական դեսպանների առջև արած սնապարծ խոստումները՝ սրբութեամբ կենսագործելու այդ օրենսդրական ակտերի բոլոր կետերը: Բայց դրանք միայն խոստումներ էին: Ամեն ինչ երկրում ընթանում էր նախկին ձևով:

«Եվ ի՞նչ էր այս հրովարտակի այսպիսի հանդիսավոր կերպով հրատարակելու հետևանքը, — ասում է Գլենարը, — որ նվիրել է սուլթանը Տաճկաստանի քրիստոնյաներին: Ոչինչ: Բոլոր այս խոստումները մնացին անզոր այնպես, ինչպես մարգարեի հագուստը կմնա անփոփոխ մինչև աշխարհիս վերջը: Բայց ինչո՞ւ, — հարցնում է Գլենարը և ապա պատասխանում. — որովհետև Տաճկական տերութիւնը հիմնված է մահմեդականութեան սուրբ օրենքի վրա, բայց այդ օրենքը անպայման արգելում է ամենայն տեսակ հավասարութիւն մահմեդականի և ոչ-մահմեդականի մեջ»³³:

Խոսքով Սահմանադրութիւն, իսկ իրականում հպատակ ժողովուրդների իրավազրկութեան և հարստահարութիւնների ուժեղացում:

«Հայաստանի մեջ շատ տեղեր քրիստոնյաներին եկեղեցու մեջ զանգակահարութիւնն արգելելն, — գրում է «Մշակ»-ի հրապարակախոս Հրանտը (Մ. Փորթուգալյանը), — անշափահաս քրիստոնյաներին մահմեդականութիւն ընդունել տալը օրենքին հակառակ. — Մի՞թե ամենախայտառակ խաբեութիւն չէ՞»³⁴:

³¹ Տե՛ս Լ. Լազարյանց, Դարձյալ մի քանի խոսք տաճկահայերի վիճակի բարվորման մասին և մի քանի հայացք Հայաստանի քրդերի և նրանց ծագման վրա հողվածը, «Մեղու Հայաստանի», № 129, 1882:

³² Նույն տեղում:

³³ Նույն տեղում:

³⁴ «Մշակ», № 5, 1878, տե՛ս «Միզհաթ փաշա և քրիստոնյաների զինվորարդրութիւնը թուրքիայի մեջ» հոդվածը:

Հենց այդ Սահմանադրության գոյությունն պայմաններում հպատակ ժողովուրդների և մասնավորապես գավառահայության դրությունն էլ ավելի վատացավ:

«Հայոց գինվորական ծառայության հարցը Տանկաստանում» վերնագրով հոդվածում «Մշակ»-ի թղթակիցը գրում է. «Թուրքի փաշաները կեղեքում են ժողովուրդը... Թուրքի դատարանը արդար չէ հայերի համար. Հայաստանի բյուրդերը սպանում են հայերին, այրում են նրանց տները և խանութները, ոտնակոխ են անում նրանց արտերը, բռնում են նրանց նախիրը և ոչխարները»³⁵:

Գավառահայության ստրկական և բացահայտ անապահով վիճակի մասին ուշագրավ է 1869 թվականին Կ. Պոլսի հայոց պատրիարքարանին ուղարկված 129 քահանաների բողոքը՝ էջմիածնի Սինոդին ներկայացնելու համար: Այդ բողոքում ցույց են տրված թուրքական ու քրդական կեղեքիչների կողմից հայերի նկատմամբ գործադրած գազանությունները, որոնց կանխելու ուղղությամբ օսմանյան կառավարությունը մտածել անգամ չէր ցանկանում:

Նշված փաստերը վկայում են այն մասին, որ սուլթանական Թուրքիայում գավառահայությունն օրենքից դուրս էր մնում: Նա ենթակա էր թուրքական և քրդական կեղեքիչների քմահաճույքներին, նա բառիս իսկական իմաստով ստրկացված էր, իսկ եղած օրենսդրական ակտերը ամբաստանում էին այդ դրությունը, պաշտպանում և հովանավորում էին հանցագործությունը, սպանությունն ու հարստահարությունը:

1870 թ. նոյեմբերի 16-ին պատրիարքարանին ուղարկված իր նամակում Վասպուրականի հայ աշխատավորների կրած ֆիզիկական տանջանքների մասին Գ. Սրվանձտյանը գրում է. «Այն երիտասարդը, որ սպանած են, վարունկի պես մանրած են, իսկ եթե այս կողմերու ցավերը մանրամասնաբար գրի առնելու ըլլամ, բավական օրեր պիտի անցնեն վրայես: Օ, եղբայր, այս բռնություններն, որ քրդեր կրեն հայոց ազգին—պատմելու չէ, երանի թե փարավոնի դրություն ըլլար, ինչպես իսրայելցիք, որ նեղություն կրեցին փարավոնեն»³⁶:

Այսպիսով, սուլթանական կառավարության օրենսդրական բոլոր ակտերը ձևական էին, աչքակապություն ու խաբեություն:

³⁵ «Մշակ», № 6, 1878.

³⁶ «Դիվան հայոց պատմության», հատ. ԺԳ, էջ 50.

1876 թվականին պատրիարքարանը հրատարակեց երկրորդ «Տեղեկագիրք», որի մեջ զետեղված են գավառահայերի 39 բողոքներ ու նամակներ՝ իրենց հարստահարությունների ու իրավազրկման փաստերի մասին՝ 1872—1876 թվականների ընթացքում:

Հայոց պատրիարքարանը խնամքով գրանցում էր այս փաստերը, բողոքներ էր ներկայացնում թուրքական կառավարությանը և դրանով իր պարտքը կատարած էր համարում:

Դեպի գավառահայերի բողոքներն ու դիմումները շատ անտարբեր էր վարվում նաև Ազգային ժողովը: Բայց նրա որոշ առաջավոր խավերը՝ Ստ. Փափազյանը, Մինաս Չերազը պահանջում էին կտրուկ քայլերի դիմել և Բ. Դոնից շուտափույթ պատասխան պահանջել: Ազգային ժողովի նիստերից մեկում Ստ. Փափազյանն ասում է. «Դարձյալ գիտենալ կուզեմ, թե Ձեյթունի մարդասպան գայմագամն ինչո՞ւ չը կախվեցավ, թե ինչո՞ւ Մշո աղջիկն տուկանգող շարագործը չը փնտրվեցավ և չպատժվեցավ... Ինչո՞ւ քյուրդ ավշար, չերքեզ և այլք գան համարձակ կողոպտեն և կողոպտյալ հայն չկրնա անոնց դիմադրել: Քանի որ քյուրդն զհայն կը սպանե և չպատժվիր, քանի որ Բ. Դոնեն հրամանագիր կերթա և չգործադրվիր, մեր ազգայնոց վիճակը իհարկե օրավուր ավելի կը վատթարանա»³⁷:

Հրապարակված «Տեղեկագիրքի» բովանդակության մասին Ազգային ժողովի նիստում Ստ. Փափազյանի զեկուցումը ցույց է տալիս, որ թուրքական իշխանությունները, քրդական բեկերը ստրկացրել էին գավառահայությանը: Իր շարանենգ դիտավորություններն իրականացնելու նպատակով, թուրքական կառավարությունը եվրոպական նահանգներից ևս չերքեզներ էր տեղափոխում ասիական նահանգները, որը լուրջ սպառնալիք էր հայերի համար: Անդրադառնալով այդ հարցին «Московская ведомость»-ը գրում է. «Մի՞թե այդ նոր վտանգ չի ներկայացնում հայերի համար: Խոստովանում ենք, մենք չենք կարող հասկանալ, թե ինչո՞վ է մեղավոր երևք միլիոն հայոց ազգությունը Թուրքիայի ասիական մասում, և ի՞նչ է պատճառը, որ հայ ժողովուրդը արժանացավ Սվրոպայի բարկությանը: Մի՞թե քիչ են տանջվել նրանք վայրենի բուր-

³⁷ «Ատենազրությունք Ազգային ժողովո», Կ. Պոլս, 1876, էջ 179:

դերից, որ դարձյալ ուզում են, որ այդ վերջինների օգնութեամբ, ուղարկել նրանց երկիրը և շերքեզներին»³⁸:

Չերքեզներին թուրքիայի ասիական նահանգներում բնակեցնելու քաղաքականությունը յուր սուր ծայրով ուղղված էր հայ ժողովրդի գոյության դեմ: Քրդական բեկերը, թուրքական և շերքեզական խաները ապօրինի ճանապարհով զանազան զավառներում հայերից խլում են 263 գյուղ՝ իրենց պատկանած հողամասերով, հափշտակում են 21 եկեղեցապատկան հողեր և այլն: Հայկական գյուղերը, վանքերն ու եկեղեցիները հարկատու էին դառնում քրդական, շերքեզական և թուրքական ինքնիշխան բռնակալներին և ազդեցություն ունեցող մուֆթիներին ու շեյխերին: «Դա մի ակամա հարկատվություն էր,— գրում է Բաֆֆին,— որ ժողովուրդը ճարահատյալ վճարում էր իր հարստահարողին, որպեսզի իրեն հանգիստ թողնե: Այսպիսով, ժողովրդի վրա ծանրանում է երկու տեսակ հարկատվություն. մինը՝ տաճկաց կառավարությանը, մյուսը՝ քուրդ կամ թուրք դերբեկիներին և ինքնիշխան բռնակալներին»³⁹:

Անպաշտպան հայերն իրենց կյանքը փրկելու համար հարկադրված մտնում էին այս կամ այն ինքնիշխան բռնակալի հովանավորության տակ, դառնում էին իրենց «պաշտպանների» քմահաճույքներից կախված, մնում էին որպես իրավազուրկ և բանող ստրուկներ: Թուրքիայում հայերի համար ստեղծված վիճակը ոչ այլ ինչ էր, նկատում է Բաֆֆին, քան «մի կամավոր ստրուկություն», այնպիսի դրություն, «Որով անզորը հպատակվում է հզորին և դառնում է նրա կամքի բոլորովին կրավորական առարկա»⁴⁰:

Այսպիսով, քրդական ապստամբությունները կանխելու, քրդերին հայերի հետ դժտեցնելու նենգ դիտավորությամբ թուրքական կառավարությունը հողազրկում էր հայերին և նրանց հողերի վրա բնակեցնում քրդերին ու շերքեզներին: Ի՞նչ կարող էր անել հայ գեղջուկը, երբ թուրքական կառավարությունը՝ մի կողմից, քրդական ու թուրքական հարստահարիչները՝ մյուս կողմից, խլում էին նրա աշխատանքի վաստակը ու դրանով խափանում նրա ստեղծագործական եռանդը, տնտեսության մեջ նորաձևություն մտցնելու շահագրգռվածությունը, սովի, աղքատության ու գաղթի ուղին մղելով նրան:

38 Տե՛ս «Մշակ», № 47, 1876:

39 Տե՛ս «Մշակ», № 149, 1878:

40 Նույն տեղում:

Սուլթանական թուրքիայի հասարակական-պետական կարգերը ներքուստ նեխած էին: Վերևում հիշատակված օրենսդրական ակտերը նրան առաջ չմղեցին: Շարիաթը և խալամիզմը իրենց կնիքն էին դրել երկրի հասարակական-քաղաքական կյանքի վրա և արգելք էին հանդիսանում ժողովրդի առաջընթացին:

Բաֆֆին իրավացիորեն խարազանում է բոլոր դյուրահավատներին, ովքեր կարծում էին, թե թուրքիան եվրոպականացել կամ մտել է քաղաքակիրթ ժողովուրդների զարգացման ուղին:

«Ոչ,— ասում է Բաֆֆին,— Տաճկաստանի բարբարոսությունները ծածկող, նրա երևակայական հառաչողիմությունը հոշակող անձնական հաշիվներով կուրացած մարդիկ հայտնում են, թե այժմ Տաճկաստանը բավական բարեկարգված է և քրիստոնյա հպատակների դրությունը այժմ համեմատաբար շատ լավ է, քան թե առաջ, և նրանք համարյա կատարյալ ազատություն են վայելում և այլն...»: Այս բոլորը դատարկ խոսքեր են: Տաճկաստանը առաջ է գնացել միայն մեկ բանի մեջ՝ այն է իր արտաքին կերպարանքը պաճուճել է որպես մի եվրոպական տերություն, իսկ սրտով, հոգով և գործով մնացել է միշտ մոնղոլ, նույն բնավորությամբ, որպիսին էր նա երբեմն թուրանի անապատներում»⁴¹:

Գավառահայության բազմաթիվ գանգատներից ու բողոքներից հետո պատրիարքարանի կողմից սուլթանի կառավարությանը ներկայացված թագրիները ձևական նշանակություն ունեին, որոնց հետ բոլորովին հաշիվ չէր նստում սուլթանը: Բայց դրանք շխանգարեցին պատրիարքարանին՝ ամբողջ հայության անունից հայտարարելու, թե նա գոհ է «բարեխնամ կառավարությունից», որին Բաֆֆին որակեց որպես «մեծ խաբեություն»⁴²: Հայ հարուստներն ու պատրիարքարանը, նկատում է Բաֆֆին, Ազգային Սահմանադրության թմբկահարություններով են զբաղված, երբ զավառահայությունը արցունք է թափում ու արյուն թքում:

«Կ. Պոլսի Ազգային Սահմանադրությունը ուրիշ ոչինչ չի եղել,— գրում է նա,— բայց միայն մի մանկական խաղալիք, որ խորամանկ դայակը տալիս է երեխայի ձեռքը, որ նա հանգիստ մնա, որ նրանով զբաղվի, շարունակում չգործի... Եվ Կ. Պոլսի տղայամիտ էֆենդիները շատ գոհ և ուրախ էին այս խաղալիքով, և ամեն տարի Ռոսֆորի ափերի մոտ տոնում էին իրենց ողորմելի պատրանքը»⁴³:

41 «Մշակ», № 146, 1878:

42 Նույն տեղում:

43 «Մշակ», № 146, 1878:

Մտտենում էր ռուս-թուրքական պատերազմը: Բալկանյան սլավոն ժողովուրդները ծավալել էին ազգային-ազատագրական պայքարն ընդդեմ թուրքական բռնապետության: Հայերի դրուժյունն ավելի էր ծանրանում: Հայ ժողովրդին ազգային-ազատագրական պատերազմի կոչելու փոխարեն, Կ. Պոլսի ազգային ջոջերն սկսեցին փառաբանել օսմանյան դահը և կոչ էին անում պաշտպանելու սուլթանի իշխանությունը: Իր առաջնորդող հողվածում «Մասիս»-ը գրում է. «Հայերը քանի որ օսմանյան հպատակության ներքև են, իրենց բախտն անբաժանելի կերպով միացյալ է օսմանյան տերության բախտին և ապագային հետ: Հայերն ուրիշ ազգաց նման ո՛չ մի մասնավոր նպատակ և ո՛չ քաղաքական միտումներ ունին: Իրենց շահն ամենայն անկեղծությամբ Թուրքիո շահուն հարակից է»⁴⁴:

«Մասիս»-ի խմբագրությունը Կ. Պոլսի հայ էֆենդիների և մի բուռն հարուստների շահերը հրամցնում էր որպես ազգի շահ, այդ հարուստների արտոնյալ վիճակը համարում էր որպես ազգի համար եղած արտոնություն: Իրենց գծում ու եսական շահերից ելնելով՝ հայ էֆենդիները, նրանց օրգանը, հայերին կոչ էին անում զենք վերցնել և կռվել սլավոն ժողովուրդների և Ռուսաստանի դեմ: «Հայերն այս պատերազմին մասնակցելով, — գրում է «Մասիս»-ը իր առաջնորդողում, — ամեն մասամբ կը շահին, նյութապես երկրին մեջ իրենց արժանավոր դիրք կը բռնեն և բարոյապես փառք ու պատիվ կը վաստակին»⁴⁵: Փաստորեն արևմտահայ լիբերալների այդ օրգանը պահանջում էր, որ հայերն իրենց սեփական ձեռքով կռեն իրենց ստրկության շղթաները:

Արդարացնելով սուլթանի կառավարության ռեակցիոն քաղաքականությունը, «Մասիս»-ը գտնում էր, որ «Հայոց գանգատները կառավարության դեմ չեն», որ «կենտրոնական կառավարությունն և գավառական բարձր պաշտոնեայք մեծ մասամբ հայոց վրա ամեն ժամանակ համակրություն ցույց տված են»⁴⁶: Վախ զգալով դեպի Ռուսաստանը եղած գավառահայության համակրանքի աճումից, «Մասիս»-ը հայերին կոչ էր անում՝ թուրքերի հետ միասին պատե-

լազմի ելնել Ռուսաստանի դեմ: «Ասիո մեջ, — գրում է նա, — հայք օսմանյան իշխանությունն յուր պակասություններով հանդերձ նախամեծար կը համարին Ռուսիո բռնապետությունն»⁴⁷, որ «Եթե Ռուսիո հաջողի Հայաստանեն մեծ մաս մ'ալ կորզել, հայոց ազգության, լեզվին, եկեղեցվույն, ավանդությանց, բարյաց և ազատ զարգացման վերջին օրն է: Սահմանադրաբար ապրելու և բարոյապես և մտավորապես հռոջադիմելու քաղցր հույսերին հրաժեշտ տալու ենք»⁴⁸:

Այսպիսով, «Մասիս»-ի խմբագիրների համար Հայաստան հասկացողությունը սահմանափակվում էր Կ. Պոլսի հայ գաղութով, որտեղ հայ ունևոր խավերը վայելում էին սուլթանի կառավարության հովանավորությունն ու աջակցությունը և որոնք աշխատավորական մասսաների սարսափելի հարստահարիչներն ու պետական գանձարանը հարստացնողներն էին: «Հայաստանի փայլը, — գրում է «Մասիս»-ը, — կը պայծառանա Կ. Պոլսի մեջ: Հայը զրամական փոխանադրական թղթերու մեջ կը լողա, ինչպես ձուկը ջրո մեջ, Կ. Պոլիս կը բնակեն 200.000 հայեր, որոնք իբրև հարկահան, սեղանավոր, վաճառական, առևտրական միջնորդ, թարգման, խորհրդական...»⁴⁹:

Այդ նկատառումով էլ «Մասիս»-ի խմբագրությունը, Ազգային ժողովն ու պատրիարքարանը արձագանքեցին թուրքական կառավարությանը և հայերին կոչ արին պայքարի ելնել Ռուսաստանի դեմ և պատերազմը հասցնել իր հաղթական վախճանին: Թուրքական Սահմանադրությունը՝ օսմանյան խաբեություն էր: Չնայած այդ ամենին, պատրիարք Ներսես Վարժապետյանը, կրոնական և Ազգային ժողովի համաձայնությամբ, մի կոնդակ հրապարակեց՝ հայերին Բալկանյան ժողովուրդների և Ռուսաստանի դեմ զենք վերցնելու կոչ արեց: Այդ կոնդակը Գր. Արծրունին անվանեց «Կ. Պոլսի Ներսես պատրիարքի խայտառակ և ամոթալի շրջաբերական»⁵⁰:

Պատերազմելով Բալկանյան ժողովուրդների և Ռուսաստանի դեմ, թուրքական կառավարությունը պատերազմական ծախսերի մեծ մասը գանձեց ընչազուրկ և քաղցի մատնված գավառահայ

44 «Մասիս», № 1848, 1877.

45 Նույն տեղում:

46 «Մասիս», № 1874, 1877.

47 Նույն տեղում:

48 «Մասիս», № 1884, 1877.

49 «Մասիս», № 2324, 1879:

50 «Մշակ», № 33, 1876:

աշխատավորներից: Նա դրանով կամենում էր թուլացնել հայերի ուժը, խափանել Ռուսաստանին միանալու նրանց հակումները:

Վանեցի Սաքո Թարգոյւյանը գեներալ-լեյտենանտ Հ. Լազարյանցին ուղարկած իր ձեռագիր աշխատության մեջ նկարագրում է թուրքական իշխանությունների և քրդական բեկերի կողմից հայերի հարստահարությունների, ճնշման ու իրավազրկման ծանր դրությունը՝ կապված պատերազմական դրության հետ: «...Արդ ինչ կարող է ընել ժողովուրդը այս պարագայիս մեջ, վասնզի իր իրավունքը պաշտպանելու անկարող ժողովուրդ մը եղած է, քանզի երբ որ կառավարությունը թե՛ ուղղակի և թե՛ անուղղակի կերպով կամենա իր հպատակ ժողովուրդը հարստահարել, կեղծքել, ոչընչացնել: Հարկավ ժողովուրդը ցիր ու ցան պետք է լինի»⁵¹:

Մի վանեցի պատմում է. «Ափսոս նորափթիթ հասակիս, որ հասած է 35 տարուն, զի ամեն օր հոգսերով մաշեցուցի կյանքս. չը ծաղկած թառամեցա, մազերս ճերմակեցան որպես ձյուն...» որ «աշխարհիս վերջն հասած է, ալ չի պիտի կարողանամ ազատ շունչ քաշել, ամեն օր տոկանք, ամեն օր արյուն, բանտ, տառապանք, շարշարանք, անպատվություն, բռնաբարություն. այս ամեն քաշածներս հերիք չէ մեզ, այս օրս ալ Մահմետ փաշան հրամայեց, որ հայերս, ամեն ոք իր տան մեջ գորբերի համար չոր հաց պատրաստեն, 2 զույգ գուլպա, 2 զույգ շապիկ, 2 զույգ ոտից շոր, հնուց մնացած կառավարական հին և նոր տուրքերը ընդամենը մինչև 15 օր պատրաստենք, չէ, մեր սուլթան Համիդ մոտակաց օրերումս պատերազմ պիտի ընե. այսինքն Ռուսիո...»⁵²:

Իրադրությունները բարդանում էին: Բայց հայերը չէին վհատվում, նրանք մնում էին կամքով արի ու քաջ, սպասում էին հարմար առիթի, գործում էին ինքնուրույն: Այդ հարմար առիթը ուս-թուրքական պատերազմն էր և Թուրքիայի նկատմամբ Ռուսաստանի ձեռք բերած հաղթանակը, Ռուսաստանը, որի բանակներին նյութապես ու բարոյապես օգնում էին հայերը:

Ստեղծված բարենպաստ պայմաններում հարկավոր էր օգնության ձեռք մեկնել արևմտահայերին, ղեկավարել և ուղղություն տալ նրանց ազգային-ազատագրական պայքարին, բարձրացնել ժողովրդական մասսաների ազգային ինքնագիտակցությունն ու ինքնաճանաչողությունը: Այդ գործում զգալի դեր խաղացին

«Մշակ»-ը և նրա խմբագիր Գր. Արծրունին, արևելահայ ազգային լիբերալներն ու ազգային դեմոկրատները, որոնք ունեին ուսական օրինակագրի: Նրանք հայերին կոչ էին անում ոտքի կանգնել, գեներալները և ուսական գործի հետ միասին կուլել թուրքական բռնապետության դեմ և հույս էին տածում, թե Ռուսաստանը օգնության ձեռք կմեկնի հայությանը: «Թուրքիայի հայերը ճնշված, ստորացված են,—գրում էր Գր. Արծրունին,—մինչև այն աստիճան կրավորական են դարձած, որ իրենց սեփական շրջանից անկարելի է սպասել բռնավորության, հալածանքի, ճնշման դեմ բողոք... Պետք է մի դրսի հզոր ուժ, դրսի ազդեցություն հայտնվի, որ մարդասիրական գուլթից շարժված, մեկներ այդ հոգով ընկած, անդադար քոնաբարության տակ հուսահատված և մաշված ազգությունը իր օգնության ձեռքը...»⁵³:

5

1876 թվականին զահ բարձրացավ սուլթան Աբդուլ Համիդ II-ը (1876—1908), որը հետևողականորեն շարունակեց հպատակ քրիստոնյաների և, առաջին հերթին, հայերի սոցիալական ու ազգային ճնշման քաղաքականությունը: Ավելին. կանգնած լինելով վերահաս պատերազմի վտանգի առջև, սուլթան Համիդը հայերին ուժասպառ անելու կուրս վերցրեց, որպեսզի Ռուսաստանը չկարողանար նրանց օգտագործել իր նպատակների համար:

Իր այդ դիտավորությունն իրագործելու համար, սուլթան Համիդը գործի դրեց ոստիկանությունը, լրտեսների, կաշառակեր պաշտոնյաների, դավադրությունների, խաբեությունների մեջ փորձված սուլթանական իշխանության ողջ կարողությունը: Աբդուլ Համիդը հետևելով իր պապի՝ Սուլթան Մահմեդի օրինակին՝ սկսեց սրի ուժով ղեկավարել երկիրը:

«Սուլթան Ապտուլ Համիտ ինչպես մեռավ» ուղագրավ իր աշխատության մեջ Արամ անունով հեղինակը Սուլթան Համիդի դաժանությունների մասին գրում է.

«Ով դուք, որ հոս կը մտնեք,
Լքեցեք ամեն հույս:

51 ՀՄՄՀ ՊԿՊԱ, Լազարյանցի ֆ. № 42, գործ 11, ք. 24:
52 Նույն տեղում, ք. 26:

53 «Մշակ», № 24, 1876:

Նվ միթե արքայութեան քո դժոխք ալ պետք չէ... Ո՛հ, բազմաթիվ, խիստ բազմաթիվ են հոն մտնողները, գաղտնի ոստիկանութեան հսկողութեամբ պալատ բերվելեն ետքը: Բայց դուրս եկող... Ոչ ոք: Այր և կին, ծեր և տղա, կույս և պատանի, ով որ ինկած է այդ որջին մեջ, վեհապետին հանդեպ իր իրական կամ կարծեցյալ անհավատարմությունը անպատմելի և երկայնատև տանջանքներու մեջ քավելի ետքը, կես ողջ, կես մեռած, պալատին և փողոցներուն տակեն, գետնափոր նկուղներե քաշկոտելով ծովը նետված է, գիշերվան այն ժամերուն, ուր ամբողջ բնութիւնը կը հանգչի և ուր Արարաչին միշտ արթուն աչքերը միայն կը տեսնեն...»⁵⁴:

Բնութագրելով սուլթանական կառավարութեան կերպարը, Անդրե Մանդելշտամը գրում է. «1876-են ի վեր, երբ Ապտյուլ Համիտ ճամբու դրած էր օսմանյան առաջին խորհրդարանին երեսփոխանները, ամեն մասնավոր կամ հանրային նախաձեռնություն, ամենեն բուն անգթութեամբ մը ճնշված էր»⁵⁵: Նույն հեղինակը նշում է, որ սուլթան Համիդը իր տիրապետութեան 33 տարիների ընթացքում հպատակ ժողովուրդներին պահում էր ահ ու դողի մեջ: Նրա կառավարությունը «հատկանշված է իբրև ընդարձակ կազմակերպություն մը կողոպուտի և թալանի համար»⁵⁶:

Սուլթանական բռնապետությունը նպաստավոր առիթների էր սպասում հայերի դեմ հարձակում սկսելու համար: Այդ առիթներն էին՝ 1875—1876 թվականների Բալկանյան սլավոնների ազգային-ազատագրական պատերազմները և 1877—1878 թվականների ռուս-թուրքական պատերազմը: Հայերի դրությունը գնալով ծանրանում էր: Առանձնապես խոր վշտի մեջ էր Վան-Վասպուրականի հայությունը:

1876 թ. դեկտեմբերի 1-ին, սուլթանական կառավարության թելադրանքով, զինվորական հրամանատարի օգնական շերքեզ Մահմեդ բեկի նախաձեռնությամբ կազմակերպվեց Վանի շուկայի մեծ հրդեհը, որը շատ լուրջ աղետ էր հայերի համար: «Վանը, — գրում է Համբարձում Երամյանը, — իբրև Ռուսիո ամենեն մոտիկ հայաշատ, բարգավաճ և ոգևորյալ կենտրոն, կըրնար ռուսական արշավանքի մը ընթացքին վտանգավոր դառնալ, ուստի և պետք էր

54 Արամ, Սուլթան Ապտյուլ Համիտ ինչպե՞ս մեռավ, Գահիրե, 1908, էջ 10—11.
55 Ա. Մանդելշտամ, Օսմանյան կայսրության ճակատագիրը, Կ. Պոլիս, 1919, էջ 18.
56 Նույն տեղում:

լախտի հարված մը տալ Վասպուրականի հայության, որ այն ատեն 250 հազարե կանցներ և որուն գլխավոր շնչերակն էր Վանը»⁵⁷:

Հայերին սպառնացող ահեղ վտանգի առիթով Խրիմյանը հանդես եկավ «Վանգոյժ» աշխատութեամբ: Նա գտնում էր, որ այդ հանցագործության հեղինակը սուլթանական կառավարությունն է, որը Վան-Վասպուրականը ուժասպառ անելու կուրս էր վերցրել:

Սուլթանական միահեծանության գործադրած գազանությունների հանդեպ լռելը Խրիմյանը համարում էր դատապարտելի և Բալկանյան սլավոնների օրինակով հայերին ազգային-ազատագրական պայքարի էր կոչում: «Դու գիտե՞ս, — գրում էր նա, — որ հավատարիմ ժողովուրդ հայոց, մարդիկ և ազգեր կան, որ քո այնչափ հավատարմությունդ կը ծաղրեն ու կը մեղադրեն զքեզ, երբ կը տեսնեն, որ խիստ անմոռնչ և անզգա կը լինես հավատարմությանդ մեջ, մինչև անշունչ, անբարբառ դիակ մը կը դառնաս դու, այնպես որ քու պարկեշտությունդ կը նշավակեն և կոխտելով կանցնին վրայեդ և դու չես իմանար: Մի՞թե գոհճյաց կավ ես դու աշխարհիս երես. ես էլ կը դատիմ թե այդ չափ ստրկանաս և աղարտես մարդկության ազատ պատիվը»⁵⁸:

«Վանգոյժ»-ը և նրան հաջորդող «Հայգոյժը» հայ ժողովրդի կենդանի բողոքն էին թուրքական իշխանությունների և քրդական բեկերի կողմից հայերի նկատմամբ գործադրած շարագործությունների ու ավերածությունների դեմ: Այդ աշխատությունները հայերին մոբիլիզացնում էին իրենց մղած արդարացի պայքարում: «Ելե՛ք ուրեմն, — գրում է Խրիմյանը, — մի՛ նստիք և հուսահատ ողբաք այդ ապաժոյժ ավերակաց վերա. ելե՛ք, վանեցիք, թաղեցեք այդ մեռելը, վրան կոթող մը կանգնեցեք ու գրեցեք այս հիշատակարանը. «Աստ քաղեցավ վանեցի հայ ժողովրդոց գանձն ու կյանքը»⁵⁹:

Խրիմյանը և Վան-Վասպուրականի հայությունը լուրջ սպասելիքներ ունեին վերահաս ռուս-թուրքական պատերազմում Ռուսաստանի հաղթանակից: Դրա համար էլ Խրիմյանը իր վերոհիշյալ աշխատություններում հայ ժողովրդի համար նախատեսում էր լավ ապագա. «Դարուն մոտ է, — գրում է նա, — հայոց աշխարհ, և պիտի գա ծիծեռնակ քեզ ավետիս տա, թե թուրքիո աշխարհին երկունք

57 Համբարձում Երամյան, Հուշարձան Վան-Վասպուրականի Ալեքսանդրիա, 1929, էջ 92—93:

58 Խրիմյան Հայրիկ, Վանգոյժ, Կ. Պոլիս, 1903, էջ 11:

59 Նույն տեղում, էջ 12:

կանցնի և յուր վերածնության օրը հասած է, և դու տես յայնժամ թե ինչպես այդ մոխրակույտ ազարակն արդեն բողբոջելով կը կանաչի, և քո վերջին բարգավաճ կը լինի քան զառաջին»⁶⁰:

Քայց, ցավոք սրտի, այդ գարունը չեկավ, ավետաբեր ծիծեռնակը չերևաց հայկական աշխարհի վրա, որովհետև սուլթանական թուրքիային հովանավորեցին եվրոպական մի քանի մեծ տերություններ, գլխավորապես Անգլիան ու Ավստրիան: Պատերազմից հետո, շնայած թուրքիայի կրած ծանր պարտությանը, այնուամենայնիվ, նա է՛լ ավելի ուժեղացրեց հայերի սոցիալական ու ազգային ճնշումը՝ նրանց բնաջնջելու նպատակով:

60 Խրիմյան Հայրիկ, Վանգոյժ, Կ. Պոլիս, 1908, էջ 14:

Գ Լ Ո Ւ Խ Ե Ե Բ Կ Ի Ռ Բ Դ

1877—1878 ԹՎԱԿԱՆՆԵՐԻ ՌՈՒՍ-ԹՈՒՐԲԱԿԱՆ ՊԱՏԵՐԱԶՄԸ:
ՍԱՆ-ՍՏԵՖԱՆՈՅԻ ԴԱՇՆԱԳԻՐԸ: ԲԵՌԼԻՆԻ ԿՈՆԳՐԵՍԸ ԵՎ
ՀԱՅԿԱԿԱՆ ՀԱՐՑԸ

1

1877—1878 թթ. ռուս-թուրքական պատերազմը ծագեց գլխավորապես Արևելյան հարցի շուրջը ստեղծված կրիզիսի հետևանքով:

Թուրքական կայսրության հպատակ ժողովուրդները և գլխավորապես բալկանյան սլավոնները ազգային-ազատագրական պայքար էին մղում թուրքական բռնապետության դեմ իրենց ազգային անկախության համար:

Արևելյան հարցը թևակոխեց իր զարգացման նոր փուլը: Ռուսաստանը հանդես եկավ ակտիվ դերում: Նա աշխատեց Արևելյան հարցը և նրա շուրջը ստեղծված կրիզիսը լուծել պատերազմի ճանապարհով: Ռուսաստանի այդ քայլը ավելի սրեց միջազգային հարաբերությունները:

Ռուս-թուրքական պատերազմը և բալկանյան ժողովուրդների ազգային-ազատագրական շարժումները է՛լ ավելի բարձրացրին հայերի ազգային ինքնագիտակցությունն ու ինքնաճանաչումը: Նրանք նույնպես ազգային-ազատագրական պայքարի ելան ընդդեմ սուլթանական բռնապետության՝ հանուն իրենց ազգային անկախության:

Ռուսաստանը շահագրգռված էր Բալկաններով և Կովկասով՝ ընդհանրապես, և Անդրկովկասով՝ մասնավորապես: Այդ երկրները շատ էական նշանակություն ունեին նրա համար: Անդրկովկասը

սահմանակից է Պարսկաստանին ու Թուրքիային: Գրավելով այն, Ռուսաստանը իրեն համար ստեղծեց բացառիկ կարևոր պլանգ-դարմ՝ Արևելքում: Պարսկաստանի և Թուրքիայի դեմ պատերազմելիս, Ռուսաստանը կարողանում էր վստահորեն օգտագործել կովկասյան ռազմաբեմը: Կովկասում Ռուսաստանի տարած հաղթանակները նպաստավոր հող էին նրա պատերազմական գործողությունների համար Բալկաններում:

1853—1856 թվականների արևելյան պատերազմը խափանեց Ռուսաստանի հաջողությունների սերիան: Արտաքին քաղաքականության մեջ այն հասցրեց նրա ազդեցության թուլացմանը: Անգլիան ու Ֆրանսիան պաշտպանեցին Թուրքիային և Փարիզյան դաշնագրով սահմանեցին նրա տերիտորիալ ու քաղաքական անձեռնմխելիությունը կամ «Status quo»-ն, որը պատմության մեջ խոշոր հանցագործություն էր:

Ռուսաստանը չէր կարող հաշտվել Փարիզի դաշնագրով ունեցած իր կորուստների հետ: Պատրաստվելով նոր պատերազմի, նա խոշոր ջանքեր դործադրեց հպատակ ժողովուրդների, և հատկապես հայերի համակրանքն ու աջակցությունը շահելու համար: Հասկանալով Ռուսաստանի դիտավորությունները, դաշնակից տերությունները, և գլխավորապես Անգլիան, Ֆրանսիան ու Թուրքիան աշխատում էին իրենց կողմը պահել հպատակ ժողովուրդների համակրությունն ու աջակցությունը:

«Հայկական հարցը Արևելյան հարցի մեջ» խորագրերը կրող իր ուշադրավ աշխատության մեջ արևմտահայ պատմաբան Խորեն Գաբրիելյանը գրում է. «Ռուսիան կը ջանա էջմիածնի ազդեցությունը զորացնել օսմանյան հայության վրա, օսմանյան կառավարությունը կուզե ձերբազատել օտար ազդեցութենն»¹:

Անգլիան ու Ֆրանսիան, գրում է նույն հեղինակը, բոլոր ջանքերը գործադրում էին արևմտահայերին էջմիածնի ազդեցությունից հեռու պահելու համար: Նրանք հասկանում էին, որ հայերի համակրությունը Ռուսաստանի կողմն է և պատերազմի դեպքում կաջակցեն նրան: Ռուսաստանն էլ իր կողմից գործադրում էր բոլոր հնարավոր միջոցները Անգլիայի ու Ֆրանսիայի դիտավորությունները ձախողելու համար: «Իկնատեհի համար, — գրում է Խ. Գաբրիելյանը, — հայերու էջմիածնեն բաժանումը պիտի վտանգեր Ռուսիո շահերը

1 Խ. Գաբրիելյան, Հայկական հարցը Արևելյան հարցի մեջ (1860—1880), Պեյ-բուք, 1962, էջ 65.

Արևելյան հարցի տեսակետեն: Ռուսիա կը պատրաստվեր պատուելու Փարիզի դաշնագիրը, հարմարագույն առիթը պիտի ներկայանար մոտ առենեն, և հարցը կը բացվեր Օսմ. կայսրության ծայրերեն՝ Պոսնիայեն և արևելյան նահանգներեն»²:

Թուրքական բռնապետության դեմ ուղղված հայերի դժգոհություններն ու բողոքները Անգլիան ու Ֆրանսիան համարում էին Ռուսաստանի դրդումների արդյունք:

Մեղադրելով Անգլիային՝ Թուրքիային հովանավորելու և հայերի նկատմամբ բացասական դիրք գրավելու համար, Խ. Գաբրիելյանը գրում է. «Խրիմի պատերազմին առեն անգլիական դեսպան սըր Սթրետ Ֆորտ կընդուներ, որ հայերը ուս քաղաքականության գործիք են: Էրզրումի անգլիական հյուպատոսը 1869-ին նույնը կը գրեր իր կառավարության. «Կապույտ գիրք»-երը կը վկայեն, որ Խրիմի պատերազմեն ի վեր Անգլիան կաշխատի իր կողմը շահիլ հայերը»³:

Հայերին իրենց ազդեցության տակ առնելու և դեպի Ռուսաստանը եղած նրանց հակումները վերացնելու նպատակով, Անգլիան ու Ֆրանսիան կամենում էին դավանափոխել հայերին: Կ. Պոլսի ֆրանսիական դեսպանատան պատասխանատու աշխատակիցներից՝ Րուվընելը 1855 թվականին իր կառավարությանը հաղորդում էր. «Բոլոր բաշաները պատերազմին սկիզբը Ռուսիո ի նպաստ արտահայտվեցան: Մեր հաղթանակները զանոնք ընկճած են», թե «խոստովանելու է, որ քրիստոնյաները, զորս Անգլիա և Ֆրանսիա կուղեն ազատագրել, կաթոլիկության մատչելի չեն, իրենց դավանանքին համար նվազագույն մտահոգություն մը զիրենք պիտի դարձնեն դեպի Ռուսիա»⁴:

Անգլիայի ու Ֆրանսիայի մտադրությունները խափանվեցին: Թուրքիայի կողմից ճնշված բոլոր քրիստոնյա ժողովուրդները մնացին հավատարիմ իրենց դավանանքին և իրենց ազատության հույսերը կապեցին Ռուսաստանի հետ:

Ուշագրավ է 1857 թ. մարտի 29-ին ֆելդմարշալ Բարյատինսկու նամակը վարչապետ Գորչակովին՝ հայերին Ռուսաստանի կողմը գրավելու կապակցությամբ: Բարյատինսկին իր կառավարությունից պահանջում էր հայերի, նրանց դավանանքի ու եկեղեցու նկատ-

2 Խ. Գաբրիելյան, նշված աշխատությունը, էջ 66.

3 Նույն տեղում, էջ 88.

4 Նույն տեղում, էջ 78.

մամբ վարել այնպիսի քաղաքականություն, որն ապահովի նրանց աշակցությունն ու համակրանքը Ռուսաստանի կողմը, որպես գալիք պատերազմում նրա հաջողությունների կարևոր պայմաններից մեկը. «Ինչ վերաբերում է մեզ համար արտակարգ կարևորություն ունեցող թուրքահայերին, մեր ազդեցությունը Արևելքում պահելու իմաստով,—գրում է նա,—ապա ես լիովին բաժանում եմ իշխան Կիսելյովի տեսակետը: Ինչպես նա, ես ևս կարծում եմ, որ մենք պետք է հակադրվենք արևմտյան տերությունների ռազմական և հոգևոր գործողություններին: Կրոնը, ազգությունը և մեր կողմից հովանավորվող հայերը մեզ հնարավորություն կտան օգտվելու նրանց համակրությունից»⁵:

Կաթողիկոսական ընտրություններին լուրջ քաղաքական նշանակություն տալով, Բարյատինսկին պահանջում էր իր կառավարության բարյացակամ վերաբերմունքն այդ գործին, որպես արևմտահայությանը Ռուսաստանի կողմը գրավելու լավագույն երաշխիք: «Ներկա ժամանակ մեզ համար հատուկ կարևորություն է ներկայացնում այն,—գրում է նա,—որ էջմիածնի պատրիարքի տեղը ազատ է: Հենց նրա համար, որ էջմիածնի եկեղեցին գտնվում է Ռուսաստանում և պատրիարքը ճանաչված է բոլոր հայերի կողմից որպես ամբողջ ազգի հոգևոր առաջնորդ, մենք մեր ձեռքում ունենք մեծ միջոց բոլոր հայերին մեր կողմը գրավելու համար»⁶:

Թուրքիան կործանումից փրկելու և նրա վաղեմի ռազմական փառքը վերականգնելու դիտավորություններով, թուրքական կառավարողներն էլ մշակում էին իրենց նոր քաղաքականությունը:

1869 թվականին Աբդուլ Ազիզին ուղարկած իր կտակ-նամակում, Ֆուադ փաշան Արևելյան հարցը հրապարակից հանելու, Թուրքիային սպառնացող վտանգը կանխելու նպատակով, պահանջում էր նախ և առաջ միաձուլել հպատակ ժողովուրդներին և ամեն կերպ խափանել նրանց ազատագրական տենչանքները: «Մեր քրիստոնյաները,—գրում է նա,—չափից դուրս շտապում են իրենց նախկին տերերի տեղը բռնել: Մանավանդ հայերն այդ կողմից շափաղանց ձգտում են ցույց տալիս: Արդար կլինեն շափավորել նրանց եռանդը, բանալով պետական ծառայության ասպարեզ միայն նրանց համար, որոնք անկեղծ կերպով ընդունում են մեր կայսրության սկզբունքները»⁷: Ուստի Ֆուադ փաշան պահանջում էր արագացնել

միաձուլումը և դրա մեջն էր տեսնում իր կայսրության վաղեմի հզորության վերականգնման պայմաններից մեկը: «Մեր ներքին գործերի մեջ բոլոր ջանքերը պետք է ուղղված լինեն դեպի մի նպատակ,—գրում է նա,—միաձուլել մեր ազգը: Առանց այդ միաձուլման մեր կայսրության ապագա գոյությունն ինձ, հիրավի, անհնարին է թվում... Արևելյան կայսրությունը կարող է գոյություն ունենալ միայն Արևելքի բոլոր ազգերի միացմամբ»⁸:

Անցնելով արտաքին քաղաքականության հարցերին, Ֆուադ փաշան Անգլիային էր համարում Թուրքիայի ամենահավատարիմ դաշնակիցը նրա երազանքների իրագործման համար մղվող պայքարում: «Մեր օտար դաշնակիցների շարքում,—գրում է նա,—դուք միշտ առաջին տեղում կգտնեք Անգլիան... Անգլիան մեզ ահագին ծառայություններ է մատուցել և անկարելի է, որ մենք կառավարվենք առանց այդ ծառայությունների, որ նա դեռ կարող է մատուցել մեզ... Ես նախամեծար կհամարեի մի քանի նահանգներ կորցնել, քան տեսնել Բ. Գուռը լքված Անգլիայի կողմից»⁹:

Տեսնելով Արևելյան հարցի հետ կապված Թուրքիային սպառնացող նորանոր վտանգների անխուսափելիությունը, Ֆուադ փաշան միաժամանակ առաջարկում էր զարկ տալ տնտեսությանը, ռազմական տեխնիկային ու գիտությանը: «Իմ միտքը ավելի պարզելու համար,—գրում է նա,—ես կասեմ, որ ձեր կայսրությունը մահվան երկյուղի տակ պարտավոր է այնքան փող ունենալ, որքան ունի Անգլիան, այնքան լուսավորություն, որքան ունի Ֆրանսիան և այնքան զինվորներ, որքան ունի Ռուսաստանը»¹⁰:

Անցնելով Թուրքիայի ու Ռուսաստանի փոխհարաբերություններին, Ֆուադ փաշան Ռուսաստանին համարում էր Օսմանյան կայսրության վաղեմի թշնամի և պահանջում էր Ավստրիայի ու Գերմանիայի հետ դաշինք կնքել և միասնական ուժերով ձախողել նրա արևելյան քաղաքականությունը: «Ես հասնում եմ վերջապես Ռուսաստանին,—գրում է նա,—այն է՝ մեր կայսրության ակամա թշնամուն: Այդ պետության ընդարձակումը Արևելքում, Մոսկվայի ձախատագրական օրենքն է: Եթե ես ինքս ռուս մինիստր լինեի, ես տակն ու վրա կանեի ամբողջ աշխարհը՝ Կ. Պոլիսը գրավելու համար»¹¹:

⁵ «Русский архив» 1889, книга 3/9), էջ 332:

⁶ Նույն տեղում:

⁷ «Մշակ», № 143, 1896, «Ֆուադ փաշայի կտակը»:

⁸ «Մշակ» № 143, 1896, «Ֆուադ փաշայի կտակը»:

⁹ Նույն տեղում:

¹⁰ «Մշակ» № 142, 1896:

¹¹ Նույն տեղում:

Այսպիսով, տեսնելով Արևելյան հարցի շուրջը զարգացող իրադարձությունների բարդությունը և Թուրքիային սպառնացող վտանգը, Ֆուադ փաշան իր կառավարությանը Ռուսաստանի դեմ պատերազմ սկսելու կոչ էր անում: 1876 թվականին գահ բարձրանալով Աբդուլ Համիդը, կարծես թե կատարեց Ֆուադ փաշայի կտակը:

1875 թվականի ամռանը կապալառու հարկահանները կամայականորեն տանջում էին աշխատավորներին՝ առիթ տալով Բոսնիայում և Հերցեգովինայում ժողովրդական ապստամբությունների: Այդ ապստամբությունները լռեցնելու նպատակով զենքի տակ պահված հրոսակների վրա եղած ամբողջ ծախսերը Թուրքական կառավարությունը գանձում էր սովի մատնված աշխատավորներից:

Սլավոն քրիստոնյաների ապստամբությունները ճնշելու դիտավորությամբ Թուրքական բռնապետները դիմեցին պրովոկացիոն մեթոդների, կազմակերպեցին քրիստոնյաների շարժեր, զրբզրոնեցին իսլամական մոլեռանդությամբ մոլորված Թուրքական ամբոխի կրքերը, տեղի տվեցին արյունահեղությունների:

1876 թ. ապրիլին Թուրքական բռնապետության դեմ ապստամբություն բարձրացրին բուլղարները, որոնք բացարձակապես իրավազուրկ էին: Բուլղար ժողովրդին ապստամբության ոտքի հանելու գործում մեծ դեր խաղաց Բուլղարիայի Հեղափոխական կոմիտեն: Այդ կոմիտեի երկու անդամների՝ Խրիստո Բոտևի և Ստամբուլովի կողմից կազմակերպված և 1875 թ. սեպտեմբերի 8-ին հրապարակված թուրքիկներից մեկում ասված է.

«Հարազատ բուլղարական ժողովուրդ.

Քեզ շրջապատող ժողովուրդները բոլոր կողմերով ապրում են երջանիկ: Միայն դու և քո հարևանները, դուք անբախտ եք՝ ապրելով Թուրքական կառավարության տիրապետության տակ և, զրկված մարդկային անվիճելի իրավունքներից, ծանր հառաչում եք բարբարոսների լծի տակ»¹²:

Աբդուլ Համիդը ձեռնարկեց բոլոր հնարավոր միջոցները սլավոն ժողովուրդների ազատագրական շարժումները ճնշելու, Ռուսաստանի հաջողությունները նախօրոք խափանելու համար: Բալկանյան սլավոնները, սկսելով ազգային-ազատագրական շարժումները, հաստատ համոզված էին, որ Ռուսաստանը օգնության ձեռք

կմեկնի իրենց: Մարքսի խոսքերով ասած՝ սլավոն ժողովուրդները, «Պետերբուրգից են սպասում իրենց մեսիան, որ կփրկի նրանց ամենայն շարիքից»:

1875—1876 թվականների Արևելյան կրիզիսը Ռուսաստանի համար նպաստավոր պայման հանդիսացավ ակտիվացնելու իր արտաքին քաղաքականությունը և Փարիզյան դաշնագրի մի քանի հոդվածներ շեղյալ համարելու համար, որոնք սահմանափակում էին նրա իրավունքները Սև ծովի վրա¹³:

Ստեղծված իրադրությունները մի կողմից, Թուրքիայի դեմ Ռուսաստանի կողմից նախապատրաստվող պատերազմը՝ մյուս կողմից, լուրջ փոփոխություններ առաջ բերին կապիտալիստական խոշոր տերությունների հարաբերություններում:

Անգլիան, որը Թուրքիային վեր էր ածել կիսագաղութի, չէր կարող հաշտվել նրա կորստի հետ, 1872 թվականին միայն բրիտանական ներմուծումը Թուրքիայում հասավ 7,4 միլիոն ֆունտ ստեռլինգի: Արտասահմանյան կապիտալը իր ձեռքն էր կենտրոնացրել երկաթուղիների կառուցման ու շահագործման կոնցեսիան: Թուրքիայի արտաքին պարտքը աճեց 5,3 միլիարդ ֆրանկով: Նա ի վիճակի չէր վճարել նույնիսկ նրա տոկոսները, որի պատճառով կանգնել էր կատարյալ սնանկության առջև¹⁴:

Հետևապես, Անգլիան չէր կարող հաշտվել Ռուսաստանի ոտքնաձուլությունների հետ և պահանջում էր պահպանել «Status quo»-ն:

Արևելյան ճգնաժամի հանդեպ սառնասիրտ չէր նաև Ավստրո-Հունգարիան: Նա չէր կամենում իր սահմաններում տեսնել սլավոնական ինքնուրույն պետություններ, չէր ուզում տեսնել Ռուսաստանի ազդեցության ուժեղացումը Բալկաններում և, հետևապես, նա նույնպես դեմ էր Թուրքահպատակ ժողովուրդների ազատագրական հակումներին: Նրան հարկավոր էր Բալկաններում ուժեղացնել իր ազդեցությունը: Ռուսաստանը հասկանում էր, որ իր զավթողական ծրագրի իրագործման դեմ է կանգնած ոչ միայն

¹³ 1870 թ. հոկտեմբերին ռուսական կառավարությունը եվրոպական տերություններին իրազեկ դարձրեց Փարիզյան դաշնագրի մի քանի հոդվածներից իր հրաժարականի մասին: Չնայած Անգլիայի դիմադրությանը, 1871 թ. հունվար-մարտ ամիսներում հրավիրված դեսպանների լոնդոնի կոնֆերանսը համաձայնվեց այդ դաշնագրի մի շարք հոդվածները փոխելու Ռուսաստանի պահանջի համեմատ (տե՛ս Օ. Բիսմարկ. Мысли и воспоминания, том второй, Москва, 1940, էջ 113):

¹⁴ Н. И. Беляев. Русско-турецкая война 1877—1878 гг., Москва, 1956, էջ 11:

¹² Захарии Стояков, Записки о болгарских восстаниях, Москва, 1953, էջ 133:

Անգլիան, այլև Ավստրո-Հունգարիան: Այդ մասին իր հիշողություններում Բիսմարկը գրում է. «...Սուլթանը կարող է մտածել, որ եվրոպական տերությունների հակամարտությունները երաշխիք են իրեն՝ Ռուսաստանի դեմ: Անգլիայի և Ավստրիայի համար թուրքիայի պահպանումը հանդիսանում է տրադիցիոն քաղաքականություն»¹⁵:

Արևելյան կրիզիսի հարցում անտարբեր չէր կարող մնալ նաև Գերմանիան: 1876 թ. գարնանը Բիսմարկը իր հանգստավայրում՝ Վարցինում, Լոնդոնի իր կառավարության ռազմական լիազոր-ներկայացուցիչ գեներալ Վերդերից ստանում է հեռագիր, որի մեջ նա ռուսական կայսր Ալեքսանդր II-ի հանձնարարությունները խնդրում է հաղորդել, թե Գերմանիան արդյոք կմնա՞ չեզոք, եթե Ռուսաստանը պատերազմ սկսի Ավստրիայի դեմ: Բիսմարկը գտնում էր, որ Վերդերը շուներ բարձրաստիճան լիազորություն և, հետևապես, անհնար էր պատասխանել նման հարցին: Գորշակովը այդ մասին իրազեկ պահեց ռուսական կայսրին: Ընդհատելով իր բանակցությունները Գերմանիայի հետ, Ռուսաստանը գաղտնի բանակցություններ սկսեց Ավստրիայի հետ:

1876 թ. հուլիսի 8-ին Ռեյխշտադտ (չեխական-Չակոպի) քաղաքում տեղի է ունենում Ալեքսանդր II-ի և Ավստրիայի կայսրի տեսակցությունը Բալկանյան հարցի քննարկման կապակցությամբ: Ռուսաստանը և Ավստրիան համաձայնության եկան, որ եթե թուրքական կայսրությունը հաղթանակ տանի 1875 թ. ամռանը թուրքիայի դեմ ապստամբված Բալկանյան քրիստոնյաների նկատմամբ, այն դեպքում երկու տերությունները պետք է դուրս գան թուրքիայի դեմ: Թուրքական կայսրության անկման դեպքում Ավստրիան պետք է ստանար Բոսնիան և Հերցեգովինան, իսկ Ռուսաստանը պետք է ստանար 1856 թվականի դաշնագրով կորցրած Բեսարաբիայի մի մասը, Բուլղարիան և Ռումելիան պետք է ստանային ինքնուրույնություն: Բալկաններում սլավոնական մեծ պետություն ստեղծելու հնարավորությունը մեջտեղից հանվեց: Կոստանդնուպոլիսը դառնալու էր ազատ քաղաք: Այս պայմանները գրանցվեցին 1877 թ. հունվարի 15-ի Բուդապեշտի լրացուցիչ պայմանագրում: Նշված պայմանագրի բոլոր կետերից զխավորը երկրորդ կետն էր, որով «Ավստրիան հանձն էր առնում մնալ չեզոք՝ թուրքիայի դեմ Ռուսաստանի վարած պատերազմի ընթացքում»¹⁶,

Գերմանիան մի կողմից Ռուսաստանին խրախուսում էր պատերազմի թուրքիայի դեմ, իսկ մյուս կողմից նախապատրաստում էր Ավստրո-Հունգարիայի հետ միություն ստեղծելու ծրագիրը: «Եթե Ռուսաստանը ստիպի մեզ ընտրություն կատարել իրեն և Ավստրիայի միջև, ապա ես կարծում եմ, որ Ավստրիան մեզ ցույց կտա պահպանողական և խաղաղ ուղղություն, իսկ Ռուսաստանին՝ անբարյացակամություն»¹⁷,— գրում է Բիսմարկը:

Գերմանիան իր երկդիմի քաղաքականությամբ աշխատում էր ազատ պահել իր ձեռքերը Ֆրանսիայի դեմ: Ֆրանսիայի և Գերմանիայի հակամարտությունների մասին Բիսմարկը գրում է. «Ֆրանսիան պետք է միշտ մեր դեմ լինի, որովհետև նրա շահերը Հոնենտում ավելի կարևոր են, քան Արևելքում և Բոսֆորում»¹⁸:

Սպառնալով Ռուսաստանին՝ Ֆրանսիային հովանավորելու համար, Բիսմարկը գրում է. «Լիովին հասկանալի է, որ ռուսական քաղաքականության տեսակետից եվրոպայում Ֆրանսիայի տեսակարար կշիռը չպետք է որոշ սահմաններից իջնի: Ինձ թվում է, որ այդ սահմանները նշվեցին 1870—1871 թթ. Ֆրանկֆուրտի հաշտությունում: Պետերբուրգում, կարող է պատահել, որ դեռ ոչ լիակատար հստակությամբ են հաշիվ տալիս իրենց, ինչպես հինգ տարի անց: Ֆրանսիայի դեմ մեր ունեցած պատերազմի ժամանակ Պետերբուրգյան կաբինետը, կարծում եմ, հազիվ թե կարողանար նախատեսել, որ պատերազմից հետո նա իրեն հարևան կունենա շատ ուժեղ ու միավորված Գերմանիա»¹⁹:

Այսպիսին էին միջազգային հարաբերությունները Արևելյան հարցի շուրջը: Պատերազմը դարձել էր անխուսափելի: Ռուսաստանը վճռեց Արևելյան կրիզիսը լուծել պատերազմի միջոցով, օգնության ձեռք մեկնել սլավոն ժողովուրդներին և միաժամանակ օգտագործել նրանց ազատագրական շարժումները իր դիտավորությունները ի կատար ածելու համար: Ռուսական ցարիզմը ելնում էր նաև այն մտադրությունից, թե հաղթական պատերազմը թուրքիայի դեմ վերջ կտա իր երկրի ներսում աճող հեղափոխական գործողություններին:

17 О. Бисмарк, Мысли и воспоминания, том второй, էջ 218:

18 Նույն տեղում, էջ 240:

19 Նույն տեղում, էջ 210:

15 О. Бисмарк, Мысли и воспоминания, том второй, էջ 238:

16 Նույն տեղում, էջ 193:

Ռուս-թուրքական պատերազմը սկսվեց 1877 թ. ապրիլին: Նախահարձակ կողմը Ռուսաստանն էր: Նա թուրքիայի դեմ իր պատերազմական գործողությունները սկսեց բալկանյան և կովկասյան ռազմաճակատներում:

Թուրքիան անպատրաստ չդիմավորեց Ռուսաստանի կողմից սկսված պատերազմին: Նրա թիկունքում կանգնած էին Անգլիան, Ամերիկան և Գերմանիան, որոնք օգնում էին նրա բանակների ամրացմանն ու սպառազինմանը: Պատերազմի ժամանակ նրա բանակներում հաշվվում էր 700.000 մարդ:

Թուրքական բանակի հետևակային զորքերի 70 տոկոսը զինված էր ամերիկյան «Պիպոդին-Մարտինի» սիստեմի հրացաններով, 30 տոկոսը՝ անգլիական «Սնայպեր» սիստեմի հրացաններով, իսկ ամբողջ հեծելազորը զինված էր ամերիկյան «Վենչեստեր» սիստեմի հրացաններով:

Պատերազմի հենց առաջին ամիսներին ամերիկյան շոգենավը հասնում է Կ. Պոլիս «բերելով 26.000 հրացան և 40 միլիոն փամփուռ»²⁰:

Դանուբի ռազմաճակատում Թուրքիան նախատեսել էր ունենալ 158 հազար զինվոր, բայց այդ թիվը նա հասցրեց 227 հազարից մինչև 268 հազարի:

Ռուսաստանը, որպես հարձակվող կողմ, պետք է դուրս բերեր կրկնապատիկը՝ 450.000-ից մինչև 570.000 զինվոր²¹: 1877 թ. նոյեմբերի կեսերին Դանուբի ռազմաճակատում Ռուսաստանը ուներ կենտրոնացված 373.000 զինվոր, իսկ Թուրքիան՝ 227.000 զինվոր²²:

Թուրքիայի դեմ Ռուսաստանի պատերազմական գործողությունների համար շափազանց կարևոր նշանակություն ուներ Կովկասյան ռազմաճակատը: Այստեղ նա կենտրոնացրել էր 120.513 զինվոր՝ 276 թնդանոթով, իսկ թուրքական կառավարությունը կենտրոնացրել էր 90.000 զինվոր²³: Փոքր Ասիայի և Աֆրիկայի ռազմաճակատներում նա կենտրոնացրել էր 140—157 հազար զինվոր: Անատոլիայի բանակի գլխավոր հրամանատարն էր Մուխտար փաշան:

²⁰ «Մասիս», 1877, 22 մայիսի:

²¹ Н. И. Беляев, Русско-турецкая война 1877—1878 гг., т. 73—74.

²² Նույն տեղում, էջ 269:

²³ ЦГИА в Ленинграде, фонд Лорис Меликова № 866, дело № 7, р. 7:

Պատերազմի ռուսական երկու ճակատներում կենտրոնացված էին ավելի քան 450 հազար զինվոր՝ 1134 թնդանոթով: Գործող բանակներն անընդհատ համալրվում էին: Բալկաններում ռուսական զորքերի հետ միասին կռվում էին սլավոն ժողովուրդների զինված աշխարհազորայինները, իսկ Կովկասյան ճակատում՝ հայերը, վրացիները, ադրբեջանցիները: Ռուսական զորքերի ընդհանուր հրամանատարն էր Ալեքսանդր II-ի եղբայր Միխայիլ Նիկոլակիչը:

1877 թվականի վերջում Բալկաններում գործող ռուսական բանակը լուրջ հաղթանակներ տարավ: Դեկտեմբերի 10-ին (հ. տ.) ավարտվեցին Շիպկայի և Պլենայի համար մղվող համառ մարտերը: Պլենայի թուրքական կայազորը անձնատուր եղավ: Ռուսները գերի վերցրին 2128 հրամանատար, 6 փաշա և 40.000 զինվոր: Պլենայի անկումը վճռեց պատերազմի բախտը այդ ռազմաճակատում՝ ի վնաս Թուրքիայի:

Ռազմական խոշոր գործողություններ ծավալվեցին Կովկասյան ռազմաճակատում:

Կովկասյան ռազմաճակատի ռուսական զորքերը հարձակման անցան 1877 թ. գարնանը և թշնամուն լուրջ հարվածներ հասցրին: Առաջին 12 օրվա մարտական գործողությունների հետևանքով ռուսական զորքերը գրավեցին Կաղզվանը: Տեր-Ղուկասովի զորքերը համառ մարտերով գրավեցին Բայազետը, որը էրզրումի գրավման համար կարևոր ստրատեգիական նշանակություն ուներ: Ապրիլի վերջում Ալի փաշայի զորքերին հսկայական կորուստներ պատճառելով, նրանք գրավեցին Դիադինը (Բայազետը), իսկ մայիսի 26-ին՝ Ղարաբախի սան, Պենյակն ու Օլթին:

1877 թ. մայիսի 5-ին Դեիլի զորքերը գեներալ Գեյմանի օգնությամբ գրավեցին Արդահանը: Նրանք գլխովին ջախջախեցին թուրքական զորքերին և հեշտացրին Կարսի գրավումը:

Արդահանի գրավման նշանակության մասին Կովկասյան գործող զորաբանակի հրամանատարի 1877 թ. մայիսի 14-ի հրամանում ասված է, որ Արդահանյան զորաբանակը ինքը գրոհեց թշնամու վրա և նրան հասցրեց այնպիսի պարտություն, որ թույլ չտվեց հակառակորդին նահանջելու իր ամրացրած ճամբարը: Թշնամին լրիվ կերպով պարտված է և, հետևապես, «վերևում նշված տվյալները լրիվ իրավունք էին տալիս պարզևատրելու գնդապետ Կոմարովին Ս. Գիրդախի կի շքանշանով»²⁴:

²⁴ ЦГИА в Ленинграде, фонд Лорис Меликова, № 866, дело № 68, р. 8:

Տեր-Ղուկասովի զորքերի տեղաշարժը դեպի Կարս, ունեցավ իր քաջասական հետևանքը: Թուրքական ղինվորական միավորումները՝ 20.000 հետևակով, 5.000 հեծելազորով, 9 դաշտային և 3 չեռնային հրանոթներով հարձակվեցին Բայազետի վրա: Բայազետը պաշարված էր և գտնվում էր կրակի օղակում:

Կովկասյան գործող զորաբանակի կոմիսարը՝ գեներալ Պավլովը Մուխտար փաշայի դիտավորությունների մասին հաղորդում էր, որ «Տեր-Ղուկասովը շրջապատված է 30 հազարով, որոնց նշանակալից մասը բերված է էրզրումից...»²⁵: Այդ նույն հաղորդագրության մեջ միաժամանակ ասված է, որ Մուխտար փաշայի հրամանատարության տակ են գործում նաև քրդական հեծյալ զնդերը: Մուխտար փաշան Բայազետի գրավման հետ միաժամանակ կամենում էր շարժվել դեպի Արարատյան դաշտավայրը, դեպի Արաքսը: «...Մուխտար փաշան իր գլխավոր ուժերով շուտ եկավ գեներալ Տեր-Ղուկասովի դեմ, որի զրուկները պետք է համարել ծանր, եթե ոչ կրիտիկական...»²⁶:

Գտնվելով ծանր վիճակում, փոխգնդապետ Պասկևիչը հեռագրով շտապ օգնություն է խնդրում: Իգդիրում գտնվող գեներալ Քելբայի խանը Կովկասյան բանակի հրամանատարությանը զեկուցագիր է ներկայացնում բերդում պաշարված կայազորի մարտիկների վիճակի մասին: «Նոր ստացա հետևյալ զրուկները Բայազետ քաղաքի պարետից գաղտնի կերպով դուրս պրծած մարդու միջոցով, որը ուղարկված է հունիսի 8-ին, ժամը 9-ին... Մեր բոլոր զորքերը ամսույս 6-ին, առավոտյան ժամը 10-ին շրջապատված են Բայազետի բերդում: Թուրքերը ուժեղացան, զրուկները կրիտիկական է, գլխավորն այն է, որ չկա ոչ մի կաթիլ ջուր: Մեր կորուստը մեծ է, Պասկևիչը վիրավոր է, Կովալեսկին սպանված. թշնամին վերցրել է հեծյալների բոլոր ձիերը. մեզ շուտափույթ օգնություն է հարկավոր, այլապես բոլորս էլ կորած ենք. փամփուշտը շատ քիչ է, հակառակորդի զորհները առայժմ ետ են մղված»²⁷:

Լորիս Մելիքովը 1877 թ. մայիսի 30-ին Տեր-Ղուկասովին հեռագրում է հետևյալը. «Եթե որևէ անսպասելի դեպք չխանգարի, հուլիսի 1-ի լուսաբացին սկսել Կարսի ուժեղացումը և շարունակել մի քանի օր: Առաջարկում եմ Ձեզ անհապաղ ու եռանդով

շարունակել հարձակումը Սողանլուղում կենտրոնացված թշնամու վրա և ամեն կերպ խափանել Կարսը փրկելու նրա փորձերը»²⁸:

Դեկտի, Գեյմանի և Տեր-Ղուկասովի զորասյունները 1877 թ. օգոստոսից մինչև նոյեմբերի 6-ը իրենց ուժեղ զորհներով՝ 26.372 հետևակով, 6.351 հեծյալներով և 122 թնդանոթներով՝ գրավեցին Կարսը: Նրանք գերի վերցրին 17.000 զինվոր, 5 փաշա և 800 սպա, գրավեցին 303 թնդանոթ և ռազմական ու պարենային շատ պահեստներ: Թշնամու բանակում դասալքումն ու փախուստը մասսայական բնույթ էին կրում:

Թուրքական սուլթանը Բ. Դուան կարգադրում է ձեռք առնել բոլոր միջոցները՝ զրուկները արագորեն վերականգնելու համար: Մուխտար փաշային արված կարգադրության մեջ ասված է. «Պատերազմներում լինում են և հաղթանակներ, և պարտություններ: Անկասկած, երբեմն լինում են և փախուստի դեպքեր: Եթե հնարավոր չլինի վերականգնել զրուկները, այն ժամանակ պարտության հետևանքները կլինեն շատ ծանր և անուղղելի»²⁹:

Սուլթանի հրամանով ձեռք առնված բոլոր հնարավոր միջոցները՝ կորուստը ետ վերադարձնելու նպատակով, ապարդյուն եղան: Ռուսական զորքերը ամրապնդում էին ձեռք բերված հաջողություններն ու խնամքով նախապատրաստվում էրզրումի վրա հարձակվելու համար: Էրզրումի դաշտավայրը հանդիսանում էր Թուրքիայի բնական «պլացդարմ-բերդը» Հայաստանում³⁰:

Էրզրումը համարվում էր Անատոլիայի վարչական կենտրոնը, նրա մայրաքաղաքը: Թուրքական սուլթանը էրզրումի բացառիկ նշանակությունից ելնելով, նրան համարում էր «Թուրքիայի հույսն ու բանալին»³¹:

Դեռևս Կարսի համար մղվող համառ պայքարի օրերին, տեսնելով էրզրումին սպառնացող վտանգը, սուլթան Համիդը հեռագրով Մուխտար փաշային նախազգուշացնում էր. «Իմ վեզիր Մուխտար փաշա: Այն դիրքը, որի վրա դուք այժմ կանգնած եք, հանդիսանում է Ասիայի ամենակարևոր կետը և կազմում է շարամտորեն տրամադրված թշնամու ձգտման նպատակը: Այդ դիրքը գտնվում է մեծ

²⁵ ЦГВИА, фонд № 485, дело № 1250, ф. 4.

²⁶ ЦГВИА, фонд № 485, дело № 1251, ф. 4.

²⁷ ЗУУЗ ԳԿԳԱ, ֆ. № 101, ք. 70, ք. 16:

²⁸ ЦГИА в Ленинграде, фонд Лорис Меликова № 866, дело № 74, ф. 21:

²⁹ ЦГВИА, фонд № 485, дело № 1260, ф. 98:

³⁰ Б. Колюбокн—Русско-турецкая война 1877—1878 гг. на Кавказе и в Малой Азии, часть 1, СПб, 1906, էջ 15.

³¹ Նույն տեղում:

վտանգի մեջ: Եթե աստված ոչ արասցե այժմ էլ տեղի ունենան փախուստներ... և եթե թշնամին ձեռք է մեկնում էրզրումի գրավման կողմը, այն ժամանակ ավելորդ է նկարագրել այն վերքերը, որոնք կհասցվեն պետությունը այդ տխուր դեպքերով: Դրա համար դուք հենց այսօր պետք է ձգտեք ցույց տալ ձեր նվիրվածությունը և երևան բերել այն եռանդը, որին ձեզանից սպասում է մուսուլմանական ժողովուրդը»³²:

Ռուսների կողմից էրզրումի գրավումը սուլթանը համարում էր թուրքիայի հույսերի կործանումը: Դրա համար հատուկ կոչով դիմեց էրզրումի բնակիչներին, պահանջելով նրանցից կյանքի զոհողություն հանուն հայրենիքի: Ուստի «...Հրամայում եմ ձեզ համախմբվել մուսուլմանական դրոշի ներքո և մինչև վերջ դիմադրել թշնամուն, որից կախված է մեր հայրենիքի փրկությունը: Մաղթում եմ ձեզ ամենայն հաջողություններ և աստվածային օգնություն»³³:

1877 թ. դեկտեմբերի 30-ին ռուսական զորքերը ամբողջապես շրջապատեցին էրզրումը, իսկ Բալկաններում գործող ռուսական զորքերը թուրքական բանակների դեմ լուրջ հաղթանակներ տանելով, շարժվում էին դեպի Կ. Պոլիս: Թուրքական սուլթանը դիմեց ռուսական կայսրին, խնդրելով զինադադար և պատերազմական գործողությունների դադարեցում բոլոր ռազմաճակատներում:

Չեռնարկելով թուրքական բանակների համալրման գործը, Մուխտար փաշան հավաստիացնում էր սուլթանին, որ ռուսների դեմ սկսած իր հարձակումները բարենպաստ կդարձնեն հաշտության պայմանները թուրքիայի համար: «Եթե Ռուսաստանը պետք է թելադրի հաշտության պայմանները,—գրում է նա,—ապա անհրաժեշտ է, որ թուրքիան մի նոր անգամ ցույց տա, որ ինքը ընդունակ է դիմադրել և համառել պատերազմում»³⁴:

Դրությունը հուսահատական էր: Թուրքական կառավարությունը հարկադրված եղավ ընդունել Ռուսաստանի առաջարկած պայմանները՝ լիակատար կապիտուլյացիա՝ խուսափելով հետագա աղետներից:

Անգլիան ու Ավստրո-Հունգարիան պաշտպանում էին թուրքիային ընդդեմ Ռուսաստանի: 1878 թ. հունվարի 3-ին Անգլիայի

մինիստրների խորհուրդը որոշեց նախազգուշացնել Ռուսաստանին, որ «Անգլիան չի ճանաչի Բ. Դուան հետ Ռուսաստանի անջատ հաշտության կնքումը»³⁵:

Անգլիայի ու Ավստրո-Հունգարիայի կողմից Ռուսաստանին սպառնացող պատերազմի վտանգը չէր կարող չազդել հաշտության բանակցությունների հաջող ընթացքի վրա: «...Անգլիացիներն ու Ավստրիան այնպես էին գազազել Ռուսաստանի դեմ,—գրում է Ս. Սուխոտինը,— որ վերջին բուպեի ամեն կերպ կամենում էին խլել մեզանից մեր հաղթանակի հաջողությունները և մարել նրանց փայլը: Հավանական է, որ հաշտությունը կնքվի, բայց ոչ այն փառավոր ու խնդալից հաշտությունը, որպիսին մենք ենք սպասում»³⁶:

1878 թ. փետրվարի 19-ին (մարտի 3-ին) Սան-Ստեֆանոյում ստորագրվեց հաշտության պայմանագիր: Այդ պայմանագրով ընդլայնվում էր Բուլղարիայի տերիտորիան: Գորչակովի պլանով Բուլղարիան պետք է հանդիսանար միասնական պետություն, որն ընդգրկելու էր Բալկանյան թերակղզու մեծ մասը և համաձայն չէր նրա մասնատմանը, որպիսին Անգլիան էր պահանջում:

Հաշտության պայմանագիրը նախատեսում էր Չերնոգորիայի, Սերբիայի, Ռումինիայի լիակատար իրավահավասարությունը, ռումինական իշխանություններին էր հանձնվում Հյուսիսսային Դոբրուջան: Ռուսաստանին վերագրվում էին Հարավ-արևելյան Բեսարաբիան, Կարսը, Արդահանը, Բայազետը, Բաթումը, իսկ Սերբիային միացվում էր փոքր տերիտորիա:

Հաշտության պայմանագիրը թուրքիային պարտավորեցնում էր վճարել ռազմական տուգանք 1.100 միլիոն ռուբլի: Սակայն այդ գումարը նա վճարել չէր կարող: Ուստի դրա դիմաց նա պետք է աներ տերիտորիալ զիջումներ. այն է՝ «Ասիայում՝ Բաթումը, Կարսը, Արդահանը, Ալաշկերտը, Բայազետը, Եվրոպայում՝ Տուլչա-Սանջակը»³⁷: Այդ բոլորի հետ միասին թուրքիան պետք է վճարեր 300 միլիոն ռուբլի:

Սակայն «Ստորագրված Սան-Ստեֆանոյի հաշտության պայմանագիրը կոչվում է «մոտավոր»—գրում է Միլյուտինը,—պահանջվում է նորից Եվրոպայի սանկցիան. կհաստատի՝ նա անխոս ստորագրված բոլոր պայմանները, դեռևս հայտնի չէ»³⁸:

32 ЦГБИА, фонд № 485, дело № 1260, ф. 124—125.

33 ЦГБИА, фонд № 485, дело № 1261, ф. 100.

34 ЦГБИА, фонд № 485, дело № 1260, ф. 98.

35 Дневник Д. А. Милютина, 1878—1880, том 3, էջ 10.

36 Русский архив, 1894, книга первая, էջ 67—68.

37 Записка графа Н. Н. Игнатьева, О Бан-Стефано, 1915, էջ 236.

38 Дневник Д. А. Милютина, 1878—1880, էջ 24.

Ռուսաստանի կողմից Թուրքիայից պահանջված տերիտորիալ զիջումները զգալիորեն արդարացնում էին հայերի ու վրացիների հույսերը, բավարարում էին նրանց պահանջները:

3

Կովկասյան ռազմաճակատում ռուսական զորքերի տարած հաղթանակների գործում իրենց արժանի տեղն են գրավում Անդրկովկասի ժողովուրդները և, հատկապես, հայ ժողովուրդը: Այդ ժողովուրդները շատ բարյացակամորեն դիմավորեցին Ռուսաստանի կողմից Թուրքիայի դեմ ուղղված պատերազմին: Նրանց զավակները մտան տեղական միլիցիական ջոկատներում, աշխարհագործներում և ռուսական զորքերի հետ միասին արիաբար մարտեր էին մղում ընդհանուր թշնամու դեմ, որի ընթացքում է՛լ ավելի էր ամրապնդվում ռուս և անդրկովկասյան ժողովուրդների դարավոր բարեկամությունը:

Երևանի նահանգի հեծյալ զորամասը գլխավորում են Նախիջևանի գեներալ-մայոր Քելբալի խանը: Նրա հրամանատարության տակ դինվորական բրիգադներ էին ղեկավարում «Մկրտիչ Տեր-Ստեփանյանը և Իոսիֆ Նիկոլաձեն»³⁹:

Կովկասի ջոկատները հերոսաբար էին կռվում թուրքական զորքերի դեմ: Ալեքսանդրապոլի հեծյալ ռեզոլյույար գնդի շատ մարտիկներ արժանացան պարգևատրման:

Պոլսահայ պատմաբան Ա. Աճեմյանը «Պատմություն Արևելյան պատերազմի» խորագրով իր աշխատության մեջ ուշագրավ փաստեր է հրապարակում, որոնք վերաբերում են ռուս-թուրքական պատերազմում հայերի ունեցած մասնակցությանն ու ռուսների հետ նրանց համատեղ պայքարին:

«Ալեքսանդրապոլի բնակիչները,—նշել է Կովկասյան ռազմաճակատի մարտերի մասնակիցներից մեկը,—հազարներով կուգային և զինվորաց կօգնեին սալվերն ու թնդանոթները զսոթի փոխելը վեր հանելու համար: Այնչափ էր հայոց խանդը, որ հարյուրավոր սալվերուն կլծվեին, թնդանոթաց հաստատություններուն կհետևեին: անիվներու հետևեն կմղեին, շվանն կքաշեին, ցնծության աղաղակներով ահագին բռններ վեր հանելով»⁴⁰:

³⁹ ՀՄՄՀ ՊԿՊԱ, ֆ. № 101, գ- 71, Բ. 16:

⁴⁰ Ա. Աճեմյան, Պատմություն Արևելյան պատերազմի, Կ. Պոլիս, 1879, հատ. 1, էջ 204:

Ա. Աճեմյանը նշում է, որ Կովկասյան ռուսական բանակի շարքերում հաշվում էին 100-ից ավելի սպաներ հետևակային զորամասերում, 40-ից ավելի՝ հրետանային զորամասերում և 30-ից ավելի՝ հեծյալ զորամասերում»⁴¹:

Հայ և վրացի ժողովուրդների շահագրգռվածությունը Թուրքիայի պարտության և Ռուսաստանի հաղթանակով՝ իր պատճառն ունեբ: Ռուսաստանի հաղթանակի հետևանքով Հայաստանի և վրաստանի մի շարք բաղաժեշտ ու շրջաններ ազատվում էին թուրքական տիրապետությունից, անցնում էին Ռուսաստանի տիրապետության ներքո:

Ռուսաստանը չէր կարող հաշտվել Կովկասը կորցնելու մտքի հետ, որը նրա տիրակալած բոլոր երկրների մարզաբիտն էր. «Жемчужину среди остольных владений»⁴²—գրում է Ա. Ի. Զիսերմանը:

Ռուս-թուրքական պատերազմի ընթացքում, ոչ լրիվ տվյալներով Անդրկովկասի ժողովուրդներից մոբիլիզացվել էր ավելի քան 42.000 մարդ, որը մոտավորապես կազմում էր Կովկասյան ռուսական բանակի մեկ քառորդ մասը⁴³:

Անդրկովկասի ժողովուրդները միաժամանակ նյութապես էին օգնում գործող ռուսական-կովկասյան բանակին: 1877 թվականի ընթացքում Կովկասյան բանակի համար մթերվել է 4.160.094 փութ հաց և կրուպա կամ 564.081 չետվերտ, որից 336.081 չետվերտ տվել են կովկասյան ժողովուրդները (այլուր և ցորեն՝ 288.222 չետվերտ, կրուպա և գարի 47.859 չետվերտ): Կարսի, Արդահանի և Երևանի մարզերից լրացուցիչ կերպով մթերվել է 12.000 չետվերտ⁴⁴:

Այդ նույն թվականին միայն Երևանի նահանգի բնակիչները ռուսական կովկասյան «զորքերին տրամադրեցին 35.858 սալ: 1074 ձի և 5.703 ուղտ: Միաժամանակ զորքին ուղարկում էին այլուր, հաց, գինի և այլ տեսակի սննդամթերք»⁴⁵:

Ալաշկերտի, Բայազետի և Ագարակի կողմերից քրդական ու թուրքական հրոսակները հարձակման էին անցել, կոտորում էին

⁴¹ Ա. Աճեմյան, նշվ. աշխ. Կ. Պոլիս, 1873, հատ. 1, էջ 147:

⁴² «Русский архив», 1885, книга первая, էջ 102:

⁴³ Մ. В. Мегреладзе—Грузия в русско-турецкой войне 1877—1878 гг. Батуми, 1955, էջ 47:

⁴⁴ Б. Колубокин.—Русско-турецкая война 1877—1878 гг. на Кавказе и в Малой Азии, часть 1, էջ 180:

⁴⁵ Մ. Ներսիսյան, Հայ ժողովրդի ազատագրական պայքարը թուրքական թռնապետության դեմ, Երևան, 1955, էջ 204:

հայերին՝ «նուսներին թուրքիայի դեմ պատերազմի կանչելու» մեղադրանքով, բայց այդ օրհասական օրերին հայերը կարողացան հայթայթել ուսական բանակի համար. «4000 սոմար (12.000 փուլթ) ցորեն և գարի»⁴⁶—գրում է Հ. Լազարյանցը:

Հայերի ակտիվ ծառայությունների և ցուցաբերած սխրագործությունների մասին գեներալ-լեյտենանտ Մ. Քիշմիշովը գրում է. «...Անցած պատերազմների ընթացքում տաճկահայերը ի հայաբերեցին այնպիսի սխրագործություններ, որոնք զուգակցվում էին նրանց գույքի և նույնիսկ կյանքի կորստի հետ և այնքան անշահախնդիր ձգտում դեպի մեզ, որ մենք չէինք կարող չհամոզվել... որ հայերը մեր միակ դաշնակիցներն են Փոքր Ասիայում»⁴⁷:

Նույն գեներալը նշում է, որ Կարսի վրա կազմակերպված գիշերային գրոհի ժամանակ «երեք գլխավոր շարասյուններում ուղեկցողները հայերն էին, նրանք շինելներ էին հագել և գրոհի ժամանակ քայլում էին առջևից»⁴⁸:

Հայ ժողովրդի քաջարի գավակ, ապարանցի Սամսոն Տեր-Պողոսյանը (Բաֆթու «Խենթը») հերոսաբար կատարեց հրամանատարության կողմից իրեն տրված առաջադրանքը: Օգտվելով գիշերվա խավարից, հմտորեն ու անվախ կերպով Տեր-Պողոսյանը ձեռքեց Բայազետը և նրա միջնաբերդը շրջապատած թուրքական ու քրդական զորքերի շղթան և գեներալ Տեր-Ղուկասովին հայտնեց պաշարված ուսական զորքի ծանր վիճակը՝ նրանց շտապ կերպով օգնության հասնելու համար:

Ուշադրավ է վանեցի Սաքո Թարգյուլյանի վկայությունը՝ Վանում տեղի ունեցած անցքերի մասին: Պատերազմի ժամանակ թուրքերին հաջողվում է գերի վերցնել 20 ուսական զինվորների և փոխադրել Վան, ձեռքերը շղթայակապ ման են ածում փողոցներում և ամեն տեսակ անարգանքի ենթարկում: Չնայած հայերի համար ստեղծված հուսահատական դրությանը, այնուամենայնիվ նրանց հաջողվում է գաղտնի կերպով իմանալ գերի զինվորների բանտի տեղը և գիշերով նրանց օգնություն են հասցնում: Լազարյանցին գրած իր նամակում Թարգյուլյանը ասում է. «Ահա այսպես մեր (հարազատ) կրոնակից եղբայրներին տանելով լցրին քաղաքի միջի

մեծ զորանոցի բանտի մութ խորշերը: Հայերս մեր օրհասական կյանքում տեսնելով այս աղետարշ կակիծները՝ գիշեր-ցերեկ աղոթում էինք, եկեղեցիներում հսկում անելով պաշտում, որ մեզ արժանի անի մեկ անգամ տեսնելու ուսական պետության արծիվի հաղթական դրոշի վանում ծածանվելը»⁴⁹:

Այս տողերում արտահայտված են հայերի սերն ու համակրանքը դեպի Ռուսաստանը, դեպի ուս մեծ ժողովուրդը: Առավել ևս այդ սերը հայերը ցուցաբերում էին թուրքական վանդալների զնդաններում տառապող ուսական զինվորներին ցույց տված իրենց անձնական ծառայություններով: «Անցավ մի քանի օր,—գրում է Ս. Թարգյուլյանը,—հայերս ուսանների բանտարկության տեղն իմանալով, կարողացանք ծածուկ նոցա հետ տեսակցել: Իմանալով նոցա քաշած տառապանքները՝ խոր տրամադրության մեջ ընկանք, բայց չէինք կարող հայտնապես նյութականով օգնել նրանց և ծածկվել. մեծամեծ վտանգներ էին նշմարվում, ինչևիցե՝ ի սեր մարդասիրության, մահն աչքներիս առնելով, բավականաչափ հանգանակություն արինք և թաշկինակի մեջ կապած գիշերով բանտի պատուհանից ներս գցինք: Մնում էր հաց ևս հասցնել, որ խիստ դժվար գործ էր. մի հնարքով 4—5 օր հետո, կարողացանք հեշտ կերպով պատուհաններից ներս ձգել մեծ-մեծ փաթեթներով: Բայց վեցերորդ երեկոն, երբ հաց ներս ձգելու համար որոշված անձինք պատրաստվում էին կրկնել իրենց գործողությունը, պահապան զինվորները տեսան և հրացաններով հարձակվեցին, հրացանի կոթով այս երեք անձանց այնքան անդթորեն զարկեցին, որ գլուխները և թևերը ջախջախված ուշաթափ գետին ընկան»⁵⁰:

Թուրքական բարբարոսները փոքրիկ առիթ էին որոնում, որպեսզի գազանաբար հալածեն ու սպանեն հայերին՝ ուսական բանակին ցույց տված օգնության համար:

Ռուս-թուրքական պատերազմին մասնակից զինվորական հրամանատարությունը և ուսական պրոգրեսիվ հասարակայնությունը բարձր էին գնահատում հայ ժողովրդի մատուցած ծառայությունները ուսական բանակի հաղթանակի ապահովման գործում: «Հայերը ոգևորված լինելով ուսաց զորքերի հաջողություններով,—գրում է «Голос»-ը իր առաջնորդում,—Ասիայում բարձրացնում են իրենց գլուխը և ոչինչ այնպես չեն ցանկանում, ինչ-

46 ՉՍՍՀ ՊԿՊԱ, ֆ. № 42, գ. 30, Բ. 59.

47 С. О. Кушмишов, Война в турецкой Армении в 1877—1878 гг. СПб., 1884, էջ. 127:

48 Նույն տեղում, էջ 84.

49 ՉՍՍՀ ՊԿՊԱ, ֆ. № 42, գ. 11, Բ. 70.

50 Նույն տեղում:

պէս ազատվել օսմանյան լծից: Անկախ, կամ ռուսական Հայաստան,—այս է ընդհանուր արձագանքը, որ հնչում է այդ բազմադարյան մահմեդականության ղոհը եղածների մեջ»⁵¹:

Հայերի մատուցած ծառայությունների համար ռուսական կառավարությունը Սան-Ստեֆանոյի դաշնագրի 16-րդ հոդվածը նվիրեց Հայկական հարցին: Ռուսաստանը «կործանելով օսմանյան տերության կես միլիոն ուժը,—գրում է Հ. Լազարյանցը,—յուր ավարով և հազար թնդանոթներով հաղթական դրոշակը ձեռքին 19 փետրվարի 1878 թվականի յուր Բ. Դուան հետ ունեցած դաշնագրում շնորհակալով ի միջի այլոց մի մանրամասն հոդված նվիրել հայոց...»⁵²:

Այդ հոդվածը չէր լուծում Հայկական հարցը՝ իր ամբողջությամբ, բայց Ռուսաստանի հսկողության պայմաններում ապահովում էր արևմտահայերի կյանքն ու գույքը թուրքական, քրդական ու չերքեզական հրոսակներից: Ռուսական զորքերի կողմից գրավված հայաբնակ որոշ գավառներ պետք է վերագործվեին Թուրքիային, ռուսական զորքերը պետք է թողնեին այդ տերիտորիաները: Իսկ դա կարող էր տեղիք տալ հայերի ու թուրքերի բախումների, որոնք կարող էին թշնամություն առաջացնել երկու տերությունների միջև ու վատացնել նրանց հարաբերությունները: Ուստի Սան-Ստեֆանոյի դաշնագրի 16-րդ հոդվածը Բ. Դուանը պարտավորեցնում էր անհապաղ մտցնել բարենորոգումներ հայաբնակ նահանգներում ու պատասխանատու լինել հայերի կյանքի ապահովության համար՝ քրդերից ու չերքեզներից:

Ռուսաստանի այդ քայլը Թուրքիայի նկատմամբ գերիշխող ազդեցություն ունենալու նրա ձգտումը դուր չեկավ Անգլիային, որը Ավստրիայի հետ միասին, սկսեց պատերազմով սպառնալ նրան և Սան-Ստեֆանոյի դաշնագիրը միջազգային կոնգրեսի քննությանը ներկայացնելու պահանջ առաջ քաշեց, մի պահանջ, որը միաժամանակ ձախողում էր հայերի անվտանգությունը:

Խոսելով Ռուսաստանի նկատմամբ Անգլիայի թշնամական քաղաքականության մասին, էնգելսը գրում է. «Տևական կովից հետո, 1878 թվականի հունվարին, ռուսական զորքերն ընդհուպ մոտեցան թուրքական մայրաքաղաքի դարպասներին և հանկարծ Բոսֆորում հանդես եկան անգլիական շորս զրահակիրներ և հարկադրեցին

⁵¹ «Голос», 24 декабря 1878.

⁵² «Մեղու Հայաստանի», № 128, 1882:

ռուսներին, որոնց արդեն նկատելի էր Սոֆիայի տաճարի գմբեթը, կանգ առնել և տալ իրենց համաձայնությունը Սան-Ստեֆանոյի պայմանագիրը եվրոպական կոնգրեսում քննելու համար»⁵³:

Այսպիսով, 1877—1878 թթ. ռուս-թուրքական պատերազմը վերջացավ Ռուսաստանի հաղթանակով: Սակայն նրա հաղթանակը վաղանցիկ եղավ: Սան-Ստեֆանոյի դաշնագիրը Ռուսաստանի դեմ լարեց Անգլիային, Ավստրիային ու Գերմանիային, որոնք վախենում էին նրա տնտեսական ու ռազմաքաղաքական հզորության ամրապնդումից, վախենում էին Փոքր Ասիայում իրենց դիրքերի կորստից: Դրա համար էլ նրանք այդ պայմանագիրը եվրոպական կոնգրեսի քննության առարկա դարձրին: Ռուսաստանը հակառակելու ուժ չունեց: Նրան կոալիցիայի կողմից պատերազմի վտանգ էր սպառնում:

1878 թ. մայիսի 18-ին (30-ին) ստորագրվեց անգլո-ռուսական համաձայնությունը, ըստ որի Բուլղարիան բաժանվում էր երկու մասի՝ Հյուսիսային և Հարավային Բուլղարիայի: Բուլղարիայի Հյուսիսային մասը ստանում էր քաղաքական ինքնուրույնություն, իսկ հարավայինը ստանում էր վարչական ինքնուրույնություն՝ գեներալ-նահանգապետի իշխանության ներքո: Գեներալ-նահանգապետը նշանակվում էր Թուրքիայի հպատակ քրիստոնյաներից՝ եվրոպական տերությունների համաձայնությամբ:

Այսպիսով, Ռումելիան անջատվում էր Բուլղարիայից: Բալկանյան լեռնաշղթան ծառայում էր որպես Հյուսիսային և Հարավային Բուլղարիայի սահմանը: Նոր Ռումելիայի ստեղծմամբ, Անգլիան պատենջ էր կանգնեցնում Ռուսաստանի առջև, փակում էր Կ. Պոլիս թափանցելու նրա ցամաքային ուղիները:

Անգլիան համաձայնվեց Ռուսաստանին միացնելու Կարսը, Բաթումը և Բեսարաբիայի հարավային մասը: Դրա հետ միատեղ նա իրեն իրավունք էր վերապահում կոնգրեսում հարց բարձրացնելու Բուլղարիայից ռուսական զորքերը դուրս հանելու համար: Այդ համաձայնությանը զուգընթաց՝ Անգլիան Թուրքիայի հետ գաղտնի պայմանագիր կնքելու բանակցություններ էր վարում:

1878 թ. հունիսի 4-ին Անգլիան Թուրքիայի հետ գաղտնի պայմանագիր կնքեց, սկուպացրեց Կիպրոսը՝ Եգիպտոսի նախադուռը: Նա կամենում էր գրավել Եգիպտոսը, խեղդել նրա ժողովրդի ազատագրական շարժումները և պատենջ կառուցել Ռուսաստանի

53 К. Маркс и Ф. Энгельс, Сочинения, т. 22, Москва, 1962, էջ, 43:

առաջխաղացումների դեմ: Այդ պայմանագրի համաձայն Անգլիան պարտավորվում էր զենքով օգնել Թուրքիային՝ նրա ասիական տիրապետության պահպանման համար, այդ թվում Կարսի և Բաթումի համար: Դրա դիմաց նա ստանում էր Կիպրոսի օկուպացման և կառավարման իրավունքը: Անգլիայի այդ շահադիտական-եռական քաղաքականությունը լուրջ հարված էր հայ ժողովրդին, նրա շահերին: Նա փաստորեն Կիպրոսը ձեռք բերեց հայերի արյան գնով, «Նրևում է,—գրում էր Գր. Արծրունին,—որ թե Թուրքիայի և թե Անգլիայի համար հայերը և Հայաստանը աչքի փուշ են դարձել: Նրանց գաղտնի դաշնագրությունը նրա մեջն էր կայանում, որ հայերին ոչնչացնեին Հայաստանի մեջ, աքսորեն հայերին Հայաստանից»⁵⁴:

Կարսը, Արդահանը, Ալաշկերտը և Բայազետը Փոքր Ասիայի Թուրքական այն վիլայեթներն էին, որոնց բնակչության մեծ մասը գերազանցապես հայերն էին կազմում՝ Թուրքերի համեմատությամբ: Վերադարձնելով այդ վիլայեթները Թուրքիային, Անգլիան դրանով օգնում էր հայերի հարստահարություններին ու իրավազրկմանը:

1878 թ. հունիսի 6-ին Անգլիան համաձայնություն կնքեց Ավստրիայի հետ՝ կոնգրեսում Ռուսաստանի դեմ միատեղ հանդես գալու համար:

Բեռլինի կոնգրեսը բացվեց 1878 թ. հունիսի 13-ին՝ Բիսմարկի նախագահությամբ և իր աշխատանքներն ավարտեց հուլիսի 13-ին: Կոնգրեսին մասնակցում էին խոշոր տերությունների դիվանագետները Բալկանյան պետությունների ներկայացուցիչները, բայց ոչ որպես նրա լիիրավ անդամներ:

Բեռլինի կոնգրեսի հիմնական հարցը 1878 թ. մայիսի 30-ի անգլո-ռուսական համաձայնության և Անգլիայի կողմից Կիպրոսի օկուպացման ակտի օրինականացման հարցերն էին: Կոնգրեսում Անգլիայի հետ միասին Ռուսաստանի դեմ հանդես էր գալիս Ավստրիան: Գերմանիայի դիրքը Ռուսաստանի նկատմամբ նույնպես անբարյացակամ էր: Ռուսաստանի արտաքին գործերի մինիստր իշխան Գորչակովին Բիսմարկը հայտնեց, որ ինքն իր վրա է վերցնում «ազնիվ մակերի» դեր՝ ծագած վեճերին խաղաղ ընթացք տալու համար»⁵⁵:

1878 թ. հուլիսի 13-ին ստորագրվեց Բեռլինի դաշնագիրը, որը փոխարինեց Սան-Ստեֆանոյի դաշնագրին՝ զգալիորեն կրճատելով Ռուսաստանի տերիտորիալ նվաճումները: Ավստրո-Հունգարիան, որը պատերազմի ընթացքում ոչ մի գնդակ չէր արձակել, ստանում էր Բոսնիան, Հերցեգովինան և ուրիշ մարզեր: Նրա ձեռք բերած նվաճումները Բալկանյան թերակղզում կազմում էին «980 քառակուսի մղոն տարածություն՝ 1.200.000 բնակչությամբ»⁵⁶:

Անգլիայի շահադիտական քաղաքականության թելադրանքով, Բեռլինի դաշնագրից զգալի շափով օգտվեց Թուրքիան: Սան-Ստեֆանոյի դաշնագիրը Թուրքիայի եվրոպական սահմանները հասցնում էր մինչև Կոստանդնուպոլսի դարպասները, իսկ Բեռլինի դաշնագիրը Բալկաններում զգալի շափով ընդարձակում էր նրա տիրապետությունը՝ «3.667 քառակուսի մղոն տարածությամբ և 6,5 միլիոն ազգաբնակչությամբ»⁵⁷:

Բեռլինի կոնգրեսում Ռուսաստանը դիվանագիտական նահանջ կատարեց՝ վախենալով կոալիցիայի մեջ մտնող պետությունների կողմից իրեն սպառնացող վտանգից և երկրում աճող ռեյուցիոն շարժումներից: Ալեքսանդր II-ին գրած նամակներից մեկում Լոնդոնի ռուսական դեսպան Շուվալովը գրում է. «Բեռլինի դաշնագիրը հանդիսանում է սև էջ իմ ծառայության ամբողջ պատմության մեջ»⁵⁸: Ռուսաստանի դիվանագիտական նահանջը խիստ վրդովմունք առաջ բերեց սլավոնաֆիլների շրջանում, որոնց գլուխն էր կանգնած պահպանողական Ակսակովը:

Բեռլինի կոնգրեսում Ֆրանսիայի պատվիրակների բռնած դիրքը Ռուսաստանի հանդեպ նույնպես անբարյացակամ էր: Ֆրանսիայի արտաքին գործերի մինիստր և պատվիրակության ղեկավար Վատինգտոնը կոնգրեսի աշխատանքների ավարտումից մեկ տարի հետո՝ 1879 թ. հուլիսի 14-ին վարչապետ Տյուֆուրին հաղորդում է հետևյալը՝ Ռուսաստանի և Անգլիայի միջև եղած վեճերի ընթացքում իր կառավարության պատվիրակության բռնած դիրքի մասին. «Մենք ուղղակի շմասնակցեցանք այս վիճաբանության, բայց օժանդակեցինք ամեն աշխատանքի, որ կը ձգտեր մեղմացնել Թուրքիո կորուստները այդ մասերուն մեջ և ուրկե պիտի ապահովվեին եվրոպայի և Պարսկաստանի հաղորդակցությունները Տրապիզոնի»:

54 «Մշակ», 1878, № 2156, էջ 1:

57 «Правительственный вестник», № 179, 1879.

58 Н. К. Кравченко. Очерки из истории междунар. отношений конца XIX и начала XX вв., էջ 22:

54 «Մշակ», № 6, 1879.

55 Н. И. Кравченко, Очерки из истории междунар. отношений конца XIX и начала XX вв., Саратов, 1925, էջ 7.

միջոցով: Ռուսիա երևութապես անտարբեր մնաց Կիպրոսի համա-
ձայնագրին հանդեպ, թեև այդ կողմն տեական սպառնալիք մըն է
իրեն դեմ և կը ստեղծե ծայր աստիճան վտանգավոր անհանդարտ
վիճակ մը Հայաստանի մեջ ունեցած իր ստացվածքներուն հա-
մար»⁵⁹: Ֆրանսիան իր շահերն ունեւր թուրքիայում: Ուստի նրան
ձեռնտու չէր Ռուսաստանի հզորացումը:

Այսպիսով, կոալիցիայի կողմից սպառնացող պատերազմի
հետևանքով Ռուսաստանի դիվանագիտական նահանջը պետք է ազ-
դեր նաև Հայկական հարցի ընթացքի վրա:

Բեռլինի կոնգրեսը զբաղվեց նաև Հայկական հարցով: Կ. Պոլ-
սի հայոց պատրիարքարանի և Ազգային ժողովի որոշմամբ կոն-
գրեսի աշխատանքներին մասնակցելու համար մեկնեց հայ պատ-
վիրակությունը՝ Կ. Պոլսի նախկին պատրիարք Խրիմյան Հայրիկի
գլխավորությամբ⁶⁰:

1878 թ. մարտի 15—17-ը պատվիրակությունը լինում է Հոռ-
մում և հանդիպում է ունենում Իտալիայի արտաքին գործերի մի-
նիստը Կորտիի հետ, որին հանձնում է պատրիարքարանի կողմից
մշակված հայկական ռեֆորմների նախագծի մեկ օրինակը: Կորտին
ընդունեց հայ պատվիրակությանը և խոստացավ կոնգրեսում ան-
պայման պաշտպանել հայերի իրավունքը, նրանց օրինական պա-
հանջները: Նա պատվիրակությանը հավաստիացրեց, որ կարողացել
է պատրիարքարանի հիշատակագիրը, նրա մասին իրազեկ է պա-
հել իր կառավարությանը և անխոս կերպով կպաշտպանի հայկա-
կան դատը: Պատվիրակությունը մեծ խանդավառությամբ և լի հույ-
սերով հեռացավ Իտալիայի մայրաքաղաքից:

1878 թ. մարտի 19—31-ը հայ պատվիրակությունը լինում է
Փարիզում, Խրիմյանը Ֆրանսիայի արտաքին գործերի մինիստր
Վիլլամ Վատինգտոնին է ներկայացնում և նրան հանձնում բարե-
նորոգումների նախագծի մեկ օրինակ: Վատինգտոնը ևս Խրիմյա-
նին հավաստիացրեց, որ կոնգրեսում ջերմորեն կպաշտպանի Հայ-
կական հարցը: «Կարող եք ապահով լինել,—ասում է նա,—որ
Ֆրանսիան անտարբեր չէ Հայաստանին: Ես անձամբ համակրում
եմ ձեր դատին, որովհետև պտտել եմ Ասիայում, ուսումնասիրել
եմ ձեր պատմությունն ու գրականությունը: Ես տրամադիր եմ ձեր

59 Խ. Գաբիկյան, Հայկական հարցը Արևելյան հարցի մեջ (1860—1880),
էջ 327:

60 Պատվիրակության կազմում էին՝ Խրիմյանը, Խորեն-Նարպեյը, Ստեփան
Փափազյանը և Մինաս Զերազը՝ որպես քարտուղար և թարգմանիչ:

դատը պաշտպանելու կոնգրեսում, որ ոչ ոք ինձնից լավ չի ճանա-
չում ձեր ազգն ու երկիրը»⁶¹:

Այս սիրալիր խոսքերից ոգևորված՝ հայ պատվիրակությունը
մեկնեց Անգլիա: 1878 թ. հուլիսի 1-ին Անգլո-Հայկական ընկերու-
թյունը կոնգրեսում կազմակերպում է միտինգ, որին մասնակցում են
Անգլիայի հասարակական-քաղաքական ակառավոր գործիչները:
Միտինգի նշանակության մասին ասված է. «Կոնգրեսի Անգլո-Հայ-
կական հանձնաժողովի հրավերով Երուսաղեմյան դահլիճում ժողո-
վեցավ մի որոշ թիվ այր և կին մարդոց այն նպատակով, որ հայտ-
նեն յուրյանց համաձայնությունը հայոց ազգին միջնորդ լինեն նո-
րա համար ներկա քաղաքական ճգնաժամին և շնորհակալություն
հայտնեն Բրիտանական կառավարությանը նորա տված խոստում-
ների համար՝ հոգալու, որ Բեռլինի վեհաժողովում պատշաճավոր
ուշադրություն դարձնի հայերի վիճակի վրա»⁶²:

Միտինգում ելույթներ են ունենում հռետորները, կարգացվում
են առանձին մարդկանց հեռագրեր, որոնք իրենց համակրությունն
են արտահայտում հայերի ու նրանց դատի նկատմամբ, պարտա-
վորեցնում են լրդ Սալթբերիին՝ պաշտպանելու հայերի պահանջ-
ները:

Նախագահության աթոռից Բրայսը իր ելույթում հայտարա-
րում է, որ Անգլիայի կառավարության պատվիրակությունը պաշտ-
պան կկանգնի հայոց դատին՝ գնահատելով հայ ժողովրդի խաղա-
ցած դերը մարդկության պատմության մեջ: «Հաստատակամու-
թյունը և հայրենասիրությունը միշտ հայերի գերազանց հատկու-
թյուններն են եղել,—ասում է նա,—որով և բացատրվում է նոցա
հաստատուն սերը դեպի հայրենի երկիրը և այն, որ նոցա մեծ
մասը, շնայած ամեն տեսակ թշվառությունների, դեռ բնակվում
է սրբազան Արարատի հովիտներում»⁶³:

Բրայսը հայ պատվիրակությանը և նրա ղեկավար Խրիմյանին
համոզում էր, որ անգլիական ժողովուրդը և նրա կառավարությունը
մեծ համակրանք են տածում հայ ժողովրդի նկատմամբ, որի կեն-
դանի ապացույցը համարում է գումարված միտինգը: Վերջացնե-
լով իր ճառը, նա թելադրում է իր բանաձևը, որպես հայերի պա-
հանջը. «Հայաստանի լավ վարչություն, հայերի ազատությունը

61 Սարոյան, Հայկական խնդիրն և Ազգ. Սահմանադրությունը Թուրքիայում
(1860—1910), Թիֆլիս, 1912, էջ 371:

62 «Արձագանք», № 138, 1894:

63 Նույն տեղում:

քուրդերի և տաճկական հարստահարիչ և ապականված վարչության իշխանությունից, հայերի կենաց, ընչից և պատվո ապահովությունը,— և այս է այն փառավոր հարցը, որ յուր հզոր ազդեցությունամբ լուծելու կոչված է քրիստոնյա Անգլիան»⁶⁴:

Կոմս Շեֆստերբյուրին իր ելույթում համաձայնություն հայտնեց առաջարկված բանաձևին և միաժամանակ Հայկական հարցը համարեց միանգամայն ակտուալ: Նա հակիրճ կերպով բնութագրեց հայ ժողովրդին՝ իր պատմական ամբողջ անցյալով, իր մատուցած ծառայություններով:

Անգլո-Հայկական ընկերության հայ անդամները, նրանց նախագահ Փանոսյանը, ինչպես նաև կոնգրես մեկնող հայ պատվիրակները շատ քաջալերվեցին այդ ելույթներով ու եղած ողջույններով:

Փանոսյանն իր ելույթում հայ ժողովրդի անունից շնորհակալություն և գոհունակություն հայտնեց այն բանի համար, որ անգլիական պատվիրակությունը հանձն էր առնում կոնգրեսում պաշտպանելու հայոց դատը: «Այն մեծ համակրությունը,— ասում է նա,— որ անգլիական կառավարությունն ու ժողովուրդը ցույց տվին մեր գործին, հույս է տալիս մեզ նորին մեծություն թագուհու լիազոր պատգամավորները կպաշտպանեն նրան վեհաժողովում՝ հասնելով արդարության այն շափին, որին, կարծում ենք, իրավունք ունենք»⁶⁵:

Միտինգը վերջացավ, ճառերն ու ողջույնները դադարեցին: Հայ պատվիրակները բարի խոսքերով և մեծ հույսերով սպառազինված՝ մեկնեցին Բեռլին, կոնգրեսին մասնակցելու համար: Սակայն նրանց թույլ չտրվեց մասնակցել կոնգրեսի և ոչ մի նիստին⁶⁶:

64 «Արձագանք», № 138, 1894.

65 Նույն տեղում:

66 Կոնգրես մեկնող հայ պատվիրակության անդամ Խորեն Նար-Պեյը գտնվում է Պետերբուրգում: Նա լինում է վարչապետ Գորչակովի մոտ և նրան է ներկայացնում Հայաստանի ինքնավարության ծրագիրը: Գորչակովի կողմից ջերմ ընդունելություն գտնելով, Նար-Պեյը նամակ է ուղարկում Խորենյանին՝ Գեորգ 4-րդ կաթողիկոսին հանձնելու համար և խնդրում է կաթողիկոսի կողմից հատուկ միջնորդություն ուսական ցարին՝ Հայկական դատի պաշտպանության կապակցությամբ: Խորենյանը մեկնում է էջմիածին նամակը կաթողիկոսին հանձնելու նպատակով: Վեց օր հետո կաթողիկոսը ընդունում է Խորենյանին և ասում. «Գնա ըստ պատրիարքին, որ այդպիսի հիմարություններն ետ կենա, սուլթանը ցարեն լավ է հայերուն համար»: Մինչև պատասխան ստանալը Նար-Պեյը տեսակցություն է ունենում Իգնատևի հետ և նրա միջնորդությամբ ցարին է ներկայացնում հայկա-

Անգլիական ժողովրդի կողմից հայերի նկատմամբ ցուցաբերված բարյացակամությունը Լոնդոնի սահմաններից դուրս չեկան: Անգլիական կառավարողները Թուրքիային պատժելու, հայերի արդար պահանջները բավարարելու փոխարեն իրենց վրա վերցրին Թուրքիայի հովանավորությունը Բեռլինի կոնգրեսում:

Հայկական հարցի անփառունակ վախճանի պատճառը այն չէր, որ Բեռլին մեկնող պատվիրակները կղերականներ էին: Պատվիրակների մեղքը նրանումն էր, որ նրանք շատ էին հրապուրվում արևմտաեվրոպական դիվանագիտության սին խոստումներով և, հատկապես, մեծ սպասելիքներ ունեին Թուրքին հովանավորող և նրա հետ դաշինք կառնող Անգլիայից: Հայ պատվիրակներից Ստեփան Փափազյանը դեռևս 1876 թ. դեկտեմբերի 10(22-ին) Ազգային ժողովի նիստում հայտարարեց, որ «Հայ ազգը մասնավոր շահեր ունի օսմ. կայսրության գոյության և ամբողջության մեջ: Հայաստան իր բնական դիրքով օսմ. տերության բնական թշնամիների դեմ գորավոր պատե՛նչ մըն է: Հայ ազգը օսմ. տերության բնական զինակիցն է»⁶⁷ (ընդգծումը բնագրին է—Ն. Վ.):

Արտահայտելով իրենց հակակրանքը Ռուսաստանի նկատմամբ, արևմտահայ ազգային շոջերը իրականում իրենց օրինատա-ցիայով գործիք էին դառնում անգլիական դիվանագիտության ձեռքում և արգելակ դառնում Հայկական հարցի դրական ընթացքին: Կ. Պոլսի անգլիական դեսպան Լայարդը 1877 թ. դեկտեմբերի 12-ին Սալսբերիին հեռագրում էր. «...Ռուսիա կաշխատի տկարացնել սուլթանին հեղինակությունը, կարգելն այս հողամասին իրական հառաջագիմությունը՝ միշտ զրգռելով քրիստոնյա բնակչությանը... Պաթումի գրավումով Ռուսիա կունենա ռազմական խարիսխ

կան ինքնավարության ծրագիրը և հայտնում, որ հայերի հույսը Ռուսաստանի վրա է. «Չենք կրնար հույս դնել Թուրքիո վրա, մեր թերահավատությունը հասկանալի է 1856-ի և ավելի առաջ տրված խոստումները չկատարվելն հար: Եթե հայոց հարցը չը կարգադրվի, նա ավելի կը բարդանա»:

Ռուսական ցարին տեղեկացնելով հայերի մեջ եղած մեծ իրարանցումների մասին և ստանալով դրական պատասխան՝ Ռուսաստանի կողմից Հայկական դատը պաշտպանելու գործում, Նար-Պեյը Պետերբուրգից հաղորդում է. «Կը խոստանան, որ ապագա Վեհաժողովին մեջ ռուս կառավարությունը պիտի համաձայնի մյուս պետությունց հետ ի նպաստ հայերուն՝ պահանջելու համար ինքնավար վարչություն մը կամ քրիստոնյա կառավարություն մը Լիբանանի նման» (Տե՛ս Խ. Գաբրիկյան. «Հայկական հարցը Արևելյան հարցի մեջ» (1860—1880), էջ 198):

67 Խ. Գաբրիկյան, Հայկական հարցը Արևելյան հարցի մեջ, (1860—1880), էջ 130:

մը և կը ձգտե Սև ծովի տիրապետութեան... Եթէ Հայաստանը Բ. Դրան իշխանութենէն վերցվի Ռուսիայէն՝ Պարսից ծովը սպառնալիքի տակ կ'մնա: Կը տիրե այն ատեն Եփրատի ափերուն, Գարուն գետին, որ կանցնի Պարսկաստանի ամենէն հարուստ գավառներուն մեկուն մեջն, ատկե և Եփրատի հովիտն կարելի է իջնել պարսկական գավառները և Պելուճիստան... Թուլլատրելու չենք, որ Ռուսիա հողային գրավումներ կատարե Հայաստանի մեջ: Ռուսական առաջին հաջողութիւնները կը շարժին էպիրոսի, Թեսալիո, Մակեդոնիո հույն բնակիչները, կըրնան ըմբոստանալ»⁶⁸:

Ահա թե ինչու Անգլիան պետք է հանդես գար Սան-Ստեֆանոյի դաշնագրի դեմ և այն միջազգային կոնգրեսի քննութեանը դնէր: Եւ ինչու նա 1878 թ. հունիսի 4-ին պետք է գաղտնի համաձայնութիւն կնքէր Թուրքիայի հետ, որը ոչ միայն Ռուսաստանի դեմ էր ուղղված, այլև՝ հայերի սպասելիքների և ազատաշքրովի հակումների դեմ: Այս ճշմարտութիւնը չհասկացան հայ պատվիրակները:

Բեռլինի կոնգրեսը Սան-Ստեֆանոյի դաշնագրի 16-րդ հոդվածը փոխարինեց 61-րդ հոդվածով, Հայկական հարցը հանձնեց վեց տերութիւնների կողմից խնամակալութեանը, այն դարձրեց միջազգային դիվանագիտութեան հարց: Այդ հոդվածում ասված է. «Բ. Դուրը պարտավորվում է իրագործել այն բարվոքումները և բարեգործութիւնները, որոնք առաջ կրեն հայաբնակ գավառների տեղական պահանջները և սպասուկ նրանց անվտանգութիւնը շերտերից և քրդերից: Նա պարտավոր է պարբերաբար տեղեկութիւններ հաղորդել այդ նպատակի համար ձեռք առած միջոցառումների վերաբերմամբ այն տերութիւններին, որոնք պետք է հետեւեն նրանց իրագործմանը»⁶⁹:

Սան-Ստեֆանոյի դաշնագրի 16-րդ և Բեռլինի դաշնագրի 61-րդ հոդվածների բովանդակութիւնների միջև եղած տարբերութիւնը շատ ակնբախ է:

Սան-Ստեֆանոյի դաշնագրի 16-րդ հոդվածը Թուրքիային պարտավորեցնում էր հաշվետու և պատասխանատու լինել մեկ տերութեան՝ Ռուսաստանի առաջ, որը բավականին մոտիկ էր և ուժ ունէր ռեալ կերպով իրագործել տալու խոստացված բարենորոգումները: Իսկ Բեռլինի դաշնագրի 61-րդ հոդվածը այն հանձնեց

68 Խ. Գաբիկյան, Հայկական հարցը Արևելյան հարցի մեջ (1860—1880),

69 История дипломатии, т. II, Москва—Ленинград, 1945, էջ 118.

վեց տերութիւններին, բարվոքումների ու բարենորոգումների իրագործման ուղղութեամբ թուրքական կառավարութիւնը պարտավորվում էր պարբերաբար տեղեկութիւններ տալ նրանց, իսկ դրանք շիրագործելու դեպքում, այդ տերութիւնները հանձն չեն առնում հսկելու նրանց իրագործման ընթացքի վրա: Հետևապես, 61-րդ հոդվածը անորոշ էր: Նա անորոշ վիճակում թողեց հայ ժողովրդի բախտը, որից օգտվեց թուրքական սուլթանը՝ Հայկական հարցը իր ցանկացած եղանակով «լուծելու» համար:

Հակառակ կոնգրեսում եղած կարեկցական ճառերի, Անգլիայի արտաքին գործերի մինիստր Սալսբերին միանգամայն թշնամական դիրք գրավեց հայերի օրինական պահանջի նկատմամբ: Նա աշխատում էր ամեն կերպ նվազեցնել հայերի թիվը՝ նրանց ինքնավարութեան պահանջը անօրինական և վաղաժամ համարելու դիտավորութեամբ:

Անգլիայի պահպանողականների կառավարութիւնը հասկանում էր, որ հայերի ինքնավարութիւնը կուժեղացնի Ռուսաստանի դիրքերը և հայերի աչքում կբարձրացնի նրա հեղինակութիւնը: Դեռևս 1876 թվականին, անգլիական լորդերի պալատում հայտարարութիւն էր եղել այն մասին, որ «ռուսների կողմից Հայաստանի վրա տիրելը... կապահովի այդ պետութեան համար Սև ծովի արևելյան երկրների վրա իշխելը, կտա նրան կարողութիւն հսկելու Փոքր Ասիայի անցքերի վրա և հրամայել Եփրատի և Տիգրիսի հովիտներին»⁷⁰:

Այսպիսով, 1878 թ. հունիսի 4-ի անգլո-թուրքական կոնվենցիան դավաճանութիւն էր հայ ժողովրդի նկատմամբ: Այն շատ անորոշ ու մշուշապատ դարձրեց Հայկական հարցը, իսկ Բեռլինի կոնգրեսը առավել ևս խտացրեց անորոշութիւնը: Իրականում Սան-Ստեֆանոյից մինչև Բեռլին հասնելը այնքան կերպարանափոխվեց Հայկական դատի լուծման համար առաջարկված հոդվածը, որ վերջի վերջո դառավ դատարկահնչուն ֆրազ:

1878 թ. սեպտեմբերին լույս է տեսնում Մինաս Չերազի «Թե ի՞նչ շահեցանք Պերլինի վեճաժողովեն» վերնագրով գրքույկը, որը նվիրված էր պատրիարք Ներսես Վարժապետյանին: Չերազը գրում է: «Մի՞թե ներելի է հուսահատիլ մի ժողովրդի, որ կը հավատա թե ապագա ունի: Ազգս ոչ միայն վնաս չը կրեց, այլ մեծապես շահեցավ Պերլինի վեճաժողովեն... Մենք ավելի շահեցանք Պերլինի,

70 «Մշակ», № 60, 1876:

քան Սան-Ստեֆանոյի մեջ և անհնարին էր ավելի շահիլ լեզվով և գրչով: Սան-Ստեֆանոյի հողվածք աղաչանքներն ծանր էր: Պերլին ամրապնդեց զայն յուր վեհաժողով... Պերլինի վեհաժողովեն մի ոսկեհանք շահեցանք, մեզ անկե խիզախել և հանել ոսկին»⁷¹: Հայ ժողովուրդը այդ «ոսկեհանքը» չտեսավ. նա տեսավ նորանոր աղետներ, հալածանք ու բնաջնջում:

Մաղրելով 61-րդ հողվածի երկրպագուներին, Կ. Պոլսում նստած ազգային ջոջերին, Բաֆֆին գրում է. «Ուրիշ օրինակ անհարմար կլինեք բերել, քան թե այն, որ Բեռլինի վեհաժողովի ժամանակ, Կ. Պոլսի հայոց դրութունը նման էր մի վաճառականի, որ կամենում է սկսել մի մեծ առևտրական սպեկուլյացիա, առանց նախապես գիտենալու իր դրամական վիճակը, նա հասկանում է, որ կասսան դատարկ է այն ժամանակ միայն, երբ գործն արդեն սկսել էր»⁷²:

Հայ խոշոր երգիծաբան Հ. Պարոնյանը Բեռլինի դաշնագրի 61-րդ հողվածից հետո վեց տերութունների կոլեկտիվ խնամակալութունից մեծ սպասելիքներ ունեցող քաղաքական կարճատես գործիչների ծաղրական վիճակի մասին հեղինակելով գրում է. «1878 թվին իբրև ազգային նվիրակ իրիմյանի հետ Պերլինի ավագաժողովը ղրկվեցավ: Թեպետ և չգիտակցելով, թե ինչու չկրցին ավագաժողովին ներկայանալ, սակայն շատերը պնդեցին այն ատեն, թե ազգը մեծ օգուտ քաղեց անոնց ուղևորութենեն, թե ձայն հանելու չէ, այդ օգուտին ինչ ըլլալը վերջեն պիտի հասկացվի»⁷³:

Արևմտահայերի կյանքում բարենորոգումներ իրականացնելու ուղղությամբ սուլթանի կառավարության խոստումները Պարոնյանը համարում է կեղծ ու խաբեություն, որովհետև նա ամենևին չէր վախենում եվրոպական տերութունների ձեռնարկած ազգարարութուններից: «Դուռը կխոստանա Հայաստանի մեջ բարենորոգումներ գործադրել,—գրում է նա,—միայն թե երեք ամիս պայմանաժամ կխնդրե: Եթե երեք ամսվա մեջ այդ բարենորոգումները չգործադրվին՝ Բ. Դուռը իրավունք կուտա տերութուններուն, որ դարձյալ ազգարարութուններ ընեն իրեն:

Ինչ գեղեցիկ առաջարկություն:

71 Հ. Անամյան, Հայոց Հայրիկ, էջ 510, Թավրիզ, 1929.

72 Մելիքադե, Ի՛նչ կապ կա մեր և տաճկահայերի միջև, («Մշակ», № 122, 1879).

73 Հ. Պարոնյան, Երկերի լիակատար ժողովածու, հատ. 3, էջ 19.

Եթե ազգարարութուններն դարձյալ օգուտ չընեն՝ տերութուններն դարձյալ իրավունք կունենան ազգարարութուն ընկել:

Ազգարարութուն ընեն որչափ որ ուզեն, իսկ ճնշում չենք ընդունիր»⁷⁴:

Բեռլինի կոնգրեսից բոլորովին այլ տպավորություններով է համոզմունքներով վերադարձավ իրիմյան Հայրիկը: Նա եկավ այն համոզման, որ Մերձավոր Արևելքի և Փոքր Ասիայի համար մղվող պայքարի ժամանակաշրջանում կապիտալիստական այդ խոշոր տերութունները հաշտ ու համերաշխ ապրել չեն կարող և, հետևապես, Հայկական հարցում կոլեկտիվ միջամտություն չի կարող լինել:

Կ. Պոլսի հայկական մայր եկեղեցում ժողովրդի առջև ունեցած իր ելույթում իրիմյանը ցույց տվեց, որ իրավունք ուժի մեջ է, որ Բալկանյան թերակղզու սլավոն ժողովուրդները կոնգրեսին ներկայացան սրբերով, թրերով և հրացաններով, իսկ հայ պատվիրակությունը՝ իր խղճով աղերսագրով: «Վեհաժողովը բացվեցավ,—ասում է նա,—աշխարհի մեծ պետությանց քաղաքագետ պատգամավորները շարվեցան կանաչ սփռոցով ծածկված դիվանագիտական սեղաններուն բոլորտիք, իսկ փոքր և ճնշված ազգաց պատգամավորներս վեհաժողովեն դուրս կսպասեինք: Վեհաժողովին մեջ տեղը... սեղանի մը վրա, դրված էր մեծ կաթսա մը խաբխա, ուրկից բաժին պիտի ստանային աշխարհիս մեծ ու փոքր ազգերն ու տերութունը: ...Սկսան կարգով, մի առ մի, ներս կանչել փոքր ազգաց պատգամավորներ: Նախ պուկար ներս մտավ, ապա սերբիացին, դարադաղցին, որոնց կողերեն կախված սուրբուռ շաքուրչուքոց գրավեց ժողովականներու ուշադրությունը... Այս հրեք պատգամավորներ ֆաշեցին իրենց սուրբը և իբրև երկաթյա շեշտի խոթելով խարիսայի կաթսայի մեջ, իրենց բաժին խարիսան առին և հպարտ ու համարձակ հեռացան: Կարգն եկավ հայոց պատգամավորին, ես մոտեցա և Ազգային ժողովին կողմն ձեռքս տրված աղերսաթուղթը ներկայացուցի և աղաչեցի, որ իմ ամանս ալ լնուն խարիսա: Յայն ժամ կաթսայի գլուխ սպասող մեծավորները ինձ հարցուցին.—Ո՛ր է քո երկաթյա շեշտիք, հիբավի հոս խարիսա կբաժանվի, բայց երկաթյա շեշտի չունեցողը չի կարող անոր մոտենալ, զայս իմացիր, որ եթե մոտ ատեն այս խարիսան կրկին բաժանվի, յայնժամ առանց շեշտի չգաս, գի պարապ հետ կգառ-

74 Հ. Պարոնյան, Երկերի լիակատար ժողովածու, հատ. 4, էջ 66:

նաս: է՛հ, սիրելի ժողովուրդ հայոց, ես կրնայի խարխայի կաթ-
սայի մեջ խոթել իմ թղթե շերեփը, որ պիտի թրջվեր և հոն մնար:
Հոն, ուր զենքն է խոսողը, ուր սուրբը կշողշողան, հոն ի՞նչ գործ
ունին խնդիրք և աղերսաթղթեր»⁷⁵:

Այս ամենից հետո Խրիմյանը հայերին կոչ է անում յուրացնել
քաջ զեյթունցիներին, սասունցիներին և շատախցիներին հերոսության
ու զինված պայքարի օրինակները, ազատություն ձեռք բերել սե-
փական ուժերով, զենք ձեռք բերել և զինվել: Նա կոչ է անում գա-
վառները վերադառնալիս իրենց հետ զենք տանեն և հայերին զի-
նեն: «...Մեկ մեկ զենք տարեք, զենք առեք և դարձյալ զենք:
Ժողովու՛րդ, ամենեն առաջ քո ազատության հույսը քո վրա դիր,
քո խելիքն և քո բազուկին ուժ տուր, մարդ ինքե՛րեն պետք է աշ-
խատի, որ փրկվի»⁷⁶:

Արևմտանվորական օրինատացիայի վրա կանգնած, բայց
արդեն հիասթափված Խրիմյանը հրապարակ է գալիս որպես հայ
ժողովրդի ազգային-ազատագրական պայքարի, զինված ապստամ-
բության պրոպագանդիստ: Խրիմյանը փաստորեն հայերին ինքնա-
պաշտպանության կազմակերպման ու զինված ապստամբության
ճանապարհով սուլթանական ռեժիմից ազատագրվելու կոչ էր ան-
ում, որովհետև լավ էր հասկանում, որ Հայկական հարցի շուրջը
ստեղծված կատակերգությունը հաջորդելու էր ծանր ողբերգության
ժամանակաշրջանը:

Այսպիսով, ի՞նչ էր Հայկական հարցը, ո՞րն էր նրա էությունը:
Հայկական հարցը հայ ժողովրդի ֆաղափական ինքնորոշման, նրա
միջազգային իրավունքի հարցն էր: Դրա համար էլ Բեռլինի կոնգ-
րեսը, թեկուզ խոշոր տերությունների եսական շահերից ելնելով,
այնուամենայնիվ, այդ հարցը դասեց միջազգային դիվանագիտու-
թյան խնդիրների շարքը: Հետևապես, Հայկական հարցի բուն էու-
թյունը հանդիսացել է պետությունների դիֆերենցիալ հայ ժողո-
վրդի ֆաղափական ինքնորոշման նկատմամբ:

75 Հ. Անամյան, Հայոց Հայրիկ, էջ 511—512:

76 Նույն տեղում, էջ 513:

Գ Լ Ո Ւ Խ Ե Ր Ր Ո Ր Գ

ՍՈՒԼԹԱՆԱԿԱՆ ԿԱՌԱՎԱՐՈՒԹՅԱՆ ՀԱՅԱՋԻՆՋ
ՔԱՂԱՔԱԿԱՆՈՒԹՅՈՒՆԸ ԲԵՌԼԻՆԻ ԿՈՆԳՐԵՍԻՑ ՀԵՏՈ:
ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՄԱՆ ՎԵՐԵԼՔԸ 1870—1880-ԱԿԱՆ
ԹՎԱԿԱՆՆԵՐԻՆ

1

Բեռլինի կոնգրեսը ժողովուրդներին խաղաղություն շքերեց և
բերել չէր կարող: Արևելյան հարցը, ամբողջությամբ վերցրած, դեռ
չէր լուծված: Մերձավոր Արևելքի և Փոքր Ասիայի համար խոշոր
տերությունների կողմից մղվող պայքարը մնում էր օրակարգում,
նրանց հակամարտությունները զնալով ավելի ու ավելի էին ուժե-
ղանում: Եվրոպայի մթնոլորտը հղի էր նոր պատերազմի որոտներով:

Սուլթանական կառավարությունը ուշադրությամբ հետևում էր
զարգացող իրադարձություններին, եվրոպական պետությունների
անհամաձայնությանը և, օգտվելով հանգամանքներից, սկսեց դա-
ժան դատաստան տեսնել հայերի հետ: Նա մշակեց հայերի բնա-
ջրնջման ծրագիրը՝ բարենորոգումներ մտցնելուց խուսափելու, Հայ-
կական հարցը հրապարակից հանելու և իր ներքին գործերին եվրո-
պական տերությունների միջամտություններին ընդմիջտ վերջ տա-
լու դիտավորությամբ: Այդ էր Հայկական հարցի «լուծման» թուր-
քական եղանակը:

Քյամիլ փաշան իր կայսրին գրում է. «...եթե Եվրոպիո մեջ
մեր ծոցը օձ սնուցինք, պետք չէ, որ նույն հիմարությունները
ընենք մեր ասիական Տաճկաստանի մեջ. խելոքությունը բնաջրն-
ջել—վերացնելն է այն ամեն տարերքը, որ օր մը կրնան մեզ նույն
վտանգը ծնանել և օտարին ձեռնամխության առիթ և գործիք լինել:

Հիմա, այսօր, գոնե Անգլիո շահերն կը պահանջեն, որ Փոքր Ասիո (մենք և Անգլիան Հայաստան բառը ոչ միայն շենք ճանաչեն, այլ այդ անունն հնչող կղակները պետք է ջախջախենք) մեր ունեցած երկրները ազատ մնան օտարի միջամտութենեն և միջամտության մամեն առիթներեն. ուստի այդ սուրբ նպատակին համար պետք է, և պետական իրավունքը կը պահանջե, որ որևիցե կասկածելի տարրը անհետ ընենք, որպեսզի ապագան ապահովենք. ուրեմն այդ հայ ազգը վերացնելու, անհետ ընելու եմք: Եվ այդ ի գլուխ հանելու համար ռան չի պակասիր մեզ, ամեն գործիք պատրաստ ունենք— կուսակալ, դատավոր, հարկահան, ոստիկան, վերջապես ամենայն ինչ. կրոնական պատերազմ մը կը հրապարակենք և դուրսին պատերազմ այնպիսի ազդի մը դեմ, որ ո՛չ զենք ունի, ո՛չ զինվորություն և ո՛չ պաշտպան... Եվ եթե այդ հայ ազգը բնաջիւղ լինի և քրիստոնյա Եվրոպան (իմա՝ Ռուսաստանը—Հ. Վ.) կրոնակից մը փնտրե, և շղտնե տաճկական Ասիո մեջ, կը թողու զմեզ հանգիստ և այն ատեն կը զբաղվինք ներքին գործերով և բարեկարգությունով...»¹ (ընդգծումները մերն են—Հ. Վ.):

Հայերի բնաջնջման իր գազանաբարո քաղաքականությունը իրագործելիս, օսմանյան թուրքիան, առաջին հերթին, հենվում էր քրդական ցեղապետների, բեկերի ու շեյխերի վրա: Չեռնամուխ լինելով քրդերի հավաքագրմանը, որոնց մեջ «ծայր էին առնում ապստամբական շարժումներ՝ անկախություն ձեռք բերելու համար»², թուրքական կառավարողները պրովոկացիոն կերպով զորքուում էին նրանց կրոնական մոլեռանդությունը հայերի դեմ: Նրանք քրդերին համոզում էին, թե հայերը նրանց թշնամիներ են, որոնք քրիստոնյա Եվրոպայի օգնությամբ կամենում են իշխանության հասնել և իշխել քրդերի վրա: Այս պրովոկացիան քրդական վերնաբաժանին մոտեցնում էր կառավարությանը ու նրանց մղում հայերի դեմ:

Այդ նպատակով Սամի փաշան Վանում խնամքով հավաքագրում էր Վասպուրականի քրդերին, փայփայլում ու պետական բարձր ատյաններում պաշտոնի նշանակում: «Կարնո ճանապարհի վրա,—գրում է «Մշակ»-ի թղթակիցը,—մինչև Վան պատահած բոլոր ավազակապետ բյուրդերն փոխանակ ձեռբակալելու, մեծ պատվով քաջալերեց և խրախուսեց զիրենք իրենց ընթացքին մեջ...

Հայդարանալի Ալի աղայի մանչ Մուսա աղան, որ 35 գյուղ հրկեղ անելով և անթիվ կողոպուտներով ձգեք Պարսկաստան փախել էր, փոխանակ պատժելու գայն, դարձյալ կանչեց և յուր հոր տեղ էլազասի կարգեց՝ ամսական 2.000 դուրուշ ոսկի դրամ հատկացնելով»³:

Ռուս-թուրքական պատերազմից հետո Վանում ռուսական փոխհյուպատոս նշանակվեց Կ. Կամսարականը: Այդ առիթը և սուլթանական կառավարությունը օգտագործեց քրդական հրոսակներին հայերի դեմ տրամադրելու համար: Նրանք բռնում էին հայերին և լիտիաբար ասում. «Գնա ռուսաց կոնսուլին բարև արա, իր իսկ սիրուն այդ բաներ կանենք, որ ցուցանե մեզ իր տերությունը»⁴:

Հավաքագրելով քրդերին, սուլթանական կառավարությունը Անգլիայի օգնությամբ կազմակերպում էր քրդական միություն՝ քրդերին հայերին հակադրելու և Հայաստանը Քուրդստանով փոխարինելու համար: Այդ իսկ պատճառով անգլիական և թուրքական ազդյունները փորձում էին ամեն կերպ նվազեցնել հայերի թիվը թուրքիայի ասիական նահանգներում: «Հայերի և Հայաստանի մասին,—գրում է ռուսական «Գոլոս» թերթը,—Անգլիայում տարօրինակ կարծիք է կազմվել: Ջեյմս Բրայսը կարծում է, որ Հայաստանը ոչ թե երկիր է, այլ աշխարհագրական տերմին, որը չունի ոչ բնական սահմաններ, ոչ ցեղային մեծամասնություն...»⁵:

Նվազեցնելով հայերի թիվը, ընդառաջելով սուլթանական կառավարության միտումներին, Անգլիան Հայաստանին հակադրում էր Քուրդստանը: Էրզրումի անգլիական հյուպատոս կապիտան Տրոտտերը այդ ոեակցիոն կոնցեպցիայի առաջին մոնետիկն էր: Այդ դիտավորությամբ Կ. Պոլսի անգլիական դեսպան լայարդը հայտարարում էր, թե «Վաղ է դեռևս մտցնել ռեֆորմներ Հայաստանում»⁶: Անգլիական կառավարողներն ու նրանց դիվանագետները ուղղակի հայտարարում էին, թե «Չկա Հայաստան, այլ կա Քուրդստան: Այն երկիրը, որ դուք անվանում եք իբրև հայաբնակ, նա Քուրդստան է, ազգաբնակչության մեծամասնությունը քուրդ»⁷:

3 «Մշակ», № 207, 1879:

4 «Մշակ», № 89, 1879: Նամակ Վանից:

5 «Մշակ», № 110, 1878:

6 Յ. Ալպոյաճյան, Մինաս Չերազ, էջ 229:

7 «Մշակ», № 189, 1878: «Քյուրդերը և հայերը» հոդվածը:

1 «Փոքր» № 7—8, 1879, էջ 204—205:

2 Ան, թուրքահայ հեղափոխության գաղափարաբանությունը, հատ. Ա, էջ 117:

Հայաստանին հակադրելով Քուրդստանը, հովանավորելով քրդական միություն ստեղծելու սուլթանական կառավարության քաղաքականությունը, անգլիական կառավարողները իրականում աջակցում էին հայերի բնաջնջման նրա ծրագրի իրականացմանը: Դրա համար էլ Աբդուլ-Համիդը եվրոպական պետություններից ժամանակ էր պահանջում հայերի շարքերը նոսրացնելու և բարենորոգումների հարցը հրապարակից հանելու համար: «Բ. Դուռը,— գրում է Գր. Արծրունին,— Հայաստանում ռեֆորմներ մտցնելու համար չորս ամիս ժամանակ է պահանջել Եվրոպայից: Այդ չորս ամսվա ընթացքում նա ժամանակ կվաստակի, քուրդերը կավերեն Հայաստանը, կոչնչացնեն հայերին,— և ահա այն ժամանակ հայոց խնդիրը ինքնիրեն կվճռվի, որովհետև թուրքաց Հայաստանի հայերը բոլորն էլ ջնջված կլինեն»⁸:

Բաֆֆին նույնպես հայերին նախազուշացնում էր, որ սուլթանական կառավարությունը վրեժ է լուծելու, հայերին բնաջնջելու կուրս է ընդունել և «չորս ամիսը բավական ժամանակ է այդ բոլորը կատարելու համար»⁹:

Քրդական միություն ստեղծելու գործը հանձնարարված էր շեյխ Ուբեյդուլլահին, որը պետք է գրավեր պարսկական Ատրպատականը, այնտեղ մի անկախ քրդական պետություն հիմնելու համար: Նա իր ծննդավայր Շեմզինան գյուղում հրավիրում է քրդական ցեղապետների համագումար: Հայերին մութ շմաց այդ միության ստեղծման բուն նպատակը: Նրանք հասկացան, որ սուլթանական կառավարությունը այդ միությունը ուղղելու է հայերի դեմ՝ նրանց բնաջնջելու նպատակով:

1880 թ. հուլիսի 2-ին, Վանում եղած ժամանակ, Ուբեյդուլլահի քրդական միությունից հայերին սպառնացող մահացու վտանգի մասին նրիմյանը գրում էր. «Այլևս կասկած չկա, քրդական միություն է կազմակերպվում կենտրոնական կառավարության գրգռմով, որ ուզում է անդամալուծել հայկական հարցը, նրան հակադրելով մի նոր հարց՝ քրդականը: Այս միության հոգին օսմանյան քաղաքականությունն է: Շեյխ Ուբեյդուլլահը նրա անվանական կենտրոնն է: Բահրի բեյը՝ Բեդերխան բեյի որդին, նրա աննկուն գաղտնի գործակալն է... Քրդերին միացնում են... Քրդական միությունը թուրքիայում իր համար օջախ կազմելու մտքով՝ ամենավայրագ

գործողություններ է կատարում Աղբակը, «Հեքյարին» հայերից դատարկելու համար»¹⁰: Այսպիսով, քրդական միությունը ահավոր վտանգ էր հայերի գույքի, պատվի ու ֆիզիկական գոյության համար: Դրան էր ձգտում օսմանյան կառավարությունը:

Ի՞նչ էր մնում անել, ո՞րն էր ելքը: Հայերը կամ հեզուսթյամբ պետք է դեպի կորուստ գնային, կամ պետք է զինվեին ու պաշտպանեին իրենց կյանքն ու պատիվը: Նրանց պետք է թույլ տրվեր, որ «իրենք իրենց պաշտպանեն», թույլ տրվեր, որ «հայերը գենք կրեն», «պետք է հայը ինքը հնար ունենա յուր անձը պաշտպանելու»¹¹,— գրում է Բաֆֆին:

Հայերի համար ստեղծված հուսահատական դրությունից ելնելով, Պարսկաստանից «Մշակ»-ի թղթակիցը գրում է. «Քանի որ գործերը այս դրության մեջ են, քանի որ թուրքաց հայերին սպասում է մի օրհասական հարված, որ հավիտյան վերջ պիտի գտնե նրանց գոյությունը, իմ կարծիքով, թուրքաց հայերին ուրիշ ոչինչ չի մնում, բացի նրանից, որ իրենք հոգ տանեն իրենց անձնապաշտպանության համար, եթե չեն ցանկանում իսպառ ոչնչանալ և ջնջվել աշխարհի երեսից»¹²:

Թուրքական կառավարությունը այնքան սանձարձակ դարձավ, որ Կ. Պոլսի հայոց պատրիարքին հայտնեց, թե «յուր պետության մեջ Հայաստան անուն երկիր չի ճանաչում»¹³:

Իսլամացած քրդական բեկերի միջոցով թուրքական կառավարությունը կամենում էր վերջ տալ հայերին: Քրդական այդ խավերին իրավունք էր վերապահվում տիրելու հայերի հայրենական սեփականությանը և ստրկացնելու նրանց այն աստիճան, որ նրանք ստիպված լինեն հեռանալ հայրենի երկրից: «Այժմ հայերը, ճիշտ ասած,— գրում է Հ. Լազարյանցը,— անպաշտպան ստրուկներ են կապկպած ձեռքերով, առանց գենք կրելու իրավունք ունենալու, որով գոնե մասամբ կարողանային պաշտպանել իրենց կյանքը, կարողությունը և ընտանիքը այնպիսի շարագործություններից, ինչպես քուրդ Մադոն է, որ յուր զինվորված յոթ սպասավորների միջնորդությամբ կատաղաբար (ինչպես մի գալլ ոչխարի հոտում) սարսափ է գցում հայոց Մուշ գավառի Քյառքյառու գյուղի վրա, ուր

10 Առ, Թուրքահայ հեղափոխության գաղափարաբանությունը, հատ. Ա, էջ 125:

11 «Մշակ» № 191, 1879:

12 Նույն տեղում:

13 Բաֆֆի, Տաճկահայք, էջ 71:

8 «Մշակ», № 182, 1880: «Քաղաքական մտածմունքներ»:

9 Բաֆֆի, Տաճկահայք, Թիֆլիս, 1894, էջ 23:

բնակվում են 115 տուն ճնշված ու հարստահարված քրիստոնյաները»¹⁴։

Մադոյի, Դիարի, Ջալալեղդինի, Ուբեյդուլլահի նման դահիճները մեծ ծառայություն էին մատուցում սուլթանիզմին՝ հայերի նկատմամբ իր շարանենգ դիտավորություններն ի կատար ածելու, հայերին արտաքսելու, բնաջնջելու գործում։ «Ուրեմն Տաճկահայաստանի այժմյան դրուսթյունը անփոփոխ պահելու համար մի խնդիր է առաջանում,—գրում է Հ. Լազարյանցը,—կամ հայերին պահել մշտական անիրավ ու ստրկական դրուսթյան մեջ և կամ հեռացնել նրանց իրենց նախնի հայրենիքից (որտեղ նրանք 44 դար շարունակ ապրել են), և կամ դարձնել երկիրը իսկական Քուրդստան»¹⁵։

Ռուս-թուրքական պատերազմից և հատկապես Բեռլինի կոնգրեսից հետո սուլթանական կառավարությունը անհանդուրժելի էր համարում հայերի գոյությունը Օսմանյան կայսրության սահմաններում։ Այդ կայսրության ամրապնդման ու անվտանգության առաջին նախապայմաններից մեկը սուլթանի կառավարությունը համարում էր հպատակ ժողովուրդների և, առաջին հերթին, հայերի ասիմիլացումը։

Կրոնը սուլթանի կառավարության համար հանդիսանում էր քաղաքական մի գործիք ամբողջ մուսուլմանությունը շահագործելու համար։ Ելնելով իսլամիզմի սկզբունքից, ղեկավարվելով նրանով, սուլթանի կառավարությունը կառավարման թուրքական սիստեմը դիտում էր որպես «մարդու կամքի աստվածային արտահայտության բացարձակ ձև», որը «ենթակա չէ ոչ մի ռեֆորմի՝ մասնավորապես, երբ այն վերաբերում է քրիստոնյաների ու մուսուլմանների հարաբերություններին»¹⁶։

Էմիլ Դիլլոնը նշում է, որ Թուրքիայում «քրիստոնյաների համար օրենք չկա,—«Ռայա»-ն իրավադուրկ է. այն բողոքական հայը, որի երեխան են սպանել, բռնաբարել են աղջկան, տարել են կնոջը, թուրքական կառավարիչները հալածում են մտրակներով, ատելություն բանտարկում են»¹⁷։

Հայերի սոցիալական և ազգային ճնշման ուժեղացմամբ թուրքական կառավարությունը դրանով արագացնում էր ասիմիլացման

¹⁴ «Մեղու Հայաստանի», № 129, 1882.

¹⁵ Նույն տեղում։

¹⁶ «Положение армян в Турции», 1896, էջ 131.

¹⁷ Նույն տեղում, էջ XIII:

պրոցեսը։ Նկարագրելով հայերի նկատմամբ գործադրված հարստահարությունների անտանելի շարագործությունները Վասպուրականի նահանգում, Վանի «Մշակ»-ի թղթակիցը հարցնում է. «Ե՞րբ պիտի լինի, որ մեզ համար ազատության ժամը հնչե...»¹⁸։ Կ. Պոլսից «Մշակ»-ի թղթակիցը գրում է, որ «Մուշեն, Սեբաստիայեն տխուր լուրեր կհասնին, կառավարությունը ժողովրդին բոլոր տուրքերը հավաքելիս հետո, ապագա երեք տարիներու տուրքերն ալ այժմեն կանխիկ կպահանջե, ժողովուրդը հուսահատված է»¹⁹։

Գավառահայության բազմաթիվ բողոքների ու դիմումների առիթով Կ. Պոլսի հայոց պատրիարք Ներսես Վարժապետյանը թուրքական մեծ վեզիրին է ներկայացնում մի բողոքագիր-զեկուցագիր, որի մեջ ասված է. «Ներքո ստորագրող, հայոց պատրիարք, պատիվ ունի հայտնել ձեզ հետևյալը. Տարաբխտաբար ամենքին հայտնի է, որ խաղաղությունը և ապահովությունը Հայաստանից արքորված է և մեր կրոնակիցները Ասիայում ենթարկվում են ամեն տեսակ դժբախտությունների և հալածանքների»²⁰։ Աղբյուսագրում ասված է միաժամանակ, որ հայերի նկատմամբ գործադրված դազանությունները կատարվում են կառավարության թելադրանքով։

Պատրիարքը պահանջում էր Բեռլինի դաշնագրի 61-րդ և 62-րդ հոդվածների կիրառումը, որի մասին սուլթանի կառավարությունը լսել անգամ չէր կամենում։ Հայերի դրուսթյունը գնալով բարդանում էր։ Բոլոր կողմերից միալար լսվում էին նրանց ողբն ու հառաչանքը։ Հայերը ստիպված դաղթում էին, քրդական ու շերքեզական վերնախավերը՝ կառավարության թողտուխյամբ հափշտակում էին հայերի գյուղերն ու ունեցվածքը, իսկ կուլեկտիվ ինուստակալություն ստանձնած եվրոպական վեց տերություններն ու նրանց ղեկավարները աչքերը փակում ու խուլ էին ձևանում։ «Մեր աշխարհի մեջ մեկ ծայրեն մյուս ծայրը,—հաղորդում են Վաղարշակերտից հայոց պատրիարքությանը,—չի մնաց ավան մը, գյուղ մը, որ յուր ցավալի և արտասվելի պատմություն չունենա, չի մնաց սար մը, ձոր մը, որ հայու արյունով ներկված և բարուբանդ եղած չլլա։ Թող լսեն բոլոր աշխարհը, թող իմանան մեր հեռավոր ազգայինք մեր վիճակը, և զմեր գաղթականության չի պարսվեն, այնչիսի գաղթականություն, որ 1000 տուն ժողովրդին 4213 մարդ կու-

¹⁸ «Մշակ», № 94, 1878.

¹⁹ «Մշակ», № 134, 1878.

²⁰ «Մշակ», № 30, 1878.

րույս, և առանց սակայն բոլորնիս ալ անգութ քրդերու սրույն զո՛ս պիտի երթայինք, այնպես որ մեր թշնամիք մոլեռանդությամբ գրգռյալ ծարավն էին մեր արյան վերջին կաթիլին»²¹:

Այս ամենի հիման վրա ներսես Վարժապետյանը գրավոր զեկուցում է ներկայացնում թուրքական կառավարութայնը, որի մեջ ասված է. «Այն նահանգաց մեջ, ուր քուրդ և շերքեզ հրոսակներ կան, կասպատակեն անարգել և համարձակ, սպանություններ կգործեն, կհափշտակեն երկրագործ ժողովրդյան գուլքն ու կենդանիները, կվառեն անոնց պարենքն ու խոտի դեզերը, ձմռան եղանակին մեջ գյուղացիք չգտնելով ուտեստ՝ ոչ իրենց և ոչ ալ կենդանյաց համար, կհարկադրեն թողուլ անոնց իրենց կենդանիները:

Հայերը մեծ մասամբ երկրագործությամբ կգրադվեն գավառաց մեջ և սակայն այն հողերը, որոնք ամենն հին բնիկ երկրեն՝ տիրացած են արգեն և իրենց քրտամբք արտասվորելով՝ անոնց արյամբ կլնան արքունի գանձն, կխլվին իրենց ձեռքեն զանազան միջոցներով»²²:

Թուրքական սուլթանին ներկայացրած իր զեկուցագրում Վարժապետյանը առանձնապես մատնացույց է անում էրզրումի, Վանի, Սասունի, Զեյթունի հայերի ծանր վիճակը:

«Մուշեն, Բաղեշեն և ուրիշ կողմերեն հասած գրություններն ալ նույնպես սոսկալի դժգոհությանց և այլ և այլ հարստահարությանց մանրամասն նկարագիրը կընեն, նկարագիր, որ ընթերցողին սոսկում կպատճառե: Բաղեշեն գրած նամակ մը կըսե, թե տեղւոյն հայ ժողովուրդը՝ գործառած հարստահարությանց չկրնալով դիմանալ, այլուր գաղթելու կպատրաստվի»²³:

Ներսես Վարժապետյանը բողոքում է քրդական ու շերքեզական հրոսակների սպառազինման, քրդական միության կազմակերպման թուրքական կառավարութայն քաղաքականության դեմ և նշում է, որ այդ քաղաքականությունը հայերի համար հղի է նորանոր ահեղ սարսափներով:

«Դյուրին է ըմբռնել, թե այս շարիքներն որքան կսաստկանան և կգործվին ապերասան կերպով, երբ հեծելազոր գնդեր կազմվեն քուրդերն և ասպատակությամբ, հափշտակությամբ և սպառնությամբ սնանող այս տարրը բանակի մը վերածվելով՝ զինվոր պաշ-

տոնապիս իրենց բռնությունը չափ չունին այլևս և տեղ տեղ ժողովուրդն առ ահի իրենց տուններն անգամ դուրս չեն կարող ելնել. իսկ բողոք անոնց արարմանց դեմ, ոչ քաղաքական իշխանությունը կլսի և ոչ ալ զինվորականը՝ յուրաքանչյուրը ձեռնհաս չգտնելով զինքը, և հեծելազոր քուրդը կլինի ամենազոր ուզածն ընելու:

Պատվո ապահովության մասին գալով՝ աղջիկներ, նոր հարսեր արատավորել—իրողություններ են, և մինչև բանտերու մեջ պատանյաց պատիվ ոճրագործներու տուփանց զոհելու և մեր գերդաստանի պատկանող կիներն ու այրերը մերկացնելով բռնի շինյալ դեպքեր տեղի ունեցած են»²⁴:

Սուլթանական կառավարությունը հալածանք էր սկսել հայկական մամուլի, գրականության, լեզվի, դպրոցներում հայոց պատմություն դասավանդելու, առաջվոր հասարակական-քաղաքական գործիչների, գրողների ու հրապարակախոսների դեմ: Վարժապետյանի զեկուցագրում այդ մասին ասված է. «Առանց փոփոխման և հապավման շարտոնվեր նաև հայոց պատմության տարեգրությունն, ինչպես նաև դասագրքաց մեջ հայոց նախնի թագավորաց, իշխանաց և զորապետաց անունները կհանվին և ալ անուններ կըրվին հանրային կրթության կողմն, ինչպես նաև կարգելի հրատարակությանց մեջ գործածել քաղաքներու հայերեն անունները:

Ոչ նվազ ցավալի է նաև, որ կուզվի զլանալ Հայաստանյաց եկեղեցուն՝ իր դարավոր հատուկ անուն կրելու իրավունքը, ինչպես կկրե յուրաքանչյուր քրիստոնյա եկեղեցի և ջնջվի կուզե Հայաստանյաց բառը»²⁵:

Այս զեկուցագրում ճշտորեն արտացոլված են թուրքիայում եղած ծանր իրագրությունները, հայերի դեմ գործադրված գազանությունների պատկերը: Հայերի համար անտանելի էր սուլթանական ռեժիմը: Թուրքական լուծը «հպատակություն ըլլալեն դադարած՝ գերության լուծ եղած է»: Թուրքիան հայ ժողովրդի համար դարձել էր դժոխային երկիր: «Ծա կկարծեմ,—գրում է Հ. Պարոնյանը,—թե կուսակալ Սեբաստիո բոլոր հայերը բանտարկված են և, հետևապես, դուրսը մարդ չէ մնացել, որ անոնց բանտարկվելն հեռագրով իմացնեն մեզ... Տաճկաստանի մեջ բանտ, բանտի մեջ բանտ...»²⁶:

21 «Մասիս», № 30, 1878:

22 Մաշտոցի անվան Մատենադարան, Իզմիրլյանի արխիվ, Բղթապ. № 14, վավերագիր 521:

23 Նույն տեղում:

24 Մաշտոցի անվան Մատենադարան, Իզմիրլյանի արխիվ, Բղթապ. № 14, վավերագիր 521:

25 Նույն տեղում:

26 Հ. Պարոնյան, Երկերի լիակատար ժողովածու, հատ. 14, էջ 137:

Հայերի համար աղետ էր 1880 թվականի սուլթանական կառավարության հարկային նոր քաղաքականությունը, որը նրանց կանգնեցրեց սովի ու դաղթի առջև: Այս նոր քաղաքականությունը ևս հայերին բնաջինջ անելու նպատակ էր հետապնդում:

1877—1878 թվականների պատերազմի ժամանակ էրզրումի նահանգապետ Սահիդ փաշան բանակի կարիքների համար հայերից հարկադրաբար գանձումներ կատարեց, որոնց դիմաց տրվեցին երաշխավորագրեր այն պայմանով, որ պատերազմի վերջում նրանց հատկացումները կհաշվեն հարկերի ու տուրքերի դիմաց: Բայց դա մի խաբեություն էր, որը հայերին նյութապես է՛լ ավելի սնանկացնելու դիտավորություն ուներ:

1878 թ. սեպտեմբերին էրզրումից ռուսական զորքերի հեռանալուց հետո, այդ նույն փաշան իր մոտ է կանչում գյուղական դատարանների ավագներին՝ «Մուխտար մեջլիս»-ներին և առաջարկում է նրանց անհապաղ մտցնել նոր հարկեր: Գյուղացիները պատասխանեցին, որ բանակի համար կատարված իրենց հատկացումները գերազանցում են պետական պաշտոնական հարկերին ու տուրքերին: Սահիդ փաշան ետ է պահանջում նրանց տրված բոլոր պարտավորագրերը և հայտարարում, թե պետությունը ոչինչ պարտք չէ:

1880 թվականին Մուշի փաշան հայերին հայտարարեց, որ «բանակի և ձիերի պահպանման համար ձեր հատկացումները պետությունը չի կամենում ընդունել հարկերի դիմաց. հրամայված է հարկման ենթարկել անցած երկու տարվա համար»²⁷:

Ըստ նոր հրամանի քրիստոնյաները արական սեռին պատկանող յուրաքանչյուր շնչի համար (երեխայի ծնվելու առաջին իսկ օրից) վճարելու էին երկու մեջլիդի: Հայերը օրեցօր սպասում էին բարենորոգումների, իսկ թուրքական կառավարությունը արհամարհելով Բեռլինի դաշնագրի 61-րդ հոդվածը, նորանոր աղետների էր ենթարկում նրանց:

«Ի միջի այլոց Դուռը,—գրում է Հ. Լազարյանցը,—հրաժարվելով բավարարելու հայերին նրանց բոլոր ծախսումների դիմաց. հարկման ենթարկեց ամբողջ երկու տարվա համար: Այսպիսի բռնությունները նա հայերին հասցրեց քայքայման, որը սկիզբ հանդիսացավ նրանց կործանարար հարստահարությունների»²⁸:

27 ՆՍՄՀ ՊԿՊԱ, Հ. Լազարյանցի ֆ., № 42, գործ 28, թերթ 8:

28 նույն տեղում:

Մուշի փաշայությունում 14 տարվա ընթացքում «նուֆուս» կոչված հարկը ավելացել է հետևյալ շափով.

Առաջ ամեն մի ծխից գանձվում էր տարեկան մեկ մեջլիդի (1 ու. 60 կ.), որը փոխարինում էր բնավճարին, իսկ նոր հարկային սխառեմով ամեն մի ծուխը վճարում էր ավելի քան 10 մեջլիդի (16 ու.բլի)²⁹:

Հ. Լազարյանցը նշում է, որ եթե Աբդուլ Մեջլիդի և Աբդուլ Ազիզի թագավորությունների ժամանակներում հայերը դեռ ապրելու որոշ հնարավորություններ ունեին, ապա «ներկայումս, կրկնում ենք, բոլորը դարձել են աղքատներ և այդ դրությունը հայերի համար այլևս տանելի չէ»³⁰:

Թուրքական կառավարության և քրդական հարստահարիչների հետ միաբերվելով, հայ գեղջուկին հարստահարում էին նաև երևան եկած նոր կեղեքիչները՝ առևտրականներն ու վաշխառուները:

1870-ական թվականներից արևմտահայ գյուղը նույնպես հեղաբեկվում էր: Կապիտալիստական հարաբերությունները ներթափանցում էին գյուղ, առաջ էին գալիս նոր հարստահարիչներ՝ առևտրականն ու վաշխառուն:

«Ստեպ գյուղացիք Նուֆուսին, աղնամի, էմալքի հարկերի ստակը շունենալով,—գրում է ճանապարհորդներից մեկը,—սեղանավորաց կղիմեն և սաստիկ տոկոսի մը տակ կընկճվին, ուսկից ազատելն այլևս անհնար է: Ամենուրեք առած են հրեա սեղանավորք, իբրև անգութ վաշխառու անձանց, բայց մեր ազգակից հայ սեղանավորք զանոնց գերազանցեցին»³¹:

Ի՞նչ պետք է աներ խեղճ գեղջուկը: Պետությունը նրան հարկերով ու տուրքերով խեղդում էր, թուրքական և քրդական հարստահարիչները խեղդում էին: Չկար ոչ մի շահագրգռվածություն սնտեսություն զարգացման գործում: Տիրապետող կարգերը արգելակում էին աշխատավորների նախաձեռնության զարգացմանը: Նյութական բարիքները շատացնելու ամեն մի հնարավորություն:

Թուրքական կառավարության հարկային նոր քաղաքականությունը, աշխատավոր մասսաների անընդհատ աճող հարստահարությունները առաջացրին երկրում սովի նոր սպառնալիք: Սովը Թուրքիայում դարձել էր խրոնիկական երևույթ: Համաճարակային էր Վան-Վասպուրականի 1879—1881 թվականների սովը:

29 ՆՍՄՀ ՊԿՊԱ, Լազարյանցի ֆոնդ, № 42, գործ 28, թերթ 8:

30 նույն տեղում:

31 «Արևելք» № 2002, 1890, «Հայոց գյուղացիի կյանքը» հոդվածը:

2. Լազարյանցին ուղարկած իր նամակում Վանեցի Սաբոթարգյուլյանը գրում է. «Պատերազմը իր հետ բերեց ամենասուկալի ավերիչ սովը, որը հեղեղի նման արագավազ քայլերով տիրապետեց Հայաստանի ամեն խուլ անկյունները, որից ազատվող հայերի կյանքը ընկնում էր սովի սուր գերանդիի տակ, ո՛չ ընտանի անասուն, ո՛չ ցորեն, ո՛չ մի բարիք կար, որով գոնե կարողանային իրենց սովը հագեցնել. տեսած կա՞ք, որ սնունդ ստանալու համար ձիու կտրած սմբակները կրծեն: Մեկ շափ ցորենը, այսինքն՝ 4 փուլը ծախվում է 5 ոսկի կամ մոտավորապես 45 ուրբլի»:

Թուրքիայի ասիական նահանգներում սկսված համատարած սովի մասին առաջին անգամ արտահայտվեց գերմանական «Allgemeinezeitung» թերթը: Հենվելով այդ թերթի ստույգ տվյալների վրա, «Մշակ»-ը տպագրեց «Սովը Հայաստանում» վերնագրով հոդվածը, որի մեջ ասված է. «...Փոքր Ասիայի քրիստոնյա բնակիչները թողնում են իրենց բնակարանները և գնում են ճանապարհների վրա լեշերով կերակրվելու համար»³²:

Ամբողջ հայ հասարակայնությունը, նրա հրապարակախոսներն ու պրոգրեսիվ մամուլը զբաղված էին սովի դեմ պայքարելու, ժողովրդին այդ աղետից մի կերպ փրկելու հարցով: Վանի նահանգի «մի գյուղի մեջ 120 բնակիչներից միայն 40 հոգի մնացին, իսկ մյուսի մեջ՝ 280-ից՝ միայն 70»³³, ասված է «Մշակ»-ի նույն հոդվածում:

Սովի դեմ պայքարելու նպատակով Կ. Պոլսում կազմակերպված «Սովելոց կեդրոնական հանձնաժողովի» հաղորդման մեջ ասված է, որ «Հայաստանում ներկա տարվա աշնանացանը խիստ սակավ և աղքատ է. հողագործական անասունները մեծ մասամբ կոտորված կամ գերված են, և առհասարակ ամբողջ Հայաստանը զուրկ է ցորենից»³⁴:

Այդ հանձնաժողովի տեղեկագիրը ազդարարում էր սովի հետ կապված հայերի նոր գաղթի անխուսափելիության մասին և պահանջում էր շուտափույթ օգնություն: «Մինչև այսօր միայն ձյուն և սաստիկ ձմեռը կարողացան ժողովրդին իր բնիկ երկրի մեջ պահել: Բայց երբ ձյունը կհալվի և ճանապարհները կբացվեն, այն ժամա-

32 «Մշակ», № 64, 1880:

33 Նույն տեղում:

34 «Մշակ», № 65, 1880:

նակ սովյալ ժողովուրդը մորեխի նման կտարածվի դեպի այն գավառները, ուր կարող են հաց գտնել»³⁵:

Տեղեկագրում ցույց է տրվում, որ 1880 թ. մարտին Ալաշկերտում սովամահ են եղել 106 հոգի, Ղարաքիլիսա-Ալաշկերտի մեջ «ավելի քան 3500 հոգի հացի կարոտ չբավորներ են: Եթե իր ժամանակին նրանց պիտույքների համար արագ օգնություն չհասնի, ապագան խիստ ահավոր է»³⁶:

Հայ ժողովրդին սպառնացող այդ նոր, ահավոր վտանգի կապակցությամբ «Ձեճք առժանի» վերնագրով «Մշակ»-ի առաջնորդող հոդվածում ասված է, որ սովը այնպիսի շարիքներ պատճառեց, որ հայերը բոլորովին մոռացան 61-րդ հոդվածը: «Բանը հասել է այնտեղ, որ պետք է միայն մտածել, ինչպե՞ս անել, որ մինչև եկող տարի Հայաստանի հողի վրա գոնե մի հատ տկոթ, բայց կենդանի հայ մնա»³⁷:

Սովը բնական պատահարների հետևանք չէր, ինչպես սովորաբար լինում են ժողովուրդների կյանքում: Այն գլխավորապես թուրքական կառավարության, քրդական բեկերի, շերքեզական վերնախավերի անողորհ հարստահարությունների արդյունքն էր, որը հետապնդում էր հայերի բնաջնջման քաղաքականության իրագործումը:

«Սով Հայաստանի մեջ» Պերայից գերմանական «Allgemeine Zeitung»-ը 1880 թ. ապրիլի 1-ի իր առաջնորդողում գրում է. «Վանի նահանգի բնակիչների մեծամասնությունը հայերն են կազմում, այդ պատճառով հայ հոգևորականությունը համոզված է, որ թուրքաց իշխանությունը, արհեստական կերպով սաստկացնելով ժողովրդական աղքատությունը, իր նպատակն է դարձրել ոչնչացնել այդ մեծամասնությունը: Եվ ճշմարիտ ամեն բան արվում է այդ ենթադրությունը արդարացնելու համար»³⁸:

Սուլթանական կառավարությունը, շարունակում է նույն թերթը, Մուսա բեկ Հայդերալիին գայմական նշանակեց 20 լիրա ուճիկով, որը «երեք տարիների ընթացքում 36 հայաբնակ գյուղեր այրեց»³⁹:

35 «Մշակ», № 65, 1880:

36 Նույն տեղում:

37 «Մշակ», № 66, 1880:

38 «Մշակ», № 70, 1880:

39 Նույն տեղում:

Սուլթանական ռեժիմի կողմից հայերին հալածելու, սովի մատնելու, Հայաստանը ամայացնելու վերաբերյալ եղած բազմաթիվ ստույգ փաստերի հիման վրա ռուսական «Գոլոս» թերթը հանգում է այն հետևություն, որ «Գործի այսպիսի դրուվյունը բնաշին է անում քրիստոնյաներին»⁴⁰: Թերթը շատ իրավացիորեն սուլթանական կառավարությանը մեղադրում է ոչ միայն Բեռլինի դաշնագրի 61-րդ հոդվածով հայերի կյանքում բարենորոգումներ մտցրնելու ուղղությամբ իր ստանձնած պարտավորություններից հրաժարվելու, այլև 62-րդ հոդվածը կոպիտ կերպով խախտելու համար: «Թուրքաց կառավարության ոչ մի բաժնի մեջ,—ասում է Բեռլինի դաշնագրի 62-րդ հոդվածը,—գավանության զանազանությունը չի կարող զրկել մեկին քաղաքային կամ քաղաքական իրավունքներ վայելելուց և հասարակական պաշտոններ վարելուց: Դատարանների մեջ, գավանության վրա ուշադրություն չդարձնելով, ամենքը կարող են վկա լինել»⁴¹:

Պրոֆեսոր էմիլ Դիլտնը վկայում է, որ Թուրքիայում քրիստոնյաները ծանր հարկման էին ենթարկվում: Էրզրումում 8000 մահմեդական տնտեսություն մուծում էր 139.000 պիաստր (1/100 թուրքական լիրա), իսկ 2000 քրիստոնյա ընտանիքներ մուծում էին 430.000 պիաստր⁴²:

Ծանր էր հայ ժողովրդի դրուվյունը: Սովը տանջում էր նրան: Վասպուրականում սովատանջների թիվը հասնում էր 60.000-ի, որի կեսից ավելին հայեր էին⁴³:

Կ. Պոլսում, սովի դեմ պայքարող կենտրոնական հանձնաժողովի նախագահ Խրիմյանը դիմում է Ալեքսանդր Թալիբովին և խնդրում է կազմակերպել արևելահայ հատվածի մասնակցությունը սովյալներին օգնելու գործին: Դիմումի մեջ ասված է. «Եթե թշվառությունն յուր ամեն ձևերով կծանրանա հայոց ազգին այս մարտիրոս ժողովրդյան վրա, և մեր հոգին ի խոր կխոցե, կմխիթարվենք, սակայն և կբաջալերվինք տեսնելով, որ մեր ազգայիններն աշխարհի ամեն կողմերեն որ ցիրուցան տարրերը սփռել է զիրենք ճակատագրին, եղբայրության սիրով կապված են իրարու և համերաշխաբար վտանգի ժամերու մեջ կփութան զիրար պաշտպանել,

այնպես որ երբ Հայաստանի ժողովրդեն հարված մը ընդունի, Պոլսո, Տիփլիսի, Ռումինիո և Մանչեսթրի հայոց սիրտը կարյունի»⁴⁴:

Այս դիմումը լայն արձագանք գտավ ողջ հայության շրջաններում: «Մշակ»-ը հավաքեց և Կ. Պոլիս ուղարկեց 36.000 ուրբլի: Ռուսահայերի կողմից ուղարկվեց 100.000 ուրբլուց ավելի: «Այս պատկառելի գումարը այն համերաշխության և համակրելի շափն է ցույց տալիս,—գրում է Լեոն,—որ տածում էին ռուսահայերը դեպի իրենց դժբախտ եղբայրները»⁴⁵: Այսպիսով, հայ ժողովրդի երկու հատվածների մերձեցման և եղբայրական կապերը գնալով ամրանում էին:

Բայց ամենուրեք եղած օգնությունը չկարողացավ կասեցնել հայերի մասսայական գաղթը, որը մի ահավոր ցասում էր՝ ուղղված թուրքական հանցագործ վարչական ռեժիմի դեմ: Էրզրումից ռուսական զորքերը հայրենիք վերադառնալիս, հայերը վճռեցին գաղթել՝ իրենց կյանքը թուրքական ու քրդական մուսուլմանների կատաղի հարձակումներից փրկելու համար: Այդ նույն ժամանակ քաղաքում գտնվող թուրքական կառավարության ներկայացուցիչ: Ալի էֆենդի Արաբզադեն հրձվանքով բացականչեց. «Թող կորչեն այդ հայերը, իսկ նրանց տեղ թող գան այստեղ ռուսահայատակ մահմեդականները, զոհն խիտ մահմեդական ազգաբնակչություն կունենանք, ազատ քրիստոնեական տարրերից»⁴⁶:

Սուլթանական իշխանությունները հասկանում էին, որ ամայացնելով Հայաստանը, իրենք զրկվում են ամենակենսունակ տարրերից: Բայց հանդուրժում էին, որովհետև այդ էր թելադրում նրանց հայաշինջ քաղաքականությունը:

Օգտվելով հարմար առիթից, անգլո-ամերիկյան միսիոնարներն աշխատում էին որսալ անպաշտպան հայերին և իրենց երկիրն ուղարկել նրանց իբրև էժան բանվորական ձեռքեր: Հայերի գաղթականությունը ուրախություն ու երջանկություն էր անգլո-ամերիկյան կապիտալիստների համար: Ուստի «այդպիսի հանգամանքներում զարմանալի չէ,— գրում է «Մշակ»-ը,— որ հայերը ամերիկյան միսիոնարների գրգամմբ, մեծ թվով գաղթում են դեպի հեռավոր Ամերիկյան նոր բազմ փնտրելու»⁴⁷:

40 «Մշակ», № 74, 1880:

41 Նույն տեղում:

42 Տե՛ս «Положение армян в Турции», էջ XIII:

43 Լեո, Գրիգոր Արծրունի, հատ. 3, էջ 142:

44 Մատոցի անվան Մատենադարան, Ա. Երեցյանի արխիվ, թղթապ. № 149, վավ. 144:

45 Լեո, Գրիգոր Արծրունի, հատ. 3, էջ 147:

46 Գր. Արծրունի, Թուրքաց հայերի տեսնական դրուվյունը, Թիֆլիս, 1894, էջ 34:

47 «Մշակ», № 67, 1886:

Դեռևս 1873 թ. Կ. Պոլսի «Մեղու»-ն անգլո-ամերիկյան միսիոնարների ռեակցիոն գործունեության մասին «Թռնի կրոնափոխություն» վերնագիրը կրող իր հոդվածում գրում էր. «Միայն Լուսակերթյան վարժարանի պատվելի տնօրենը չէ, որ հայերը կրոնափոխության կհրավիրե, Սեբաստիո կուսակալն ալ ողջ ըլլա, ձեռքեն եկածին չափ կաշխատի կոր անվնաս բռնությանմբ տաճկացնելու:

Ո՛վ Լուսավորիչ Հայր, ի՞նչ է քու հանցանքդ, որ մեկ կողմեն Լոյալարի աշակերտները, մյուս կողմից Լուտերի առաքյալները, երրորդ կողմից ալ Մուզթիմը քու զավակներդ գրկեդ հափշտակելու կաշխատին»⁴⁸:

Անգլո-ամերիկյան միսիոնարները կապիտալի կողմից փորձված ազենտներ էին, որոնք քայքայիչ աշխատանքներ էին տանում Թուրքիայում և հայերին հրահրում էին դեպի գաղթականության ուղին: Նրանք իրենց գործունեությանմբ օգնում էին Թուրքական կառավարությանը՝ Թուրքիան հայերից մաքրելու գործում:

Անգլո-ամերիկյան միսիոնարական ընկերության կողմից հայերին դավանափոխելու նենգ դիտավորությունների առիթով 1886 թ. հունվարին՝ «Օտար միսիոնարության առթիվ» վերնագիրը կրող իր առաջնորդող հոդվածում «Արևելք»-ը գրում է. «Շատ անգամ արտահայտած ենք սա գաղափարը, թե ամերիկացի և եվրոպացի կրոնական և բարեգործական ընկերությանց ու հաստատությանց հայոց մեջ կրոնափոխություն հառաջ բերելու համար ըրած ճիգերն ու վարած մեծամեծ գումարներն ո՛չ մարդկության և ո՛չ ալ քրիստոնեության տեսակետով օգտակար բան մը չունին... Եթե միսիոնարք կուզեն անպատճառ մեր մեջ մնալ, թող լավ համարին ուժ տալ գիտությանց, լեզվաց և արհեստից մշակման, նպաստելով քաղաքակրթության ծավալման»⁴⁹: «Արևելք»-ը միաժամանակ հրապարակում է անգլիացի եկեղեցական Պ. Իսահակ Դյեյլի՝ 1887 թ. դեկտեմբերի 27-ին «Թայմս» թերթում տպած հոդվածը, որն ուղղված էր միսիոնարների դեմ: Իսահակ Դյեյլը նշավակում է նրանց որպես շահամոլների: Նա գրում է. «Միսիոնարական ընկերության դեմ մեր ըրած ամբաստանությունը, որ չէ հերքված, սա է թե ընկերություն մը, որ հեթանոսները դարձի բերելու հուշակյալ նպատակ ունի՝ դրամ կվատնե յուր նպատակեն դուրս բաներու համար»⁵⁰:

48 «Մեղու», № 173, 1873, Կ. Պոլիս:

49 «Արևելք», № 1295, 1888:

50 «Արևելք», № 1205, 1888:

Անգլո-ամերիկյան միսիոնարների գործունեության ելակետը հայերի շարքերում պառակտում առաջացնելու քաղաքականությունն էր, որը էլ ավելի էր քաջալերում Թուրքական փաշաներին, քրդական բեկերին ու շեյխերին՝ հայերին ճեշելու, հարստահարելու: քնավեր անելու համար:

Կ. Պոլսի հայոց պատրիարքի մի պաշտոնական հրատարակության մեջ, որը վերաբերում է 1876 թվականին, հիշատակված են 276 հայկական գյուղեր, որոնց հողերի մեծ մասը հափշտակված են եղել քրդական բեկերի ու Թուրքական ազդեցիկ պաշտոնյաների ձեռքով⁵¹: Պատրիարքարանի 1912 թվականի ֆրանսերեն լեզվով հրատարակված տեղեկագրի մեջ մանրամասն տեղեկություններ են հիշատակված զանազան ժամանակներում հայերից խլված հողերի, տների և առհասարակ անշարժ կալվածքների մասին: «...Հափշտակված են արտեր 26.185, տներ 2591, խաղողի և այլ այգիներ 1190, մարգեր 2007, կառուցվածքներ 1066, արոտներ 460: Իսկ մի ուրիշ մասնավոր աղբյուր հափշտակված հողերի ընդհանուր տարածությունը որոշում է 1.030.000 օրավար»⁵²:

Սուլթանական կառավարության հովանավորությամբ ու թելադրանքով հայ ժողովրդին ծանր աղետներ էր պատճառում շեյխ Մուսա բեկը: Նա իր ավագակախմբերով մի մահաբեր փոթորիկ էր, որ անցնում էր հայերի վրայով՝ մահ սպառնալով նրանց: Մուսա բեկը «քաջալերված Թուրք կառավարութենեն,— գրում է Արմենուհի Տեր Կարապետյանը (Գևոնյանը),— ոչ միայն կը կողոպտեր և անյուր տանջանքներու կենթարկեր հայ գյուղացիները, այլ նաև կարտավորեր հայ շինականի պատիվը»⁵³:

Տարոնի Չըխուր Պուլանըզի շրջանի հայ աշխատավորները ա՛հ ու սարսափի տակ էին: Բացառիկ ծանր էր Ղարց, Արտոնք, Վարգենիս և Արգավան գյուղերի հայերի վիճակը: Այդ ավագակապետի ու նրա հրոսակների շարագործություններից հուսահատված՝ հայերը բռնում էին գաղթի ճանապարհը: Մուսա բեկը, հուշակավոր ավագակապետ Միրզա բեկի որդին, գիտեր հայերեն, ընտելացել էր հայերի նիստ ու կացին, իրեն իրավուք էր վերապահում մաս-

51 Տե՛ս «Տեղեկագիրը զավատական հարստահարությանց», Կ. Պոլիս, 1876, էջ 10, 13:

52 Առ, Թուրքահայ հեղափոխության գաղափարաբանությունը, հատ. Ա, էջ 51:

53 Ա. Տեր Կարապետյան (Գևոնյան), Գյուլիզար, Փարիզ, 1946, էջ 9:

նակցելու հայկական խնջույքներին ու հարսանյաց հանդեսներին և իր հարեմի համար ընտրում էր սիրուն աղջիկներ ու նորապսակ հարսներ: Տղամարդկանց առջև նա համարձակորեն արատավորում էր նրանց ընտանեկան պատիվը: «Հարսանիքեն վերջ,—գրում է Ա. Տեր Կարապետյանը (Գեոնյանը),—ոտնակոխ ընկելով ամեն սրբություն, փեսային առաջ կը մտներ հարսին սենյակը և բռնի կը հագեցններ իր գազանային կրքերը»⁵⁴:

Հայերը Ղարց գյուղի ռես Միրոյի և Արգավան գյուղի ռես Օհանի գլխավորությամբ խնդրագրեր ու հեռագրեր են ուղարկում Բիթլիսի վալիին և Մուշի մյուսթեսարֆին՝ Մուսա բեկի շարագործություններից իրենց ազատելու նպատակով: Այդ դահիճը ձեռնարկում էր երեք օր կալանավորվում է, բայց վալի էտհեմ փաշային մոտիկ լինելու և 300 ոսկի կաշառք տալու ճանապարհով ազատվում է երեք օրից հետո: Մուսա բեկը վճռում է տակնուվրա անել հայկական գյուղերը և սպանել հեռագիր տվողներին: Նրան հաջողվում է Բիթլիսից գյուղ վերադառնալիս խարույկի վրա այրել ռես Օհանին, կողոպտել Միրոյի ընտանիքը և հափշտակել նրա աղջկան՝ Գյուլիզարին:

1889 թ. մայիսի 7-ի (19-ի) գիշերը Մուսա բեկը յուր 30 ավազակներով գնում է Հափավան գյուղը, երբ արգեն բոլորը քնել էին: Սեծում է գյուղի աչքի ընկնող Վերգոյանի տան դուռը: Մանուկ անունով մեկը բացում է դուռը և ներս հրավիրում անկող հյուրին: Այդ նույն ժամանակ Մուսա բեկը հանում է պատյանից սուրը և սպանալից կերպով հարցնում՝ «Որդիդ ո՞ւր է»: Նրան պատասխանում են, որ «այսօր նա տուն չի եկել»: Այդ գազանը ձեռքի սրով ծանր վիրավորում է տանտիրոջը: Տնեցիները նրա որդի Հակոբին ծանր հիվանդ վիճակում մի տեղից մյուս տեղն են փոխադրում՝ նրա կյանքը փրկելու համար: Բայց այդ գազանը որսի շան հոտառությամբ հետքը գտնում է, քաշում, բերում է հրապարակ և «հորն ու որդուն տեղն ու տեղը սպանում»⁵⁵:

Հայերի բողոքի ձայնը հասնում էր աշխարհի բոլոր կողմերը: Եվրոպական հասարակայնության աճող ցասումը լռեցնելու նպատակով, սուլթանական կառավարությունը կամեցավ դատի տալ Մուսա բեկին: Նա 1889 թ. հուլիսի 26-ին շոգենավով մեկնում է

Կ. Պոլիս: Արդու-Համիդը նրան դիմավորելու է ուղարկում Հասան և Պահրի փաշաներին՝ կայսերական պալատը հրավիրելու համար: Մուսա բեկը իջևանում է Պահրի փաշայի տանը, որը սուլթանի ընտանիքի հետ բարեկամական կապեր ուներ: Քյամիլ բեկի հովանավորության ներքո, այդ դահիճը երեք ամիս հանգիստ շրջում է Կ. Պոլսում:

Հիսուն մշեցիներ մեկ շաբաթ գտնվում էին Կ. Պոլսում՝ Մուսա բեկի դատավարությանը մասնակցելու, իրենց կրած տառապանքների մասին դատարանին պատմելու համար: Այդ հիսուն մշեցիների թվումն էր նաև Գյուլիզարը, որին հաջողվեց Կ. Պոլիս ընկնել՝ հնարքներ գործադրելու ճանապարհով: Մուսա բեկի հրոսակներից Ջազոն, որի հսկողության տակ էր գտնվում Գյուլիզարը, հայտնում է նրան, որ սուլթանի հրամանով պետք է մեկնի Կ. Պոլիս: «Մուսա բեկին խոստացած եմ մահվան գնով միայն քեզ հասցնել կառավարության,—ասում էր Ջազոն,—շուտ ըրե, պետք է մեկնենք»⁵⁶:

Ներքուստ Գյուլիզարն անսահման ուրախության մեջ էր, բայց Ջազոյին համոզում էր, որ ինքը հոգով քուրդ է և եթե սուլթանի մոտ էլ տանի՝ կհաստատի իր վճիռը: Ջազոն զայրացած բացականշում է. «Ձէ, ես քո խոսքիդ չեմ հավատա, վրադ վստահություն չունիմ. պետք է մեկնինք»⁵⁷: Գյուլիզարը հագնում է քուրդ տղամարդու հագուստ և տասը քրդերի ուղեկցությամբ ճանապարհ է ընկնում դեպի Կ. Պոլիս: Նրան ուղեկցող քրդերից մեկը խոստովանություն է պահանջում քրդությանը հավատարիմ մնալու համար: Գյուլիզարը առանց վարանելու պատասխանում է. «Բակ է-Ֆենդի, ճիշտ է, շատ շահելություններ ըրի, աչքերս ալ վնասվեցան, սակայն կը տեսնեմ, որ սխալված եմ: Խենթ չեմ, որ երթամ առենմ հայ աղքատ հոտաղ մը: Սուլթանին ալ տանիք, վալիին ալ, ես քյուրդ եմ, մի վախենաք զիս դատարան տանելե»⁵⁸:

Հասնելով Բիթլիս, Վալին Գյուլիզարին հարցնում է. «Աղջիկս, քեզ հոս բերած ենք սուլթանին հրամանով. մի քաշվիր ու համարձակ պատասխանե հարցումներու: Մուսա բեկ քեզ բռնի՞ տարավ, թե քու կամքովդ գացիր իր տուն»: Գյուլիզարը չի պատասխանում: Վալին շարունակում է. «Աղջիկս, ինչո՞ւ չես պատասխաներ, ըսե

54 Ա. Տեր Կարապետյան (Գեոնյան), Գյուլիզար, Փարիզ, 1946, էջ 9:

55 «Արեւիք», № 403, 1889: «Մուսա բեկի շարագործությունները» հոգվածք էջ 27:

56 Ա. Տեր Կարապետյան (Գեոնյան), Գյուլիզար, էջ 67:

57 Նույն տեղում:

58 Նույն տեղում, էջ 91:

տեսնեմ, քեզ ինչպե՞ս տարավ Մուսա բեկ»⁵⁹։ Գյուլիզարը սկսում է պատասխանել Վալիի հարցերին։ «Վալի էֆենտի, դուք ալ գիտեք, որ Մուսա բեկ գիշերանց 150 քյուրտերով հարձակվեցավ հորս տան վրա, սպանեց ծնողքս, կողոպտեց մեր տունը, զիս առևանգելով բռնի տարավ Իվներ»⁶⁰։

«Հայ ես, թե՛ թուրք» Վալիի տված կրկնվող հարցերին Գյուլիզարը արիաբար պատասխանում է. «Վալի փաշա, ես հայ եմ. կաղաչեմ տվեք զիս իմ մորս։ Ծս հայ աղքատ հոտաղ մը կառնեմ, շեմ ուզեր հարուստ բեկի կին ըլլալ»⁶¹։ Վալին Գյուլիզարին ծնողներին է հանձնում, որոնց հետ Կ. Պոլիս է մեկնում և դատարանի առջև հայտարարում. «Ծս Բրիտանոնյա եմ և Բրիտանոնյա պիտի մեռնիմ»։

Մուսա բեկը և քրդական մյուս ավազակապետները կատարում էին հայերի բնաջնջման սուլթանական կառավարության պատվերը։ Այդ իսկ պատճառով Աբդուլ-Համիդը դատարանին և դատախազությունը Մուսա բեկին արդարացնելու հրահանգ էր տվել։ Իրա համար էլ դատավարության խեղկատակության ժամը մտեսնալիս, Մուսա բեկը սպառնալով մշեցիներին ասում էր. «Քիչ ատեն Մուշ պիտի վերադառնամ և այս անգամ ձեռքս անցած հայերը ողջ չպիտի թողում, որպեսզի Պոլիս չգան և ձեզ պես փողոցներ պտտելով՝ ինձի պես բեկի դեմ բողոքեն։ Խընզըրներ... այս անգամ ևթե Մուշ ուղևորիմ, հայություն նմուշն իսկ չպիտի թողում։ Մուշ եկեք և հոն կը տեսնվիք...»⁶²։

1890 թ. դեկտեմբերի 5-ին թուրքական դատարանը արդարացրեց Մուսա բեկին և եվրոպական դեսպաններին հասկացնում էր, թե նրա դեմ հարուցված մեղադրանքները «անհիմն են», թե «հայերը զրպարտիչներ» են։ Այսպիսով, արյունարբու Մուսա բեկին պատժելու փոխարեն, սուլթանական կառավարությունը մեղքը բարդեց հայերի վրա և դատական խեղկատակության ամբողջ ծախսերը զանձեց նրանցից։

Հայերի համբերության սահմանն անցել էր, դանակը ոսկրին էր հասել. նրանք ստիպված դիմում էին գաղթի, որովհետև իրենց կանանց ու զեռատի աղջիկների բռնի մահմեդականացումը, ընտա-

⁵⁹ Ա. Տեր Կարապետյան (Գեռնյան), Գյուլիզար, էջ 91։

⁶⁰ Նույն տեղում։

⁶¹ Նույն տեղում, էջ 95 և հետո։

⁶² Հ. Ճառնյալյան, Հիշատակներ հայկական ճգնաժամին, Կ. Պոլիս, 1913, էջ 170։

նեկան պատվի արատավորումը թուրքական ու քրդական մուսուլմանների կողմից, շատ ավելի մահացու վիրավորանք էին, քան հայրենի հողից ու սեփականությունից զրկվելը։

Ցրանսիացի պատմաբան Ժակ դը Մորգանը ցույց է տալիս, որ 1870—1890-ական թվականներին 100.000 հայեր բռնի ճանապարհով «կը մահմեդականացվին, 100.000 ավելի կիներ, զեռատի աղջիկներ կառևանգվին և կը ղրկվին հարեմները»⁶³։

Հայերի ասիմիլացման իր քաղաքականությամբ սուլթանական կառավարությունը խաչ էր քաշում նրանց կյանքում բարենորոգումներ մտցնելու պահանջի վրա։ «...քաղաքական նմանօրինակ կազմակերպության (իմա՝ ինքնավարության—Հ. Վ.) մտածողությունն իսկ,—գրում է Ժակ դը Մորգանը,—նվաստացուցիչ էր, մարզարեի պատվերներուն հակառակ, այլահի ծառաներուն անարժան, մինչդեռ ղորանի «Սուր և պատերազմ» գլուխներու պատվիրած բնաջնջումը նվիրական գործ մը կթվար։ Ապտյուլ-Համիդ՝ քաջալերված Վիլհելմի բռնած դիրքեն, մահմեդականներու հանդեպ ունեցած համակրությունն, կորոշի կոտորել»⁶⁴։

Այսպիսով, սոցիալական ու ազգային ճնշման ուժեղացումը, անողորմ հարստահարությունները, հարկերի ու տուրքերի եռապատկումը, հողազրկումն ու արտաքսումը, բռնի իսլամացումն ու սպանությունները, ահա այն մեթոդները, որոնք գործադրվում էին օսմանյան պետության կողմից իր հայաջինջ քաղաքականությունը առաջ մղելու համար։ «Արևելյան խնդիրն իր սաղմի մեջ խեղդելու համար,—գրում է Խ. Սարաճյանը,—օսմանյան պետությունը մի հատիկ սիստեմ նախընտրեց, այսինքն՝ սպանել, հափշտակել, բռնի իսլամացնել և ամեն շարժում տեղն ու տեղը խեղդել, մինչև որ ժողովուրդը իր մարդկային տարրական իրավունքը, այն է՝ իր գոյությունը պահպանելու համար հարկադրվեցավ ըմբոստանալ և ղենքի դիմել»⁶⁵։

Դիվանագիտական ճանապարհի վրա պարտություն կրած և բոլորովին հուսախաբված հայերը պետք է ուժեղացնեին և իրոք ուժեղացրին ազգային-ազատագրական շարժումը, որը ռուս-թուրքական պատերազմից և Բեռլինի կոնգրեսից հետո նոր եռանդ ու նոր թափ ստացավ։

⁶³ Ժակ դը Մորգան, Հայ ժողովրդի պատմությունը, էջ 346։

⁶⁴ Նույն տեղում, էջ 330։

⁶⁵ «Մշակ», № 26, 1913։

Հայ ժողովրդի ազգային-ազատագրական շարժումը ինքնաբերաբար էր և ոչ թե արհեստական մղումների, առանձին մարդկանց ցանկությունների կամ դրսից եղած ներգործությունների արդյունք, ինչպես կարծում էին առանձին ազգային նիհիլիստներ և պատմության թուրքական կեղծարարները:

Ազգային ինքնագիտակցության եկած հայերը հասկացան, որ փրկության հույսը միայն իրենց վրա պետք է դնել:

«Բռնակալը,— գրում է Րաֆֆին,— ինքն է պատրաստում իր համար թշնամիներ... Եթե թուրքը այսպես չվարվեր մեզ հետ, մենք մինչև անգամ կսիրեինք նրան, թող նա մեր մսից և արյունից չլիներ»⁶⁶:

1870—1880-ական թվականներին քաղաքական որոշակի նպատակներով երևան են գալիս գաղտնի կազմակերպություններ, տեղի են ունենում հայերի առանձին ապստամբական ելույթներ, որոնք ազգային-ազատագրական շարժման վերելքի ցուցանիշներ էին:

1872 թվականին Վանում հիմնվում է «Միութուն ի փրկութուն» անունով գաղտնի կազմակերպություն, որի նպատակն էր ազատել հայերին թուրքական բռնապետական ժանր ու անտանելի լծից: Միության անդամները կոչում լրիվ կերպով արտացոլված է գավառահայության ծանր վիճակը. «Գնաց մեր պատիվը, պղծվեցան մեր եկեղեցիք, առևանգվեցին մեր հարսուներ ու երիտասարդուներ, հատկապես կիսին մեր իրավունք մեր ձեռքին և իսպառ մեր ազգության սերունդը ջնջելու կճգնեն: Վասն ի որո կամ պետք է մեռնել և շտեմնել այս սարսափելի վիճակը, և կամ վերակենդանություն ստանալ ի ծոց հայրենյաց: Այլ ինչ կսպասենք: Կյանք չունենք, մահե կվախենանք: Ստացվածքներս ու վաստակներս մերը չէ, եկեղեցիք ունինք ամեն օր հալածանաց մեջ է ու կնախատվի: Զատունք հերիք սպասելով՝ պահ մը արթնանանք: Միախորհուրդ երգվինք ի խաչ և փրկության միջոց փնտրենք, ապա թե ոչ կորուստ մեր ի սպառ»⁶⁷:

Ազատագրական պայքարի այս կոչը իր արձագանքն ունեցավ: 1872 թ. ապրիլի 26-ին Անգեղ գյուղի բնակիչները նամակով իրենց համակրությունը հայտնեցին միավորվելու միության դրոշի ներքո՝ «Պատրաստ եմք արյան և մահու շափ ձեզ հետ քալելու,—

ասված է նրանց նամակում,— որ ուր զմեզ փրկության հույսը զմեզ տանի...»⁶⁸:

Վանում հիմնված այդ միությունը իր պայքարի հաջողությունները և ժողովրդի փրկությունը կապում էր Ռուսաստանի անմիջական օգնության հետ:

1872 թ. ապրիլի 28-ին Միությունը դիմում է Կ. Պոլիս՝ ռուսական դեսպանին՝ ռուսական հպատակություն ընդունելու համար: Դիմումի մեջ ասված է. «... ուստի ալ չկարողանալով տոկալ այս սարսափելի վիճակին և աննկարագրելի լուծին՝ Ձեզ կղմենք այսօր, թե ինչ միջոց որ նպատակավոր է այս շարիքներին փրկվելուն՝ պատրաստ ենք արյան ու մահու շափ ձեզ հետ քալելու. թե՛ ռուսանալ՝ ռուսանանք միասին, թե՛ գաղթել՝ գաղթենք միասին, թե՛ վերջապես մեռնել հասած է մեզ՝ մեռնենք, բայց փրկվենք, այս է մեր աղերսն թե՛ առ մեզ և թե՛ առ աստված... որ չբաժանվենք իրարմե, բայց թե մահվամբ միայն»⁶⁹:

Միությունն պատգամավորներ է ուղարկում Երևան և Թիֆլիս՝ իր դիմումը ռուսական կայսրին հանձնելու, Վանում ռուսական հյուպատոս նշանակել տալու, հայերի կյանքն ու զույքը ապահով դարձնելու նպատակով: Պատգամավորությանը գլխավորում էին Հակոբ Կալոյանը և Նշան Շիրվանյանը, նրանք դիմումը ներկայացնում են Երևանի նահանգապետին և Կովկասի փոխարքային:

«Միություն ի փրկություն» գաղտնի կազմակերպության անդամները գյուղացիներ, արհեստավորներ և մանր առևտրականներ էին:

Արևմտահայերին քաջալերելով իրենց մղած ազգային-ազատագրական պայքարում, Գր. Արծրունին համառորեն ու վստահորեն պնդում էր, որ նրանք այդ պայքարի ընթացքում օգնություն կստանան Ռուսաստանից: «Մենք ցավակցելով մեր թուրքահպատակ եղբայրների դառն վիճակին,— գրում է Գր. Արծրունին,— մեր բոլոր հույսերը նոցա դրություն բարվոքման մասին դնում ենք միմիայն. Ռուսաստանի վրա, Ռուսաստանի հզոր օգնության վրա և հավատացած ենք, որ Ռուսաստանը կօգնի նրանց դրության թեթևացման համար»⁷⁰:

68 «Դիվան հայոց պատմության», հ. ԺԳ, Թիֆլիս, 1915, էջ 271—272.

69 Նույն տեղում, էջ 272: Տե՛ս նաև Մ. Գ. Ներսիսյանի «Հայ ժողովրդի ազատագրական պայքարը թուրքական բռնապետության դեմ», 1955, Երևան, էջ 169—171.

70 «Մշակ», № 23, 1877.

66 Րաֆֆի, Երկերի ժողովածու, հատ. 3, էջ 254:

67 «Դիվան հայոց պատմության», հ. ԺԳ, Թիֆլիս, 1915, էջ 270—271.

Գաղտնի կազմակերպությունների ստեղծման, զինված ապրտամբության դիմելու գործում նշանակալից դեր խաղաց Բեռլինի կոնգրեսի հայ պատգամավորության ղեկավար Խրիմյան Հայրիկը Կ. Պոլսի մայր եկեղեցու իր նշանավոր ելույթով դիմում է ժողովրդին՝ «Հայաստանցիներ այսուհետև սիրեցեք երկաթը, ձեր փրկությունը երկաթով կլինի. այն պատվական երկաթով ամեն բան կշինվի, խոփ, մանգաղ, սուր, հրացան և այլն: Զենք գործածել սկսեք»⁷¹:

1878 թվականին Զեյթունը նորից բարձրացրեց ազգային-ազատագրական պայքարի դրոշը: Այս անգամ Զեյթունի հայ դուրացազունները ոտքի հանեցին նաև լեռնական քուրդ աշխատավորներին, որոնք նույնպես կեղծելում ու ճնշվում էին ինչպես թուրքական պետական իշխանության, այնպես էլ նրա տեղական հարստահարիչների կողմից: «Զեյթունի ապստամբությունը կշարունակվի,—գրում է Ա. Արփիարյանը,—Խոզանի քուրդ լեռնականները, որք ժամանակով գրեթե ինքնազուլիս էին զեյթունցիների նման և հետո թուրքաց կառավարության լուծի տակ հնազանդած էին, այժմ ապստամբած են՝ հայոց հետ դաշնակից եղած: Այդ ապստամբության գլուխ եղած է Ահմեդ փաշան, որ ժամանակով Խոզանի կառավարիչն էր»⁷²:

Աղզային-ազատագրական շարժման հիմնական ու զլխավոր ուժը հայ աշխատավորությունն էր: Ազատագրական պայքարի գաղափարախոսությունը ընդառաջում էր նրա մղած պայքարին, օգնում էր նրա ազգային ինքնագիտակցության բարձրացմանը, նրա ինքնաճանաչմանը, մոբիլիզացնում, կազմակերպում և ուղղություն էր տալիս նրա պայքարին: Նա զենքով և հաճախ անզեն կովում էր ֆեոդալական և ազգային ճնշումների, բռնությունների ու կամայականությունների դեմ:

Սուլթանական բռնապետության դեմ ազգային-ազատագրական պայքար մղող հայ ժողովուրդը գիտակցում էր ընդհատակյա կազմակերպությունների ստեղծելու, զինված ելույթների դիմելու անհրաժեշտությունը: «...Թուրքիայի հայը,—գրում է Գր. Արծրունին,—գրեթե ամեն տեղ սկսում է զինվել: Բայց արդյոք դրանով նա ընդդեմ է գնում իր բռնած պատմական ընթացքին... Զեմ կարծում: Եթե հայը Թուրքիայում զինվում է նրա համար, որ բռնավոր-

71 «Մշակ», № 159, 1878:

72 «Մշակ», № 152, 1878:

րության դեմ պաշտպանողական դիրք բռնի միայն և ոչ թե հարձակողական, եթե Թուրքիայի հայը մի ձեռքով մուրճ, արոր կամ բահ բռնելով—մյուս ձեռքով հրացան բռնի,—այդ գուցե կլինի միակ միջոց թուրքաց տիրապետության տակ ճնշված հայոց ազգի համար պաշտպանել և ապահովել իր ազգի գոյությունը»⁷³:

Այսպիսով, իրադրության պատմական ընթացքը հայությանը մղում էր իր կյանքն ու պատիվը սրով պաշտպանելու անհրաժեշտությունը, որքան էլ դա խորթ ու հակառակ էր իր ստեղծագործ ու շինարար ազգային ոգուն: Գր. Արծրունին խորհուրդ էր տալիս, որ այդ զենքը դրվի ակտիվ գործունեության մեջ, պայմանների թելադրանքով ինքնապաշտպանությունից անցնելու հարձակողական գործողությունների: Նա խորհուրդ էր տալիս հետևել Զեյթունի հերոս ժողովրդի օրինակին, որը զենքով նվաճեց իր կիսաանկախությունը և պայքարի ընթացքում մշակեց իր գործողությունների տակտիկան: «Եվ նույնիսկ այս րոպեին,—գրում է նա,—Զեյթունը արյուն է թափում Թուրքիայի դեմ իր մարդկային իրավունքները ձեռք բերելու համար»⁷⁴:

1879 թվականին էրզրումի տեղական իշխանությունները բացարձակապես հարձակման են անցնում հայերի դեմ, որի հետևանքով ուժեղացավ նրանց հուզումներն ու զաղթը: Բազմաթիվ բողոքների հետևանքով Կ. Պոլսի հայոց պատրիարքարանը, Գարեգին վարդապետի գլխավորությամբ, մի հանձնաժողով է ուղարկում էրզրումի դրությունը պարզելու և զաղթը կասեցնելու նպատակով:

Պատրիարքարանին ներկայացրած իր զեկուցագրում Գարեգին վարդապետը գրում է. «Զերդ սրբազնութենեն տարած օրհնություններն ու հույսերը սփռելով Հայաստանի անհույս ժողովրդյան մեջ. մխիթարեցինք զիրենք... կսիրենք, կըսեն, տեսնել քաղցր առտուցարևուն ճառագայթներ ծագած մառախլապատ լեռանց զագաթին... կսիրենք մնալ և ապրիլ մեր ծխնյաց ոսկերաց քով, կսիրենք սպասել և շնչել մեր ընտանյաց և զավակաց հետ մեր հայրենական հողի վրա, մեր երկնից ներքև, մեր ջրերուն ափը...»⁷⁵:

Այս ամենի հետ միասին Գարեգին վարդապետը նշում է հայերի նկատմամբ գործադրված գազանությունների բազմաթիվ փաստեր, նրանց հուսահատական վիճակը, որոնք օգնություն են

73 Գր. Արծրունի, Թուրքաց հայերի տնտեսական դրությունը, էջ 37—38:

74 Նույն տեղում:

75 ՀՄՄՀ ԳԱ պատմության ինստիտուտի արխիվ, Լեօի ֆոնդ, Թղթապ. № 3, թերթ 90—100:

խնդրում: «Կհավելուեն ասել,—գրում է նա,—մինչև առուն ջուր գա, գորտի աչքերը դուրս կու գա: Ո՛ւր է մեր հույսը, ուստի՞ պիտի գա մեր ջուրը»⁷⁶:

Այո՛, ժողովրդի հուսահատությանը սահման չկար: Նա արդեն կորցրել էր որևէ մեկից օգնություն ստանալու հույսը, դատապարտում էր եվրոպական խոշոր տերություններին, որոնք հեռու էին կանգնած իրենց պարտավորությունների կատարումից: Միակ ելքը մնում էր ապավինել իրենց ուժին ու միջոցներին: «Օտարեն պետք չէ բան հուսալ,—ասված է նույն զեկուցագրում,—ջանանք զմեզ հոգալ, պատրաստվիլ, և ցույց տալ ազգաց, թե մենք ալ ազգ ենք, մեր պատմության և մեր հայրենյաց արժանիքը մեր վրա ցուցանել, մեր սուրբ եկեղեցու ու դարուս լուսավորության զենքերով սպառազինվել, գիտությամբ զորանալ, միության դիմանալ, գործել և պահպանել զմեզ, պատրաստել մարդեր, հասցունել այրեր, կազմել ընկերություններ, շի խնայել հետին լուծան, զրկել զիրենք և տալ այս նպատակի համար: Այս է մեր միակ փրկության ճամփան, և ահա այս էր իմ առաքելության ավետարանը»⁷⁷:

Տեսնելով իրենց սպառնացող վտանգը, էրզրումի հայերը գավառապետ Խեյրեդդին փաշայի միջոցով դիմեցին նահանգապետին (վեզիրին)՝ պահանջելով երաշխիք իրենց կյանքի անվտանգության համար: Նահանգապետը լկտիաբար հայտարարեց, թե «ձեր գործը չէ բնավ խառնվել պետական քաղաքականության մեջ, և մի այդպիսի տեսակետից նայել գործի վրա: Բարի ճանապարհ այն հայերին, որոնք կկամենան գաղթել: Ես կբնակեցնեմ երկիրը շերքեզներով և ուրիշ ցեղերով»⁷⁸:

1881 թվականի երկրորդ կեսին էրզրումում կազմակերպվում է գաղտնի ընկերություն՝ «Պաշտպան հայրենյաց» անունով, որը թուրքական իշխանությունների դեմ ուղղված ժողովրդական մասսաների կուսակալած գայրույթի արտահայտությունն էր:

Իր մեմուարներում այդ ընկերության առաջացման մասին Լեոն գրում է. «1880-ի հուլիսից հետո հայկական հարցը եվրոպական դիվանագիտության կողմից մատնվում էր կատարյալ մոռացության: Ի՞նչ անեին հայ գործիչները, որ լավ լիներ: Նրանք զբաղվում են մի հոգսով, այն է՝ աշխատում են չլռեցնել հայկական

76 ՀԱՍՏ ԳԱ պատմության ինստիտուտի արխիվ, Լեոի ֆոնդ, Բղթապ. № 3, թերթ 90—100:

77 ՀԱՍՏ ԳԱ պատմութ. ինստիտուտի արխիվ, Լեոի ֆոնդ, Բղթապ. 3:

78 Տե՛ս «Մշակ» № 5, 1880:

հարցը. աշխատում են հիշեցնել արյունաթարալ» գովված եվրոպային, թե հայեր կան, հայոց հարց կա: Դիվանագիտական ճանապարհի վրա պարտված հայերը հետզհետե ամրանալ են աշխատում հայրուկային հեղափոխական ճանապարհի վրա:

Այս հեղափոխությունն առաջին անգամ կազմակերպված շարժման շավիղն է մտնում 1881 թվականի երկրորդ կեսից, երբ էրզրումի մեջ գոյություն է ստանում «Պաշտպան հայրենյաց» անունով գաղտնի ընկերությունը: Այստեղ մենք միացած ենք տեսնում ուսաստանային թուրքահայերի հետ: էրզրումում զինանոց է շինված, անդամագրական տոմսակներ են տարածվում: Ռուսահայերից էրզրում է գնացել, գաղտնի ընկերության հետ սերտ հարաբերություն է սկսել այժմ գործերից ետ քաշված ծերունազարդ բժշկապետ Բագրատ Նավասարդյանը»⁷⁹:

«Պաշտպան հայրենյաց» գաղտնի ընկերության առաջացման արտաքին ու ներքին պատճառների մասին ժամանակին խոսել է էրզրումի հայկական թեմի առաջնորդ Մաղաքիա Օրմանյանը: Նա գրում է. «Այդ գրգիռները դուրս են լավելով ու ներսեն զգացվելով փոփոխություն մը առաջ բերին հայ մտայնության վրա, և 1878-ի 1882 հանդարտ աղերսագույն և խղճուկ աղաչավորը գրեթե բռնադատյալ նոր միջոցներու մղեցավ, և հայուն կյանքին ու գործին վրա փոփոխություն մը նշմարվեցավ»⁸⁰:

«Պաշտպան հայրենյաց» ընկերությունը միաժամանակ իր վրա էր կրում «Բարձր հայոց գաղտնի ընկերություն» անունը: Թուրքական լրտեսական հիմնարկությունները ուշադրությամբ էին հետևում հայերի գործողություններին: Նրանք «բարձր» բառին քաղաքական գունավորում տվեցին և անմիջապես արգելեցին ընկերության գոյությունը: Սակայն պայքարի ելած հայերը չվհատվեցին: Նրանք սկսեցին կազմակերպել «Երկրագործական ընկերություն», որը իրեն նպատակ էր դրել կազմակերպելու ժողովրդի ինքնապաշտպանությունը՝ սպառնացող վտանգը կանխելու համար:

Այդ ընկերության անդամները գերազանցապես հողագործ գյուղացիներ էին և արհեստավորներ: «Հայերու շարժումին առաջին քայլերը,—գրում է Մ. Օրմանյանը,—1882-ին կրսկսին զխավոքապես վանի, Մուշի և Կարինի գերազանցապես հարստահարված կուսակալության մեջ»⁸¹:

79 Լեո, Անցյալից, էջ 40, Թիֆլիս, 1925:

80 «Ազգապատում», մասն երրորդ, Նրուսաղեմ, 1927, էջ 4406:

81 Նույն տեղում:

1882 թ. նոյեմբերի 26-ին էրզրումում տեղի է ունենում հայերի կողմից կազմակերպված ցույց, որին մասնակցում են «գյուղացիներն ու արհեստավորները»: Օրմանյանը նշում է, որ ցույցը կազմակերպվեց Գ. Տ. Մելիքսեղեկյանի դռան առաջ, որի ժամանակ վրա է հասնում ոստիկանությունը և ձերբակալում է ցուցարարներին: Նրանց «վրանին խուզարկած ատեն զինակիր ընկերության մը մասնակից ըլլալին երևան եկավ», որ այդ «զինակիր ընկերությունը» սկզբում կոչվել է «Գերագույն խորհուրդ», իսկ հետագայում վերանվանվել է «Պաշտպան հայրենյաց»⁸²:

Ընկերության ղեկավարներն էին հաշատուր Կերեկցյանը և նրա մերձավոր զինակից՝ էրզրումցի Հովհաննես Աստուրյանը: Ընկերությանը միացան մանր վաճառականներ՝ Կարապետ Նշկյանը և Հակոբ Յուզբաշյանը: Կերեկցյանը մեկնում է Վան՝ արևմտահայ ժողովրդի ազգային-ազատագրական շարժման գաղափարախոս հորիմյան Հայրիկից ցուցումներ ստանալու համար: Ողջունելով էրզրումցիների նախաձեռնությունն ու համարձակությունը, հորիմյանը միաժամանակ նախազգուշացնում է նրանց՝ լինել զգուշ և աշխուրջ, որպեսզի տաքարյունությամբ չփչացնել սկսած «սուրբ գործը»: Այս հարցը սխալ է մեկնաբանում Սարուխանը: Նա գտնում է, որ «հորիմյանը զգուշության և խոհեմության քարոզներով ետ ճամբեց նրան» (իմա՝ Խ. Կերեկցյանին—Հ. Վ.)⁸³:

Հորիմյանի ցուցումներով Կերեկցյանը մեկնում է Թիֆլիս՝ մշակականներից նյութական ու բարոյական օգնություն ստանալու հարցերով: Նրա հույսերը որոշ չափով արգարացան:

Ընկերությանը կոնկրետ օգնություն կազմակերպելու նպատակով էրզրում են մեկնում բժ. Բագրատ Նավասարդյանը և Արսեն Թոխմախյանը: Այսպիսով, սկսվում է էրզրումի և Թիֆլիսի միջև որոշ կապերի ու հարաբերությունների զարգացումը: Որոշ ժամանակից հետո ընկերության կողմից Թիֆլիս է գործուղվում Կարապետ Նշկյանը: «Վերջին անգամ,—գրում է Սարուխանը,—Թիֆլիս եկողը հանուն կազմակերպության Կարապետ Նշկյանն էր»⁸⁴:

«Երկրագործների ընկերությունը» զբաղվում էր «ազգային-ազատագրական պայքարի գաղափարախոսության պրոպագանդա-

յով, կազմակերպում էր ժողովրդի ինքնապաշտպանությունը: Նա սերտորեն կապված էր ժողովրդական մասսաների հետ, դաստիարակում էր նրանց ապստամբության ճանապարհով ազատություն նվաճելու գաղափարով, զինում էր նրանց: Ժողովրդին զինելու հարցը ընկերության գործունեության կենտրոնումն էր դրված⁸⁵:

Իր հիմնադրման օրից վեց ամիս անց ընկերությունն ուներ 300 անդամ: Նա արագորեն աճում էր, ձգտում էր իր կազմակերպություններն ունենալ նաև մյուս քաղաքներում և խիստ կոնսպիրատիվ էր:

«Կազմակերպությունը,—գրում է Սարուխանը,—հիմնված էր տասննապետական սկզբունքի վրա: Ամեն մի անդամ պիտի աշխատեր 5—10 ընկեր գտնել, որոնց վրա ինքը պիտի լիներ տասնապետ և այս ընկերներն զգուշության համար միայն իրենց տասնապետին պիտի հանաչեին անձամբ: Ամեն մի տասնապետի գլխավոր պարտականությունն էր հոգալ, որ իր խմբի բոլոր անդամները զենք ունենային: Զինյալ անդամը պարտավոր էր ի պահանջել հարկին ոչ միայն չուրախներին, այլև նրանց, որոնց մասին հրահանգ ստանար իր տասնապետից: Բոլոր անդամակիցները երգման էին ենթարկվում ընդունելության ժամանակ: Կազմակերպությունն իր գաղտնի վիճակով ուներ, որ պահվում էր Կերեկցյանի և ապա ջորապետ Կարապետի տանը»⁸⁶:

1882 թ. նոյեմբերի 26-ին ընկերության անդամները ձերբակալվում են: Ոստիկանությունը սկսում է հարցաքննություն թե՛ քաղաքում և թե՛ գյուղում: «Հարցաքննություններով և հետախուզություններով,—գրում է Օրմանյանը,—72 հոգի ձերբակալվեցան, ամենքն ալ ստորին դասակարգի՝ երկաթագործ կամ հողագործ երիտասարդներ: Կազմակերպության ղեկավար հաշատուր Կերեկցյան, երիզագործ աղքատ արհեստավոր մը էր»⁸⁷:

85 Վեոն գտնում է, որ այդ ընկերությունը իր նպատակն է համարել «հիմնել հայոց թագավորություն էրզրումի նահանգը օսմանյան տիրապետությունից կորզելու միջոցով» («Թուրքահայ հեղափոխության գաղափարաբանությունը», հատ. 1, էջ 139): Պետք է ասել, որ պատմական ոչ մի փաստով չի հիմնավորվում և ապացուցվում Վեոի այս պնդումը: Ընկերության անդամների նկատմամբ նման հորինված քաղաքական մեղադրանք հարուցեցին թուրքական կառավարությունն ու նրա դատական օրգանները:

86 «Գործ» № 3, էջ 6—7: Տե՛ս նաև Մ. Գ. Ներսիսյան, Հայ ժողովրդի ազատագրական պայքարը թուրքական բռնապետության դեմ, աշխատությունը, էջ 182—199:

87 «Ազգապատում», մասն երրորդ, էջ 4406—4407:

82 «Ազգապատում», մասն երրորդ, Երուսաղեմ, 1827, էջ 4406:

83 Սարուխան, Առաջին ժողովրդ. շարժումը Տաճկահայաստանում, Բաքու, 1917, էջ 5:

84 Տե՛ս «Գործ», № 3, էջ 6:

Սարուխանը հաստատում է, որ ընկերության անդամների գերազանցող մեծամասնությունը աշխատավորությունն էր կազմում: Բայց ձեռքարկավածների թվի հարցում Օրմանյանի և Սարուխանի տվյալները շեն համընկնում: Վերջինիս տվյալներն ավելի ստույգ են, որովհետև ժամանակակից հայ պարբերականները նույնն են վկայում:

Այսպիսով, ձեռքարկավածների թիվը եղել է 76 հոգի, որից 36-ը մեղավորներ ճանաչվեցին: Նրանցից 20-ը՝ գյուղացիներ, 13-ը կոշկակարներ, 6-ը դերձակներ էին, իսկ մնացածները՝ դարբիններ, հյուաններ, ակնաբուժներ, ջրաղացպաններ և ջրապետներ էին: Միաժամանակ ձեռքարկավածների կազմում կային երեք վաճառական, երկու ուսուցիչ, մեկ ընթերցարանապետ և մեկ նկարիչ⁸⁸:

Այդ ընկերությունը կապված էր Թուրքիայի փոքրասիական մի շարք գավառների և Անդրկովկասի հետ, ուներ հեկտոգրաֆ, որով տպագրում էր իր կոչերն ու երգումնագրերը: Դրա համար էլ նա մեծ աղմուկ հանեց:

Թուրքական թերթերը զբաղված էին էրզրումի գործերով. կառավարությունը այդ պատրվակով սկսեց հայերի մասսայական ձեռքարկություններ: Թուրքական կառավարությունը ամեն շանք գործ դրեց ընկերության բոլոր անդամներին հայտնաբերելու համար:

«Մշակ»-ի էջերում տպագրված հաղորդագրության մեջ ասված է, որ էրզրումում սկսված շարժումը տեղական նեղ բնույթ չի կրում, այլ լայն մասսայական շարժում է, որը «շատ ծանրակշիռ նշանակություն ունի և արդեն տարածվել է Կարնո, Վանի, Բիթլիսի, Տիգրանակերտի վիլայեթների վրա»⁸⁹:

Թուրքական կառավարությունը ամեն ինչ կատարում էր լուծյամբ: Նա կամենում էր թաքցնել եվրոպական հասարակայնությունից իր ոճրագործությունները: Սակայն նրան այդ շահողվեց:

1883 թ. հունվարի 8-ին Լոնդոնի թերթերը տպագրում են լուրեր էրզրումի անցքերի մասին: Պաշտոնական թերթերից մեկի էջերում եղած թղթակցության մեջ ասված է. «Կարնո մեջ 1882 թ. հայտնաբերված էր հայոց գաղտնի ընկերություն՝ Թուրքական բռնակալության դեմ պայքարելու համար: Նա կոչվում էր հայրենասիրական... Գործը առաջ տանելու համար սահմանված են տաս-

88 Տե՛ս «Գործ», № 3, էջ 9:

89 «Մշակ», № 4, 1883:

նապետների, հարյուրապետների և հազարապետների պաշտոններ: Թեև փոքր քանակությամբ, բայց ոչ միայն կային, այլև Կարնո դաշտի գյուղացոց տներում գտնվել են զենքեր»⁹⁰:

«Մշակ»-ի էրզրումի թղթակիցը 1883 թ. հունվարի 18-ին «Նամակ Թուրքիայից» վերնագրով իր թղթակցության մեջ հանգամանորեն երևան է հանում այն պատճառները, որոնք ստիպեցին հայերին դիմելու գաղտնի ընկերության ստեղծման ու ժողովրդի ինքնապաշտպանության կազմակերպմանը:

Անցնելով էրզրումի դեպքերի նկարագրությանը, այդ նույն թղթակիցը գրում է. «Մի ամիս ավելի է, որ կառավարությունը հանուն գաղտնի ընկերության կալանավորեց 300-ի շափ հայերի (որոնցից այժմ մինչև 100 հոգի մնում են բանտում, մյուսները արձակվեցին), խառն ի խառն թե քաղաքացիներից և թե գյուղացիներից, որոնք պատկանում են ընդհանրապես երկրագործ և արհեստավոր դասակարգերին»: Ընկերության ձեռքարկությունը, հաստատում է թղթակիցը, տեղի ունեցավ շնորհիվ հայ մատինիների⁹¹:

Կալանավորում են մի արհեստավորի, որի միջոցով Վալի փաշայի ձեռքն է ընկնում լիտոգրաֆիայի քարտերը, որոնք հենց այդ կալանավորված արհեստավորի գործիքներն էին: «Հիշյալ արհեստավորը,—ասում է նույն թղթակիցը,—մի ժամանակ ազգային դպրոցում գծագրության և աշխարհագրության ուսուցիչ էր: Այժմ ամենաստոր պաշտոն ընդունելով թուրք կառավարությունից, լիտիաբար մատնում է իր ժողովրդին, մինչև անգամ հանդգնեց ասելու, թե ընկերության պարագլուխները՝ ներսես պատրիարքն է և նրիմյան Հայրիկը: Այդ մարդը ինքը տիփիսեցի էր»⁹²:

Թուրքական կառավարության պաշտոնյաները սկսեցին տարածել ստահող լուրեր այն մասին, թե հայերն ապստամբություն են կազմակերպում սուլթանի իշխանության դեմ և դրանով զրգռեցին թուրքական ռեակցիոն խավերի մոլեռանդ կրքերը, զարթեցրին նրանց մեջ մի գազանային ատելություն ընդդեմ հայ ժողովրդի: Նրանք տարածեցին զրպարտիչ լուրեր, թե «Կարնո հայոց եկեղեցու տակից գտել են 6000 հրացան—թնդանոթներ» և «Սվազում հայերը հարձակվել են թուրքաց մզկիթների վրա և 200 տաճիկ սպանել են»⁹³:

90 «Մշակ», № 4, 1883:

91 «Մշակ», № 12, 1883:

92 Նույն տեղում:

93 Նույն տեղում:

Թուրքական պրովոկատորները էրզրումի անցքերը օգտագործեցին հայերի նկատմամբ իրենց նողկալի ծրագիրը անպատիժ կերպով ի կատար ածելու համար: Նրանք բանտարկեցին հարյուրավոր անմեղ մարդկանց:

«Մշակ»-ի թղթակիցը նկարագրում է այդ անմեղ մարդկանց ընտանիքների թշվառ վիճակը և միաժամանակ նախատում է հայ հարուստներին, որոնք ոչ մի օգնության ձեռք չէին մեկնում անմեղ զոհերին, քաղցի մատնված նրանց ընտանիքներին⁹⁴:

Անգլիական «Daily news» թերթի Վարնայի թղթակիցը էրզրումի անցքերի և հայերի համար ստեղծված օրհասական դրություն մասին գրում է. «Այն հայերը, որոնք արգելված են Կարնո բանտերում, զանազան հիվանդությանց են ենթարկվել: Երեքը նոցանից մեռել են և երեքը մերձիմահ հիվանդ են: Տաճկական կառավարությունը վերին աստիճանի խիստ է վարվում հայ ազգաբնակչության հետ: Վերջին երկու շաբաթվա ընթացքում խլեցին հայերից շատ հայկական գրքեր, թեև սոցանից մի քանիսը տերություն հակառակ կարող են համարվել: Գրքերի պակասության պատճառով հարկ կլինի ուսումնարաններից շատերը գոցել: Հայ մատենագիրները և հրապարակախոսները նմանպես ձերբակալված են: Այդ միջոցների շնորհիվ և բազմաթիվ լրտեսների երկյուղից, այժմ Հայաստանում ամենեքյան կասկածավոր են դարձել և ընդհանուր դժգոհությունը արտահայտվում է կատարյալ լուսթյամբ»⁹⁵:

1883 թ. փետրվարի 25-ին «Արձագանք»-ի խմբագրությանն ուղարկված իր նամակում էրզրումի թղթակիցը նշում է, որ գաղտնի ընկերության գործունեության և նրա անդամների հայտնաբերման ուղղությամբ թուրքական կառավարության ձերբակալումները նորանոր աղետների առջև են կանգնեցրել հայերին: Նա այդ դեպքը օգտագործեց հայերից վրեժ լուծելու համար: «Գյուղացոց վիճակը բոլորովին դառնացել է: Ոստիկանությունը գնք ժողովելու համար դուրս է եկել գյուղերը, որու պատրվակով, խեղճերի ամեն մի խորշերը տակն ու վար կանն, թուղթ ու ատրճանակ գտնելու առիթով կանանց վրազուխը կշոշափեն. այս անիրավությանց դիմադրող մի հայ երիտասարդ մի քանի օրից հետո յուր կենաց վերջին շունչը փչեց, անգուժ տաճիկներից անողորմաբար ծեծկվելուց...

Բանտարկյալների ընտանիքները սաստիկ նեղ դրության մեջ

94 «Մշակ», № 12, 1883:

95 «Արձագանք», № 12, 1883, էջ 175:

են. նրանց բոկոտն մատաղ մանկտին ազգային դիմանատների և այլոց տները կպտտվին մի կտոր հաց մուրալու»⁹⁶:

«Մի՞թե Եվրոպան չի ձեռնարկել վերջապես յուր խոստման համաձայն Հայաստանում այնպիսի կարգեր հաստատելու,— գրում է «Արձագանք»-ը, որոնք ապահովեն հայի պատիվը և կյանքը: Մի՞թե Եվրոպան կշարունակե թույլ տալ, որ աշխարհիս առաջին քրիստոնյա ազգի երեք միլիոն որդիքը Թուրքիայում այն միակ քրիստոնյաները լինեն, որոնք զրկված են բոլոր մարդկային իրավունքներից»⁹⁷:

«Մշակ»-ի թղթակիցը Վանից «Արձագանք»-ի խմբագրությանը ուղարկած իր նամակում անիրավացիորեն նշում է, որ էրզրումի գաղտնի կազմակերպության անդամների ձերբակալման պատճառը եղել են որոշ հայ վաճառականներ: Ընկերության ղեկավարությունը, գտնվելով նյութական ծանր վիճակում, դիմում է հայ վաճառականներին՝ դրամական օգնություն խնդրելով: «...Երկու ամսի շափառաջ,— գրում է թղթակիցը,— ապստամբական ընկերությունը դրամական նեղ վիճակի մեջ լինելով և փողի շատ պետք ունենալով, էրզրումի մի քանի վաճառականներին նամակներ կգրե, սպառնալով, որ եթե այսչափ հազարավոր ոսկի չբերեն այսինչ տեղ, իրենց կյանքը վտանգի մեջ է: Այդ վաճառականները կտանեն նամակները և կհանձնեն կառավարությանը»⁹⁸:

Ընկերության սահմանած կոնսպիրացիան դժվար թե նրան իր միջից մատնության հասցներ: Խստիվ կարգապահությունը և գաղտնապահությունը ընկերության ներքին կյանքի սրբազան սկզբունքներն էին: Նրա շարքերում ընդունվող յուրաքանչյուր անդամը տալիս էր հետևյալ երդումը. «Ներքո ստորագրողը երդվում է, որ նա հանձն է առնում կրել ամեն տեսակ զոհողություն և եթե հարկը պահանջե նաև շխնտյել յուր արյունը, որպեսզի ազատե յուր ազգը քրդերի և չերքեզների բռնություններից և թուրք ծառայողների հարստահարություններից»⁹⁹:

Ինչպես տեսնում ենք, այդ ընկերությունը իրեն նպատակ էր համարում պայքարել քրդական բեկերի ու չերքեզների բռնությունների, թուրքական հարստահարիչների դեմ: Նա իրեն նպատակ չէր

96 «Արձագանք», № 12, 1883, էջ 176:

97 «Արձագանք», № 2, 1883, էջ 18:

98 «Արձագանք», № 3, 1883, էջ 41:

99 «Արձագանք», № 4, 1883, էջ 57:

դրել հաստատելու հայոց թագավորության և էրզրումի նահանգը կորզելու թուրքական տիրապետությունից, ինչպես պնդում էր Կենն:

Վանից եղած թղթակցության մեջ ասված է, որ մինչև 1883 թ. հունվարը էրզրումում կալանավորների թիվը հասնում է 400 մարդու, որի հետևանքով «քաղաքական բանտը բոլոր կալանավորներին չէ կարող տեղավորել յուր մեջ, այս պատճառով նոցա տեղավորել են գորանոցներում: Բանտարկյալների դատը կսկսվի միմիայն այն ժամանակ, երբ կհաջողվի բռնել շարժման պարագլուխներից մեկին, որ մինչև օրս դեռևս չէ հաջողվել, որովհետև կալանավորները չեն մատնում, չեն ցույց տալիս իրենց համախոհներին: Բոլոր կալանավորները համարյա մշակներ և գյուղացիք են. նրանցից ոչ մեկը առաջավոր դասին չէ պատկանում»¹⁰⁰:

Տրապիզոնից «Մշակ»-ի թղթակից Շավարշը գրում է, որ հայերի համար միանգամայն հասկանալի է դարձել սեփական ուժերով ազատություն նվաճելու գիտակցությունը: Նա ցույց է տալիս այն մեծ համակրությունը, որը աճում է հայերի մեջ էրզրումի գաղտնի ընկերության նկատմամբ: Նա իրավացիորեն էրզրումի անցքերը համարում է հայ ժողովրդի ազգային-ազատագրական պայքարի պատմության մեջ նշանակալից էջ:

«Վերջապես,—գրում է նա,—Կարինից առնված ամեն տեղեկությունները կհաստատեն ընդարձակ կազմակերպության մը գոյությունը Կարնո մեջ և մի՞թե սա զարմանալի է»¹⁰¹: Նշանակում է, որ զինված ապստամբության ճանապարհով ազատություն նվաճելու գաղափարը դարձել էր աշխատավոր մասսաների ու նրանց առաջավոր գործիչների սեփականությունը: Այդ միտքը հաստատում է «Մշակ»-ի հրապարակախոս Հայկակը: Նա նշում է, որ օրվա գլխավոր հարցը «Հայաստանի ապստամբական շարժման խնդիրն է միշտ»:

Չնայած թուրքական կառավարության գործադրած խստություններին և մոլեգնած ռեակցիային, հայ ժողովրդի մարտական կորովը չէր ընկճված:

«...Մենք մեր մեջ հարկ է չափազանցորեն շնկատենք Կարնո խնդիրը,—գրում է Հայկակը,—ինչ որ եղած է նախնական պատասխանատվություններ են. տակավին տեղ մը չէ գտնված ոչ

100 «Արձագանք», № 4, 1883, էջ 57:
101 «Մշակ», № 20, 1883:

վառող, ոչ զենքեր: Գործը շուտ հայտնվեցավ, սակայն ասկե չհետևիր, թե հայք հուսահատվելով ետ պիտի կենան իրենց այս գաղափարեն: Ընդհակառակը, նոքա ավելի քաջալերվում են, տեսնելով թե ինչպես կհամակրի Եվրոպա այսպիսի շարժման մը: Այդ համակրություններն կարսափի թուրք կառավարությունը: Ապստամբության գլուխ կանգնածները կրնան մեծապես օգտվիլ այս փորձությունեն, որպեսզի այլ կերպ ընեն իրենց պատրաստությունները»¹⁰²:

«Մասիս»-ի ապագա խմբագիր Բյուզանդ Քեչյանը էրզրումի գաղտնի ընկերությունը համարում էր ընկերվարական հեղափոխական կարգերի հաստատման համար պայքարող կազմակերպություն և դատապարտում էր այն: Քեչյանն իրականում արտահայտում էր արևմտահայ լիբերալների և կղերապահականողական հոսանքի տրամադրությունները, որոնք խիստ թշնամական դիրք էին բռնում հայերի ազգային-ազատագրական պայքարի ու նրա գաղափարախոսության հանդեպ:

Քեչյանը գովերգում է Ռուսաստանում, Թուրքիայում, Գերմանիայում գոյություն ունեցող միապետական կարգերը: Բայց միաժամանակ կշտամբում է Ավստրիային ու Գերմանիային այն բանի համար, որ նրանք հանդուրժում են իրենց երկրներում ընկերվարական կազմակերպությունների գոյությունը: Նա գրում է, որ Ռուսաստանի ժողովուրդը ճանաչում և համակրում է իր թագավորին, իսկ «Ավստրիան ծածկված է ընկերվարանաց իլյուզիաներով, որոնց յուրաքանչյուր հեղափոխականաց ծրագրին մեկ-մեկ մասն ի գործ դնել կաշխատի»¹⁰³:

Մեղադրելով Իտալիային ու Գերմանիային, որոնցում ընկերվարական շարժումները ծավալվում էին արագորեն, Քեչյանը բարկանում է նրա համար, որ այդ ընկերվարականների գլուխն են կանգնած գերմանացիները:

«Քառլ Մարքս,—գրում է նա,—որ անցյալ օր մեռավ ի Բարիզ, գերմանացի մ' էր, և 1864-ին հիմնած է ինդերնացիոնալ (իմա՝ ինտերնացիոնալ—Հ. Վ.) կոչված ընկերական—հեղափոխական միջազգային ընկերություն, որ կանգնած է դեռ»¹⁰⁴:

Արդարացնելով թուրքական կառավարության ձեռնարկումները հայերի ազգային-ազատագրական շարժումների դեմ՝ ընդ-

102 «Մշակ», № 84, 1883:
103 «Մասիս», № 3422, 1883:
104 Նույն տեղում:

հանրապես, և էրզրումի անցքերի նկատմամբ՝ մասնավորապես, Քեչյանը այդ անցքերը կապում է հեղափոխական—ընկերվարական կարգերի հաստատման համար Եվրոպայում ծավալված շարժումների հետ և միաժամանակ ողջունում է թուրքական բռնակալին, որը կարողանում է գերծ պահել իր երկիրը այդպիսի շարժումներից: «Միայն թուրքիա,—գրում է Քեչյանը,—կատարյալ հանգստություն կվայելի ընկերվարական—հեղափոխականաց կողմն, միայն թուրքիո մեջ իրենց բացակայությամբ կփայլեին պետական և ընկերական կարգաց և հաստատությանց գեմ ուղղյալ հեղափոխական ձեռնարկումներ ի գլուխ հանելու ընդունակ և տրամադիր անձինք և ընկերությունք»¹⁰⁵:

Խորանալով իր այդ միանգամայն հակահայրենասիրական մտայնության մեջ, Քեչյանը արդարացնում է թուրքիայում գոյություն ունեցող ռազմա-ֆեոդալական կարգերը: Ահա թե ինչ է գրում նա. «Տեսնելով թե Եվրոպիո գրեթե ամեն կողմ ընկերվարանք իրենց ծայրահեղությամբ ինչպիսի նորանոր շարիք կպատճառեն իբրև հավելված այս շարյաց վրա զոր բառնալու պաշտոնն ստանձնած են, կրնանք զո՛վ լինել մտածելով, թե մեր երկիրը, ընկերվարություններու և հեղափոխականներու բացակայությամբ, այդ նոր տեսակ շարիքներն ազատ մնացած է»¹⁰⁶: Ինչպես տեսնում ենք, Քեչյանը փաստորեն դատապարտում է էրզրումի անցքերը, պաշտպանում և արդարացնում է թուրքական կառավարության կողմից հայերի բանտարկություններն ու հալածանքները:

Քեչյանը էրզրումի գաղտնի ընկերության կողմից ծավալված ազգային-ազատագրական շարժումը դիտում է որպես ընկերվարական-հեղափոխական շարժում, որպես «հեղափոխական տարափոխիկ ախտ»: Եվ պատահական չէ այն, որ սուլթան Համիդը ռուսական ցարին նախազգուշացնում էր, թե հայերի ազատագրական շարժումներից կարող է առաջանալ «համաշխարհային սոցիալական հեղափոխություն»:

Երկրորդ պատճառը, ըստ Քեչյանի, որ ստիպում էր թուրքիային հետևելու իր սահմաններին՝ այն էր, որ նա արգելում էր հեղափոխական գաղափարների մուտքը իր երկիրը: Քեչյանը դատապարտում է եվրոպական հեղափոխական բոլոր ուղղությունները և սրբագործում է սուլթանի իշխանության կողմից կազմակերպած

¹⁰⁵ «Մասիս», № 3422, 1883.

¹⁰⁶ Նույն տեղում.

առակցիան, որն արգելում էր առաջադեմ գրականության և մամուլի մուտքը իր երկիրը:

Այսպիսով, էրզրումում տեղի ունեցած անցքերը իրենց վրա էին կենտրոնացրել ինչպես առաջադեմ, այնպես էլ հետադեմ ուղղությունների ուշադրությունը: Այդ անցքերը հայ ժողովրդի ազգային-ազատագրական շարժման վերելքի հիանալի օրինակներ էին:

1883 թ. ապրիլի 6-ին էրզրումի դատարանը քննության առավ «Պաշտպան հայրենյաց» ընկերության ձեռքակալված անդամների հարցը: Դատարանի առջև էին կանգնած 57 հոգի, որոնցից մեկը ռուսահպատակ էր¹⁰⁷: Դրա համար էլ դատարանի նիստերին թույլատրվեց մասնակցել ռուսական հյուպատոսարանի թարգման Արսեն Շ.-ին:

Մեղադրական ակտում ասված է. «Չերբակալված 56 թուրքահպատակ և մեկ ռուսահպատակ հայեր մեղադրվում են, որ նրանք էրզրում քաղաքը և շրջակայքը թուրքիայի տիրապետությունից հանելու նպատակով հեղափոխություն են կազմակերպել և այդ նպատակն իրագործելու համար վնասակար (մյուզիքը) դործերի ձեռնամուխ են եղել...: Այս հեղափոխական միտքը հղացել են հայոց ընթերցարանում Խաչատուր Կերեկցյանը, ընթերցարանապետ Հովհաննես (Աստուրյան) և Հակոբ Թերզիբաշյան, երբ լրագիրներում կարդացել են, թե նաև Գարադաղի (Չերնոգորիայի), հետո Հունաստանի խնդիրները կարգադրելուց հետո հերթ պիտի գար Հայաստանի բարենորոգումներին, բայց թունիսի հարցը մեջտեղ գալով դարձյալ հետաձգվել է»¹⁰⁸:

Դատարանը բոլորին էլ մեղավոր ճանաչեց՝ ըստ քրեական օրենսգրքի 58-րդ հոդվածի, որը պահանջում էր մահապատիժ, իսկ մեղմացնելու դեպքում 5 տարվա բանտարկություն. դատարանը վճռեց. «...Խաչատուր Կերեկցյան 15 տարի, բացակա Կարապետ Նչկյան 13 տարի, Հովհաննես Ասատուրյան և Հակոբ Յուզղալցյան—10-ական տարի, կոշկակար Եթալիկյան 7 տարի, 4 հոգի 6-ական և 31 հոգի 5-ական տարի բանտարկության դատապարտվեցին»¹⁰⁹:

Էրզրումի կազմակերպության նկատմամբ ներկայացված մեղադրանքները չափազանցված էին: Վճռաբեկ ատյանին ներկայաց-

¹⁰⁷ Ռուսահպատակ էր էրզրումցի Կարապետ Իսրայելյանը:

¹⁰⁸ Սառուխան, Առաջին ժողովրդական շարժումը Տաճկական Հայաստանում, «Գործ», № 3, 1917, էջ 9:

¹⁰⁹ Նույն տեղում:

րած ներման իրենց խնդրանքի մեջ արտահայտելով իրենց գայ-
րույթը ներկայացրած մեղադրանքների դեմ, դատապարտված հա-
յերը գրում են. «Գալով գրավված թղթերի բովանդակության.
խնդրում ենք պահանջեցեք, լավ թարգմանել տվեք և կտեսնեք, որ
ոչ մի կետում մի խոսք անգամ չկա ժողովուրդն ապստամբեցնելու
և թուրքիայի որևէ մասն օսմանյան տիրապետությունից հանելու
մասին: Ոչ մի պարագա նշան իսկ չկա այն մեղադրանքի, որի հի-
ման վրա մեզ արժանի են դատում ամբաստանագրի մեջ հիշված
օրենքի հոդվածի սահմանած ամենածանր պատժին: Այդ հոդվածը
ոչ մի կերպ չի վերաբերում ներկա գործին»¹¹⁰:

Այսպես վերջացան էրզրումի անցքերը: Բայց դրանք ամենևին
չընկճեցին ազգային-ազատագրական պայքարի դրոշ բարձրացրած
հայ ժողովրդի մարտական եռանդը: Թուրքական կառավարության
դաժան և անօրինական վարմունքը է՛լ ավելի բորբոքեց հայերի
խոր ատելությունը դեպի գոյություն ունեցող ծայրահեղ անարդար
կարգերը:

Արևմտահայ ժողովրդի ազգային-ազատագրական շարժումնե-
րին օգնելու նպատակով գաղտնի կազմակերպություններ ստեղծ-
վեցին նաև Ռուսաստանում:

1882 թվականի էրզրումի դեպքերի ժամանակ, Մոսկվայում
սովորող հայ ուսանողների նախաձեռնությամբ հիմնվեց «Հայրե-
նասերների միություն» անունով ազգային-դեմոկրատական ուղ-
ղություն ունեցող մի կազմակերպություն, որը իր վրա կրում էր
հեղափոխական նարոդնիկության գաղափարախոսության ազդե-
ցությունը և ղեկավարվում էր բնության դեմ պայքարի նրա վա-
րած ահաբեկումների տակտիկայով:

«Հայրենասերների միությունը» իր գլխավոր խնդիրն էր համա-
րում օգնել թուրքական բռնապետության դեմ ուղղված արևմտահայ
ժողովրդի ազգային-ազատագրական պայքարին, օգնել նրա ազա-
տագրությանը: Նա ուներ իր օրգանը՝ «Ազատության ավետարեք»
անունով, հրատարակում էր թուրքիկներ: Հայերի ազատագրական
շարժումները ղեկավարելու և ուղղություն տալու նպատակով միու-
թյունը իր անդամներին թուրքիա էր ուղարկում:

«Հայրենասերների միությունը» — գրում է Վ. Պարսամյանը, —
հիմնել էին հայ ուսանողները 1881 թվականին Մոսկվայում¹¹¹:

¹¹⁰ Սարգիսյան, Առաջին ժողովրդական շարժումը Տաճկական Հայաստանում,
«Գործ» № 3, 1917, էջ 11.

¹¹¹ Մ. Օրմանյանը «Հայրենասերների միության» հիմնադրման սկիզբը հա-
մարում է 1882 թվականը, որ շատ ավելի համոզել է:

հմբակի կազմակերպիչն էր ներսես Աբելյանը, աչքի ընկնող
անդամներից էին՝ Թամարա Ադամյանը, Դավիթ Ներսիսյանը և
ուրիշներ: Հայրենասերների միությունը հեկտոգրաֆի վրա անլեզայ
կերպով հրատարակում է իր օրգանը՝ «Ազատության ավետարեք»
խորագրով: Միության անդամներից ոմանք սերտ կապեր ունեին
ռուս և վրացի հեղափոխականների հետ»¹¹²:

էրզրումի անցքերի կապակցությամբ միությունը բաց է թող-
նում իր թուրքիկները՝ ուղղված հայ ժողովրդին: Նա էրզրումի հա-
յերի ելույթը համարում է թուրքական բռնապետության դեմ ուղղ-
ված ապստամբություն: Միության կոչերը խիստ կերպով մերկաց-
նում են եվրոպական խոշոր տերությունների շահագիտական քաղա-
քականությունը և հայ ժողովրդի ազատագրությունը իրեն՝ ժող-
վրդի գործն են համարում¹¹³:

«Հայրենասերների միությունը» կոչ է անում բոլոր միջոցնե-
րով օգնության ձեռք մեկնելու բանտերում տառապող հայերին և
նրանց քաղցի մատնված ընտանիքներին:

Հայրենասերների միության նպատակի մասին «Ազատու-
թյան ավետարեք»-ը գրում է. «Եթե Հայաստանի ժողովուրդը հարս-
տահարվում է, եթե նրա ստացվածքը, նրա աշխատանքի պտուղ-
ները հափշտակում են, եթե նրա մարդկային սուրբ իրավունքները
և սկզբունքները ոտնակոխ են լինում, անկասկած այդ բոլոր շարիք-
ների սկզբնապատճառը թուրքերի բարբարոս կառավարությունն է.
նա ինքն է ամենամեծ հարստահարողը, ավազակը, որի հովանա-
վորության տակ ապրում և գործում են մնացյալ փոքր ասպատա-
կողները և արյուն ծծողները: Ուստի Հայրենասերների միությունը
համառոտ պատերազմ է հայտարարում թուրքիայի կառավարու-
թյանը... Միությունն իր բոլոր ուժերը ուղղել է ոչնչացնելու նրա
վարած պետական կազմվածքը, որը կաշկանդել է ազգերի կանո-
նավոր զարգացումը...»¹¹⁴:

Անկասկած է, որ միության հետապնդած նպատակը բարի էր.
նրա ցանկությունն էր օգնել օրհասական վիճակում գտնվող իր

¹¹² Վ. Պարսամյան, Հայ ազատագրական շարժումների պատմությունից, Հայ-
պետհրատ, 1958, էջ 259.

¹¹³ Տե՛ս Վ. Պարսամյան, Նշված աշխատության ծանոթագրությունը, էջ 259—
263.

¹¹⁴ «Հայ ժողովրդի պատմություն», հատ. 2, Հայպետհրատ, 1957, էջ 145:

եղբայրակիցներին: Բայց նա իր սակավաթիվ ուժերով, առանց Ռուսաստանի օգնության, մեկուսացած հպատակ մյուս ճնշված ժողովուրդներից, սուլթանական կարգերը տապալել չէր կարող:

«Հայրենասերների միության» երևան գալը ապացույց էր այն բանի, որ «Պաշտպան Հայրենյաց» ընկերության հետապնդած նպատակը և նրա ձեռնարկումները լայն ժողովրդայնություն ունեին: Օրմանյանը իրազեկ լինելով իրերի դրուսյանը, նշում է, որ ընկերության անդամները 1884 թ. հունիսի 30-ին բանտից ազատվեցին «ժողովրդական մեծ խանդավառության մեջ»¹¹⁵:

«Հայրենասերների միությունը» երկար կյանք չունեցավ: 1884 թվականին նա ինքնալիկվիդացվեց: Նրա որոշ անդամներ հետագայում հարեցին հնչակյան մանրբուրժուական և դաշնակցական բուրժուա-ազգայնական կուսակցություններին:

«Հայրենասերների միության» բաց թողած կոչերի հիմնական բովանդակությունը կազմում էր թուրքական բռնապետական ուժերից արևմտահայ հատվածի ազատագրության հարցը: Այդ միության գոյությունը Հայաստանի երկու հատվածների միջև եղած կապերի ամրապնդման ու ծավալման ցուցանիշն էր:

Այսպիսով, 1870—1880-ական թվականներին առաջացած գաղտնի կազմակերպությունները, էրզրումի, Վանի, Զեյթունի ժողովրդական մասսաների ապստամբական ելույթները հայ ժողովրդի ազգային-ազատագրական շարժման վերելքի ապացույցներն էին: Նրանք վկայում էին այն մասին, որ հայ ժողովրդի դրուսյունը թուրքիայում անասելի կերպով ծանր էր ու հուսահատական: Նրանք վկայում են հայ ժողովրդի ազգային ինքնագիտակցության և ինքնաճանաչողության, նրա ազատասիրական հակումների աճման փաստերի մասին: Նրանք վկայում են նաև այն մասին, որ հայերի ազատագրական շարժումները պատասխան էին սուլթանական կառավարության հայաջինջ քաղաքականության, ինքնապաշտպանության նպատակն էին հետապնդում:

* * *

Հայերի ազգային-ազատագրական շարժման նկատմամբ թուրքական կառավարությունը գործադրեց խափանիչ վայրագ միջոցներ: 1880-ական թվականներից սկսած ուսկուճիկի թուրքիայում

115 «Ազգապատում», մասն երրորդ, էջ 4467:

մոլեզունում էր իր ամբողջ սարսափներով: Բանտերն արդեն լցված էին հազարավոր անմեղ հայերով:

2. Լազարյանցին ուղարկած իր նամակում վանեցի Սաբո թարգմուտյանը գրում է. «Նշանավոր ավագակապետ Շեքիր, որ Խալի փաշայի օրով բանտարկված էր, Պահրի փաշան ազատեց և թույլ տվեց յուր ոխը հանելու հայերից: Այս ավագակապետը իր ղինված քրդական հրոսակների միջոցով սկսում է հարձակվել հայ նշանավոր գյուղերի վրա, անասելի կերպով հարստահարում ու կողտպում է հայերին, տանում նրանց անասունները, նրանց գույքը: Շատախի վրա հարձակվելով 25 հոգու շափ, սպանեց այստեղ կառավարության պաշտոնյաների աչքի առաջ և այսպես ամեն օր սպանության դեպք էր լսվում»¹¹⁶:

Անցնելով բանտարկված հայերի նկատմամբ գործադրված դազանությունների նկարագրությանը, նույն հեղինակը գրում է. «Սկսվեցին դատաստանական քննությունները, երամ-երամ բերում էին բանտարկված հայերին հարցաքննելու, վզերին երկաթե ծանր շղթաներ ձգած, ձեռքեր կապած... երբ դիմադրում էին, իսկույն հրամայում էին նրանց բանտ տանել և շարշարել»¹¹⁷:

Մարդկային հասարակության պատմության նախորդող ժամանակաշրջանում ոչ մի իրավակարգում բանտարկյալների նկատմամբ չեն գործադրվել այնպիսի հրեշտային գազանություններ, պատժի այնպիսի նողկալի ձևեր ու մեթոդներ, որպիսիք գործադրվում էին թուրքիայում՝ սուլթան Աբդուլ Համիդի գահակալության ժամանակաշրջանում:

2. Լազարյանցին գրած նամակում Ս. թարգմուտյանը թվարկում է պատժի ձևերը.

«Ա. նրանց (իմա՝ բանտարկյալներին—Չ. Վ.) սենյակի մեջ մի լավ քրտնեցնում էին ձմեռը և հետո դուրս հանելով սենյակից՝ սառը ջուր էին ածում նրանց վրա՝ մեկ ժամի շափ պահում էին...»

Բ. Մերկացնելով պանկեցնում էին մի տախտակի վրա, մեկ տախտակ էլ վրան դնելով ծանր քարեր էին դարսում, այնպես որ պանկոդ թշվառի ոսկորները փշրվեին:

Գ. Մերկացնելով թաց կաշիով փաթաթում էին, հետո կաշին, երբ չորանում էր, քաշելով պոկում էին, որ մարդու կաշին էլ հետո էր պլոկվում:

116 ՉՍՄՆ ՊԿՊԱ, 2. Լազարյանցի ֆոնդ, № 42, գ. 11, թ. 79:

117 Նույն տեղում, թ. 89:

Դ. Փոքրիկ քարի ավազանի մեջ նստեցնելով սառը ջուր ածում և երկու օրը մի ֆունտ հաց էին տալիս:

Ե. Կապարը հալելով ձեռքերի մեջ էին լցնում:

Զ. Կրակ դարձած շամփուրներով մարմինը խորովում:

Է. Գլխին և կողքերի մեջ երկաթի բեռներ շարում:

Ը. Մինչև կիսամեռ լինելը ծեծում:

Թ. Հաստ շղթաներ ձգելով, ձեռքերն ու ոտքերը երկաթե շղթայով կապում, պառկեցնում էին քարե ավազանի մեջ, իսկ վզի շղթայի ծայրը դռան շեմքից դուրս հանելով կապում էին ցցի, և այնքան քաշում էին շղթան, որ գլուխը գետնին կպչելով անշարժ մնար»¹¹⁸:

Պատժի այս ձևերը միայն Վան քաղաքի բանտարկյալների նկատմամբ չէր: Դրանք ընդհանուր էին և կիրառվում էին բոլոր բանտարկյալների նկատմամբ: Իսկ Վանի, Էրզրումի, Սասունի, Զեյթունի հանդեպ, որպես հայ ժողովրդի ազգային-ազատագրական շարժումների կենտրոնների, թուրքական կառավարությունը պատժի հատուկ միջոցներ էր գործադրում:

Վանի երիտասարդները Խրիմյանին, Փորթուզալյանին, Մ. Ավետիսյանին Վանից հեռացնելու և տասնյակ առաջավոր մտավորականների բանտարկությանը ու աքսորով իրենց սպասող տագնապալից վիճակի մասին երզում էին.

Վասպուրականի երիտասարդներ
Եվ օրիորդներ հագան սև լաթեր,
Լաց ու տրամուխամբ մոռացան ծաղկազարդը,
Ինչպես որ սոխակը իր սիրելի վարդը¹¹⁹:

Թուրքիայում սաստակացած ունակցիայի կապակցությամբ Լոնդոնի հայ հասարակայնությունը մի աղերսական դիմում է ներկայացնում Անգլիայի վարչապետին: Ի պատասխան այդ դիմումի 1888 թ. մարտի 29-ին լորդ Սալսբերին Կ. Պոլսի անգլիական դեսպան սեր Վ. Հուայթին գրում է. «Զերդ վսեմություն, կուղարկեմ մի օրինակ այն հիշատակագրեն, զոր ընդունում եմ Լոնդոնի հայ ազգաբնակչության ներկայացուցչական մասնախմբեն, և որով նոքա ուշադրություն կհրավիրեն Թուրքիո հայ ժողովրդյան տառապանքներու և Պերլինի 61-րդ հոդվածի համաձայն Դրան խոստացած բարեկարգություններու բացակայության մասին: Կներփակեմ մի օրինակ՝ այս թղթակցության տված պատասխանը: Կխնդրեմ միան-

գամայն, որպեսզի սոցա պարունակած իրողությանց մասին բացատրական տեղեկագիր մը գրեք մեզ, որպեսզի կարողանանք դատել, թե կարելի՞ է արդյոք ներկայացնել սոքա Բ. Դոան ու հաշոդ արդյունք մը ակնկալել»¹²⁰: Այսպիսով, հայերին հոշոտում էին, իսկ անգլիական պարոնները դեռ պետք է զբաղվեին նրանց դիմումի իսկությունը պարզելու հարցով: Հենց դրանից էլ օգտվում էր սուլթանի կառավարությունը:

Անգլո-Հայկական ընկերությունը Լոնդոնում ստանում է Վանի հայերի դիմումը, որով նրանք Անգլիայի օգնությունն ու պաշտպանությունն են խնդրում: 1888 թ. ապրիլի 30-ին դիմումը հանձնվում է Սալսբերիին, հետևյալ բացատրական խոսքով. «Պատիվ ունիմ, Լոնդոնի հայ ազգաբնակչության ներկայացուցչական մասնախմբի բաղձանքին համաձայն, ուղարկել Զեր բարձրության ներփակ կոչը, զոր Վանի հայ ազգաբնակչությունը կուղարկե Մեծն Բրիտանական ժողովրդին ու կառավարությանը: Սորա բնագիրը գրված է հայերեն լեզվով ու կկրե 1888 21 հունվարի թվականը: Քաջածանոթ եմ այդ զարգացած և պատվավոր խմբակին, որոնք դրկած են զայն ու կվստահեցնեն զի թե հավաստի աղբյուրներն քաղած են այդ իրողությունները, շատ մը պարագաներու մեջ նույնիսկ իրենք լինելով ականատեսները Հայաստանի մեջ գործ դրված բռնություններու: Գրությունը չի ստորագրված երկյուղի ազդեցության տակ»¹²¹:

Վանի հասարակության կոչում հատուկ տեղ է գրավում բանտարկված հազարավոր մարդկանց ծանր զրկանքների ու կրած տառապանքների նկարագրությունը:

«Բանտերը լեցուն են անմեղ քրիստոնյաներով (որոնցմե շատերը կրոնավորներ են), որք ձերբակալվում են անհիմն պատճառներով: Որո՞ւ սիրտը կարող է դիմանալ ի տես կամ ի լուր այն շարժարանաց, որոնց կենթարկվի այս դժբախտ ժողովուրդը ինքն իսկ տեղյակ չըլլալով պատճառներուն: Ոմանք կպահվին բանտերին մեջ առավել քան 40 ժամ՝ անոթի ու ծարավ, ձեռքերնին, ոտքերնին ու վզերնին շղթայված ու խաշաձև հաստատված՝ մութ, խոնավ ու ցուրտ զնդաններուն պատերուն վրա: Ինչ բարբարոսություն, որպիսի անլսելի ամոթ քրիստոնյա կրոնքին. սոքա կմնան այդ դրու-

118 ՀՍՍՀ ՊԿՊԱ, 2. Լազարյանցի ֆոնդ, № 48, գ. 11, Բ. 79:

119 Ա. Թեղեկազայան, Արժիվ իր բույնին մեջ, Փարիզ, 1936, էջ 211:

120 ՀՍՍՀ ԳԱ պատմության ինստիտուտի արխիվ, Լեոի ֆոնդ, Բղթապ. № 1, Բերթ 61—62:

121 Նույն տեղում, Բ. 61—65:

թյան մեջ, մինչև որ շնչասպառ, անդամալույծ ու անզգա մեռյալ կարծելով վար կառնվին պատերեն»¹²²: Անգլիական դիվանագիտությունը շատ սառնասիրտ գտնվեց հայերի թե՛ դիմումում, և թե՛ կոչում նշված բազմաթիվ հուզիչ փաստերի նկատմամբ:

Վանի անգլիական հյուպատոսը Կ. Պոլսի իր դեսպանին հաղորդում է, որ հայերի կոչում մատնանշված փաստերը իրականության շեն համապատասխանում և ճիշտ չեն, իսկ անգլիական կառավարությունը սուլթանին մեղադրելու հիմք չունի, քանի որ բանտերում նստած են այն մարդիկ, որոնք զբաղվում են հեղափոխական պրոպագանդայով: Հյուպատոսի գրությունը վերջանում է հետևյալ խոսքերով. «Գալով այն անձանց, որք ձերբակալված էին դավադրություն մը սարքած լինելու նպատակով՝ սուլթանը ըսավ, թե այդ անձերը, իրենց այս ոճիրին համար շատ ավելի ծանր պատիժ մը պիտի ենթարկին անգլիական կամ ամերիկյան օրենքներով»¹²³:

1888 թ. մայիսի 28-ին սեր Հուայթը Սալսբերիին հաղորդում է, որ «հայերի մեջ գոյություն ունեցած էր և ունի գաղտնի շարժում մը ու կշարունակվին դեռ բռնության միջոցներ՝ աքսոր, բանտ և այլն: Չեմ կարող ըմբռնել սակայն, թե արդյոք առաջինը ծնունդ առած է վերջինից, թե վերջինը արդյունք է գաղտնի հեղափոխական շարժման: Լոնդոնի և Փարիզի մեջ հրատարակված թերթերը ոչ մի հակում չունեն ժողովուրդը հանդարտեցնելու, այլ նոքա նպատակված են ավելի զորացնելու հայ ազգաբնակչության ու թուրք կառավարության միջև եղած զրգռումը»¹²⁴:

Սեր Հուայթը, այսպիսով, չէր ընդունում, որ հայերի ազգային-ազատագրական շարժումները հետևանք էին թուրքական կառավարության սաստկացած ճնշումների, հարստահարությունների և իրավազրկության: Նա նույնիսկ չէր ուզում սուլթանին մեղավոր ճանաչել և Լոնդոնում ու Փարիզում հրատարակվող թերթերին կշտամբում էր այն բանի համար, որ նրանք հողավածներ էին տպագրում թուրքական կառավարության գազանությունների դեմ և իրենց համակրանքն էին արտահայտում հայերի արդարացի պահանջների նկատմամբ:

122 ՉՍՍԶ ԳԱ պատմութ. ինստիտուտի արխիվ, Լեոի ֆոնդ, Թղթապ. № 1, ք. 11—12:

123 Նույն տեղում, ք. 15:

124 Նույն տեղում, թերթ 19:

1889 թվականին Աբդուլ Համիդը իր մոտ է կանչում Կ. Պոլսի հայոց պատրիարք Խորեն Աշրգյանին և իր քարտուղարի միջոցով հայտնում է նրան, որ նա արգելի հայկական հրատարակությունները և միաժամանակ նախազգուշացնում է, որ հայերը պետք է մեկընդմիջտ իրենց մտքից հանեն ինքնավարության պահանջը, որ նրանք երբեք այդ ինքնավարությունը չեն ստանա, իսկ ինքը կկռվի այդ պահանջի դեմ այնքան ժամանակ, քանի դեռ երկրի վրա կգտնվի մի քրիստոնյա:

Նվրոպական տերություններին վախեցնելով հայերի ազատագրական շարժումներից համաշխարհային սոցիալական հեղափոխություն ծագելու ուրվականով, սուլթանի կառավարությունը հայերի ազատագրական հակումները դիտեց որպես իր պետական կարգերի դեմ ուղղված վտանգավոր քայլ և սկսեց ահեղ դատաստան տեսնել նրանց հետ: 1894—1896 թվականներին նա գործի անցավ, սկսեց իրագործել իր նողկալի ծրագրերը՝ հայերի բնաջնջումը, որի մասին խոսք կլինի սույն մենագրության հինգերորդ գլխում:

3

Վերևում շարադրված փաստերն ասում են այն մասին, որ հայ ժողովրդի ազգային-ազատագրական շարժումները, նրանց սոցիալատեսական բովանդակության որոշման հարցերը մարքսիստական-լենինյան ճիշտ լուսաբանման խիստ կարիք ունեն:

Մարքսիզմ-լենինիզմն ընդունում է ֆեոդալական կարգերի դեմ ուղղված ազգային-ազատագրական պատերազմների պրոգրեսիվությունը, նրանց պատմական անհրաժեշտությունն ու անխուսափելիությունը, իսկ նրանց տնտեսական-դասակարգային բովանդակությունը համարում է համաժողովրդական կամ բուրժուա-դեմոկրատական:

Խոսելով կապիտալիզմի վերընթաց զարգացման ժամանակաշրջանում տեղի ունեցած ազգային-ազատագրական շարժումների բուրժուա-դեմոկրատական բնույթի մասին, «Ո՛ր ժառանգությունից եմք հրաժարվում մեկնք» խորագրով իր նշանավոր աշխատության մեջ Լենինը գրում է. «...անհրաժեշտ է վերապահություն անել, որ մեզանում հաճախ ծայրահեղորեն սխալ, նեղ հակապատմականորեն են հասկանում այդ բանը, նրա հետ կապելով (առանց պատմական դարաշրջանների տարբերության) փոքրամասնության շահերի աշուու պաշտպանությունը: Չի կարելի մոռանալ, որ այն

ժամանակ, երբ գրում էին XVIII դարի լուսավորիչները (որոնց բուրժուազիայի առաջնորդների շարքն է դասում ընդհանուրից ճանաչված կարծիքը), երբ գրում էին մեր լուսավորիչները 40-ական թվականներից մինչև 60-ական թվականները, հասարակական բալուռ հարցերը հանգում էին ճորտատիրական իրավունքի և նրա մնացորդների դեմ մղվող պայքարին: Հասարակական-տնտեսական նոր հարաբերությունները և նրանց հակասություններն այն ժամանակ դեռ սաղմնային վիճակում էին: Ուստի և այն ժամանակ բուրժուազիայի իդեոլոգների մեջ ոչ մի շահախնդրություն չէր դրսևորվում. ընդհակառակը, թե՛ Արևմուտքում և թե՛ Ռուսաստանում նրանք լիովին անկեղծորեն հավատում էին ընդհանուր բարօրության և անկեղծորեն ցանկանում էին այն, անկեղծորեն չէին տեսնում (մասամբ դեռ չէին կարող տեսնել) հակասություններ այն կարգի մեջ, որ ճորտատիրականից էր աճում»¹²⁵:

Սուլթանական բռնակալական կարգերի դեմ Բալկանյան սլավոնների, հույների, հայերի և մյուս հպատակ ժողովուրդների ազգային-ազատագրական շարժումները Լենինը համարում է պրոգրեսիվ, որովհետև նրանք վերջին հաշվով խախտում էին ֆեոդալիզմի հիմքերը և ճանապարհ էին հարթում կապիտալիզմի ու կապիտալիստական հարաբերությունների զարգացման համար: Այս տեսակետից ուշագրավ են թուրքական բռնապետության դեմ ուղղված Մակեդոնիայի ժողովրդի ազգային-ազատագրական պայքարի մասին Լենինի հետևյալ խոսքերը. «Մակեդոնիայում կալվածատերերը (այսպես կոչված ըսպահեբը) թուրքեր և մահմեդականներ են, իսկ գյուղացիները սլավոններ և քրիստոնյաներ: Դրա համար էլ դասակարգային հակասությունները սրվում են կրոնական ու ազգային հակասություններով»¹²⁶:

Հետևապես, մարքսիզմ-լենինիզմը ժխտում է սոցիալ-տնտեսական բովանդակությունից դուրս ազգային շարժման գաղափարախոսությունը:

Մերկացնելով դասակարգային պայքարի պատմության մարքսյան թեորիան ազգային պայքարի պատմությամբ նենգափոխելու փորձերը, «Ուրիշ դոգմակի տակ» խորագրով իր աշխատության մեջ Լենինը գրում է. «Ժողովրդական շարժումը գլխավոր, պատերազմով շոշափված երկրներում այն ժամանակ իր տնտեսական և դա-

125 Վ. Ի. Լենին, Երկեր, հատ. 2, Հայպետհրատ, 1943, էջ 646:

126 Վ. Ի. Լենին, Երկեր, հատ. 18, Հայպետհրատ, 1950, էջ 503:

սակարգային բովանդակությամբ համադեմոկրատական, այսինքն բուրժուա-դեմոկրատական շարժում էր: Միանգամայն բնական է, որ այն ժամանակ այլ հարց չէր կարելի դնել, բացի այն հարցից, թե ինչպիսի կոմբինացիայի ժամանակ, ռեակցիոն (ֆեոդալական-աբսոլյուտիստական, բուրժուազիայի վերելքը կասեցնող) ուժերից, որի անհաջողության դեպքում, ու բուրժուազիայի հաջողությունն է ավելի լայն «ասպարեզ» խոստանում ժամանակակից դեմոկրատիայի համար»¹²⁷:

Այսպիսով, Լենինը մի կողմից ընդունում է 1870—1890-ական թվականների ազգային պատերազմների համադեմոկրատական կամ բուրժուա-դեմոկրատական բնույթը, իսկ մյուս կողմից նշում է, որ մարքսիզմը պաշտպանում է ճնշված ազգերին ընդդեմ ճնշողների:

Սոցիալական բովանդակությունից զուրկ ազգային շարժումներ գոյություն չունեն:

«Բուրժուական թերթերը,—գրում է Լենինը,—սկսած «НОВОЕ ВРЕМЯ»-յից և վերջացրած «Речь»-ով, բարբառում են ազգային ազատագրության մասին Բալկաններում, սովերի տակ թողնելով տևտեսական ազատագրությունը: Իսկ իրականում հենց այս վերջինն է գլխավորը»¹²⁸:

Այսպիսով, Լենինը ուղղակի ընդգծում է, որ առանց տնտեսական ազատագրության չի կարող լինել ազգային ազատագրություն: «Կալվածատերերից ու աբսոլյուտիզմից լիովին ազատագրվելն,—գրում է Լենինը,—անխուսափելի հետևանք կունենար ազգային ազատագրությունը և ժողովուրդների լիակատար ինքնորոշման ազատությունը: Ընդհակառակը, եթե ժողովուրդների վրա մնա կալվածատերերի և բալկանյան միապետությունների ճնշումը, այս կամ այն չափով անպայման կմնա նաև ազգային ճնշումը»¹²⁹:

Հալ ժողովրդի ազգային-ազատագրական շարժումները քրննարկված ժամանակաշրջանում իրենց սոցիալ-տնտեսական բովանդակությամբ լինելով բուրժուա-դեմոկրատական շարժումներ, դեկավարվել են գավառահայ բուրժուազիայի կողմից և ընթացել են նրա գաղափարախոսությամբ: Սա անկասկած է: Բայց այդ ազգային-ազատագրական շարժումների հիմնական շարժիչ ուժը հան-

127 Վ. Ի. Լենին, Երկեր, հատ. 21, Հայպետհրատ, 1950, էջ 175—176:

128 Վ. Ի. Լենին, Երկեր, հատ. 18, էջ 503:

129 Նույն տեղում:

դիսացել են գյուղացիներն ու արհեստավորութունը, առաջավոր ինտելիգենցիան, որոնք իրենց վրա կրում էին թուրքական բռնապետների, կալվածատերերի ու փաշաների կողմից եղած սոցիալական ու ազգային ճնշման ողջ ծանրությունը:

Կապիտալիզմի վերընթաց զարգացման ժամանակաշրջանում, որքանով որ խոսքը վերաբերում էր ֆեոդալական հարաբերությունների լիկվիդացմանը և կապիտալիստական հարաբերությունների հաստատմանը՝ բուրժուազիայի խաղացած դերը եղել է պրոգրեսիվ:

«Նարոդնիկների տնտեսական բովանդակությունը» խորագիրը կրող իր նշանավոր աշխատության մեջ Լենինը գրում է. «Միշտ ու ամենուրեք բուրժուազիան դասային՝ իրենց դարն անցրած շրջանակների ու միջնադարյան այլ հիմնարկների դեմ հանդես է եկել հանուն ամբողջ «ժողովրդի», որի ներսում դասակարգային հակասությունները դեռ զարգացած չէին և նա իրավացի էր ինչպես Արևմուտքում, այնպես և Ռուսաստանում, որովհետև քննադատվող հաստատությունները հերավի նեղում էին բոլորին»¹³⁰:

Հետևապես չի կարելի շփոթել բուրժուազիայի նկատմամբ ֆեոդալիզմի դեմ նրա մղած ազգային պատերազմների ժամանակ մարքսիստների ցուցաբերած բարյացակամ մոտեցումը իմպերիալիզմի դարաշրջանում եղած մարքսիստների խիստ բացասական վերաբերմունքի հետ:

«Նրկոռոդ ինտերնացիոնալի կրախը» խորագրով իր աշխատության մեջ մերկացնելով սոցիալ-շովինիստներին, Լենինը գրում է. «Նախորդ պատերազմները, որոնց վրա մատնանշում են մեզ, բուրժուազիայի բազմամյա ազգային շարժումների «բաղաճակալիստական շարունակությունն» էին, շարժումներ ընդդեմ օտար՝ այլազգի ճնշման և ընդդեմ արքայազմի (տաճկական և ռուսական): Այն ժամանակ չէր էլ կարող լինել ոչ մի այլ հարց, բացի այս կամ այն բուրժուազիայի հաջողությանը նախապատվություն տալուց. մարքսիստները նման տիպի պատերազմների համար կարող էին նախօրոք կոչ անել ժողովուրդներին, բորբոքելով ազգային ատելություն, ինչպես կոչ է արել Մարքսը 1848 թ. և ավելի ուշ՝ պատերազմելու Ռուսաստանի դեմ, ինչպես 1859 թվականին Էնգելսը բորբոքում էր գերմանացիների ազգային ատելությունը»:

130 Վ. Ի. Լենին, Երկեր, հատ. 1, Հայպետհրատ, 1941, էջ 587:

դեպի իրենց ճնշողները, դեպի Նապոլեոն III-ը և դեպի ռուսական ցարիզմը»¹³¹:

Քննադատելով Պոտրեսովին, մեղադրելով նրան հարցերի նկատմամբ մեխանիկական-մետաֆիզիկական մոտեցման համար, ազգային պատերազմների զարգացման էվոլյուցիան չհասկանալու և, հետևապես, մարքսիզմից հեռանալու համար, Լենինը գրում է. «Մարքսի մեթոդը ամենից առաջ այն է, որ հաշվի առնվի պատմական պրոցեսի օբյեկտիվ բովանդակությունը տվյալ կոնկրետ մոմենտում, տվյալ կոնկրետ իրադրության մեջ, որպեսզի ամենից առաջ ըմբռնվի, թե ուր դասակարգի շարժումն է հանդիսանում հնարավոր պրոգրեսի գլխավոր զսպանակը այդ կոնկրետ իրադրության մեջ: Այն ժամանակ, 1859 թվականին, կոնտինենտալ Եվրոպայում պատմական պրոցեսի օբյեկտիվ բովանդակությունը ոչ թե իմպերիալիզմը, այլ ազգային-բուրժուական ազատագրական շարժումներն էին: Գլխավոր զսպանակն էր բուրժուազիայի շարժումն ընդդեմ ֆեոդալական-արքայազմի ստատիկ ուժերի: Իսկ գերմանաստուն Ա. Պոտրեսովը, 55 տարի անց, երբ ռեակցիոն ֆեոդալների տեղը գրավել են զառամյալ բուրժուազիայի ֆինանսական կապիտալի՝ նրանց նմանվող մագնատները, ուզում է գնահատել միջազգային կոնֆլիկտները բուրժուազիայի, և ոչ թե նոր դասակարգի տեսակետից»¹³²:

Լենինի այս և նման բազմաթիվ ասույթները վերաբերում են նաև հայերի ազգային-ազատագրական շարժումներին, նրանց սոցիալ-տնտեսական բովանդակությանն ու պրոգրեսիվ բնույթին: Մարքսիստ պատմաբաններն ու բանասերները չեն կարող այլ մոտեցում ունենալ այդ ազատագրական պատերազմների բնույթի գնահատմանը, քան տվել է Լենինը:

Արևմտահայ գյուղացիության ազատագրությունը սերտորեն միահյուսվում էր ազգային-ազատագրական շարժման հետ՝ որպես սոցիալական հարց, որովհետև ազգային հարցը բովանդակում է թե՛ գյուղացիության (ագրարային), թե՛ կուլտուրայի և թե՛ ազգի քաղաքական իրավունքի հարցերը:

Կշտամբելով Պոտրեսովին, Լենինը գրում է. «Մարքսիստները չորսը չեն բացասել ֆեոդալական-արքայազմի ստատիկ ուժերի դեմ մղվող բուրժուական ազգային-ազատագրական շարժումների պրոգրեսիվությունը»¹³³:

131 Վ. Ի. Լենին, Երկեր, հատ. 21, էջ 271—272:

132 Նույն տեղում, էջ 169—170:

133 Նույն տեղում, էջ 167:

Հետևապես, հայ ժողովրդի ազգային-ազատագրական շարժումները հակաֆեոդալական, բուրժուա-դեմոկրատական բովանդակություն ունեին, դրանում ոչ մի կասկած չի կարող լինել։ Նրա կարող կասկած լինել նաև այդ շարժումների դասակարգային բովանդակության մասին: «Ոչ միայն 1855, 1859, 1864, 1866, 1»70 թվականների, այլև 1877 թվականի (ռուս-թուրքական) և 1896—1897 թվականների պատերազմների (Հունաստանի դեմ Թուրքիայի պատերազմի և հայկական հուլունների) ժամանակ,—գրում է Լենինը,—պատմական երևույթների հիմնական օբյեկտիվ բովանդակությունն են եղել ազգային-բուրժուական շարժումները կամ ֆեոդալիզմի տարբեր ձևերից ազատագրվող բուրժուական հասարակության «չղաձգումները»¹³⁴:

Ինչպես տեսնում ենք, Լենինը խոսում է թուրքական բռնապետության դեմ ուղղված հայ ժողովրդի ազատագրական շարժումների պրոգրեսիվ նշանակության մասին, բացահայտում է նրանց հետապնդած նպատակներն ու խնդիրները, նրանց սոցիալ-տնտեսական բովանդակությունը, պահանջում է երևույթների գնահատության հարցում ցուցաբերել պատմական կոնկրետ մոտեցում:

Արևմտահայ հատվածի ազգային-ազատագրական շարժումները հակաֆեոդալական էին, ուղղված էին ֆեոդալական-աբսոլյուտիստական բռնապետության դեմ և կրել են տնտեսական-դասակարգային բնույթ: Ֆեոդալիզմի դեմ մղվող պայքարում գյուղացիական և ազգային շարժումները հանդես են եկել միասնաբար: Այդ նույն բնույթն էին կրում ցարական միահեծանության դեմ ուղղված ճնշված ազգերի ազգային-ազատագրական շարժումները:

Մ. Նալբանդյանը ազգային-ազատագրական շարժման հեռանկարը չէր հասկանում այլ կերպ, քան գյուղացիության ազատագրությունը՝ հողի հետ միասին, որովհետև ազգ ասելով նա հասկանում էր հիմնականում գյուղացիությանը, ազգի և ազգաշինության հիմքը համարում էր տնտեսական ազատագրությունը: «Այսօր ճնշված մարդերի համար ազգությունն է նոցա միակ դրոշը,—գրում է Նալբանդյանը,—որ կարող է բացվել բռնակալության դեմ»¹³⁵:

Նալբանդյանը չէր սխալվում, երբ խոսում էր Ռուսաստանում «խմորված ազատության» համաշխարհային նշանակության մա-

134 Վ. Ի. Լենին, Երկեր, հատ. 21, էջ 175:

135 Մ. Նալբանդյան, Երկերի լիակատար ժողովածու, հատ. 3, էջ 90:

սին: Նա գրում է. «Հյուսիսային կոթողը կշարժվի... Եվ ինչպես մեծ շինվածք մը կանգնելու համար շատ նյութեր կմտնեն անոր կազմվածքի մեջ, այնպես էլ՝ անոր կործանումեն ետքը՝ շատ նյութեր կստացվին շատ շինվածքներու համար: Ռուսիո մեջ խմորված ազատությունը համարձակ կարելի է մարդկային ազատություն անվանել, վասնզի ազատությունը հողի վրա կհիմնվի, քանզի ոչ միայն ինքը ռուս կուզե իր ազատությունը, այլ կբարոզեն թե Լեհաստան, Ֆինլանդիան, Փոքր Ասիա (15 միլիոն ժողովուրդ), Կովկաս, Վրաստան և Հայաստան պետք է որ ազատ և անկախ ըլլան Մեծ Ռուսիային...»¹³⁶:

Այսպիսով, Նալբանդյանը նախ հայերի ազգային-ազատագրական շարժման հիմնական բովանդակությունը համարում է ժողովրդի տնտեսական ազատագրությունը և ամենևին չի անջրպետում ազգային ու գյուղացիական շարժումները, չի հակադրում միմյանց և, երկրորդ, որ հայ ժողովրդի ազատագրության նախադրյալը համարում է ռուսական ցարիզմի անկումը:

Մարքսիզմի մեթոդի կիրառումը, նրա ստեղծագործական զարգացումը հնարավորություն է տալիս ճիշտ հասկանալ և ճիշտ լուսաբանել 1870—1890-ական թվականների արևմտահայ ազատագրական շարժման հարցը, նրա դասակարգային բնույթն ու բովանդակությունը:

Հայ ժողովրդի ազգային-ազատագրական շարժումների, նրանց սոցիալ-տնտեսական բովանդակության, նրանց բնույթի ու գործող ուժերի գնահատման հարցում որոշ սխալներ է թույլ տվել պրոֆ. Լեոն: Պատմության նկատմամբ ունենալով իդեալիստական կոնցեպցիա, Լեոն հայ ժողովրդի ազգային-ազատագրական շարժումները դիտում է որպես որոշ գրողների ու հրապարակախոսների սուբյեկտիվ կամեցողության թելադրանք, որպես նրանց ալեկոծող մտքերի հետևանք:

Այդ շարժումները Մ. Նալբանդյանի, Ռ. Պատկանյանի, Բաֆֆու, Գր. Արծրունու և մյուսների մտքերի ու զաղափարների արգասիք չէին, այլ ինքնաբուխ էին և հետևանք էին սոցիալական ու ազգային անտանելի ճնշումների, իսկ նրանց զաղափարախոսությունը (որին մենք հատուկ գլուխ ենք նվիրել), ընդառաջում էր ազատագրական շարժումներին և ուներ պրոգրեսիվ նշանակություն:

Բաֆֆու «Ջալալեդդին»-ը, «Խենթ»-ը, «Կայծեր»-ը, «Սամ-

136 Մ. Նալբանդյան, Երկերի լիակատար ժողովածու, հատ. 3, էջ 61:

վել»-ը և մյուս աշխատությունները, որոնք ժամանակին հայ ժողովրդի ազգային-ազատագրական պայքարի մարտական կոչեր էին, Լեոն համարում է հայդուկային վեպեր: Նրանց դրական հերոսներին համարում է մտացածին, ֆանտաստիկ, օդային պատկերներ և բոլորովին անտեսում է այդ հերոսների վառ հայրենասիրությունը, նրանց բարձր գաղափարականությունը, նրանց դերը ժողովրդի ուժերի մոբիլիզացման, կազմակերպման և ուղղություն տալու գործում, ժողովրդի ազգային ինքնագիտակցության և ինքնաճանաչողության բարձրացման գործում:

Այսպիսով, հայ ժողովրդի ազգային-ազատագրական շարժման վերելքը սերտորեն կապված էր նաև հայերի ազգային ինքնագիտակցության ու ինքնաճանաչողության աճման և զարգացման հետ: Հայերի ազատագրական շարժումն ուներ բուրժուա-դեմոկրատական, սոցիալ-տնտեսական բովանդակություն: Այդ շարժումը ինքնաբերաբար էր և ուներ պրոգրեսիվ նշանակություն: Իսկ ազատագրական պայքարի գաղափարախոսությունը ընդառաջ էր գնում այդ շարժմանը, հանդիսանում էր նրա զենքերից մեկը:

Գ Լ Ո Ւ Ն Չ Ո Ր Ր Ո Ր Դ

ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐԻ ԳԱՂԱՓԱՐԱԽՈՍՈՒԹՅՈՒՆԸ

1870—1880 թվականների ազգային-ազատագրական պայքարի միտքը վերելքի շրջան ապրեց: Բեռլինի կոնգրեսից միանգամայն հրասթափված և եվրոպական դիվանագիտական խաղերից վրդոված բնական է, որ հայ ժողովուրդը իր ազատագրության հույսը պետք է իր վրա դնե: «Հայոց ազգ,—գրում է Սրվանձտյանը,—քեզ երկու թև պիտո է ազատության բարձունքը թռչելու—բարձրանալու համար»¹:

Բեռլինի դաշնագրի 61-րդ հոդվածից հետո Սրվանձտյանը հանգեց այն հետևության, որ «Հայաստանի մեջն է բուն Հայկական խնդիրն և մենք Պերլինի մեջ կորոնենք զայն»²:

Սրվանձտյանը նշավակում էր ոմանց կողմից պաշտպանվող եվրոպական օրինատացիայի սնամեջ գաղափարը: «Այդ կեղծ բարերարները ոչ հայուն հորեղբայրն էին և ոչ էլ հայուն քեռին, այլ ավելի ճարպիկ որսորդներ ու մսագործներ, որ զմեզ էրե վայրիի, պատրաստ ոչխարներու և պարարկ կովերու տեղ դնելով մեր փարախեն կուզեին խրտնեցնել, հեռացնել, և իրենց ձեռքը ձգելով ի սպանդ մատուցելու...»³:

Ազգային-ազատագրական պայքարի գաղափարախոսությունը խոշոր դեր խաղաց հայերի ազգային ինքնագիտակցության և ինքնաճանաչողության բարձրացման, նրանց պայքարը նպատակաւից դարձնելու, կազմակերպելու և ուղղություն տալու գործում: «Մեզի վրա պետք է հույս դնենք և ոչ թե Բեռլինի,—գրում է «Մը-

1 Գ. Սրվանձտյան, Թորոս Աղբար, հատ. 1, 4. Պոլիս, 1879, էջ 24:

2 Նույն տեղում, էջ 269—279:

3 Գ. Սրվանձտյան, Թորոս Աղբար, հատ. 5, 4. Պոլիս, 1884, էջ 6է:

շակ»-ը...—Այն ազգը, որ ինքն իր վրա հույս չունի, նա ապագա չունի»⁴:

Այս գիծը կարմիր թելի պես անցնում է ազգային-ազատագրական պայքարի գաղափարախոսների հրապարակախոսական ելույթներում և գրական ստեղծագործություններում:

**ԱԶԳԱՅԻՆ-ԱԶԱՏԱԳՐԱԿԱՆ ՊԱՅԲԱՐԻ ԳԱՂԱՓԱՐԱԿԱՆ ՈՍՈՒԹՅՈՒՆԸ
Ռ. ՊԱՏԿԱՆՅԱՆԻ ՊՈՆՁԻԱՅՈՒՄ**

Մեծ է եղել Պատկանյանի մտքրած լուսան հայ ժողովրդի ազգային-ազատագրական գաղափարախոսության զարգացման գործում: Նա հայ ժողովրդի քաղաքական կյանքի, նրա ազգային իդեալի փայլուն դեմքերից մեկն էր: Նրա դամբարանի վրա փորված է.

Մի՛ կարծեք, որ ես սին փառքի համար
Իմ հառաչանքով լցրի... աշխարհ,
Այս հեգ ամբոխի ծափին ու գովքին,
Կարոտ չէր բնավ իմ հպարտ հոգին...

Այո՛, իմ քնարի տխուր ձայները
Ցնցեցին հայի հոգու լարերը,
Արյուն էլ ազնիվ սրտե քամեցին,
Կտրիճի աչքե քունը փախցրին⁵:

2. Թումանյանը Պատկանյանի հուշարձանի բացման կապակցությամբ ուղարկած իր հեռագրում ասում է.

Կը գան, կանցնեն շատ-շատ ամիս ու տարի,
Զի մամռոտի գերեզմանը այդ քարի,
Եվ տանջալի նոր խաչը սրբազան,
Նորա անուն միշտ կմնա անսասան⁶:

Ընդառաջ գնալով արևմտահայ ժողովրդի ազգային-ազատագրական շարժումներին, Պատկանյանն իր պոեզիան ավելի կոնկրետացրեց ու շեշտակի դարձրեց, նրա մեջ նոր, ավելի մարտա-

⁴ «Մշակ», № 125, 1879.

⁵ «Մշակ», № 214, 1901.

⁶ «Մշակ», № 230, 1901.

կան շունչ մտքրեց: Նրա պոեզիան հնչեց որպես ուղի շեփոր ու մարտահրավեր:

Սուլթանական Թուրքիայում հայ ժողովրդի համար ստեղծված օրհասական պայմանները նոր եռանդ տվին նրա գրչին, աննախընթաց ուժով սեր ու հավատ ներշնչելով հայրենիքի ու նրա գալիքի նկատմամբ:

Պատկանյանի «Ազատ երգեր»-ը հայ ժողովրդի ազգային-ազատագրական պայքարի այրող երգեր են, որոնց էությունը հանդիսանում է սեփական ուժերով հայ ժողովրդի ազատագրության գաղափարը: Այդ իր բոցաշունչ երգերով Պատկանյանը հայ ժողովրդին նախազգուշացնում էր, որ նրա դրությունը սուլթանական Թուրքիայում անհանդուրժելի է, որովհետև նրա կյանքն ու գույքը վտանգված էր, իսկ պատիվը՝ արատավորված: Ուստի, սովորեցնում էր Պատկանյանը, կույր հնազանդությամբ ու անվերջ գանգատներով, աղբասագրերով և ուրիշի օգնությամբ ազատություն ձեռք չի բերվում, այլ այն նվաճվում է հերոսությամբ ու քաջությամբ:

Բալկանյան թերակղզու սլավոն ժողովուրդները զենքի ուժով ազատություն նվաճեցին: Իսկ ինչո՞ւ հայերը չպետք է գործեն նրանց օրինակով, երբ ստեղծվել են դրա համար նպաստավոր պայմաններ:

Վանեցի մոր բերանով Պատկանյանը հայ ժողովրդին թուրքական բռնապետության դեմ զինված ելույթների կոչ է անում.

Զար սուլթանի ոսկե թախտը շարդրվեցավ, վար ընկավ,
Թախտի տակին հազար ազգաց ազատություն ծաղկեցավ,
Ով որ շուտով ոտքի ելլե, ազատություն կը գտնե,
Սիրուն որդի՛ս միթե մենակ շար լուծի տակ պիտ մտնե:

Տուր սիրական, քակեմ ձեռքիդ պալուկները, արձակեմ,
Ու այդ թուլիկ աջիդ մեջը մի պողպատե սուր դնեմ...⁷

Չնայած արյունոտ սուլթանի կողմից հայ ժողովրդի նկատմամբ գործադրված բռնություններին ու հալածանքներին, Պատկանյանը գտնում է, որ հայ ժողովրդի արդար գործը ընդմիշտ դատապարտված չէ: Նա ժողովրդի մեջ դաստիարակում է հաստատ համոզմունք իր հաղթանակի անխուսափելիության հավատով:

Զէ՛ չէ՛, երգած չէ՛ դեռ Մայր Հայաստան

7 Ռ. Պատկանյան, Երկեր, Հայպետհրատ, 1955, էջ 145:

Կարապի երգը՝ երգն յուր տխրութեան.
Այն որ լսեցիք՝ այն երգն էր գարնան.
Ավետյաց երգ էր Հայոց սխակին...⁸

Ժողովրդին դաստիարակելով իր ուժերի ու ընդունակութեան-
ների նկատմամբ հավատի գիտակցութեամբ, Պատկանյանը դատա-
պարտում է Եվրոպայի օգնության սիրահարներին: Նա ցույց է
տալիս, որ շահամուտության իրենց ծարավը եվրոպական խոշոր տե-
րութունները հագեցնում են հայերի արյունով:

Վերջի վերջո՝ հայ արյուն ալ վոթեցավ,
Եվրոպա, արդյոք արյան պասքը հագեցա՞վ՞:

Արտահայտելով եվրոպական դիվանագիտութունից հիաս-
թափված հայ աշխատավորների ցասումը, Պատկանյանը «Բողոք
առ Եվրոպա» բանաստեղծության մեջ գրում է.

Ապերախտ Եվրոպա, հիշե հայերուն,
Դու շատ մի խաբվիլ սուրի շաշունին.
Արյուն վոթելն չէ առաքինութուն,
Եվ ոչ նա ազատ ոգու նշան է⁹:

Պատկանյանը իր «Ո՛չ խնդիր, ո՛չ հրաման» բանաստեղծու-
թյան մեջ անարգանքի սյունին է գամում Թուրքական բռնակալ-
ներին՝ հայ ժողովրդի նկատմամբ գործադրած գազանութունների
և նրան ոչնչացնելու նենգ դիտավորություններ ունենալու համար:
Նա նախազգուշացնում է, որ այդ շարագործությունները չեն կա-
րող վերջ տալ դարերի ահեղ հողմերով անցած հայ ազգին, որ նա
կարթնանա և այն ժամանակ վայ բռնակալներին:

1890 թվականին էրզրումի հայությունը նորից արտահայտեց
իր վրդովմունքը սուլթան Համիդի ուժիմի դեմ, վրդովմունք, որը
հետևանք էր շտեմնված կամայականությունների, ճնշման ու հարբա-
տահարությունների: Թուրքական հրոսակները դաժանորեն ճնշեցին
հայերի այդ ազատագրական շարժումը:

8 Ռ. Պատկանյան, Երկեր, Հայպետհրատ, 1955, էջ 194—195:

9 Ռ. Պատկանյան, Ընտիր երկասիրություններ, հատ. 1, էջ 177:

10 Նույն տեղում, էջ 148:

«Կարինի կոտորածը» բանաստեղծությունը Պատկանյանը նվի-
րում է անմեղ նահատակներին, փառաբանում է նրանց՝ ազգի ա-
զատության գործին ցուցաբերած արիության համար:

Այսպիսով, Պատկանյանը եղել է հայ ժողովրդի ազգային-
ազատագրական պայքարի մեծագույն գաղափարախոսներից մեկը:
Նա իր վրա կրում է Նալբանդյանի գաղափարական ազդեցությունը:

Կղերա-պահպանողական օրգանները ամեն տեսակի լուտանք
էին թափում նրա հասցեին այն բանի համար, որ նա իր գրիչը
նվիրեց ազգային-ազատագրական պայքարի գաղափարախոսու-
թյանը: Կղերա-պահպանողականներին խորթ էր նաև այն, որ
Պատկանյանը քննադատում ու մերկացնում էր հայ հարուստներին.
Կոմպրոպորական բուրժուազիային ու կղերական դասի բարբերը,
հայրենիքի ու ժողովրդի նկատմամբ նրանց ցուցաբերած սառնա-
սիրտ վերաբերմունքը:

Պատկանյանի պոեզիայի մեջ կարմիր թելի պես անցնում է
այն միտքը, որ ազգի ու նրա ազատագրության համար պայքարող
հիմնական ուժը ժողովուրդն է:

Սակայն Պատկանյանն իր երկերում դրսևորել է նաև ազգայ-
նական որոշ տրամադրություններ:

«Վարդան Մամիկոնյանի մահը» պոեմում Պատկանյանն իր
հերոսի բերանով քարոզում է հայերի ու պարսիկների միջև ցեղա-
յին անհաշտ թշնամանք սերնդից-սերունդ: Նա այդ տրամադրու-
թյունները դրսևորել է նաև «Թե իմ ալևոր հերքս սևնային» բանաս-
տեղծությունում: Նա պատրաստ է արյան գետերով ողողել Ասիան
ու Եվրոպան, երկնային շանթ ու որոտ պատուհասել հայերի վրա
իշխող, նրանց հարստահարող և իրավազրկող բոլոր զավակներին,
միայն թե հայն ազատ լինի և վերականգնի իր վաղեմի պետակա-
նությունն ու անկախությունը:

Պատմական իրադրությունները բոլորովին այլ էին: Հայ ժո-
ղովուրդը սուլթանական Թուրքիայում ապրում էր սոցիալական և
ազգային ճնշման բացառիկ ծանր պայմաններում: Հենց այդպիսի
հանգամանքները նկատի ունենալով, լենինը գտնում է, որ «ճնշված-
ազգերի յուրաքանչյուր բուրժուական նացիոնալիզմի մեջ կա հա-
մադեմոկրատական բովանդակություն ընդդեմ ճնշման»¹¹:

Լինելով հայ ժողովրդի ազգային-ազատագրական պայքարի
բոցաշունչ գաղափարախոս, Պատկանյանն այդ հարցում միանգա-
մայն սահմանազատվում է պահպանողականներից:

11 Վ. Ի. Լենին, Երկեր, հատ. 20, էջ 513:

Բաֆֆի.—Հայ ժողովրդի ազգային-ազատագրական պայքարի մեծ գաղափարախոսներից մեկը եղել է Բաֆֆին, որը իր վեպերով ու վիպակներով, իր հրապարակախոսական ելույթներով պրոպագանդել է թուրքական բռնապետությունից զինված ապստամբության ճանապարհով հայերի ազատագրության գաղափարը:

Հենց այդ գաղափարով են տոգորված նրա «Նենթ»-ը, «Ձալալեղդին»-ը, «Դավիթ-Քեկ»-ը, «Սամվել»-ը, «Սալբի»-ն, «Կայծերը», «Տաճկահայք»-ը և այլ վեպերն ու վիպակները: Բաֆֆու այս երկերը ժամանակին հնչել են որպես ազգային-ազատագրական պայքարի մարտական կոչեր:

Մնալով ռուսական ցարիզմի ռեակցիոն քաղաքականության նկատմամբ եղած ընդհանուր հակակրանքի դիրքերում, Բաֆֆին արևմտահայ ժողովրդի ազատագրության հույսը միաժամանակ կապում է Ռուսաստանի օգնության հետ:

«Տաճկահայք»-ում և ուրիշ աշխատություններում Բաֆֆին մերկացնում է Անգլիային և ցույց է տալիս, որ նա չի ցանկանում Հայկական հարցի լուծումը և ամեն կերպ արգելակում է Ռուսաստանին՝ նրա այդ ուղղությամբ եղած ձեռնարկումները, վախենալով նրա ազդեցության ու հզորության աճումից: Նա գրում է. «...անգլիացիք շուգեցին մտածել, որ եթե թուրքաց հայերը համակրությամբ էին վերաբերվում դեպի ռուսները, այդ ուներ յուր բնական պատճառները: Նրանք տեսնում էին ազգակիցներին ռուսական Հայաստանում ավելի բախտավոր վիճակի մեջ, մինչդեռ իրենք օրըստօրե մաշվում և ոչնչանում էին մի անարգ և նենգամիտ կառավարության բարբարոսությունից»¹²:

Բաֆֆին արևմտահայերի համար ստեղծված ծանր կացությունից դուրս գալու երկու ելք է նախատեսում: Առաջին՝ «կամ իրենք էլ սլավոնական ցեղերի նման պետք է զենք առնեն և...պատերազմի դաշտում մեռնին», և երկրորդ՝ «կամ իրենց բողոքը գրավոր արտահայտեին, պաշտպանեին իրենց իրավունքները մարդկության առաջ»¹³:

Այս վերջին ուղին Բաֆֆին չի ընդունում: Նա գտնում է, որ ամիրանների կուսակցությունը կամ հարմարվում էր գոյություն ունեցող պայմաններին, կամ ծվարվում էր օտարների ու դիվանագետների թևի տակ, իսկ երիտասարդությանը, նոր սերունդը, լու-

12 Բաֆֆի, Տաճկահայք, էջ 41—42:

13 Նույն տեղում, էջ 7:

սավորականների կուսակցությունը «իրավ է, պատրաստում են հեղափոխականներ, բայց չեն պատրաստում ասպարեզ դուրս եկող հերոսներ»¹⁴:

Իսկ ո՞վ է մնում, ո՞ւմ վրա է հենվում Բաֆֆին: Մնում է ժողովուրդը, որը ազատագրական շարժման հիմնական ուժն է, մնում են գյուղացիությունն ու արհեստավորները և առհասարակ դեմոկրատական լայն խավերը, պատմություն կերտողները, որոնց դերը հայ բուրժուական պատմագրությունը երևան չի հանել, մասսաներ, որոնք Հայկական հարցի լուծումը, իրենց փրկության հույսը տեսնում էին զինված ապստամբության և Ռուսաստանի օգնության մեջ: «Մեր պատմության մեջ գրեթե բոլորովին մոռացված է ամբոխը,— գրում է Բաֆֆին:—Մեր պատմագիրները չեն նկատել, որ բացի թագավորներից և իշխաններից, բացի հոգևորականներից ու զինվորներից, Հայաստանում կար և ժողովուրդ, որ ապրում էր, որ յուր կյանքն ուներ, որ յուր տոները, հանդեսները և ցնծություններն ուներ, և որի հոգեկան և բարոյական հակումներն արտահայտվում էին այս և այն հասարակական երևույթների մեջ:—Մեր պատմության մեջ ժողովուրդը չկա, կան միայն տիրապետողներ: Մենք չգիտենք, թե ինչպե՞ս էր ապրում հայց շինականը, ի՞նչ տեսակ հարաբերությունների մեջ էր յուր տերերի հետ, կամ ի՞նչ էր ուտում և ի՞նչ էր հագնում և ի՞նչ տեսակ զվարճություններ ուներ: Մենք չգիտենք, թե ի՞նչ էր շինում հայոց արհեստավորը, ո՞ր երկրների հետ առևտուր ուներ հայոց վաճառականը, կամ ի՞նչ տեսակ անասուններ էր սնուցանում հայոց խաշնարածը: Մեր պատմությունը լուռ է այդ բոլորի մասին»¹⁵:

Այսպիսով, Բաֆֆին կանգնած էր այն տեսակետի վրա, որ պատմությունը արքաների ու հոգևորականների պատմությունը չէ, այլ հասարակության նյութական բարիքները արտադրող ժողովրդի պատմություն է և իրավացիորեն կշտամբում է հայ պատմագիրներին, որոնք աչքաթող էին արել պատմության իսկական կերտողին՝ ամբոխին, ժողովրդին: Բաֆֆին փաստորեն մոտենում է պատմության մատերիալիստական ըմբռնմանը:

Ժողովրդական մասսաների դերի խոր ըմբռնումը հանդիսանում է Բաֆֆու դեմոկրատիզմի լավագույն արտահայտությունը. «...դեմոկրատը,— գրում է Լենինը,— հավատում է մասսային, մաս-

14 Բաֆֆի, Տաճկահայք, էջ 7:

15 Բաֆֆի, Սամվել, Հառաչարան, էջ 4:

սաների գործողութեանը, տրամադրութիւնները օրինականացմանը, մասսայի պայքարի մեթոդների նպատակահարմարութեանը»¹⁶։

Նալբանդյանի գաղափարական ազդեցութեամբ, Պատկանյանի և Բաֆֆու աշխատութիւններում մենք գտնում ենք պատասխան ազգային-ազատագրական շարժումների մեջ յուրաքանչյուր դասակարգի խաղացած դերի մասին։ Սրանք իրենց հույսերը չէին կապում ո՛չ հոգևորականութեան, ո՛չ վաճառականութեան դասի, և ոչ էլ ամիրանների դասի հետ, որոնք որպէս իշխող և շահագործող դասեր, լուրջ արգելք էին հասարակութեան առաջադեմ ուժերի զարգացման ճանապարհին։

«Տաճկահայք»-ում Բաֆֆին գրում է. «Այժմ կարծեմ հասկանալի եղավ, թե ինչ տեսակ անձերից է բաղկացած Կ. Պոլսում այն կուսակցութիւնը, որ մենք յուր հին անունով կոչեցինք ամիրանների կուսակցութիւն, մի կարգ մարդիկ, որ անունով միայն հայ են, իսկ սրտով թուրքերից ավելի թուրք, որոնք անձնական շահը պաշտպանելու համար, հայտնի բան է, կցանկանան միշտ կանգուն տեսնել թուրքիան իր կառավարութեան այժմյան անկարգ այլանդակութեան մեջ»¹⁷։

Նույնպիսի ատելութեամբ Բաֆֆին մերկացնում է հոգևոր դասի վերնախավերին, որոնք ժողովրդի մեջ դաստիարակել են հնազանդութեան ստրկական ոգի։ «Եթե մի օր հայոց աստվածը կհնդրե չալաստանի կործանման ու նրա զավակների արյան վրեժը մեր ազգային թշնամիներից,—գրում է նա,—առաջին պատասխանատունը կլինեն մեր եկեղեցականները։ Դրանք թաղեցին ժողովրդի սիրտը-խլեցին նրա քաջութիւնը, մեռցրին նրա բոլոր կենսական ուժերը, և քրիստոնեական խոնարհութեան, քրիստոնեական համբերութեան անունով սովորեցրին նրան ստրուկ լինել»¹⁸։

Բաֆֆին անարգում է հայ ժողովրդի վերասերված, ունևոր խավերի այն դասերին, որոնք իրենց գծուծ շահերի համար դավաճանում էին հայրենիքին ու ժողովրդին. «Ով որ իր ազգը, իր հայրենիքը չի սիրում,—գրում է նա,—իրավունք չունի օտարներից սեր պահանջելու»¹⁹։

Ազգի ու հայրենիքի սիրո գաղափարները Բաֆֆին տեսնում է

16 Վ. Ի. Լենին, Երկեր, հատ. 17, Հայպետհրատ, 1950, էջ 357։

17 Բաֆֆի, Տաճկահայք, էջ 13։

18 Բաֆֆի, Դավիթ-բեկ, Երկերի ժողովածու, հատ. 6, Հայպետհրատ, 1956, էջ 292։

19 Նույն տեղում, էջ 136։

ժողովրդի մեջ, ժողովուրդ, որը ղեկավարների, ազգին ու հայրենիքին նվիրված առաջնորդների կարիք ունի. «...Հայի սրտում չի հանգում հայրենասիրութեան կայծը,—գրում է նա,—բավական է փշել նրա վրա և ահա նա կբորբոքվի, կբոցավառվի...»²⁰։

Պաշտպանել ազգն ու հայրենիքը, բացահայտել եղած թերութիւնները, ամեն կերպ օգնել հայրենիքի բարգաւաճմանը, պաշտպանել այն օտար բռնակալներից,—այս էր Բաֆֆու կարևոր հոգսը։ «Մենք մի ազգ ենք,—գրում է նա։—Ազգը—մի մեծ անհատ է, որ ունի իր սեփականութիւնները։ Մենք էլ ունենք մեր հայրենիքը, որ մեր հորերից մնացել էր մեզ որպէս ժառանգութիւն։ Այդ հողի վրա, որպէս մեր սեփական տան մեջ, մենք ազատ վարում էինք, ցանում էինք, հնձում էինք ու հանգիստ ապրում էինք... բայց թըշնամին եկավ, բոլորը հափշտակեց, բոլորը ոչնչացրեց և մեզ ստրուկ դարձրեց»²¹։

Ազգի ու հայրենիքի ազատութեան ու անկախութեան համար մղված պատերազմը, ժողովրդի ազգային-ազատագրական պայքարը Բաֆֆին համարում է սրբազան ու արդարացի. «...հայրենասիրութիւնը, ազգասիրութիւնը ամեն մի անհատի սուրբ պարտականութիւնն է։ Եվ հայրենիքի ազատութեան, հայրենիքի պաշտպանութեան համար կատարված պատերազմը սուրբ պատերազմ է»²²։

Հետևապէս Բաֆֆին պահանջում է, որ յուրաքանչյուր հայի գործունեութիւնը առաջին հերթին ծառայի հայրենիքի շահերին. հայրենասիրութիւնը պետք է տոգորի բոլորին։ «Հայրենիքի սերը և նրա ազատութեան միտքը պետք է թագավորի ամեն գործողութիւնների վրա,—գրում է նա,—և ամեն ինչ պետք է զոհվի այդ ազատութիւնը գնելու նպատակին»²³։

Իր հերոսներից մեկի՝ Վարդանի բերանով դիմելով ժողովրդին, Բաֆֆին ասում է. «Մենք պետք է կովենք բռնութեան, անարդարութեան և ստրկութեան դեմ... Ես իմ հույսը դրել եմ իմ նեղված, տանջված, հարստահարված ժողովրդի վրա և ձեզ վրա, եղբայրներ, որ ժողովրդի ներկայացուցիչներն եք։ Հավատքով, անկեղծութեամբ, անձնազոհութեամբ դիմենք մեր նպատակին,—և այդ նրա հաջողութեան ամենագլխավոր պայմանն է»²⁴։

20 Բաֆֆի, Դավիթ բեկ, էջ 239։

21 Նույն տեղում, էջ 293։

22 Նույն տեղում, էջ 295։

23 Նույն տեղում, էջ 297։

24 Նույն տեղում։

Ազգային-ազատագրական շարժման գլխավոր ուժը համարելով ժողովուրդը, Բաֆֆին միաժամանակ խարազանում է ժողովրդի մեջ եղած որոշ խավերի դանդաղկոտությունն ու պասիվությունը՝ նրանց ակտիվացնելու, ազատագրական պայքարի մեջ նրանց ներգրավելու նպատակով: Բաֆֆին բարձր է գնահատել ժողովրդական մասսաների դերը ազատագրական պայքարում և ամբողջովին կողմնորոշվել է դեպի մասսաները. «Նրբ մի ժողովուրդ այնքան զարգացած է, որ հասկանում է յուր իրավունքները և հասկանում է, որ ինքը բռնաբարվում է և միևնույն ժամանակ այնքան պատրաստված է, որ կարող է ընդդիմադրել բռնակալի ընդդիմադրությանը, ժողովուրդն ինքն է բողոք բարձրացնում, թե՛ զենքով և թե՛ խոսքով: Այդ լինում է հեղափոխական ցույցերով և դրան ասում են, թե ազատության զգացմունքն արմատից է ծագում, ամբոխի սրտից է բխում, ցածից դեպի վեր է բարձրանում:

Իսկ երբ ժողովուրդը զարգացած չէ և գտնվում է մի այնպիսի հիվանդոտ դրության մեջ, որ միայն զգում է յուր ցավերը, բայց դարման անելու շնորհ չունի, այն ժամանակ նրան յուր թշվառ վիճակից ազատելու հոգսը վերեկից դեպի ցած է իջնում: Դա հայտնվում է բարձր կենտրոններում, մայրաքաղաքներում, ուր գտնվում են ժողովրդի ավելի զարգացած, գործունյա դասերը: Ամբոխը ենթարկվում է այդ դասերին և կրավորական դեր է խաղում:

Առաջին միջոցը արմատական է, իսկ վերջինը ներգործական»²⁵:

Բաֆֆու ստեղծագործություններում միաժամանակ երևան է գալիս սուբյեկտիվ գործոնների ակտիվ, վերափոխող և ուղղություն տվող դերն ու նշանակությունը: Նրա դրական հերոսները հենց այդ սուբյեկտիվ ուժերն են, որոնք կապված են ժողովրդի հետ և կոչված են դաստիարակելու, ուղղություն տալու նրա ազատագրական պայքարին, մոբիլիզացնելու նրան և բարձրացնելու նրա ազգային ինքնագիտակցությունն ու ինքնաճանաչողությունը:

Պարսկական և թուրքական բռնակալների ծանր լծից ազատագրվելու համար մղվող պայքարի վճռական օրերին հայ ժողովուրդը առաջ է քաշում իր անվանի զավակ, հայրենիքին ու ժողովրդին անհուն սիրով նվիրված Դավիթ բեկին, որին ասում է. «Դանակը ոսկորին է հասել... Մեր ստրկության լուծը օրըստօրե ծանրացավ, մեր վիճակի դառնությունն օրըստօրե սաստկացավ: Այժմ ժողովուրդը ուխտել է կատարել մի վճռական գործ՝ կամ միան-

25 Բաֆֆի, Տաճկաստան, էջ 8:

գամայն կործանվել և բնաջինջ լինել, կամ բոլորովին ազատվել մահմեդական բռնակալությունից: Բայց ժողովրդին պետք է մի փորձված ձեռք, որ առաջնորդի նրան: Այդ ձեռքը նախախնամության կամքով պետք է լինի քունը...»²⁶:

Փառաբանելով հայ ժողովրդի անձնուրաց ու ազնիվ զավակներին, Բաֆֆին ընդգծում է հայ ժողովրդի վեհությունն ու առաքինությունը: Վարդան Մամիկոնյանի դյուցազնական սխրագործությունների, նրա ժողովրդականության մասին Բաֆֆին գրում է. «Ձեզանից ամեն մեկը գիտե, թե ով էր Վարդանը: Բայց զուցե շատերը չգիտեն, թե ինչ էր Վարդանը,—Վարդանը մի ամբողջ ժողովուրդ էր. Վարդանը այդ ժողովրդի մարմնացած բողոքն էր: Բողոք՝ բռնության դեմ, բողոք՝ անարդարության դեմ, բողոք՝ անազնվության դեմ...: Վարդանի անձնավորության մեջ միացած էր ժողովուրդը: Նրա փառքը ժողովրդին է պատկանում: Վարդանը,— ինքը ժողովուրդն էր... Վարդանը ժողովրդի հոգու արտահայտության ծնունդն էր»²⁷:

Իր վրա կրելով նալբանդյանի զաղափարական խոր ազդեցությունը, Բաֆֆին հանդես էր գալիս որպես ազատության խոշոր երգիչ: Նրա բոլոր դրական հերոսները տողորված են ազատության վեհ զաղափարներով և պայքարում են իրենց ազգի ու ժողովրդի ազատագրության համար: Իր հերոսների բերանով Բաֆֆին ապացուցում է, որ ազատությունը հանդիսանում է կենդանի օրգանիզմի զարգացման անհրաժեշտ պայմանը, մարդու գլխավոր հատկանիշներից մեկը: Բաֆֆու հերոսները լավ են գիտակցում, որ ազատությունը թանկ է բնության շնորհած բոլոր բարիքներից. «...ազատությունը,—գրում է Բաֆֆին,—մարդու ընդաբույս բնազդմաներից մեկն է, նա ստեղծված և ծնված է մարդու հետ... Ազատությունը... մարդու հասարակական կյանքի մթնոլորտն է, որի մեջ զարգանում է նա, կատարելագործվում է և հասնում է իր մարդկային բարձր նշանակությանը: Որքան ճնշված, որքան սահմանափակված լինի այս մթնոլորտը, այնքան մարդը անզոր, ծուլ ու բթամիտ կմնա: Ազատությունը մարդ սովորում է ազատության մեջ»²⁸:

Խոշոր և կարևոր նշանակություն տալով սուբյեկտիվ գործոններին, առաջավոր անհատներին և պրոգրեսիվ զաղափարներին.

26 Բաֆֆի, Դավիթ բեկ, Երկերի ժողովածու, հատ. 6, էջ 132—133:

27 Նույն տեղում, էջ 287—288:

28 Բաֆֆի, Կայծեր, Երկերի ժողովածու, հատ. 4, էջ 490—491:

Բաֆֆին գրում է, որ ազատագրական պայքարի գաղափարախոսությունը պետք է դառնա մասսաների սեփականություն հենց այդ առաջավոր մարդկանց միջոցով: Այդ անհատները պետք է ժողովրդին լուսավորեն, կրթեն, բարձրացնեն նրա ազգային ինքնագիտակցությունը, մոբիլիզացնեն և ուղղություն տան նրա պայքարին: Այդպիսի անհատներ Բաֆֆին համարում է երիտասարդներին, որոնք կրթված ու լուսավորված լինելով ազատագրական պայքարի գաղափարախոսությունում, դառնում են քաջ ու համարձակ:

«Խենթ»-ի հերոսներից մեկի՝ Միքայել Դուգուկչյանի բերանով Բաֆֆին ասում է. «Երբ որևիցե ժողովրդական շարժման գաղափարը մի քանի անհատների երևակայության ցնորք է միայն, և տակավին չէ ընդհանրացել, չէ պատրաստվել ամբոխի գոնե մի մասի մեջ, — մի հարվածով կարելի է ոչնչացնել բոլորը, երբ առաջնորդող անձինքը ոչնչացված կլինեն: Բայց ամբոխը ուրիշ բան է, ամբոխի մեջ միտքը սպանել անհնարին է»²⁹:

Բաֆֆին միանգամայն ճիշտ է հասկանում այն իրողությունը, որ ժողովրդի առաջնորդ ու ղեկավար դառնալու համար, հարկավոր է գիտակցել նրա առջև կանգնած նպատակը: Լինել կրթված ու լուսավորված, որովհետև նպատակի խոր և բազմակողմանի գիտակցումը, ուսումն ու լուսավորությունը ուժ են տալիս ազատագրական շարժմանը, մարդուն դարձնում են արի ու քաջ: «Իսկական քաջ լինելու համար, — ասում է նա, — պետք է գիտակցաբար ոգևորված լինել որևիցե գաղափարով»³⁰:

Բաֆֆին դատապարտում է արևմտանվորական օրինատացիայի սիրահարներին: Նա արևմտահայ ժողովրդի ազատագրության հույսը կապում է Ռուսաստանի և Արևելահայաստանի կողմից նրան ցույց տրվող օգնության հետ: Եվրոպական լուսավորված ազգերին Բաֆֆին համարում է վամպիրներ, որոնք իրենց խորամանկ քաղաքականությամբ ծծում են իրենց զոհերի արյունը և կողոպտում նրանց ունեցվածքը:

Պահանջելով օգտագործել ռուս-թուրքական պատերազմի հետ կապված բարենպաստ հանգամանքները հայերի ազատագրության համար, Բաֆֆու հերոսներից Դուգուկչյանը կոչ է անում հայերին՝ ակտիվ կերպով մասնակցել պատերազմին, օգնել ռուսներին, ցուցաբերել քաջագործություններ և հավատացնում է, «որ ռուսներն ամեն կերպ կօգնեն մեզ»³¹:

Հավատ ժողովրդի ուժերի ու ընդունակությունների նկատմամբ, հավատ երիտասարդության հեղափոխական ոգևորության, անձնագոհության ու քաջության նկատմամբ, զուգադիպում են Բաֆֆու «Հայ երիտասարդությունը» աշխատության մեջ ոգևորությամբ փառաբանված Փարիզի այն հեղափոխական երիտասարդությանը, որը 1871 թվականի Փարիզի կոմունայի օրերին գնեքը ձեռքին պայքարում էր Ֆրանսիայի ժողովրդի ազատության համար: «Ով փոքրի շատե ծանոթ է Ֆրանսիայի պատմությանը, — գրում է Բաֆֆին, — գիտե, թե որպիսի մեծ դեր խաղացին ուսանողները 1830 և 1848 թվականներում և մանավանդ կոմունայի ժամանակ»³²:

Բաֆֆին դատապարտում է հայ ունևոր և իշխող դասակարգերին, որոնք իրենց նեղ շահերից ելնելով, դավաճանում էին ազգի շահերին, ժողովրդի շահերը զոհում էին բռնակալներին, դառնում էին նրանց ձեռքին կուլը գործիք, որոնց միջոցով բռնակալներն իրենց քաղաքականությունը օրինական ձև էին տալիս: Այդ դասակարգերի որոշ մարդկանց դավաճանական արարքները Բաֆֆին ներկայացնում է Թոմաս էֆենդու կերպարով:

1884 թվականին լույս է տեսնում Բաֆֆու նշանավոր «Կայծեր»-ը: Այս իր ստեղծագործությամբ Բաֆֆին հայերին ակտիվ ինքնապաշտպանության, խիզախության ու աննկուն կամքի է կոչում. «Թե՛ բնության մեջ և թե՛ մարդկային կյանքում, — գրում է նա, — ոչինչ առանց պատճառի չի կատարվում: Մենք տեսնում ենք, որ ամեն մի ճնշված ու սահմանափակված զորություն, որքան ավելի սեղմվում է, այնքան ավելի զարգանում է նրա մեջ ընդդիմահատության ուժը: Այնուհետև նա պիտի պայթի, նա պիտի խորտակի իրեն սահմանափակող պատվարը և իր բնական ազատ ծավալականության պիտի հետևի: Ժողովուրդը, ամբոխը, նույնպես մի զորություն է: Նա երկար չի կարող համբերել իրեն ճնշող և ստրկացնող կոպիտ ձեռքին: Նա վերջապես պիտի խլրտի, պիտի խորտակի իր շղթաները և պիտի թոթափե բռնակալի լուծը: Բուպեն հասել է... Այս գրության մեջ է այժմ մեր ժողովուրդը»³³:

Բռնության ու ճնշման նկատմամբ աճում էր մասսաների ցուսումը: Բռնակալության դեմ ուղղված ատելությունը բոցավառվում է ժողովրդի սրտում: Ազատության տենչը նրան մաքառման ուժ ու եռանդ է ներշնչում: Իրավացի է Բաֆֆին ասելով, որ «ազատության

29 Բաֆֆի, Խենթ, Երկերի ժողովածու, հատ. 3, էջ 274:

30 Բաֆֆի, Տաճկահայք, էջ 50:

31 Բաֆֆի, Խենթ, էջ 192:

32 Բաֆֆի, Հայ կինը և հայ երիտասարդությունը, Քիֆլիս, 1890, էջ 92:

33 Բաֆֆի, Կայծեր, Երկեր, հատ. 4, էջ 478:

հայրը բռնությունն է, իսկ մայրը՝ անիրավությունը»³⁴: Բաֆֆին իրավացիորեն նշում էր, որ երբ ժողովուրդը գիտակցում է ազատության անհրաժեշտությունը, այլևս չի կարող տանել բռնակալների լուծը, ոտքի է կանգնում ու թոթափում է այդ լուծը, փշրում է իրեն կաշկանդող շղթաները և նվաճում է իր ազատությունը: Ժողովրդի մեջ ազատության անհրաժեշտության գաղափարը պետք է մտցնեն նրա ղեկավարները: «Լինում է, այո,—գրում է նա,—որ մի ամբողջ ժողովուրդ ինքն է կանգնում ոտքի վրա, ինքն առանց օտարի ձեռնատվության թոթափում է իր վզից ստրկության լուծը: Բայց դա լինում է այն ժամանակ, երբ նա բավականին հասկացել է, թե ինչ բան է ազատությունը: Եթե մեր ժողովրդի առաջնորդող մասը նրան այդ շավիղի մեջ դրած լիներ, նրան այնպիսի ուղղություն տված լիներ, որ վերջապես հասկանար, թե որքան վատ է օտարի կոպիտ ուժի տակ ճնշված գրությունը, թե որքան լավ է իր սեփական հողի վրա իր քրտինքով ազատ ապրելը,—մեք գործը շատ հեշտ առաջ կերթար»³⁵:

Ժողովրդի ինքնապաշտպանության կազմակերպման և ազգային ինքնագիտակցության բարձրացման լավագույն զենքերից մեկը Բաֆֆին համարում է գիտությունն ու լուսավորությունը: «Առանց հիմնավոր գիտության,—գրում է նա,—մարդ չի կարող օգուտ բերել ո՛չ իր ազգին, ո՛չ իր հայրենիքին, և ոչ էլ մարդկությանը»³⁶:

Առանց գրքի չկա գիտություն, ժողովուրդը դպրոց է, նրան պետք է դիրք ու բանաստեղծություններ տալ, առաջավոր գաղափարներով զինել նրան, որովհետև «մի գիրք կարող է փրկել մի ամբողջ ազգ»³⁷:

Հենց այդ վեհ նպատակին են ծառայում «Կայծեր»-ի հերոսները՝ Ասլանը, Կարոն, Ֆարհատը և ուրիշներ, որոնք կոչված են բորբոքելու ժողովրդի հայրենասիրական զգացմունքները, բարձրացնելու նրա ազգային ինքնագիտակցությունը, կազմակերպելու նրա ինքնապաշտպանությունը, կրթելու և լուսավորելու նրան, մոբիլիզացնելու նրա ուժերը բռնակալների լուծը խորտակելու, ազգի ազատությունն ու անկախությունը նվաճելու համար:

Այդպիսիներից է, որ ժողովրդի չհանգած կայծերից պետք է առաջացնել մեծ հրդեհ: Անհրաժեշտ է ուժ տալ այդ կայծերին, բո-

34 Բաֆֆի, Կայծեր, էջ 478:

35 Նույն տեղում, էջ 487:

36 Նույն տեղում, էջ 456:

37 Նույն տեղում:

ցավառել ու թեժացնել կրակը: «Այո՛,—գրում է Բաֆֆին,—հանդած չեն, բայց մնացել են նրանց անզոր կայծերը միայն, որոնց պետք է շունչ տալ, բորբոքել, մինչև նրանք բոցավառվեն: Իսկ դա կլինի տոկուն և հիմնավոր կրթության մեջ, որպեսզի ժողովուրդն ինքը հասկանա, թե որքան լավ է ազատությունը, որքան հանգիստ և ուրախ է լինելու մարդու կյանքը, երբ նա ազատ է»³⁸:

Ողջունելով զեյթունցիներին՝ իրենց անձնուրաց ու հերոսական պայքարի համար, Բաֆֆին դատապարտում է արևմտահայ լիբերալներին, որոնք ղեռնա որոշ ակնկալություններ ունեին արևմտակարողական դիվանագիտությունից, փոխանակ ղեկավարելու ժողովրդի ազգային-ազատագրական շարժումները: «Զեյթունից,—գրում է նա,—ապստամբության ձայն էր լսվում: Այդպիսի մեջ որոնում են մի ինչ-որ դավադրություն, Կ. Պոլսում այդ միջոցին զբաղված էին երկու հանելուկային թվերով՝ 16 և 61»³⁹:

Այսպիսով, Բաֆֆին չի գերազանահատել անհատի դերը: Նա իր դրական հերոսների, հայ ժողովրդի լավագույն զավակների պատմական դյուցազնական սիրագործությունները վեր հանելով, փառաբանում է հայ ժողովրդի փառքն ու վեհությունը: Նա ժողովուրդն է համարում պատմության կերտող. հերոսների դերը ստորադասել է ժողովրդի դերին, ճիշտ է տվել ժողովրդի ու հերոսների նպատակների ու գործողությունների դիալեկտիկական միասնությունը, ճիշտ է ըմբռնել սուբյեկտիվ գործունեների դերը պատմության անիվի շարժումն արագացնելու գործում: «...Մենք բոլորովին հուսահատ չենք,—գրում է Բաֆֆին,—մենք ունենք... մեծ զորություն—ամբոխը—դա բավական է...»⁴⁰:

Բաֆֆին ազգային ղեմոկրատ է, ազգային-ազատագրական պայքարի բոցաշունչ գաղափարախոս, մեծ հայրենասեր: Նա իր ամբողջ կյանքը նվիրել է իր ազգի ազատության ու անկախության վեհ նպատակին:

1858 թվականին Բաֆֆին ավարտեց «Սամվել» խորագրով իր պատմավեպը, որը տողորված է ջերմ հայրենասիրությամբ և ազատագրական պայքարի գաղափարախոսությամբ:

Ռուսական ցարիզմի և թուրքական սուլթանիզմի կողմից հայ ժողովրդի ասիմիլացման քաղաքականություն էր տարվում: Հայ ազգի գոյությունը վտանգված էր: Իր այդ վեպով Բաֆֆին հայ ժո-

38 Բաֆֆի, Կայծեր, էջ 490:

39 Նույն տեղում, էջ 477:

40 Նույն տեղում, էջ 491:

ղողվողին սպառնացող վտանգի դեմ միասնական պայքարի կոչ է անում:

Չորրորդ դարը վերականգնվում էր: Այն ժամանակ պարսկական բռնակալները կամենում էին հրի և սրի ճանապարհով ոչնչացնել հայ ժողովրդին, ասիմիլացման ենթարկել նրան: Բայց հայ դուրացազները իրենց արյան գնով փրկեցին ժողովրդին սպառնացող վտանգից:

Բաֆֆին այդ նոր պայմաններում հայ ժողովրդին ցարիզմի ու սուլթանիզմի նենգ դիտավորությունների դեմ պայքարելու կոչ է անում:

Ազգն ու հայրենիքը տեսնել ազատ ու անկախ, տեսնել նրանց աճման ու զարգացման երջանիկ ուղու վրա,—այս է Բաֆֆու նվիրական իդձը:

Մեծ է եղել Բաֆֆու դերը ազգային-ազատագրական պայքարի գաղափարախոսության պրոպագանդման գործում: Նա որպես խոշոր արվեստագետ և բոցաշունչ հայրենասեր, միշտ էլ կենդանի է մնում հայ ժողովրդի համար: Նրա լավագույն ստեղծագործությունները արթնացրել են մտքերը և հայ ժողովրդին օգնել են առաջ շարժվելու և ընթանալու ազատագրության ուղիով:

«Բաֆֆին և հայ վիպասանությունը» խորագիրը կրող հոդվածում Ա. Արփիարյանը գրում է. «Մերենց, Մամուրյան, Պերճ Պոռչյան, Տեր-Սարգսենց, իրենց գլուխ ունենալով Բաֆֆին, կներկայացնեն հայ ազգի ոգին և ի նման տիրապետող գաղափարներին... Ազգ մը որուն մեջ այնքան զանազան կարգի բաժանումներ կտիրեն, ազգ մը որ թեպետ այնքան ցիր ու ցան չէ, որքան սխալամբ կկարծվի լինել, բայց կգտնվի ընդ հովանյավ այնպիսի տերությունց, որք իրարմե բոլորովին տարբեր քաղաքականության կսպասկանին, այդ ազգը թե յուր հողին վրա և թե յուր գաղթականության մեջ կանուցանե գաղափարներու համերաշխություն: Պ. Բաֆֆին այդ գաղափարներու ամենեն կենդանի ներկայացուցիչը հանդիսացավ»⁴¹:

Վանի երիտասարդ հայրենասերները արծաթյա ոսկեգոծ թանաքաման են ուղարկում Բաֆֆուն, հետևյալ մակագրությամբ. «Վանի հայ երիտասարդությունը Բաֆֆին, 1884, փետրվարի 16»:

«Մշակ»-ի խմբագրությանը ուղարկած իրենց հեռագրում նրանք գրում են. «Վանի երիտասարդությունը այս բուպնիս տոնում է Բաֆֆիի հորեկյանը: Կեցցե Բաֆֆին»⁴²:

⁴¹ «Մասիս», 1884, № 3734, էջ 130—131.

⁴² «Մշակ», № 39, 1884.

Այսպիսով, Բաֆֆին հանդես եկավ որպես հայ ժողովրդի ազգային-ազատագրական պայքարի գաղափարախոս, մեծ արվեստագետ ու հայրենասեր: Նա կարողացավ նայել միշտ դեպի առաջ և իր վեպերով ու վիպակներով, իր հրապարակախոսական ելույթներով առաջ էր մղում հայ հասարակական-գաղափարական միտքը, օգնում ժողովրդին՝ գտնելու իր ազատագրության ուղին:

ԳՐ. ԱՐԾՐՈՒՆՈՒ ԵՎ ՆՐԱ ՕՐԳԱՆ «ՄՇԱԿ»-Ի ԴԵՐԸ ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐԻ ՊՐՈՊԱԳԱՆԴԱՆԻ ԳՈՐԾՈՒՄ

Արևմտահայ ժողովրդի ազգային-ազատագրական պայքարի ու նրա գաղափարախոսության ծավալման բնագավառում նշանակալից դեր են խաղացել Գր. Արծրունին և նրա օրգան «Մշակ»-ը:

«Մի՞թե այժմ հայերի հերքը չէ՞» վերնագրով առաջնորդող հոդվածում, Բալկանյան սլավոն ժողովուրդների զինված ապստամբության փորձից ելնելով, Գր. Արծրունին պահանջում է, որ արևմտահայերը նույնպես զենքի դիմեն: «Մենք կարող ենք այնուամենայնիվ այն համոզմունքին մնալ,—գրում է նա,—որ թուրքաց տերության պես վայրենի, բարբարոս տերությունից մարդկային իրավունքները պահանջելու համար ուրիշ ճանապարհ չկա, եթե ոչ զենքը ձեռքին արյուն թափելով»⁴³:

«Գոյության կովի համար» առաջնորդող հոդվածում Գր. Արծրունին նորից արևմտահայերին զենք վերցնելու կոչ է անում: Հայերի համար ստեղծված օրհասական դրությունից դուրս գալու միակ ելքը նա համարում է զինված ապստամբությունը:

Ողջունելով պեթունցիների 1878 թվականի զինված ելույթը, Արծրունին գտնում է, որ հայերի մեջ արդեն հասունանում է զինված ապստամբության գաղափարը, որ նրանք արդեն գիտակցում են ապստամբության անհրաժեշտությունը, որ նրանք արդեն զենքի են դիմում: «19-րդ դարի,—գրում է նա,—քաղաքական բարոյականությունը այն է՝ «Ծս ապստամբվում եմ, ուրեմն ես կամ»⁴⁴:

Ունենալով ռուսական օրինատացիա և արևմտահայերի ազատագրության հույսերը կապելով արևելյան պատերազմներում Ռուսաստանի հաջողությունների և նրա օգնության հետ, Արծրունին, Բաֆֆին և «Մշակ»-ի մյուս հրապարակախոսները արևմտահայերին

⁴³ «Մշակ», № 182, 1877.

⁴⁴ «Մշակ», № 165, 1878.

կող են անում կազմակերպել ապստամբական ջոկատներ, օգնել ռուսական զորքերին:

«Այսպես է միշտ» վերնագրով առաջնորդող հոդվածում Արծրունին գրում է. «...միայն զենքը, արյունը, բռնի ուժը, այդ հնացած միջոցները մեր լուսավորված դարում զին ունեն մի ազգության գոյության մասին վկայելու համար»⁴⁵:

Զարգացնելով իր այդ թեզը «Քաղաքական մտածմունքներ» առաջնորդում Արծրունին գրում է, որ Հայկական հարցը կամ արևմտահայության ազատագրության հարցը կլուծվի միայն զենք վերցրած հայերի ձեռքով: «...Թուրքաց հայերի ձեռքով զենքի բարձրացնելը ավելի կառաջացնի հայոց խնդիրը,— գրում է նա,— քան թե նրանց ամենազորեղ բողոքները թուրքերի և քրդերի հարստահարության դեմ»⁴⁶:

Արծրունին չի հրաժարվում եվրոպական տերությունների միջամտությունից ու օգնությունից: Նա քննադատում է նրանց խոստմնազանցության, իրենց հանձն առած պարտավորությունների կասարման ուղղությամբ ցուցաբերած անվճռականության և անհետևողականության համար, իսկ հայերի զինված ելույթները պետք է հարկադրեն նրանց արագացնելու իրենց միջամտությունը:

Ձանազան առիթներով Գր. Արծրունու խաղացած դերի մասին մենք խոսել ենք մեր աշխատության համապատասխան էջերում, շատ մեջբերումներ ենք արել նրանից: Արծրունին հիմնադրեց «Մշակ» թերթը և այն ծառայեցրեց որպես ազգային-ազատագրական պայքարի գաղափարախոսության պրոպագանդան ամբիոն:

«Մշակ»-ը հանդիսացավ ազգային-ազատագրական պայքարի գաղափարախոսության, արևմտա-եվրոպական տերությունների դիվանագիտության կեղծ խոստումների մերկացման և հայ ժողովրդին զինված ապստամբության կոչելու հրապարակային օրգան: Ավելին. այն հանդիսացավ որպես ժամանակի հայ առաջավոր մտքի, առաջավոր հրապարակախոսության, քննադատական մտքի ծավալման և հետադիմական ուղղությունների դեմ պայքարող մարտական օրգան: Նրա ակտիվ գործակիցներն ու հրապարակախոսներն էին Գր. Արծրունին և Բաֆֆին:

«Մշակ»-ը,— գրում է Բաֆֆին,— յուր մոզական հարվածով միանգամից շարժեց հասարակական թմրած մարմինը: Մարդիկ

45 «Մշակ», № 138, 1880.

46 «Մշակ», № 156, 1880.

հանկարծ աչքերը բաց արին, սկսեցին մտածել իրենց գործերի վրա, սկսեցին մտածել իրենց պետքերի վրա: Լրագիրը դարձավ հասարակության դաստիարակ և, միևնույն ժամանակ, նրա ընդհանուր կարիքների արտահայտությունը:

«Մշակ»-ը ընդարձակեց, լայնացրեց հայկական աշխարհի նեղ հորիզոնը ոչ միայն Ռուսաստանի հայի, այլ ամենուրեք, ուր հայերն էին ապրում...»⁴⁷:

Այնուհետև Բաֆֆին իր այդ նույն հոդվածում նշում է այն լուրջ և խոշոր նշանակությունը, որ ունեցավ «Մշակ»-ը հայ հասարակական, գաղափարական քննադատական մտքի և հայ վիպասանության վրա: «Վաղեմի ավանդական ինքնախաբեության փոխարեն,— գրում է նա,— սկսեց տիրապետել կրիտիկական հայացքը: Ինքնաքննադատությունը և ինքնաճանաչողությունը— ահա այն գրողը և առաջ մղող տեսակետը, որով սովորեցրեց նա հայ հասարակությանը մտածել յուր պետքերի և յուր թերությունների վրա»⁴⁸:

Իբրև հայ լիբերալիզմի օրգան, «Մշակ»-ը շարունակեց և առաջ տարավ «Հյուսիսսփայլ»-ի տրագիցիաները: Իր երևան գալու առաջին իսկ օրից (1872), նա պայքար է մղել կղերապահական հոսանքի և մյուս հետադիմական ուղղությունների դեմ, որոնք լուրջ արգելք էին հանդիսանում հայ հասարակական-գաղափարական մտքի զարգացման և ազատագրական պայքարի գաղափարախոսության ծավալման գործին: «Այդ բոլորը, իհարկե,— գրում է Բաֆֆին,— չէր կարող չգրգռել խավարամոլների բարկությունը: Հին փարիսեցին կատաղեց, հին դպրոցը փրփրեց և ամեն կողմից սկսեց քարեր արձակել: Բայց քաջ մարտիկը անվեհեր կերպով առաջ տարավ յուր սկսած գործը և լավ տարավ»⁴⁹:

Բաֆֆու մահվանից մեկ տարի հետո «Մշակ»-ի էջերում լույս տեսած նրա այս հոդվածը մի մահախոսական և լուրջ ապատակ էր խավարամոլներին, որոնք սկսեցին քարկոծել «Մշակ»-ին այն բանի համար, որ նա տպագրել էր Բաֆֆու վեպերն ու վիպակները, որոնք նոր դարագլուխ էին հայ գրականության համար և հագեցված էին ազատագրական պայքարի գաղափարներով:

Կղերա-պահականները փորձում էին «Մշակ»-ին մեղադրել դավաճանության, կաշառվածության և այն բանի համար,

47 «Մշակ», № 9, 1889.

48 «Մշակ», № 9, 1889.

49 Նույն տեղում:

որ նա շարունակում էր «Հյուսիսսփայլ»-ի արագիցիաները, քննադատում էր եկեղեցու սպասարկուների այլանդակությունները, պրոպագանդում էր ազգային-ազատագրական պայքարի և զինված ապստամբության գաղափարախոսությունը և մեծարում էր Րաֆֆուն:

«Մշակ»-ի և Րաֆֆու դիրքերի պաշտպանությունը հանդես եկավ Գր. Արծրունին, մինչև վերջ մերկացրեց «Մեղու»-ի խմբագիր Սիմոնյանցին, որը զայրացած էր «Մշակ»-ի խմբագրության դեմ՝ Րաֆֆու երկերի տպագրության համար:

Պաշտպանելով Րաֆֆուն, բարձր գնահատելով նրա ստեղծագործությունները հայ ժողովրդի ազատության և հայ կուլտուրայի զարգացման ու հարստացման գործում, Գր. Արծրունին գրում է. «Նրա (իմա՝ Րաֆֆու—Չ. Վ.) վեպերը... կկազմեն հայոց նոր գրականության մեջ մի նոր դարագլուխ: Խավարամիտ «Մեղու»-ն... աշխատում է մոլորեցնել հասարակության այդ տեսակ բթացնող և անազնիվ լոգիկայով»⁵⁰:

«Մամուլի անբարոյականությունը» հոդվածում Րաֆֆին Սիմոնյանցին որակում է որպես անազնիվ, գրականության և մամուլի բարբերն արատավորող մարդ, որը «այնքան պատկառանք չունի, որ համարձակվում է դարձյալ միևնույն համարի առաջնորդող հոդվածի մեջ խոսել մամուլի ազնվության վրա: Մի՞թե մամուլի ազնվություն է այդ նույն համարի մեջ կամ մեկին մինչև երկինք բարձրացնել, կամ աշխատել մրոտել նրան»⁵¹:

«Մշակ»-ի շուրջը համախմբված ազգային լիբերալներն ու ազգային դեմոկրատները պահպանողական հոսանքների դեմ ծավալված պայքարում հաղթանակ շահեցին և նվաճեցին նորանոր կողմնակիցներ: «Աղբյուր» և «Տարազ» պարբերականները կանգնեցին առաջին դիրքերում ու մերկացրին խավարամուլներին: «Հին գաղափարներով պաշարված միտքը,—գրում է «Տարազ»-ը Գր. Արծրունու հոբելյանին նվիրված առաջնորդողում,—որին հեշտությամբ տեղ չի տալիս և սկսում է կովել նորամուտ գաղափարների դեմ: Օրինակ՝ դուրս է գալիս մի Գալիլեյ և ասում է. «Երկիրն է պտտվում արեգակի շուրջը և ոչ թե արեգակը՝ երկրի»: Այսպես ասելու համար նրան հերետիկոս են համարում, բանտարկում են խեղճ ծերունուն, որի հանձնարը համարձակվել էր մի բնական ճշմարտություն հայտնագործել»⁵²:

50 «Մշակ», № 34, 1883:

51 «Մշակ», № 35, 1883:

52 «Տարազ», № 5, Քիֆիս, 1890, էջ 69:

«Տարազ»-ը պահպանողականներին համարում է 19-րդ դարի ինկվիզիտորներ, որոնք հալածում են առաջավոր միտքն ու գաղափարախոսությունը, հալածում են առաջավոր գործիչներին: «Արտակարգ մտքի տեր եղողները, նոր միտք, նոր գաղափար, նոր ճշմարտություն հայտնողները,—գրում է նա,—ոչ միայն պատվի չեն արժանանում, այլ կամ խելագար են համարվում և գժանոց զցվում: կամ հերետիկոս համարվում, բանտարկվում և զլխատվում են»⁵³:

Խոսելով Գր. Արծրունու խաղացած դերի մասին, փառաբանելով նրան, «Տարազ»-ը գրում է. «Ո՞վ պիտի կատարե մարգարեի դերը, ո՞վ պիտի լուսավորե ժողովրդի միտքը, ո՞վ պիտի տա ժողովրդին գիտության պայմաններ, եթե ոչ լուսամիտ հրապարակախոսությունը, եթե ոչ առողջադատ գրականությունը: Ահա այդ գրականության գլուխն է կանգնած Գր. Արծրունին շարունակ 25 տարի և ձայն ու եղանակ է տալիս հրապարակական խոսքին»⁵⁴:

Այսպիսով, պայքարելով ֆեոդալական հարաբերությունների լիկվիդացման և կապիտալիստական նոր հարաբերությունների հաստատման համար, պրոպագանդելով ազգային-ազատագրական պայքարի գաղափարախոսությունը, Գր. Արծրունին ու նրա օրգան «Մշակ»-ը վայելում էին հայ պրոգրեսիվ հասարակայնության համակրանքն ու աջակցությունը:

Մ. Մամուրյան.—Մամուրյանը ազգային-ազատագրական պայքարի գաղափարախոսության խոշորագույն դեմքերից մեկն էր, արևմտահայ դեմոկրատական-լուսավորական ուղղության մեջ եզակի գործիչ⁵⁵: Նա հանդիսանում էր ազգային-դեմոկրատ, ականավոր գրող ու հրապարակախոս, թարգմանիչ, անողոք քննադատ ու ազատության երգիչ, Նալբանդյանի գաղափարական մերձակիցը, որը հայ ժողովրդի ազատագրության հարցում իր յուրահատուկ ծրագիրն ու տեսակետներն ուներ: Նրա աշխատությունները, հրապարակախոսական ելույթները տոգորված են ազգային ազատագրական պայքարի շնչով:

53 «Տարազ», № 5, էջ 69:

54 Նույն տեղում:

55 Մ. Մամուրյանի մասին տե՛ս 1) Ա. Գ. Հովհաննիսյան, Նալբանդյանը և նրա ժամանակը, հատ. 1, էջ 488—495 և հետո, Հայպետհրատ, 1955, 2) Մ. Գ. Ներսիսյան, Հայ ժողովրդի ազատագրական պայքարը թուրքական բռնապետության դեմ, էջ 270—272, 3) Վ. Ա. Պարսամյան, Հայ ազատագրական շարժումների պատմությունից, էջ 46—56, 4) Հ. Ղազարյան, Մաթեոս Մամուրյան, Հայպետհրատ, 1961:

Մ. Մամուրյանը ատում էր բռնակալներին ու նրանց իշխանությունը, ատում էր ժողովրդի հարստահարողներին: Ազատություն նվաճելու համար նա մասսաներին կոչ էր անում ոտքի կանգնել և միացյալ ուժերով փշրել ազատությունը կապկպող շղթաները: Նա իր վրա կրել է Մ. Նալբանդյանի հեղափոխական-դեմոկրատական գաղափարների ազդեցությունը: Եվ պատահական չէ, որ նա 1866 թվականին, Նալբանդյանի մահվան կապակցությամբ «Ծաղիկ»-ի էջերում գետեղված իր հողվածում Նալբանդյանին անվանում է «մեծ մարդ», «ճշմարտության և ազատության համար հողի և շունչ տվող գործոն իմաստասեր»⁵⁶:

Կարգալուծ Նալբանդյանի «Երկու տող»-ը, «Երկրագործությունը որպես ուղիղ ճանապարհ» և այլ գրական ստեղծագործություններն ու հրապարակախոսական ելույթները, ծանոթանալով ազատության մասին Նալբանդյանի ունեցած հայացքին, Մամուրյանը ցույց է տալիս այն խոշոր նշանակությունը, որ ունեցել են այդ աշխատությունները արևմտահայ դեմոկրատական-լուսավորականների՝ Սրվաճյանի, Զիլինկիրյանի, Հայկունու, Սրվանձտյանի և ուրիշների համար: Նալբանդյանի մասին Մամուրյանը գրում է. «Այս վսեմ և սպառնալից գոշումը, որ Նալբանդյանցի կենաց և մահու բոլոր խորհուրդները կպարունակե, իր մահարձանի վրա պետք է արձանագրել, ինչպես որ պետք է գրողովի ամեն հայի սրտի մեջ իբրև նվիրական կտակ մը, որուն գործադրությունը ապագա սերունդին հանձնարարված է»⁵⁷:

Այսպիսով, Մամուրյանը հայ մատաղ սերնդին հանձնարարում է ազատության մասին Նալբանդյանի վեհ գաղափարների իրականացումը: Նալբանդյանին նվիրված իր այդ հողվածը Մամուրյանը ավարտում է հետևյալ խոսքերով. «Նալբանդյանը, ինչպես կենդանության ատեն, նույնպես մահվանեն ետև պիտի գործե ազգին մեջ, քանի որ շղթան և սուրը շեն կրնա կաշկանդել և սպանել այն լուսատու գաղափարները, որ հոգեորդ կանգնեցավ նաև, որոնք իբրև ամպրոպային փոթորիկներ կորոտան թագակիր բռնավորներու գլուխներուն վրա, մինչև որ փայլակն ու կայծակը պայթին և թագ ու գլուխ այրին, տոշորին վասն զի Նալբանդյանը հավատքի մը համար, ճշմարտության և ազատության հավատքին համար զոհ ընկավ:

56 «Ծաղիկ», № 124, 1866, էջ 490:

57 Նույն տեղում:

Նալբանդյանցի ազատական հայրենասիրությունն անդադար հրավեր մը ունի կարգալու մեզ, և ազգը նվիրական պարտք մը կատարելու»⁵⁸:

Այս տողերը վկայում են, որ Մամուրյանը միանգամայն բաժանում էր Նալբանդյանի հեղափոխական-դեմոկրատական հայացքները, կողմնակից էր ժողովրդական հեղափոխության ճանապարհով հայ ժողովրդի ազատության նվաճմանը՝ ինչպես բռնակալների տիրապետությունից, այնպես էլ ազգային հարստահարողներից:

Նկարագրելով հայերի ծանր վիճակը, Մամուրյանը գրում է, որ թուրքիայում «շատ հայեր սովամահ կորան, բռնավորներու որս ընկան, ստրկության լեղիի բաժակն ըմպեցին և դեռ կրմպեն... Հայրենյաց և գիտության կարոտ մեռան և դեռ կմեռնին»⁵⁹:

Մամուրյանը նշում է, որ թուրքիայում հայերը բառիս իսկական իմաստով զուրկ են ազատությունից: Նա նկատի ունի գավառահայությունը, որը ստրկացված էր: «Քաղաքական ազատության նշույլ չկա այստեղ,—գրում է նա,—Մեծ ձուկը պատիկը կկլլե»— առածն այստեղ իր ամբողջ իմաստով կգործածվի...»⁶⁰:

Ո՞րն էր հայերի համար ստեղծված այդ դրությունից դուրս գալու ելքը: Մամուրյանը այդ ելքը համարում է ժողովրդի ապստամբությունը, նրա զինված ելույթը: Նա գրում է. որ օտարներից հայերին ոչ մի փրկության հույս չկա: Հետևապես, հայերը իրենց ազատության հույսը իրենց վրա պետք է դնեն, պետք է նվաճեն ազատությունը, փշրեն շղթաները սեփական ուժերով. «Հուսալ, որ օտար ազգ մը Հիսուսի ըրած հրաշքը պիտի գործե—ցնորք է: Սպասել, որ արտաքին փրկիչներ գան և հայ ժողովրդյան սև պատանքը քակեն՝ հիմարություն է: Հեզ և ստրուկ ժողովրդյան մ'առաջին և միակ ազատարարն ինքն է, իր աշխատությունն է, իր ներքին ուժն է, իր լույսն է, միությունն ու հաստատ կամքն է»⁶¹:

Հավատը հայ ժողովրդի ուժերի ու ընդունակությունների նկատմամբ՝ Մամուրյանի հայրենասիրության գլխավոր հատկանիշներից մեկն է: Նա գտնում է, որ հայ ժողովուրդն ունի պոտենցիալ ուժ՝ ընդունակ խորտակելու բոլոր բռնակալների իշխանությունը, բայց միաժամանակ պարսավում է ժողովրդի մեջ եղած պասիվությունը, անշարժությունն ու դանդաղկոտությունը:

58 «Ծաղիկ», № 124, էջ 490:

59 Մ. Մամուրյան, Հայկական նամականի, էջ 30:

60 Մ. Մամուրյան, Անկլիական նամականի, էջ 194:

61 Մ. Մամուրյան, Արևելյան մամուլ, 1876 թ. հունվար, էջ 5:

«Ժողովուրդը ըսածդ այն գետերուն կնամանի, որուն ջրերն մերթ ձգաշտանան և հանդարտ երես մը կառնուն, մերթ աներևույթ կլինին ու գետնափոր անձավներե անտես անցնելով՝ հանկարծ կայայթին, հեղեղատի պես լեռներեն կգահավիժին որոտընդոտ և քար ու ժայռ թավազոր կբերեն»⁶²:

Այսպիսով, ժողովուրդն է, ըստ Մամուրյանի, պատմութեան շարժիչ ուժը, նա է ընդունակ լեռներ գահավիժելու, ժայռեր կործանելու: Բայց ժողովուրդը ասելով, նա բոլորովին չէր շփոթում այդ ուժը նրա պարագիտ, ուրիշին բռնադատող, ուրիշի վաստակը հափշտակող ունեոր վերնախավերի հետ: «Արդի ազնվականը հին ամուր դղյակին մեջ նստած զրահապատ ասպետին որդին է,—գրում է նա,—որ լորտերու ժողովին մեջ ունի աթոռ մը, որ իր արժանավորութեան արիտուրը չէ, ազգի գործավորին միջին դարու ստրուկ է, որ՝ քաղաքակրթութեան անապատին մեջ տեսակ մը վայրենի՝ ոչ տուն, ոչ իրավունք, ոչ քվե, ոչ արև ունի և երկրին վրա թիզ մը տեղ չգտնելով՝ կիջնե անոր անդնդային հատակն ու շատ անգամ արահատեն իր հացը մուրալու ատեն կայրի, կխեղդի և դիակն անգամ անհետ կլինի»⁶³:

Համոզված լինելով հայ ժողովրդի արդար գործի հաղթանակի անխուսափելիութեանը, Մամուրյանը նախատում էր եկեղեցականներին, որոնք քրիստոնեական իրենց քարոզներով ժողովրդին դարձրել էին հավատի «կենդանի նահատակներ»⁶⁴, մեռցրել էին նրա մեջ ազատագրական ձգտումը, դատապարտել էին նրան անշարժութեան:

Խաղաղ միջոցներով հայերը օսմանյան բռնապետութեանից ազատագրվել չեն կարող, ասում է Մամուրյանը, որ նրանք կարող են և պետք է դիմեն ապստամբության, դիմեն զենքի: Ուրիշ ճանապարհ չկա: «Բողոքն այս բռնութեան դեմ,—գրում է նա,—այսպես է աշխարհը, կգոռան, կապստամբեն, և իսկույն սուրին թիկն կհասնի զենքը...»⁶⁵:

Ժողովրդի ապստամբության հաջողությունների համար Մամուրյանը շատ կարևոր նշանակություն է տալիս սուբյեկտիվ գործոններին, ժողովրդի անձնուրաց զավակներին, նրանց ղեկավարող, կազմակերպող և ուղղություն ցույց տվող դերին, նրանց ցուցաբերած քաջագործություններին, որոնք ժողովրդի ազատագրության

62 Մ. Մամուրյան, Հայկական նամականի, էջ 206:

63 Մ. Մամուրյան, Անկլիական նամականի, էջ 151—152:

64 Մ. Մամուրյան, Հայկական նամականի, էջ 60:

65 Մ. Մամուրյան, Անկլիական նամականի, էջ 68:

անասան հավատով գոհում են իրենց կյանքը հայրենիքի համար: Նրա աչքում ամեն մի հայրենասերի ցուցաբերած անձնուրաց սխրագործությունը գերազանց է տասնյակ վարձկան զինվորների արարքին, զինվորներ, «որոնք անիրավ դատի և շահու համար միայն ասպարեզ կիջնեն»⁶⁶:

Մամուրյանը ժողովրդի ազատագրության հույսը կապում է սոցիալական հեղափոխության հետ՝ որպես ազատության նվաճման միակ ուղին: Դա այն վեհ գործի համար մղվող պայքարի լուրջ խոչընդոտներն էր համարում՝ իրենց նեղ շահերից ելնող և բռնակալների իշխանությանը ստրկաբար ծառայող, օտարների առջև սողացող հայ հարուստներին, էֆենդիներին, կղերա-պահպանողականներին: Մամուրյանը համոզված էր, որ այդ փառասերների և ազգուրացների դեմ մղվող պայքարում անխուսափելիորեն պետք է հաղթանակի հայրենասիրությունը: «Օտարին ոտքը կամ գիրկն ընկած՝ երկու ճամբա կա մեր առջև,—գրում է նա,—կամ սողալ ճգմվելու շափ, կամ կանգնել պատվով՝ հարգվելու շափ... Արդարև պայքարը մեծ պիտի լիներ շահասիրության և հայրենասիրության մեջ, և հայրենասիրությունը հաղթանակ տարավ»⁶⁷:

Սաղրելով ու նշավակելով ազգն ու հայրենիքն ուրացող շահասերներին, Մամուրյանը ցույց է տալիս, որ ժողովրդի այդ աննշան մասը կազմող հետադիմական խավերը, թուրքական բռնակալների կողմից հովանավորվելով, հալածում են բոլոր նրանց, ովքեր անշահախնդիր կերպով ծառայում էին ազգին ու ժողովրդին: «Ահա բոժոժավոր սատանան ծակն ու ծուկը գիտե,—գրում է նա,—լրսեսներ ունի և ամեն տուն ինչ կանցնի, ինչ կխոսվի, կինն էրկան հետ ինչ կընե, սիրահարն որ դռնեն կամ պատուհանեն ներս կմտնե, կայսրը գիշերը ո՞ր կողմին վրա կպառկի, արքունի գանձն ո՞վ կկողոպտե, գիտե, գիտե թե վաղն ո՞վ պիտի մեռնի, մյուս օր ո՞վ պիտի քսորվի... Ահա Երևակի նշանով մոլորական երազն ալ... որուն միակ պաշտոնն է զրպարտել, ու դարձյալ զրպարտել... Իր լեզուն իժ մէ, գրիչը՝ պիծակ մը, իր գործին՝ թուղթ մը, որ մեռելի փտությունն ունի, իր լույսը մոգական լապտեր մը, որով պատմության գերեզմանին մեջ սատակներ ու դիակներ կփնտրե, հավատաքննության խարույկներու մոխիրը կխառնե, որ կայծ մը գտնե գոնե և բոլոր աշխարհը կրակի տա...»⁶⁸:

66 Մ. Մամուրյան, Անկլիական նամականի, էջ 290:

67 Մ. Մամուրյան, Հայկական նամականի, էջ 222:

68 Նույն տեղում, էջ 175—176:

Սոցիալական այս վերասերված խավերը սուլթանական ուժերի միջև պաշտպաններն էին, թուրքական պետական օրգանների կողմից հովանավորություն գտած՝ հայ և թուրք աշխատավորների հարստահարիչներն էին: «Պոնզ ու Մոնտարեն,— գրում է Մամուրյանը,— թե թեկ տված անդադար կծծեն ողորմելի ժողովրդին արյունն օ-մի-դիֆը ըսելով՝ ջուրի տեղ արյուն կխմեն, հացի տեղ մարդու միս կուտեն, անկողնի տեղ արյունալի դիակներու վրա կպառկին և ժողովուրդն որ կսպասե, ինչպես կսպասեն գառնուկները սպանդարանին դուռն, այս գառնուկներուն շափ չկան, որ քանի դահիճին մերկ ու շողուն դանակը տեսնելեն՝ աչքերնին կգառնա, կցատկոտեն, գավանային և մարդու դեմքով ներկայացնող անբնական մահվան դեմ խեթկելով կմաքառին...»⁶⁹:

Հավատ տածելով ժողովրդի ուժերի ու ընդունակությունների նկատմամբ՝ բռնակալների իշխանություններին վերջ տալու և իրենց ազատագրությունը նվաճելու համար մղվող պայքարում, Մամուրյանը նախատում էր բոլոր այն մարդկանց ու հոսանքներին, ովքեր կույր հնազանդության քարոզներով մեռցնում էին ժողովրդի մեջ ազատասիրական տենչը, նրա մարտական եռանդը:

Մամուրյանն ատում էր հայ հարուստներին, նրանց համարում փառասերներ, անձնական փառքի ետևից վաղողներ, որոնք բացի շաղակրատանքից, ոչնչով չէին օգնում հայրենիքին ու ժողովրդին: Այդ խավերը հրձվելով օսմանյան «Սահմանադրական կարգերով» աչքաթող էին արել գավառահայությանը, որն իր ուսերի վրա տանում էր օսմանյան բռնապետության ծանր ու մահացու լուծը: «Շուրթերու վրա Հայաստան և Սահմանադրություն կըրջեին,— գրում է նա,— իսկ մտքերու և գործերու մեջ Հայաստանի համար զոհողություն մը չէր տեսնվեր»⁷⁰:

Մամուրյանը հավանություն չէր տալիս ազգային հիմնարկությունների գլուխը կանգնած կղերականների և հայ էֆենդիների հարմարվողական, ուժեղ միստական և աղերսանքների քաղաքականությունը: Նա հայ ժողովրդի ազատագրական պայքարի մեջ էր տեսնում նրա փրկության հույսը: Նա շատ բարձր էր գնահատում հայ ժողովրդի ազգային վեհությունը և նրա արժանապատվությանը ցածր էր համարում օտարներին աղերսելու, օգնություն հայցելու քաղաքականությունը: Այդ է խորեն նար-պեյի դեմ ուղղված նրա բնադատության իմաստը: «Ազգ մը ճանաչելու համար նավու կամ

69 Մ. Մամուրյան, Հայկական նամակների, էջ 169:

70 «Արևիկյան մամուլ», 1878 թ. մայիս, էջ 6:

չեռի մը երկայնությունը չափելով չի լինիր,— գրում է նա,— անոր բարուց, հիմնարկություններու, գործերու, հանձարի մեջ փնտրելու է հոգին: Եվ այս՝ անոր մեջ ապրելով և տեսնելով կլինի»⁷¹:

Այո, Կ. Պոլսում նստած ազգային ջոջերը և բարձրաստիճան հոգևորականությունը կտրված էին գավառահայությունից, չէին ապրում նրա կրած ծանր ցավերով ու տառապանքներով, անկարող էին հասկանալ ու ըմբռնել նրա մեջ եղած ուժն ու եռանդը՝ բռնության դեմ ուղղված իր ազատագրական պայքարում: Մամուրյանը ծաղրում էր նրանց կեղծ հայրենասիրությունը և իսկական հայրենասիրությունը տեսնում էր աշխատավոր ժողովրդի մեջ: «Հայրենասիրությունը վսեմագույն իղձ և թուխք ունի,— գրում է Մամուրյանը,— որ ամեն մի հայրենական վիշտը և խնդրությունը կհամարե, հայրենի երկրի փառաց և թշվառության մասնակից կլինի և իր անձնածիր թեքերը անդուլ հայրենյաց ամեն սահմանն, ամեն խորշն ու ամեն անկյուն անձկանոք կտարածե»⁷²:

Մամուրյանը իրավացիորեն նշում է, որ հայ ժողովուրդը իր պատմական հերոսական անցյալով, օտար բռնակալների դեմ մղած հերոսական մարտերով ու բազմաթիվ փորձությունների հաղթահարման ճանապարհով ապացուցել է իր ազգային վեհությունը: Իսկ այժմ, 19-րդ դարում, նա այդ պետք է ապացուցի ու ցույց տա իր ստեղծագործական աշխատանքներով: Հին ազգերի ձայնը, ասում է Մամուրյանը, նրանց պատմությունն է, «իսկ նորերինն՝ իրենց գործերը»⁷³:

Մամուրյանը գրում է, որ ժողովրդի ստեղծագործական եռանդը չի կարող ծավալվել բռնության ներքո: Միմիայն բռնապետների իշխանության կործանումը և ազատության նվաճումը կարող են երաշխիք լինել ժողովրդի անխափան զարգացման համար:

Մամուրյանը ցույց է տալիս, որ հայերի ազատագրական ճրգտումները բոցավառվեցին սուլթանական թուրքիայում ստեղծված օրհասական պայմանների թելադրանքով: «Հայք ազատասիրությունը գիտությունը և ուսմամբ շատացավ,— գրում է նա,— այլ իր հոգվույն մեջ գտավ, այլ իր մարդկային իրավանց մեջ տեսավ: Նա զգաց իր ծննդյան իրավունքը, որ ոտից կոխան լինել մոտ էր, նա հիշեց իր նախնյաց պարզ և անկախ կենսավարությունը, որ արգեն ապականելու վտանգին կղիմեր...»⁷⁴:

71 Մ. Մամուրյան, Անկլիական նամակների, էջ 17:

72 Նույն տեղում:

73 Նույն տեղում, էջ 94:

74 Նույն տեղում, էջ 20:

Մամուրյանը հայ ժողովրդի տնտեսական, հասարակական-քաղաքական, մտավոր ու կուլտուրական կյանքի զարգացման միակ երաշխիքը համարում էր ազատությունը, որից զուրկ էր գտնվող հայությունը: Ազատությունից զրկվածությունը նրա թշվառությունների պատճառներից մեկն էր ու թերևս գլխավորը, որը և նրան մղում էր ազատագրական պայքարի ուղին:

«Ազատությունն իմ կյանքս ու հավատս է,—ասում է նա,—կանգոսեմ զինքդ, ըստ անվեհեր, մինչդեռ հրեշտակս սիրտ առ կոշիկ... լախտն իջավ, ըզեղս դուրս թափվեր... Ահա այն ատեն կոկորդեն խնշյուն մ'ելավ... աչքս բացի և երբ զքեզ հրացանով առջևս տեսա, Վրույր, կարծեցի թե երազ չէ տեսածս, այլ իմ անհաշտ թշնամիս...»

—է՛հ, աժան ազատեր ես, ըսի Պարույրին հորանջելով, ազատության զոհ ընկար քունիդ մեջ, իսկ եթե արթուն լինեիր գիտեմ, որ մազիդ մեկ թելն անգամ չէիր զոհեր: Ազատության համար տըքնող մեր ժամանակ երիտասարդությունն ճիշտ քեզի կնմանի: Ամեն տեսակ ազատություն, հայրենիք, նահատակություն կեռագե, մեծ մեծ կջարդե, ու արյուն կթափե, իր անկողինին մեջ, իսկ երբ բաշ աչքով աշխարհիս գահավեժ լեռան վրա գործելու ժամը գա, կծիկը կդնե ու կերթա վատորեն բռնակալներու ոտքը կլիզե»⁷⁵:

Իր հերոսների միջոցով Մամուրյանը այն միտքն է արտահայտում, որ միայն ազատության մեջ կարելի է դառնում զարգացնել մարդու առողջ բանականությունը: Գնահատելով բուրժուական հեղափոխությունների դերը ավատական բռնապետական կարգերի լիկվիդացման և նոր, բուրժուական հարաբերությունների հաստատման գործում, Մամուրյանը ժամանակին անարգում էր բուրժուական շահագործող դասակարգերին, որոնք իրենց դասակարգային բռնությունը հաստատեցին աշխատավորների վրա: Դրա համար էլ նա քարոզում էր ժողովրդական հեղափոխություն, որը կբարձրացներ աշխատավորներին ու նրանց ազատ զարգացման հնարավորություններ կընձեռեր, կհաստատեր իսկական ազատություն: «Գիտեի,—գրում է նա,—որ Եվրոպայի քաղաքակրթությունը կոշվածը, հարստությունն ու երջանկությունը միայն դաս մը մարդիկ կվայելեն, իսկ մյուսները թշվառներ են, ոչ միայն կրթությամբ, այլև ապստամբությամբ պիտի վերածնեն և իրենց շղթաները քակելու պիտի հաջողին...»⁷⁶:

75 Մ. Մամուրյան, Հայկական նամականի, էջ 177:

76 Մ. Մամուրյան, Անկլիական նամականի, էջ 136:

Այս բոլորից հետո Մամուրյանը հանգում է այն հետևություն. որ բռնակալների տիրապետությունից հայ ժողովուրդը կարող է ազատագրվել հեղափոխության ճանապարհով, որովհետև «այլևայլ քաղաքական հեղափոխությանց դրոշմներն այս թշվառ ժողովրդյան կերպարանին վրա կտեսնվին»⁷⁷:

Մտահոգված լինելով հայ ժողովրդի ազգային ուժերի հավաքարման լուրջ հոգսերով, Մամուրյանը զայրանում է հայ ունեոր խավերի դեմ, որոնք օտար երկրներում իրենց անձնական շահե ետևից ընկնելով, կորցնում են իրենց ազգային պատկանելությունը, և մատր մատին չէին խիտում ազգի վերածննդի համար: «Եվ իրոք,—գրում է նա,—Բարիզեն հասնող հայը՝ բարիզեցի, Անկլիայեն եկողը՝ իտալացի կուզե ընել հայը, իսկ ամեննն առաջ հայը բուն հայ ընելու մտածող քիչ կա: Ազգ մ'իր հատուկ տարրներով կրնա զարդանալ, եթե անոնց լավ ու լուսավոր ուղղություն մը տրվի: Հառաջագիմության օրենքը բռնաբարել, որ որոշյալ արդյունք մ'արտադրե, բարեշրջության օրենքն անդիտել է, ամեն զարգացում իր հատուկ տեղն ու ժամանակն ունի: Փոխադրե հայոց մեջ Եվրոպական քաղաքակրթության ամեն հանգամանքն և իսկույն հայությունը կջնջվի, պահե հայը միշտ իր անցյալուն կամ մնայուն վիճակի մեջ և հայությունը հալ ու մաշ կհյուծե: Կարևորն է նկատել, անոր իսկական պիտույքը: Արմատական նորոգումն՝ ըստ իս իր կրթության եղանակին նորոգումն է»⁷⁸:

Պայքարելով ասիմիլացման վտանգի դեմ, պահանջելով ազգի լուսավորության եղանակի նորոգումը՝ որպես ազգի առաջխաղացման կարևորագույն գործոն, ժողովրդական հեղափոխության հաղթանակը դիտելով որպես այդ խնդիրների արմատական լուծման միակ պայմանը, Մամուրյանը չէր անտեսում ժողովուրդների բարեկամությունը, նրանց մերձեցման անհրաժեշտությունը: Նա չէր կամենում հայ ժողովրդի կողմից թուրքական բռնապետության դեմ ուղղված ազգային-ազատագրական շարժումներն օգտագործել նեղ ազգայնական նպատակների համար:

Մամուրյանը գտնում էր, որ ազգերի անջատ-անջատ և ազատ զարգացումը վերջ ի վերջո կհասցնի բոլոր ազգերի ու ժողովուրդների միության ու եղբայրության հաստատման: «...Ամեն ազգ առանձին գործելով՝ մարդկային ազգի շրջանին մեջ,—գրում է նա,—

77 Նույն տեղում:

78 Նույն տեղում, էջ 269—270:

նույն մարդկութեան ավելի հոգն է իր հատուկ միջոցներով, և այսպես անհատական ուրույն ուժեր, իրենց ուրույն պաշտոնը կատարելով՝ թերևս կպատրաստեն այն ասպարեզն, որ ամեն ժողովուրդներ իրարու պիտի հանդիպին, միութեան ու եղբայրասիրութեան ոգով իրարու ձեռք պիտի կարկանեն»⁷⁹:

Այսպիսով, ազգերի ազատ զարգացման ճանապարհով դեպի նրանց բարեկամական համագործակցութիւնը, դեպի եղբայրութիւն ու միութիւն,—այս է Մամուրյանի տեսլը, որը շատ սրտգրեւիվ է ու հումանիստական:

Խորհելով հայ ազգի ազատագրութեան և նրա տնտեսական, կուլտուրական ու քաղաքական կյանքի անկախ ու անխափան զարգացման մասին, Մամուրյանը դրա երաշխիքը համարում է հայ ժողովրդի բոլոր հատվածների կոնսոլիդացումը:

Տածիւլով իր հակակրանքը Անգլիայի նկատմամբ, որը հովանավորելով թուրքական սուլթաններին, ավելի ցավալի էր դարձնում հայերի վերքերը, այնուամենայնիվ, Մամուրյանի հերոսները գնում են Լոնդոնի հայերին հավաքագրելու և իրենց հայրենիքը վերադարձնելու համար:

Իր հերոսներից մեկի բերանով Անգլիայի մասին Մամուրյանն ասում է. «...Շատ պարզ ու տխուր կերևի ինձ այժմ Անգլիա, որ համակրութեան, սիրտ, շահու կապ մը չունիմ, այլ միայն վշտալի հիշողութիւններ: Եթե Պ. Վուտ չգտնվեր այստեղ, հազիվ պիտի հիշեի Լոնտոն, որ իմ աղետից թատրն եղավ...»⁸⁰:

Հայերի հավաքագրման և նրանց ասիմիլացման վտանգից ազատելու հարցը Մամուրյանը դիտում էր որպես հայ ժողովրդի ազատագրութեան համար մղվող պայքարի կարևորագույն խնդիրներից մեկը: Հայերը պետք է հավաքվեն և աշխատեն Հայաստանում,—այս է Մամուրյանի իդեան:—«Եվ սակայն,—գրում է նա,— Հայաստանի սիրտը դեռ կբախե, դեռ նա շունչ ունի և այն ժամանակ պիտի շարժի, վերականգնի, երբ իր ժիր զավակներն, բանվոր, արհեստավոր, մշակ, վաճառական, գիտուն, հարուստ, որ այժմ օտար աստղերու տակ կտառապին և կչքանան, որ հայրենի երկրին անուշութիւններն ու թաքուն գանձերը կանգիտեն, որ օտար աշխարհներ իրենց գիտութեամբ, ճարտարութեամբ ու հարստութեամբ կճոխացնեն, խմբովին վերադառնան հայրենիք, քու օրինա-

79 Նույն տեղում, էջ 346—347:

80 Նույն տեղում, էջ 448—449:

կիզ հետևելով, սիրելի ներսես, զոհելով նյութական հանգիստ, օտարոտի փառք ու պաշտոն, ինչպես դու զոհեցիր, ավելի մեծ զոհ, դժբախտ սեր մ'որ սակայն նոր երանութեան մ'աղբյուր և հայրենասիրութեան վառարանը պիտի դառնա»⁸¹:

Հայրենիք վերադառնալու ուղղութեամբ Մամուրյանի հերոսների բացատրական աշխատանքն ունենում է այն հետևանքը, որ Անգլիայում ապրող հայերը, տոգորված հայրենասիրութեամբ, թողնում են իրենց հարստութիւններն ու վերադառնում իրենց հայրենիքը՝ ազգի ազատագրութեան, նրա տնտեսական, կուլտուրական ու քաղաքական կյանքի վերածննդին ակտիվ մասնակցութիւն ունենալու համար: Նրանք իրենց հայրենիքում որոնում են հարստութեան նոր աղբյուրներ, զարգացնում են հայրենի արդյունաբերութիւնն ու գյուղատնտեսութիւնը, ձեռնամուխ են լինում տնտեսական ու կուլտուրական շինարարութեանը, որի մեջն է տեսնում Մամուրյանը յուրաքանչյուր հայի անկեղծ ու անշահախնդիր հայրենասիրութիւնը: «...Պետք է, որ հանքեր, այգեստաններ, նավարկելի ծովեր ու ջրանցքներ, բանակ, արահետներ, գործարաններ, պարտեզներ դառնան, պետք է որ գործունի աշխատավորներ, հողատերեր, հանդարտ ու բարեկարգ, ժիր ու օրինաց հնազանդ քաղաքացիներ դառնան, պետք է որ մետաղներ, զանազան արմտիք ապրանք, ուսմունք ու լույս սփռեն, պետք է որ երկաթը, շոգին, էլեկտրական հոսանքը կենդանութիւն, շարժում տան այս անշունչ ու փշալից բնութեանը»⁸²:

Մամուրյանը ճիշտ էր նկատում, որ 1877—1878 թվականների ռուս-թուրքական պատերազմը բարենպաստ դրութիւն ստեղծեց հայերի ազգային ինքնագիտակցութեան բարձրացման և նրանց ուժերի կոնսոլիդացման համար այնքանով, որքանով Հայաստանի հարցը դարձավ հանրաճանաչ՝ իբրև Արևելյան հարցի մի բաղկացուցիչ մասը: Բայց եվրոպական տերութիւնների շահասիրութիւնը Հայաստանի հարցը իր «նպատակեն դուրս նետեց»⁸³:

Հայերի ստրկական միճակը և պատերազմը,—ասում է Մամուրյանը,— «երբեմն այնպիսի ցնցումներ կտան թմրյալ ազգի մ'անդամաց, որ եթե այս ցնցումներեն անվնաս ազատվին՝ հանկարծական գործունեութեան և միութեան շնորհիվ կարող կլինի քեզ

81 Նույն տեղում, էջ 454—455:

82 Նույն տեղում, էջ 457—458:

83 «Արևելյան մամուլ», 1878, մայիս, էջ 8:

շուտ վերականգնել: Հայաստանցին գրեթե հոգևոր էր, իր հնչյունը Եվրոպայի հայոց ականջն հասավ, եվրոպական մամուլի թղթակիցները հայոց վրա ուշադրություն հրավիրեցին, այլևայլ տեսակներ հրատարակեցին հայոց դատին ի նպաստ և քաղաքագետները սկսան ատեն-ատեն ակնարկ մը նետել Հայաստանի վրա: Այն ատեն Հայաստանի բարվոքման խնդիրը օրվան խնդիր դարձավ հայոց մեջ: Եվրոպա նոր իմացավ, որ Հայաստան մը կա, Արևելյան խնդրույն լուծման մեջ էական տարրը կազմող»⁸⁴:

Մամուրյանը իրավացիորեն գտնում էր, որ եղած մտավոր շարժումներն ու աղմուկները անզոր եղան Հայկական հարցի դրական ընթացքի համար, դրանք անզոր էին նաև մյուս հպատակ ժողովուրդների շահերի պաշտպանության հանդեպ, ժողովուրդներ, որոնք լավ հասկացան, թե «Սուրն ու թնդանոթը ավելի զորություն կհոսեն, քան թե բողոքն ու գրիչը»⁸⁵:

Սակայն սրի ու թնդանոթի ուժով կամ զորությամբ արևմտահայ ժողովրդի ազատագրությունը նվաճելու քարոզիչ Մամուրյանը Բեռլինի կոնգրեսից հետո հրաժարվեց իր այդ սկզբունքներից և հայ ժողովրդի փրկության հույսը կապեց արևմտաեվրոպական տերությունների և, զխավորապես, Անգլիայի օգնության հետ:

Հրաժարվելով իր դեմոկրատական հայացքներից և ռեֆորմիզմի բանական անցնելով, Մամուրյանը հայ ժողովրդի ազատագրության հույսը կապում էր Անգլիայի օգնության հետ: Անգլիայի նենդ ու շահագիտական քաղաքականության քննադատությունից հրաժարվելով, նա սկսեց արդեն գովերգել Անգլիային, որն ապացույց է նրա հայացքների անհետևողականության: «Ես այլ,—գրում է նա,— երազ մը տեսա անցյալ գիշեր: Անկլիա թռա. տեսա մարդասեր ծերունի մ'որ ամեն թշվառությանց կհամակրի և մանավանդ հայոց»⁸⁶:

Իր սպասածին հակառակ, Մամուրյանը Անգլիայում բարյացակամ վերաբերմունքի չի հանդիպում, որովհետև անգլիական դիվանագիտությունը հայ ժողովրդին ռազմիկ չէր համարում, որին հարկավոր էր օգտագործել Ռուսաստանի դեմ՝ իր շահերի համար:

Անգլիայի հույսերն արդարացնելու նպատակով, Մամուրյանը երազում էր հայերի սպառազինության և աշխատանքային ունակու-

84 «Արևելյան մամուլ», 1878, մալիս, էջ 9:

85 Նույն տեղում:

86 «Արևելյան մամուլ», 1878, հունիս, էջ 74:

թյունների զարգացման մասին: «Իրվանագիտութենն մեծ բան չեն սպասեր, ըսավ ինձ,—գրում է նա,— թշվառ ազգերը պիտի տառապին միշտ, քանի որ մեր քաղաքագետները հաշվապետ են, շահամուլ են, եսասեր են և մարդկության իրավունքն առ ոչինչ գրեն: Հայք պետք է, որ իրենց ուղղությունը փոխեն, ոչ միայն վաճառական, այլ արվեստագետ, մեքենագործ, շինարար ժողովուրդ մը լինեն, որպեսզի լավ մշակներ դառնան»⁸⁷:

Երիտասարդ Շահնուրը (Մամուրյանը) երազում հանդիպում է նաև Բիսմարկին, զրույց է ունենում նրա հետ, որը անբարյացակամորեն ասում է. «—Գնա, պոռաց, ես բանաստեղծի հետ գործ չունիմ, ձեր այստեղի պատգամավորներն (իմա՝ Բեռլինի կոնգրես մեկնած հայ պատգամավորները—Ն. Վ.) այլ քեզի պես կխոսին՝ ստեպ իրարու հակառակ դիրք կրոնեն: Արդեն բավական կնճոտ խնդիրներ ունինք լուծելու, դուք այլ նոր բեռ մը մի դնեք մեր վրա: Եվ ի՞նչ իրավունք ունիք, ի՞նչ ըրիք, որ ուշադրության արժանանաք: Իրավունքը զենքինն է: Քանի՞ կաթիլ արյուն թափեցիք պատերազմին դաշտին վրա...»

Բայց տեր իմ, չե՞ք հիշեր մեր կոտորածները զոր մինչև այսօր կկրենք...

— Ապիկարության նշան: Մենք զինուց լճիւններու վրա խաղաղության պայմանները պիտի կնքենք և դուք զենք չունիք, հարեց Պիսմարկ իշխանն ու հրամայեց, որ զինվորական դպրոց մտնեմ, զլուխս զարնելով: Այս զարկեն արթնացա, սեղանի վրա դտա հիշատակագիր մը, որու վրա պիտի գրեմ»⁸⁸:

Այսպիսով, արևմտաեվրոպական տերությունների կողմից պաշտպանություն գտնելու համար հայերին հարկավոր էր զենք: սպառազինություն: Այս էր պահանջում Մամուրյանը: Այդ տերությունների և, հատկապես, Անգլիայի դեմ ուղղված նրա քննադատությունը մի նպատակ էր հետապնդում՝ թույլ չտալ, որ Հայաստանը Ռուսաստանի ազդեցության տակ ընկնի:

«Ան լեռին մարդը» վերնագրով իր աշխատության մեջ Մամուրյանը արևմտաեվրոպական տերություններին մեղադրում էր այն բանի համար, որ նրանց ներքին դրությունից օգտվելով, Ռուսաստանը ձգտում էր իրագործել Թուրքիայի տերիտորիաները զավթելու իր ծրագիրը: «Այո՛, Ռուսիա պիտի հարթի Կովկասը,—գրում է

87 «Արևելյան մամուլ», 1878, հունիս, էջ 75:

88 Նույն տեղում, էջ 75—76:

նա,—Ռուսիա պիտի ճզմի Արարատը և պիտի ջանա Եփրատա հովիտին ու Տիգրիսի բերանին տիրանալ, Ռուսիան պիտի ալեկոծի Ասիան, ասիական տարրերով, ասիական միջոցներով և իր բնիկ տիրապետող հանճարով: Այս տարրներեն մինը մենք ենք»⁸⁹:

«Գործիք դառնալիս ետև պետք է գործող դառնալու հնարը մտածել և ուրիշ ոսոխ զորութեան մը վրա հենվել... Այս դիմադրութունը մեզ նպաստավոր կրնա դառնալ»⁹⁰:

Մամուրյանը արևմտաեվրոպական տերութուններից պահանջում էր վերջ տալ ներկուսակցական տարածայնութուններին, պառլամենտական պայքարին՝ Ռուսաստանի նվաճողական ձեռնարկումները խափանելու նպատակով: Նա Ռուսաստանի տերիտորիալ զավթումներից, Թուրքիայի դեմ մղված պատերազմներում նրա ունեցած հաջողութուններից այդ տերութունների համար սպառնալիք էր տեսնում, նախազգուշացնում էր նրանց՝ զգաստ լինել Ռուսաստանի ոտնձգութուններից: «Ռուսիան կգործե և պիտի գործե միշտ Եվրոպայի դեմ,—գրում է նա,—որպեսզի ժողովուրդները ժամանակ չունենան իրենց բուն շահերը մտածելու, և ամեն բռնակալութեան դեմ միահամուռ կանգնելու: Եվրոպա աչք չպիտի բանա քանի Ռուսիա ապրի, այլ սակայն Ռուսիո այս կյանքն ալ երկարատև չէ և իր տարածութեան հետ կավելանան իր տկարութեան տարրերը և ցեղական ներքին գծութունները»⁹¹:

Կանխատեսելով Ռուսաստանի ներսում աճող հասարակական ահեղ ցնցումների անխուսափելիութունը, որոնք պետք է վերջ տային միապետական կարգերի զավթողական քաղաքականութեանը, Մամուրյանը, այնուամենայնիվ, հայ ժողովրդի ազատագրութեան հույսը Ռուսաստանի օգնութեան հետ չէր կապում: Ընդհակառակը, նա կշտամբում էր Անգլիային այն բանի համար, որ նա Թուրքիային հովանավորելու իր քաղաքականութեամբ, հայերին Ռուսաստանի գիրկն է նետել և պիտի նետի⁹²: Դրա համար էլ նա պահանջում էր, որ Անգլիան հրաժարվի Թուրքիայի վրա հենվելուց, նրան հովանավորելու և պաշտպանելու քաղաքականութունից, հենվի հայերի վրա, պաշտպանի և հովանավորի նրանց՝ Ռուսաստանի ազդեցութունից նրանց զերծ պահելու նպատակով⁹³:

89 «Արևելյան մամուլ», 1878, հոկտեմբեր, էջ 247.

90 Նույն տեղում:

91 Նույն տեղում, էջ 244.

92 «Արևելյան մամուլ», 1879, ապրիլ, էջ 467.

93 Նույն տեղում, էջ 128.

«Քաղաքական գուշակներ» վերնագրով իր առաջնորդող հոդվածում Ռուսաստանի կողմից Հայաստանը նվաճելու մտադրութունների մասին «Արևելյան մամուլ»-ը գրում է. «Ներկա անիշխանութեան մեջ ձգելով Հայաստան անշուշտ բոլորովին Չարին ներքև պիտի ընկնի, որ հարատև ու իրավացի պատրվակ մը պիտի ունենա միջամտելու իր սահմանագլխուն վրա տառապող և հուսահատ ժողովրդյան մը փրկութեան համար: Ուշ կամ կանուխ Հայաստան պիտի մտնե նա, ինչպես մտավ Պուլղարիա, իբրև ազատարար, և ավելի հիմնավոր պատճառով: Ռուսական ազատութունը ընդհանրապես կնշանակե երկրակալութուն»⁹⁴:

Մամուրյանի հայացքների էվոլյուցիան անժխտելիորեն արդյունք էր Եվրոպայի տնտեսական, հասարակական ու քաղաքական կյանքում տեղի ունեցող հեղաբեկումների, ֆեոդալիզմից կապիտալիզմի անցման ժամանակաշրջանի հակասութունների:

Մերկացնելով ռուսական ցարիզմի զավթողական քաղաքականութունը, պետք է ասել, որ Մամուրյանը չէր շփոթում ռուս ժողովրդին ցարիզմի հետ: Նա և իր օրգանը ճիշտ էին հասկանում ճնշված ժողովուրդների ապագան, հասկանում էին Ռուսաստանի դարգացման դիալեկտիկան: Նրանք տեսնում էին, որ Ռուսաստանում աճող ու զարգացող ներքին ուժերը վերջ կտան միահեծանութեանը: «Ռուսիա նոր Զրուան մ'է, որմե պիտի ծնի Որմիզդ և Արհմն: Բայց Ռուսիա բուն կառավարութունը չէ, կառավարութուն մը պատահական կամ ժամանակի ու ժողովրդյան հանգամանաց արթունքն է, ժողովրդյան հառաջադիմութեան ու ժամանակին հետ կայլափոխի: Արդ՝ Ռուսիա ներկայիս մեջ զենքով կրնկճեր, զի զենքն իր արվեստն է, հրդեհելը իր փրկութունը, շղթայելը իր ապահովութունը»⁹⁵—գրում է Մամուրյանը:

Այսպիսով, Մամուրյանը գտնում էր, որ զենքի ուժով ստրկացված, շղթաներով կապկապված ժողովրդական մասսաները վերջին վերջո պետք է ներքին հեղաշրջման միջոցով խորտակեն միապետական կարգերը, նվաճեն իրենց ազատութունը, կյանքը կառուցեն նոր ձևով: «Զատե ռուսերն իրենց գլխեն և մարմինը կվերածնին,—գրում է նա,—ընկերասեր, զվարթ, գործունյա, ընտիր ժողովուրդ մը կդառնան: Եթե այս ժողովրդային հեղաշրջումը վրիպի, քաղաքականը պիտի վարեն—կառավարեն իրենց հատուկ շահերն տար-

94 «Արևելյան մամուլ», 1880, օգոստոս, էջ 222.

95 «Արևելյան մամուլ», 1878, հոկտեմբեր, էջ 244.

քեր օրինաց ու սովորութեանց ներքե... Ռուսական ներքին հեռավոր հեղափոխությունը նաև Ասիա պիտի դղրդե, հրդեհե: Նոր ժողովուրդներ հին ժողովրդոց հետ պիտի զարնվին և հին աշխարհի բեկորներն իրար մեջ պիտի բաժանեն»⁹⁶:

Ընդհատ էին Մամուրյանի կոահումները Ռուսաստանի և նրա ժողովուրդների ապագայի նկատմամբ: Այդ ցույց է տալիս, որ նա նույնպես տեսնում էր մի կողմից միապետական-ազնվականական Ռուսաստանը և, մյուս կողմից, աշխատավորական Ռուսաստանը, որը պետք է հեղափոխական ճանապարհով վերջ տար բռնակալների իշխանությանը և նվաճեր ազատություն: Մամուրյանն ազգային-ազատագրական պայքարի գաղափարախոս էր, մեծ հայրենասեր:

Մերենց.— Հայ ժողովրդի ազգային-ազատագրական շարժման ու նրա գաղափարախոսության բնագավառում նշանակալից դեր է խաղացել արևմտահայ դեմոկրատ-լուսավորական, հրապարակախոս և անվանի գրող Մերենցը:

1875 թվականին լույս է տեսնում Մերենցի առաջին պատմավեպը՝ «Թորոս Առնի» խորագրով: 1879 թվականին լույս է տեսնում նրա երկրորդ պատմավեպը՝ «Մեկունի Թ. դարու» խորագրով և, վերջապես, 1881 թվականին լույս է տեսնում նրա երրորդ պատմավեպը՝ «Թեոդորոս Ռաուսի» խորագրով:

1870—1880-ական թվականներին հասարակական-քաղաքական կյանքում տեղի ունեցող լուրջ իրադարձությունները նպաստավոր հող հանդիսացան հայ նոր պատմավիպասանության զարգացման համար: Այդ իրադարձությունների շղթայի գլխավոր օղակը կազմում էր արևմտահայ ժողովրդի ազատագրության հարցը: Այդ իրադարձությունները, անշուշտ, նպաստում էին հայերի ազգային ինքնագիտակցության և անկախ պետականության հաստատման գաղափարի ուժեղացմանը:

Մերենցի նշված պատմավեպերը խորապես տոգորված են հենց այդ գաղափարներով և հետապնդում էին հայերի առջև կանգնած նպատակի իրագործմանը:

Խոսելով Մերենցի ազատագրական ձգտումների, նրա ջերմ հայրենասիրության ու ժողովրդականության, նրա հոգու ազնվության ու մաքրության մասին, նրա վեպերի գաղափարայնության մասին, Հովհ. Թումանյանը գրում է. «Եվ ինչ իմաստուն ու գեղեցիկ

⁹⁶ Նույն տեղում, էջ 244—245:

է դնում նա իր գործի հիմքը՝ իրեն հերոս աննելով Թորոս Առնին, բյուզանդական բանտում փակված հայ իշխանազն, որ բանտից դուրս փախչելով, հասնում է իր հայրենիքը, ազատասիրության շունչ է փչում, սիրտ տալիս, ոտքի է հանում իր ժողովրդին ու կանգնեցնում է ամուր՝ իր ազատ կյանքով ապրելու:

Էսպիսով նա հանդիսանում է մի խորհրդանշան—հայ ժողովրդի ազատասիրության ոգին, մի ոգի, որ թագավորում է հայոց թն պատմական, թե ժամանակակից կյանքի վրա հենված գրականության մեջ և զորանում ու ամրանում է ժողովրդական ուժով՝ հերոսական խորհուրդներից հերոսներ ծնելով»⁹⁷:

Մերենցը հայ ժողովրդի ազատագրական շարժման հիմնական ու գլխավոր ուժը համարում է ժողովրդին: Նրա այս միանգամայն ճիշտ գրույթը կարմիր թելի պես անցնում է բոլոր վեպերում:

«Թորոս Առնի» պատմավեպում նա երևան է հանում 12-րդ դարում օտար նվաճողների դեմ ուղղված հայ ժողովրդի մղած ազատագրական պայքարի փառավոր էջերը: Իր այս մտային հերոսի օրինակով, Մերենցը կամենում է ցույց տալ, որ ժողովրդին սպառնացող ահեղ փորձությունների ժամին նրան հարկավոր են Թորոսի նման անձնուրաց, անշահախնդիր, ազգին ու հայրենիքին անսահմանորեն նվիրված հերոսներ, որոնք կարող լինեն դիմանալ կյանքի բոլոր դառնություններին ու ապահովել հաղթանակը: Այս ազնիվ գաղափարով են տոգորված նաև նրա մյուս վեպերը, որոնք իրենց վրա կրում են ժամանակի ոգու խոր ազդեցությունը:

Մերենցի պատմավեպերը ներշնչում, քաջալերում են արևմտահայերին թուրքական բռնապետության դեմ ուղղված նրանց ազգային-ազատագրական պայքարում: Այդ պատմավեպերն ընդառաջ էին գնում 1870—1890-ական թվականների հայերի ազգային-ազատագրական շարժումներին:

Մերենցը համաձայն չէր մասսաների նախաձեռնությամբ ներքևից նվաճված ազատությանը, չէր ընդունում սոցիալական հեղափոխություն, ապստամբություն, քաղաքական պայքար, այլ կողմնակից էր խաղաղ զարգացման: Նա կամենում էր ազատության հասնել վերևից սպասվող ռեֆորմների միջոցով: «Մենք կուզենք,— գրում է նա,— որ ամեն հեղափոխություն վերեն գա և ոչ վարեն: Վարեն եկած հեղափոխությունը (թե որ հաջողվի ալ) այնչափ աղետք՝ այն:

⁹⁷ Հովհ. Թումանյան, Երկերի ժողովածու, հատ. 4, Հայակահատ, 1951, էջ 450:

չափ թշվառութիւնն ունին և այնչափ արյուններու առիթ կլինին, և հայ ազգն այնչափ քիչ արյուն ունի յուր երակներուն մեջ, որ իր կարողութենէն վեր է այդ մասին շոտլանդի լինի և, ընդհակառակը, վերեն եկած հեղափոխութիւնը միշտ հաստատ են և երբեք այն արյան գիներով չեն լիներ... Ռուսիո ինքնակալութիւնն երեսուն միլիոն մարդու ազատութիւն տվալ գրեթե առանց արյուն թափելու հրովարտակով մը միմիայն...»⁹⁸:

Ծերենցի այս կոնցեպցիան հայ ազգային լիբերալների կոնցեպցիան էր, լիբերալներ, որոնք ընդառաջելով արևմտահայերի ազգային-ազատագրական շարժումներին, միաժամանակ վախ էին զգում աշխատավորական մասսաների սոցիալական հեղափոխութիւնից, սարսափում էին սոցիալիզմից:

1876 թվականին «Արևելյան մամուլ»-ում տպագրվեց Ծերենցի նամակը, որում արծարծված գաղափարը Մամուրյանը հակակրանքով ընդունեց: Ծերենցը քննադատում էր Բաֆֆու և Գր. Արծրունու կողմից հայ ժողովրդին ուղղված ապստամբական կոչերը: Նա գրում էր. «Մենք կուզենք, որ ամեն մի հեղափոխություն վերեն գա և ոչ վարեն»:

Մամուրյանը կշտամբելով Ծերենցին՝ նրա ռեֆորմիստական տեսակետների համար, գրում է. «Ներվի մեզ ըսել, որ այդ մասին մեծ նամակագրին հետ տարակարծիք կգտնվիք: Այդ դրութիւնն ամեն տեղ ու ապագայի շլրեաւ հասկանալ»⁹⁹:

Սակայն, ինչպես Մ. Մամուրյանի, այնպես էլ Ծերենցի հայացքների էվոլյուցիան, նրանց աշխարհայացքների հակասութիւնները բնավ չեն ստվերում այն խոշոր դերը, որ նրանք խաղացել են հայ ազատագրական պայքարի գաղափարախոսութիւնն պրոպագանդման բնագավառում: Արևմտահայ ազգային դեմոկրատ-լուսավորականների համաստեղութիւնն մեջ սրանք փայլուն աստղեր էին: Այդ լուսատու աստղերի թվին էին պատկանում ո՛չ միայն Հ. Մվաճյանը, Զիլինկիրյանը, Հայկունին՝ իրենց «Մեղու», «Մաղիկ» և այլ առաջադեմ պարբերականներով, այլև հայ խոշոր երգիծաբան Հ. Պարոնյանը, Ա. Արփիարյանը, Գ. Վարուժանը, Ե. Օտյանը և ուրիշներ, որոնք առավել կամ նվազ չափերով խոշոր ծառայութիւն են մատուցել հայերի ազատագրութիւնն, ազգային-ազատագրական պայքարի գաղափարախոսութիւնն պրոպագանդման գործին:

⁹⁸ «Արևելյան մամուլ», 1876, հոկտեմբեր, էջ 349—350:

⁹⁹ Նույն տեղում, էջ 350:

Գ Լ Ո Ի Խ Հ Ի Ն Գ Ե Բ Ր Ո Ր Գ

ՀԱՅԱՍՏԱՆԻ ԿՈՏՈՐԱՍՆԵՐԸ ԹՈՒՐԳԻԱՅՈՒՄ 1894—1896
ԹՎԱԿԱՆՆԵՐԻՆ ԵՎ ԵՎՐՈՊԱԿԱՆ ՄԵՍ ՏԵՐՈՒԹՅՈՒՆՆԵՐԸ

1

Սուլթանական Թուրքիան Բեռլինի կոնգրեսից հետո մշակեց հայերի բնաշնչման իր նողկալի ծրագիրը խորամանկորեն ու դավադրաբար իրագործում էր այն: Նրա այդ քաղաքականութիւնը ավելի բացահայտ դարձավ 1890-ական թվականներին, երբ կազմակերպվեցին համիդիական զորագնդեր և նրանց արտոնվեց դատաստան տեսնելու հայ բնակչութիւնն հետ:

Վ Պետք է սասել, որ քրդական շեյխերի ու բեկերի ղեկավարութիւնն տակ գործող հեծյալների համախմբմանն ու կազմակերպմանը սուլթանական կառավարութիւնը ձեռնամուխ էր եղել դեռևս 1877—1878 թվականների ռուս-թուրքական պատերազմի նախօրյակից:

1876 թվականին Վանի զինվորական ընդհանուր հրամանատարի օգնական շերքեզ Հասան փաշան նախօրոք կազմակերպեց Վասպուրականի քրդական ցեղապետների՝ շեյխ Զալալեղդինի և շեյխ Ուբեյդուլլայի հեծյալներին, որոնք օգտվելով պատերազմի նպաստավոր առիթից, կոտորում էին հայերին, կողոպտում ու թալանում նրանց ունեցվածքը:

Պատերազմի ժամանակ Մոսուլի, Տիգրանակերտի, Բիթլիսի և Վասպուրականի քուրդ ավազակապետները՝ իրենց հրոսակներով շարժվեցին Ալաշկերտի ու Բայազետի ուղղութիւնով՝ անասելի զրկանքներ ու տառապանքներ պատճառելով հայերին: Նրանցից ամենից մոլեռանդն ու դիշատիչը՝ շեյխ Զալալեղդինն էր, որի բարբարոսական արարքները Բաֆֆին կենդանի գույներով նկարագրել է «Ջալալեղդին» պատմավեպում:

Պատերազմից հետո, թուրքական կառավարութիւնն հանձնարարութիւն մը Վան գործուղված Մուշուր Սամի փաշան անմիջապես ձեռնամուխ եղավ քրդական հրոսակների հավաքագրմանն ու կազմակերպմանը՝ օգտագործելով նրանց հայերի

Օգտվելով վիճելմյան Գերմանիայի և ռուսական ցարիզմի հո-վանավորութունից, Մերձավոր Արևելքին և Փոքր Ասիային տիրա-պետելու շուրջը անգլո-ռուսական շահերի խիստ բախումներից-թուրքական սուլթանը անցավ իր այդ հրեշտային ծրագրի իրագործ-մանը: «Այժմ նա յուր նպատակին հասավ,—գրում է Խրիմյանին դոկտոր Թորոս Թուզեյանը,—և սկսավ հայերը բնաջինջ ընելու մա-սին յուր ծրագիրը արձակ համարձակ առաջ տանել...»²:

Համիդիեական զորագնդերը կազմակերպվում էին արագորեն: Զիա փաշան Ալաշկերտում կազմակերպեց ութ զորագունդ, որոնք գործում էին սանձարձակորեն, կոտորում, ոչնչացնում էին հայ բնակիչներին՝ առանց որևէ առիթի:

Հետևապես, քրդական հեծելազոր գնդերը կազմակերպվում էին վաղորոք, բայց 1890-ական թվականներին դրանք պաշտոնա-կան կերպարանք ստացան, սպառազինվեցին ամերիկյան ու անգ-լիական զենքերով, կատարում էին զինվարժություններ և գործում թուրքական զինվորական հրամանատարութան ներքո:

«Նրա նախաձեռնությունը,—գրում է «Մշակ»-ը,—զինվորա-կան մի առանձին հանձնաժողով է կազմակերպված քուրդ աշիրեթ-ներից (ազատ բեկեր), որոնց թվում գտնվում են և զիլանելի, ալ-դերանելի, սելազլի, դարափափախչի ցեղերի ցեղապետները»³:

«Թուրքաց նորակազմ զորքը» վերնագրով «Մշակ»-ում եղած թղթակցությունն մեջ նշված է, որ Քրդստանում քրդերի թիվը կազ-

գեմ՝ իր կառավարության ծրագիրը իրականացնելու, Վան-Վասպուրականն ամա-լացնելու նպատակով: Սամի փաշայի թելադրանքով շեյխ Ուրեյդուլլան արագորեն ստեղծում է Էրզրակն միությունը: Նրան հանձնարարված էր գրավել պարսկական Ատրպատականը՝ այնտեղ քրդական պետություն հաստատելու համար (տե՛ս «Մշակ», № 289, 1879):

1880 թ. հուլիսի 2-ին Վանում եղած ժամանակ Խրիմյանը քրդական միու-թյան ստեղծումը համարեց «օսմանյան քաղաքականության» արդյունք՝ ուղղված Հայկական հարցի և հայերի գոյության դեմ (տե՛ս Աեռ, Թուրքահայ հեղափոխու-թյան գաղափարաբանությունը, հատ. Ա, էջ 120):

Քրդական հեծելազորների կազմակերպման, նրանց սպառազինման մասին հիշատակություններ կան 4. Պոլսի հայոց պատրիարք Ներսես Վարժապետյանի կողմից թուրքական կառավարության մեծ վեզիրին ներկայացրած զեկուցագրերից մեկում (տե՛ս ՆՍՄՄ Մ. Մատոցի անվան Մատենադարան, Իզմիրլյանի արխիվ, թղթապանակ № 14, վավերագիր 621 և այլ աղբյուրներում):

² Տե՛ս ՆՍՄՄ ՊԿՊԱ, Ամենայն Հայոց կաթողիկոսի դիվան, ֆոնդ № 57, գործ № 693, թերթ 3.

³ «Մշակ», № 110, 1891.

մում է 1.300.000, որոնցից յուրաքանչյուր 17 տարին լրացած արա-կան սեռին պատկանողը բանակ է կանչվում. «Օֆիցերները պետք է լինեն առավելապես քուրդ ազնվական տոհմերից... Քրդական հե-ծելազորը, ի պատիվ սուլթանի «Համիդիե գնդեր» անունն են կրում. քրդական բոլոր գնդերի հրամանատար է նշանակվում մի ֆերիկ-դեներայ»⁴:

Վասպուրականի մի խումբ հայեր Խրիմյանին ուղարկած հե-ռագրում քրդական այդ զորագնդերի և տեղական իշխանությունների կողմից հայերին հռչակելու մասին գրում են. «Վեհափառ տեր: Մեր հայրենիքը կրակի ու բոցի մեջ է այսօր: Տաճիկ տերությունը որոշած է դատարկել Հայաստանը: Նա դիմում է ամեն տեսակ սարսափեց-նող միջոցների, որպեսզի գաղթեցնի հայերին: Տանել այլևս անկա-րելի է»⁵:

Ալաշկերտի Գուր-Ղըրան գյուղից կոտորածներից ազատված եթեք հայ ընտանիքներ Խրիմյանին ուղարկած իրենց դիմումի մեջ շարադրում են այն ահավոր դրուժյունը, որ տիրում է իրենց գյու-ղում և որը առիթ դարձավ փախուստի դիմելու համար, որպեսզի փրկեն իրենց կյանքը և շտեմենն «սուրբ և պաշտելի տների ապա-կանումն ու անարգումը»⁶:

Սուլթանական սպանդանոցից Բուլղարիա փախած մի խումբ փախստականներ Խրիմյանին ուղարկած դիմումի մեջ գրում են. «Հայաստանը դարավոր բազմաշարժար պատմական կյանքի ըն-թացքում, պարսիկներից սկսած մինչև արաբների, թաթարների, մոնղոլների արշավանքները, որքան էլ ասպատակություն է կրել, որքան էլ այրվել ու ավերվել է, բայց այս տեսակ հալածանքի չի ենթարկվել: Այսօրվա բուն նպատակը ոչ այլ ինչ է, եթե ոչ բնա-ջինջ անել հայ ժողովուրդը իր մայրենի երկրից»⁷:

Ադանայից (Կիլիկիա) «Նոր-դար»-ի թղթակիցը թուրքական ու քրդական հրոսակների կողմից հայկական ջարդերի կազմակերպ-ման և անպաշտպան հայերի համար ստեղծված մահաբեր վիճակի մասին գրում է. «Մեզ համար Չինգիսխաններու և Լենկ Թեմուր-

⁴ «Մշակ», № 146, 1892.

⁵ ՆՍՄՄ ՊԿՊԱ, Ամենայն Հայոց կաթողիկոսի դիվան, ֆ. № 56, գ. № 46, թ. 2.

⁶ Մաշտոցի անվան Մատենադարան, Խրիմյանի արխիվ, ֆ. № 17, գործ № 101, վավերագիր 17.

⁷ ՆՍՄՄ ՊԿՊԱ, Ամենայն Հայոց կաթողիկոսի դիվան, ֆ. № 56, գ. № 46, թերթ 17.

ներու ժամանակը նորոգված է: Ամեն կողմը մահ և արյուն կհոսե, ոչ ոք չուր կյանքի ու պատվի վրա վստահ չէ»⁸:

Այս և նման շատ փաստերի հիման վրա և հայերի նկատմամբ գործ դրված գազանություններին անձամբ իրազեկ, պրոֆեսոր Դիլլոնը գտնում է, որ սուլթանական կառավարության գործողությունների բոլոր ձևերը մի նպատակ են հետապնդում՝ վերջ տալ քրիստոնյա հայերին: «Իրողություն է, — գրում է նա, — որ բնաջնջման նախագիծը գործադրվում է լավ և հիմնովին: Քրիստոնյա ազգաբնակությունը բնաջնջվում է, գյուղերը անցնում են ուրիշների ձեռքը համարյա նույնպիսի արագությամբ, ինչպիսի արագությամբ դեկորացիաները փոխվում են օպերաներում»⁹:

Երբ էմիլ Դիլլոնը մեկնում է Հայաստանից, նրան են ներկայանում հնուևի հայ ազգաբնակության ներկայացուցիչները և հանձնում իրենց համախոսականը՝ եվրոպական մեծ տերություններին ներկայացնելու, հայերին սպառնացող ահեղ վտանգի մասին նրանց իրազեկ պահելու համար: Նրանց համախոսականն ավարտվում է հետևյալ խոսքերով. «Միթե եվրոպական համակրությունը պետք է արտահայտվի մեր դագաղների վրա խաչակնքելու ձևով միայն»¹⁰: Անօգնական և մահվան դողով սարսափի մեջ եղած հայերը դեռ չէին հասկացել, որ սուլթան Աբդուլ Համիդը հայկական կոտորածների դիմեց հենց եվրոպական այդ մեծ տերությունների թողտուլությամբ:

Էրզրումի անգլիական հյուպատոս Կլիֆֆորդ Լոյդը Կ. Պոլսի՝ իր կառավարության ղեսպանին գրում է, որ «Սուլթանի հայ հպատակները տառաջիտրեն անպաշտպան են այնպես, ինչպես գայլերով շրջապատված ոչխարի հոտը»¹¹: Բայց անգլիական կառավարողները և նրանց ղեսպանները մատը մատին չխփեցին հայերին իրական օգնության հասնելու և սուլթանական դահիճներին պատժելու համար:

Թուրքական սուլթանը խորամանկություններ գործադրելու ճանապարհով կարողանում էր կապել եվրոպական մեծ տերությունների աչքերը: Նա իր ոստիկանական գաղտնի գործող հիմնարկությունների միջոցով լրտեսական կազմակերպություններ էր ստեղծում, սարքովի դավադրություններ կազմակերպում և դրանք հա-

մարում հայերի կողմից իշխանության դեմ ուղղված «ապստամբություններ»¹²: Բայց այդ դահիճը կամենում էր անպատճառ իր ձեռքի տակ ունենալ գրավոր ապացույցներ՝ հայերի կողմից իշխանության դեմ պատրաստվող հեղափոխության վերաբերյալ, որպեսզի մեծ տերությունների առջև արդարանար և արդարացներ իր «զզվելի ոճիրները, զանոնք արդարության գործեր նկատեի տար»¹³ — գրում է Ժագ դը Մորգանը:

Պատտոր Լեպսիուսը «Հայաստան և Եվրոպա» խորագրով աշխատության մեջ ուշագրավ փաստեր է հրապարակում սուլթանի կառավարության ստոր գործողությունների վերաբերյալ: Նա գրում է. «Նարբերդի շրջանի Հողե գյուղին քրիստոնյաները կը հավաքեն մզկիթի մը մեջ: Անոնց մեջեն կընտրեն 80 երիտասարդներ և գյուղեն դուրս կը տանին՝ կոտորելու համար: Հարյուրավոր հայեր տանջանքներու կը մատնեն, որովհետև կը մերժեն ստորագրել սուլթանին ուղղված գրություն մը, որուն մեջ իրենց ազգականներն ու դրացիները ամբաստանված էին որպես պետական մեծ դավաճաններ: Երբ անոնցմե մին կը մերժե դահիճին հանձնել իր գյուղի ամենապարկեշտ մարդիկը, դատավորները կը հրամայեն զայն շարչարել և ամբողջ գիշերը զայն կը տանջեն: Նախ կը գանահարեն ոտքին ներբանները սենյակի մը մեջ, որուն կից սենյակը կը գտնվին իր ընտանիքի իզական անդամները: Հետո կը կապեն զայն, կը խարաղանեն, անոր մորուքին մազերը մեկիկ մեկիկ կը փրցնեն, կարմրած երկաթով մը կայրեն անոր մարմինը: Ան միշտ կը մերժե իրմե պահանջված խոստովանությունը և կըսե. — քրիստոնյա եմ, չեմ կրնար իմ հոգիս արատավորել անմեղ արյունով... հանուն աստվածային գթության, սպանեցեք զիս»¹⁴:

Ինչպես անցյալում, այնպես էլ ներկայումս, պատմության թուրքական կեղծարարները փորձում էին և փորձում են ծածկել ոճրագործությունների հետքերը: Նրանց չի հաջողվել և չի հաջողվի սքողել հազարավոր մեղադրական փաստերը: Ի՞նչ է գրում պատտոր Լեպսիուսը իր «Հավատք և կյանք» աշխատությունում: Նա գրում է. «Այստեղ 300-են 400 կիներ, այնտեղ 200 կիներ գինվորներու զանության հանձնվելի վերջ՝ կը բնաջնջվին սուրի կամ սվիններու

⁸ «Նոր-դար», № 25, 1895:

⁹ «Положение армян в Турции», էջ 156:

¹⁰ Նույն տեղում, էջ 12:

¹¹ Նույն տեղում, էջ 133:

¹² Տե՛ս լրտես Զիա բեյի խոստովանությունները («Միտասարդ Հայաստան», № 10, 1908):

¹³ Ժագ դը Մորգան, Հայ ժողովրդի պատմությունը, էջ 340:

¹⁴ Նույն տեղում:

հարվածներու տակ: Ուրիշ տեղ մը 60 կիներ, դեռատի աղջիկներ օրերով կը բանտարկվին փոքրիկ եկեղեցիի մեջ. հետո կը հանձնվին զինվորներուն, վերջապես կը խողխողվին, արյան հեղեղ մը կը հոսի եկեղեցիի դռան առջև: Ուրիշ տեղ ալ լեբան մը վրա բանի մը հազար փախստականներ տասը օր կը դիմադրեն: Բայց իզուր: Կին մը կը հառաչանա ժայռի մը վրա ու կը պոռա. «Քույրեր, պետք է ընտրել երկուքեն մեկը,—կամ հանձնվիլ թուրքերուն, կամ ընծի հետևիլ» և գրկելով իր մեկ տարեկան զավակը, կը գահավիժի անդունդը: Իր ընկերակիցները անոր կը հետևին: Եվ սուլթանը շքանշաններ կը պարգևե մարդասպաններու հրամանատար պաշտոնյաներուն: Արծաթազօծ դրոշակ մը կը զրկե քուրդ բեկերուն»¹⁵:

Կոտորածներին զուգընթաց Արևմտյան Հայաստանում մոլեգնում էր նաև սովը, որը սուլթանական կառավարության շարդարարական քաղաքականության և քրդական զորագնդերի անողոք ասպատակությունների արդյունքն էր: Սովի մատնված տասնյակ հազարավոր հայ ընտանիքներ բռնում էին կործանարար գաղթականության ուղին:

«Սով Վանի նահանգում» վերնագրի տակ «Մշակ»-ը տպագրեց արտասահմանյան մի լրագրի հետևյալ հաղորդագրությունը. «Վասպուրականի համայն հայ ժողովուրդը այժմ սովե սաստկապես կը տառապի: Օսմանյան հոռի վարչություն, յուր ուղղակի կեղեքումներով և բարբարոս քուրդերի անվերջ հափշտակություններով չկարողանալով բնիկ հայ ժողովուրդը հեռացնել հայրենիքեն, պարբերաբար սովեր առաջ կբերե, զանոնք բոլորովին հուսահատեցնելու համար»¹⁶:

Արևմտահայերի գաղթի պատճառների մասին Ա. Արփիարյանը գրում է. «Կարինի և Բաղեշի վիլայեթներում տեղի ունեցած այս երկու տարվա սովից հազարավոր ընտանիքներ գաղթեցին աշխարհիս այլևայլ կողմեր, թողնելով իրենց սեփական անշարժ կալվածներ, հայրենի հողը և բնակությունը. շատեր ցրտեն ու քաղցեն մեռան, շատերը կորան և գրեթե բոլոր բնակիչները մեծ թշվառությունների և անբախտությունների մատնվեցան»¹⁷:

Արևմտահայ մի խումբ մարդիկ համիդիական զորագնդերի կողմից հայերին պատճառած շարիքների և նրանց հարկադրաբար գաղթելու մասին Նուրիյանին գրում են «Նա. (իմա՝ հայ ժողովուր-

15 Ժագ դը Մոգան, Հայ ժողովրդի պատմությունը, էջ 341:

16 «Մշակ», № 11, 1892:

17 «Մշակ», № 86, 1894:

դը—Ն. Վ.) թողնում է իր երկիրը ոչ թե այն պատճառով, որ չէ կամենում հերկել հողը, ապրել իր ճակատի քրտինքով, որ խույս է տալիս ծանր աշխատանքից, որ հրաժարվում է կատարել իր քաղաքացիական պարտավորությունները դեպի իր իշխանությունը. ո՛չ, հազար անգամ ո՛չ: Նա գլուխն առած փախչում է, գաղթում է քուրդ հրոսակների անթիվ ասպատակություններից և ավազակություններից ստիպված, տաճիկ փաշաների և ուրիշ պաշտոնյաների անտանելի կամայականություններից բռնադատված: Այդ հարստահարությունները այնպիսի ծայրահեղ աստիճանի հասան, որ հայ ազգի մի մասը, մի բուռն աղքատ լեռնականներ ստիպված եղան զենքով դիմադրել վարչական կամայականություններին և պաշտպանել իրենց մարդկային իրավունքներն ու ընտանիքի պատիվը»¹⁸:

Վանի անգլիական հյուպատոսը Կ. Պոլսի իր կառավարական դեսպանին հաղորդում է մի սարսափելի տեսարանի մասին. «Ինձ տեղեկություններ են հասել,—գրում է նա,—ընթացիկ ամսվա 17-ին Բիթլիսի Ալիբեկի որդին, շերքեզ զափթիաների ուղեկցությամբ, որոնց թիվը հասնում է մինչև 40 հոգու, երևացին հայկական խորմուզ գյուղակում և գիշերը անցկացրին Նիկոև Խաչիկի տանը: Այդ մարդը ենթարկվեց խոշտանգումների այն բանի համար, որ իր պատիվը պաշտպանելու նկատառումով դիմեց միջոցների և հետո մեռավ»¹⁹:

Անպաշտպան և բախտի քմահաճույքներին մնացած հայերը բազմաթիվ դիմումներ են ուղարկում Նուրիյանին և խնդրում են շուտափույթ օգնություն իրենց վտանգված կյանքը փրկելու նպատակով:

Համիդիական զորագնդերի կողմից հայ աշխատավորներին պատճառած ահավոր սարսափների մասին Բաղեշի հայերը Կ. Պոլսի հայոց պատրիարքին ուղարկած իրենց ուղերձում գրում են. «Քոսի Մարգարի եղբոր կինը կամեցան բռնություն արած լատառ գյուղի շնյի Ամարը յուր մարդկանցով: Բայց նրանց ընդդիմացան և ընդդիմացողները սպանվեցին: Չարագործները մնացին առանց պատժի... Նույն գյուղացի Շնգեռի թաքեի որդի նազարին քրդերը սպանեցին կալի մեջ գիշերը այն պատճառով, որ մերժեց տալ նրանց ցորեն: Չարագործները մնացին անպատիժ... Նույն գյու-

18 ՉՍՄԶ ԳԿԳԱ, Ամենայն Հայոց կաթողիկոսի դիվան, ֆ. 57, գ. 496, թ. 3:

19 «Братская помощь армянам», Մոսկվա, 1897, էջ XI:

ղացի Ընդո Կակոյի աղջիկ Գյոգալին փախցրեց Խաչգո գյուղացի շեյխ Մատոն: Կակոն բողոքեց ղայմաղամին և Մուշի փաշային: Բայց գանգատը մնաց անլսելի և աղջկան տաճկացրին: Նույն գյուղացի ժամկոչ Ենգոյի կինը մարդի համար հաց է տանում արտը: Ճանապարհին նրան պատահում է խուֆեցի քուրդ Իբոն 3 ընկերով: Բռնում է այդ կնոջը և զոռով տանում է, տաճկացնում և յուր կինն է շինում: Ենգոն բողոք տվավ ղայմաղամին ու փաշային: Բայց նրա բողոքը մնում է անլսելի և 4 երեխեքն մնացին առանց մայր»²⁰:

Այդ նույն ուղերձում Բաղեշի հայերը հիշատակում են է՛լ ավելի ահավոր փաստերի մասին, որոնք վկայում են, որ թուրքական կառավարությունը ամեն ջանք գործ էր դնում հայերի ասիմիլացման և բնաջնջման համար: Համախոսականում ասված է.

«Ապրի գյուղացի շեյխ Քամիրը անցյալ 1893 թ. մի քանի զինավորված քրդերով մտավ Մելոյի տունը և նրա որդի Օհանեսի կնոջը զոռով հափշտակեց տարավ մերձակա Կաբուլ քրդի գյուղը, տաճկացրավ, յուր կին դարձրավ: Այդ հարսը երեք ամիս էր, որ պսակվել էր: Մելոն բողոքեց ղայմաղամին և Մուշի փաշային շեյխի բարբարոսական շարագործությունների վրա, բայց նրա բողոքը անլսելի մնաց և հարսը մնաց շեյխի մոտ. դրանից սավայի շեյխը Մելոյի տան արծաթեղենը և ոսկեղենը հափշտակեց...»²¹:

Այս ահավոր սարսափներից հետո, 1892 թվականին սուլթան Համիդի ծննդյան տոնակատարության առնչությամբ, Աշրգյանը մի հեռագիր է ուղարկում գավառի բոլոր հայ հոգևոր առաջնորդներին և պահանջում է ժողովրդի մասնակցությամբ հատուկ պատարագներ կազմակերպել, աղոթել և երկար կյանք մաղթել սուլթանին: «Հենց որ,—գրում է «Մշակ»-ը,—Կ. Պոլսում կամ Թուրքաց Հայաստանում մի որևէ արտասովոր դեպք է պատահում, լինի դա սով թե խուլերա, հայոց ազգի տոն, թե մահամեղական մի մեծ ծես, Սահմանադրության տարեդարձ, թե սուլթանի գահակալության տարեդարձ»—միևնույն է, Աշրգյան պատրիարքը առիթից օգուտ է քաղում և իջնելով մայր եկեղեցին կամ կոնդակ հրապարակելով՝ հրավիրում է համայն թուրքահայերին, որ սուլթանին երկար կյանք պարգևէ, ի փառս և ի մխիթարություն օսմանյան պետության»²²:

Եթե Աշրգյանը և հայ էֆենդիները բաժակ էին բարձրացնում և աղոթում սուլթան Համիդի համար ու ցանկանում նրան երկար

20 ՀՍՍՀ ՊԿՊԱ, ֆ. 42, գ. 29, թ. 16:

21 Նույն տեղում, թ. 18:

22 «Մշակ», № 13, 1892:

կյանք, մաղթում արևշատություն, ապա Համիդի կառավարության դաժանություններից Փարիզ փախած հայ գաղթականների մի խումբն էլ իր բաժակն էր բարձրացնում և ասում. «Սուլթան Ապայուլ—Համիդ, այս հանդեսին մեջ՝ մենք ալ մաղթանք մը ունինք քեզի ըսելիք: Կմաղթենք, որ կյանքդ դեռ քիչ մը տևի: Մեզի համար տաժանելի պիտի ըլլար տեսնել քու հանկարծական անհետացումդ՝ հասարակ մահով մը, առանց քու գոյությունդ իր տրամաբանական պսակումը ստացած ըլլար, առանց որի դու ընդունած ըլլաս պատիժը, որ քեզի կսպասե և որ այնքան ահավոր պիտի ըլլա, որքան դու գարշելի եղար: Վրեժը, որ կուտակված կմնա այն անհամար տառապանքներուն խորը զոր դուն քո ձեռքովդ քսանուհինդ տարիելի վեր կազմեցիր պետությանդ ամբողջ պատմության մեջ պիտի շունենա պայթելու այնքան ավելի զորությամբ, որքան բիրտորեն զսպվեցավ մինչև ցարդ: Քու վախճանիդ արհավիրքը այնքան մեծ պիտի ըլլա, որքան քու ոճիրներուդ ահագնությունը:

Մեռելներու ձայնովը թնդացող այս բաժակաճառը՝ ամբողջ հայ ժողովուրդը կկրկնե այս վայրկյանիս իր՝ ցավով ուռած սրտին խորեն: Եվ հայ ժողովրդի հետ այս նույն բաժակաճառը կհուզեցնե բոլոր այն ժողովուրդները, որ դժբախտության մեջ մեզի եղբայր են եղած կամ տակավին, պուկարները, ասորիները, եզդիները, կրետացիները, մակեդոնացիները, բոլոր այն ժողովուրդները, որոնք կրած են արյունի և ամոթալի լուծը նոր ժամանակներու ամենն զազիր ճիվաղեն:

Հակառակ այդ խնջույքը պաշարող զինվորներու թանձր ցանկապատին, այս բաժակաճառին արձագանքը պիտի հասնի մինչև կոչնակները, պիտի որոտա պաշտոնական ճառերուն լիտի արվեստականության մեջտեղը, պիտի տիրապետե անոնց:

Եվ եթե կոչնակները համառին խուլ մնալ այս ձայնին, ազատ մարդոց խիղճը զայն պիտի լսե աշխարհիս շորս անկյուն և պիտի մասնակցի, վստահ եղեք, այս անեծքի և վրիժառության աղաղակին:

Մի խումբ սգավոր հայեր»²³:

Տառապյալ հայերի այս բաժակաճառը, վրիժառությամբ լցված նրանց անեծքն ու ցասումը Աբդուլ-Համիդին ուղղված, ողջ հայ ժողովրդի վրեժի ու ցասման արտահայտությունն է ընդդեմ թուրքական բռնակալության:

23 «Անահիտ», № 9, 1901, Փարիզ:

Հայկական կոտորածները տեղի էին ունենում եվրոպական մեծ տերությունների դեսպանների աչքի առջև ու նրանց գիտությամբ: 1894—1896 թվականներին սուլթանական ռեժիմը սրի քաշեց ավելի քան 300 հազար հայերի: Հրկիզվեցին և հողին հավասարվեցին ավելի քան 3000 հայկական գյուղ, տասնյակ հազարավոր հայեր իրենց ֆիզիկական գոյությունը պահպանելու համար ստիպված էին թողնել հայրենիքը և ցրվել ամբողջ աշխարհով²⁴:

Սանր ու անդառնալի էր արևմտահայ ժողովրդի կորուստը: 1895 թ. մարտի 20-ին Նուբար փաշային գրած իր նամակում հայկական ողբերգության և սուլթանական կառավարության շար դիտավորությունների մասին նրիմյանը նշում է, որ Աբդուլ-Համիդը Բեուլինի դաշնագրի 61-րդ հոդվածի կիրառումը տեսնում է հայերի բնաջնջման մեջ: «Եթե բովանդակ հայոց գաղթականները հավաքենք,—գրում է նա,—թե ընտանիքով և թե անընտանիք, թիվը հասնում է մինչև 180.000-ի... Այսպես ի գործ դրավ Բարձր Դուռն յուր գաղտնի նպատակը. այնչափ խեղդեց ու ճնշեց հայու կյանքն ու հողին, մինչև որ նա ստիպվեցավ թողուլ յուր սիրելի բնակավայրը՝ ուր յուր պապերուն թողած արդար ժառանգությունն էր, ու դիմել օտարության: Եվ դու գիտես, թե չկա աշխարհի վրա մի թշվառություն ազգի համար, քան թե հայրենազուրկ լինել: Այսպես հայու հողեն քանդել կուզե հայոց արմատը,—որպեսզի հետո ասե. «Ոչ հայ կա, ոչ Հայաստան» և այս կերպ փակե Արևելյան խնդիրը և պատասխան տա քրիստոնյա տերությանց... «Իմ կայսրությունն միայն իսլամ ժողովրդի համար է. թողեք ինձ, որպես կամիմ, այնպես կառավարեմ» և այլն²⁵:

Էմիլ Դիլլունը նշում է, որ ջարդարարության հետևանքով որբ մնացած երեխաների թիվը հասնում էր 100.000-ի: Նա իրավացի կերպով պնդում է, որ թուրքական կառավարությունը լրիվ կերպով չի հրապարակել սպանված հայերի թիվը, որովհետև «նրանցից շատերը իրենց մահը գտան Հայաստանի լեռներում կամ Բոսֆորի լազուրյա ալիքների մեջ»²⁶:

Անասելի վշտերի տակ ճնշված, ստրկական կահանքներով շղթայված, թախծի մոռյալ կնիքով ճակատը դրոշմված, մարմնացած տանջանքը կյանքի ու գույքի անապահովություն, պատվի

արատավորում, ասիմիլացման սպառնալիք, մահաբեր արտագաղթ,—այսպիսին է եղել զավառահայության իսկական սրտառույ պատկերը սուլթանական թուրքիայում:

«Այլասերել տաճկահայ ժողովուրդը,—գրում է «Մշակ»-ը,—զրկելով նրան մարդկային ոգու հատուկ բոլոր ձգտումներից և ինքնագիտակցությունից՝ սոսկալի տանջանքներով և կաշկանդիչ դառն պայմաններով... լայն ասպարեզ տալ զոռ քրդերին իրենց սուրն ու հրացանը հայ կենդանի անզեն զոհերի վրա փորձելու, նպաստելու տաճկահայ ժողովրդի բարոյական մահացությունն ու ֆիզիկական վերջնական անկման... ստիպել նրան գաղթականության կորստաբեր քայլեր անդադար անելու, փչացնելու, անդառնալի կորստի մատնելու հայտնի դիտումով,—ահա թուրք կառավարության վտանգավոր քաղաքագիտական հայացքների համառոտակի ամփոփումը»²⁷:

Սուլթանական կառավարության ջարդարարական քաղաքականությունը արևմտահայերի ապստամբական ելույթների առիթը եղավ: Նրանք սրտատրոփ սպասում էին Բեուլինի դաշնագրի 61-րդ հոդվածով խոստացված բարենորոգումների կիրառմանը, բայց հոգվածով խոստացված բարենորոգումների կիրառմանը հաշվի չնստեցին այդ թուրքական իշխանությունները ամենևին հաշվի չնստեցին այդ հոգվածի հետ: Նրանք արհամարհեցին 1880 թ. հուլիսին և սեպտեմբերին եվրոպական դեսպանների կողմից եղած ազդարարումները և ուղղակի անցան հայերի մասսայական ջարդերի կազմակերպմանը: «Բարձր Դուռը,—գրում է Ժակ դը Մորգանը,—այս դիտողության չի պատասխաներ (իմա՝ ազդարարումներին—Հ. Վ.), և շնորհիվ եվրոպայի անտարբերության կը շարունակվին հայոց հալածանքները, Հայաստանի մեջ՝ ամեն տեղ, հայերը կը զրկվին իրենց հողերեն և իրենց հուսահատության մեջ շատ անգամ կապստամբին»²⁸:

Իրենց ֆիզիկական գոյության և ազգային արժանապատվության համար հայերի արդարացի պայքարը թուրքական կառավարիչները դիտում էին որպես իրենց պետականության դեմ ուղղված սեպարատիստական քայլ և այդ պատրվակով ձեռնարկեցին հայկական կոտորածները: Արդարացնելով սուլթանական կառավարության շարանեղ գիտավորությունները, մեղադրելով հայերին «սեպարատիստական» հակումներ ցուցաբերելու մեջ, Ջեմալ փաշան

²⁴ Տե՛ս Ե. Սարգսյան և Ռ. Սաճակյան, Հայ ժողովրդի նոր շրջանի պատմության նենգափոխումը թուրք պատմագրության մեջ, Հայպետհրատ, 1963, էջ 12:

²⁵ Գ. Լազյան, Հայաստան և հայ դատը (վավերագիր), Փարիզ, 1946, էջ 119:

²⁶ «Положение армян в Турции», էջ 128:

²⁷ «Մշակ», № 111, 1894:

²⁸ Ժակ դը Մորգան, Հայ ժողովրդի պատմությունը, էջ 328:

գրում էր. «Եվ որովհետև հայերն անկախ մի պետութիւն հիմնելու ձգտում ունեին, մի պետութիւն, ուր նրանք, շնայած քուրդերի և թուրքերի թվական գերազանցութեանը, պետք է վերջինների վրա իշխեին, ուստի ինքնըստինքյան հասկանալի է, որ սրանք էլ իրենց կողմից ամեն կերպ աշխատում էին ի դերև հանել հայերի այդ ծրագիրը»²⁹:

Թուրքական գիշատիչներն իրենց զենքը առաջին հերթին ուղղեցին այն քաղաքների ու գավառների դեմ, որոնք աչքի էին ընկել օսմանյան բռնապետական կարգերի դեմ մղած ազատագրական պայքարի հերոսական անցյալով:

ԷՐԶՐՈՒՄ ՑԻՆՆԵՐԻ ՑՈՒՅՅԸ 1890 Թ. ՀՈՒՆԻՍԻ 20-ԻՆ

Թուրքական հետախուզական — ոստիկանական օրգանները սուլթանին տեղեկացրել էին այն մասին, թե էրզրումի հայերը զենքեր են կուտակել և պատրաստվում են ինքնապաշտպանութեան: Սուլթանը հրաման է ուղարկում նահանգապետին (վալիին) և պահանջում է դիմել կտրուկ միջոցների: Նահանգապետի կարգադրությամբ 30 ոստիկաններ ներխուժում են էրզրումի հայկական եկեղեցու բակը և սկսում են խուզարկել այն ժամանակ, երբ եկեղեցում տեղի էր ունենում պատարագ: Այդ քայլը առիթ դարձավ հայերի ու ոստիկանների միջև տեղի ունեցած զինված ընդհարման:

Հայ երիտասարդները վազում են դեպի եկեղեցին՝ արգելելու համար ծրագրված խուզարկությունները, որոնց առաջնորդում էր Հակոբ Իզգալացյանը: Նրանցից մի քանիսը զինված էին ատրճանակով: Հայերը փորձեցին համոզել ոստիկանապետին՝ զինվորներին եկեղեցուց դուրս հանելու համար, բայց նրանց գործադրած ջանքերը ապարդյուն եղան: Զինվորներն ու ոստիկանները սկսում են կրակել հայերի բազմության վրա, սպանում են շորս մարդու: Հայերը հերոսաբար դիմադրում են թշնամուն և իրենց հերթին սպանում մի քանի զինվորների: Բայց ուժերը անհավասար էին: Թշնամին գործում էր սանձարձակությամբ: Շարունակվում էին խուզարկություններն ու ձերբակալությունները: Դպրոցի տեսուչ Գր. Զիլինկիրյանը փախավ Կովկաս, իսկ ցուլցի ղեկավարները՝ Խ. Կերեկցյանը, Իշգալացյանը, Սահաթճյանը և Հակոբ Նշկյանը թաքնվում են: Թուրքական կառավարությունը ինքնապաշտպանության դիմած էրզրումի հայ հասարակության նկատմամբ անասելի գազանություններ գործադրեց:

²⁹ Զեմալ փաշա, Հայկական հարցը, Երևան, 1927, էջ 11.

էրզրումցիների նկատմամբ սուլթանական իշխանությունների գործադրած գազանությունները է՛լ ավելի ուժեղացրին հայերի գայրույթն ու ցասումը:

Բշրեցան դրոներն սուրբ տաճարներին,
Նորից խոխոջաց արյուն հորդառատ,
Լիճ քստմանելի դարձավ խեղճ Կարին,
Հայ արտասուքի, արյան անարատ³⁰,—

գրում էր այդ օրերին Ռ. Պատկանյանը:

էրզրումի անցքերին նվիրված պոեմում Ս. Շահազիզը անարգանքի սյունին է գամում եվրոպական տերություններին, որոնք իրենց շահերից ելնելով՝ քաջալերում էին սուլթանին իր ոճրագործությունների մեջ.

Լախտեր շափելով կաշեհան մեջքին,
Քաշում են առապատ, անմեղ Հիսուսին...
«Ազատ բարաբվա՛ գող ու ավազակ,
«Ազատ է օսման, վճռեց Եվրոպան.
«Խեղճեցեք դրան, ջարդեցեք կզակ,
Որ այլևս մեզ բողոք չկարդա»³¹:

Շահազիզը միաժամանակ քաջ էրզրումցիներին համարձակ մարտի էր կոչում, դաստիարակում նրանց մեջ հաստատ համոզմունք իրենց արդար գործի վերջնական հաղթանակի նկատմամբ:

Վտանգի ենթարկված արևմտահայ ժողովրդի ազատագրության հարցը կազմում էր ժամանակի հուզող հարցը: Արևելյան Հայաստանից հարյուրավոր հայ երիտասարդներ մեկնում էին Արևմտյան Հայաստան՝ իրենց եղբայրներին օգնելու, սուլթանական ուժերից նրանց ազատագրությանը աջակցելու համար:

Ապրելով իր հարազատ եղբայրների կրած ծանր ցավերով ու տառապանքներով, հայ ժողովրդի անվանի բանաստեղծ Ալ. Մատուրյանը «Ես չեմ երգում» բանաստեղծությունում գրում է.

Ես չեմ երգում: Իմ երգերում ցավատանջ
Այն հարազատ իմ տառապյալ խեղճ եղբայր
Դուք լսում եք խուլ հեծեծանք ու հառաչ
Եվ կարդում եք ազգիս վիշտը դարավոր³²:

³⁰ «Մշակ», № 21, 1893:

³¹ Ս. Շահազիզ, Երկեր, էջ 118:

³² Ալ. Մատուրյան, Երկեր, էջ 41, Հայպետհրատ, 1948:

«Ձինվորի երգը» բանաստեղծության մեծ Մատուրյանը ձգտում է ընկնել կովի դաշտ, օգնության ձեռք մեկնել իր եղբայրների՝ բռնության շղթաները թոթափելու համար նրանց ծավալած ազատագրական պայքարին:

— Թոիր, իմ նժույգ, սլացիր շուտով,
Տար ինձ ցանկալի կովի փոթորիկ,
Կովի մեջ միայն ես արյան գնով
Կը փրկեմ իմ խեղճ, ստրուկ հայրենիք³³:

Բռնակալության դեմ հայ մարտիկներին պայքարի կոչելով, Ալ. Մատուրյանը տեսնում է նրանց համար առաջընթացի նորանոր հնարավորություններ ու գալիք նոր ապագա:

— Հառաջ, իմ եղբայր... հերի՛ք, որքան՝
Խրդճուկ, անձնատո՛ւր, ապիկար լացի՛
Ողբացի անլուռ, սրգավորի նրման,
Զուր սպասելով վարդ լուսաբացին,
Հառա՛ջ... քաջաշունչ, հաղթական հոգով
Բա՛ց քեզ ճանապարհ,— վաղ թե ապագան
Քո հարթած ուղին կը ծածկվի ծաղկով.
Այլ ուղի շունի քո լույս ապագան...³⁴:

Իրենց եղբայրների ապագայի նկատմամբ եղած այս վառ հույսերով ոգևորված, ծանր փորձություններ հաղթահարելու ճանապարհով, հայ երիտասարդները մեկնում էին կովի դաշտ և մասնակից դառնում սուլթանական բռնապետության դեմ ուղղված արևմրտահայ հատվածի ազատագրական պայքարին:

Էրզրումի անցքերի առիթով հնչակյանները կազմակերպեցին մի շարք ցույցեր՝ եվրոպական տերությունների ուշադրությունը Հայկական հարցի վրա բեռնելու նպատակով: Հնչակյանների Տրապիզոնի կազմակերպությունը որոշում է հերթական ցույց կազմակերպել Կ. Պոլսում՝ մեծ տերությունների դեսպանների աչքի առջև:

1890 թ. գարնանը Ռուբեն Խանազատը մեկնում է Կ. Պոլիս և հանդիպում Գ. Կաֆեյանին, Հ. Ծանկյուլյանին, Մուրադին (Հարություն Պոյաճյանին): Հուլիսի 12-ին Մուրադը, Տամատյանը, Հ. Ծանկյուլյանը, Գ. Աչրգաչյանը, Գ. Գրլճյանը, Հ. Գազանճյանը և Մ. Վարդանյանը որոշում են խաղաղ ցույց կազմակերպել Պոլսում:

33 Նույն տեղում, էջ 127:

34 Նույն տեղում, էջ 240:

որպեսզի կարելի լինի լավ կերպով Հայկական հարցի վրա դարձնել մեծ պետությունների ուշադրությունը»³⁵: Խրիմյանն այդ մարդկանց անվանեց «խենթեր» և Մամբրե վարդապետի միջոցով հայտնեց, որ կրակի հետ խաղ չանեն:

Յուլյոս տեղի ունեցավ 1890 թ. հուլիսի 15-ին, որը նշանավոր է Գում-Գաբուի ցույց անունով: Այն տեղի ունեցավ Գուրբան Պայրամ Ալիի առաջին օրը: Յուցարարները բողոքում էին Կարինի (էրզրումի) խուզարկությունների և հայերի դեմ սկսված գազանությունների դեմ: Գում-Գաբուի եկեղեցում, պատարագի ժամին, Աչրգաչյանը կարդում է սուլթանին ներկայացվելիք հայերի բողոքն ու պահանջները: Գում-Գաբուի պահակապետ Մուստաֆա բեկը ուշադրությամբ հետևում էր հայերի գործողություններին:

Այն ժամանակ, երբ ժողովրդի ոգևորությունից բաջալերված Հ. Ծանկյուլյանը և հնչակյանների ճնշման ներքո՝ Աչրգաչյանը կառքը նստած շարժվում են դեպի Բ. Դուռը, այն ժամանակ 50 ոստիկաններ իսկույն շրջապատում են կառքը, ձերբակալում Ծանկյուլյանին և հարձակվում ցուցարարների վրա: Սկսվում են կոիվներ. կառավարական նոր զորքեր են նետվում կովի մեջ, զոհվում են շատ մարդիկ: Մուրադը թաքնվում է, իսկ Ծանկյուլյանը ձերբակալվում և ենթարկվում ցմահ բանտարկության³⁶:

1890 թ. օգոստոսի 21-ին Կ. Պոլսի անգլիական դեսպան սեր Հուայթը իր կառավարությանը հաղորդում է հետևյալը. «Ձինվորական ատյանը կուզա հայտարարելու յուր վճիռներն ընդդեմ այն անձանց, որոնք Գուրբան-Պայրամի առաջին օրը հավաքվելով պատրիարքարանի մեջ՝ գործում են ոճրագործ արարքներ՝ մեծ խռովություն մը առաջ բերելու, անտեսելով իրենց հպատակության պարտավորությունները: Արթին Ծանկյուլյանը, որ առաջին դերակատարը եղած է օսմանյան հպատակներուն մեջ ապստամբություն մը ծագեցնելու ընդդեմ օսման կառավարության... մահվան դատապարտված է»³⁷:

Այսպիսով, բոլորովին արգարացի պահանջներով խաղաղ ցույցի դիմած հայերի շարքերը գնդակոծվեցին, իսկ մեծ տերությունների դեսպանները իրենց անտարբերությամբ քաջալերում էին սուլթանին և հայկական կոտորածները համարում նրա ներքին գործը:

35 Ռուբեն Խանազատ, Հիշողություններ Խրիմյանի մասին, Քիֆլիս, 1908, էջ 16:

36 «Պատմություն Ս.-Գ. Հնչակյան կուսակցության», հատ. Ա և հետո, Պեյրուս, 1962, էջ 53:

37 ՀՍՍՀ ԳԱ պատմ. ինստիտուտի արխիվ, Լեոի ֆ., Քղթապ. № 1, թերթ 67:

էրզրումի իրադարձութիւնների, Կ. Պոլսում տեղի ունեցած գազանութիւնների և սուլթանական կառավարութեան շարդարարական քաղաքականութեան լուրը հասնում է լեռնային Սասուն: Հասկանալով սուլթանի կառավարութեան նենգ դիտավորութիւնները, Սասունի հերոս ժողովուրդը նախապատրաստվում է զենքով դիմավորելու սպառնացող ահեղ վտանգին: «1890-ին սուլթանը,— գրում է Ժագ դը Մորգանը,— որ արդեն կը պատրաստվեր հայեր բնաջնջելու, հանճարեղ գաղափար մը հղացած էր, այն է Հայաստանի դրացի քյուրդ հրոսները զինել՝ Համիդիէ ձիավորներ անվան տակ, ինչպէս նախատեսել է, իր նպատակն էր այս ավազակները գրգռել քրիստոնյաներու դեմ: Հետո քաջալերվելով դեսպաններու վարանոտ դիրքեն, 1894-ին կը հրամայէ Սասունի մէջ կատարել կոտորածի փորձ մը, որ երեք շաբաթ կը տևէ: Նույն ինքն՝ կանոնավոր զորքն էր, որ ստանձնած էր մահ սփռել ամբողջ Հայաստանի մէջ»³⁸:

Իր շար դիտավորութիւններն իրագործելու համար սուլթանական կառավարութիւնը և նրա տեղական իշխանութիւնները նախապես սկսեցին գրգռել քրդական ավազակապետների կրոնական մոլեռանդութիւնը հայերի դեմ: 1890—1891 թվականներին Բաղեշի իշխանութիւնները քրդական շեյխեր ուղարկեցին Սասուն՝ քրդերին հայերի դեմ տրամադրելու նպատակով: Այդ շեյխերի թվումն էր նաև նշանավոր Հաջի Դայիբը, որը հայտնի էր, որպէս զորեղ նեցուկ հանրածանոթ դահիճ Մուսա բեկի ոճրագործութիւններին: Նա իր մոլեռանդ ունակցիոն քարոզներով գրավեց քրդական վերնախավերի ու ամբոխի համակրութիւնը, հայերին հուշակեց որպէս քրդական հավատի թշնամի (դինդուշմանի), խափանեց հայերի ու քրդերի համերաշխութիւնը, ոտքի հանեց քրդերին հայերի դեմ: Դիայիբն և նրա հրոսակները միանգամայն արդարացրին սուլթան Համիդի հուշերը: Քրդական այդ արշուները ասպատակում էին հայկական գյուղերը և անասելի զրկանքների առջև կանգնեցնում հայերին:

Սասունի դեմ կազմակերպած իր գործողութիւններով թուրքական կառավարութիւնը վրեժ էր լուծում նրա հերոս ժողովրդից, ժողովուրդ, որը 19-րդ դարում արդեն շտրագ անգամն էր ըմբոստանում օսմանյան բռնապետական կարգերի դեմ: Հետևապես, Սա-

³⁸ Ժագ դը Մորգան, Հայ ժողովրդի պատմութիւնը, էջ 340:

սունի ապստամբութիւնը ինքնաբոլի էր և արդարացի, որը նշանակալից ավանդ է հայ ժողովրդի ազատագրական պայքարի տարեգրութեան մէջ:

Սասունի ժողովրդի անձնուրաց զավակները նախապատրաստեցին ու ղեկավարեցին ժողովրդի հերոսական պայքարը թուրքական բռնապետութեան դեմ:

Լեռնային Սասունը գտնվում էր Բիթլիսի նահանգում, Մուշ քաղաքից դեպի հարավ: Նրա հարևանները իսլամացած քրդերն էին: Բայց հայերի ավելի կատաղի թշնամիները բաքրանցիների, վալբացիների, բադրբանցիների, զիանցիների, զիլանցիների, շեշդանցիների, ինրկացիների, խատրկանցիների ցեղապետներն էին, որոնք գործում էին թուրքական իշխանութիւնների թելադրանքով և իրենց զինված հրոսակներով հանգիստ չէին տալիս հայ բնակչութեանը: «Սասունի քյուրդերի մէջ այժմ հայտնի են երկու շեյխեր,— գրում է Ա. Քալանթարը,— Զիլանում ապրող շեյխ Մահմադը և Դուգատում (Հեղինի մոտ) ապրող շեյխ Ամարը: Դրանք քյուրդերի առաջնորդներն են, կամ, ինչպէս սասունցիներն են ասում, քյուրդ եպիսկոպոսները: Վերջին կոտորածի նախապատրաստական գործողութիւնների մէջ այդ շեյխերը ունեցան մեծ մասնակցութիւն: Նրանց հետ էր խորհրդակցում Բիթլիսի տխրահուշակ քաղաքապետ Քահսին փաշան»³⁹:

Քրդական ցեղապետների սանձարձակ ոտնձգութիւնները և թուրքական տեղական իշխանութիւնների անկաշկանդ կամայականութիւնները, անասելի հարստահարութիւնները այլևս տանելի անհնարին էր: Սուլթանական կառավարութեան քաղաքականութեան դեմ Սասունի ժողովրդի ըմբոստութիւնը դրսից եկած մարդկանց թելադրանքով շէր, ինչպէս փաստարկում էին թուրքական իշխանութիւնները, այլ հայ ժողովրդի օրինական ցասումն էր՝ իր մարդկային արժանապատուութեան համար: Ոստիկանական օրգանները իշխանութեանը տեղեկացրել էին, թէ Սասունում երևացել են զրսեցիներ. և այդ բավական էր, որ նրանք հրահրեին քրդական ավազակապետներին՝ հայերի դեմ հարձակումներ սկսելու համար: Հայերը հերոսաբար ետ էին մղում քրդական հարձակումները, նրանց հասցնելով մարդկային զգալի կորուստներ: Հայերի ու քրդերի հարաբերութիւնները ծայր աստիճանի սրվել էին:

1893 թ. աշնանը Բիթլիսի նահանգապետ Քահսին փաշան իր

³⁹ Ա. Քալանթար, Սասուն, Թիֆլիս, 1895, էջ 24—25:

մոտ խորհրդակցութեան է կանչում քրդերի գլխավորներին, կրօնական հոգևոր պետերին՝ Զիլլանի շեյխ Մահմեդին և Դուգարի շեյխ Ամարին և ուրիշ պաշտոնյաների՝ քրդական ցեղերը հավաքելու, կազմակերպելու նպատակով և խոստանում է զենք մատակարարել նրանց: Թահսին փաշան կառավարական մի վաշտ է բերել տալիս՝ գարնանը լեռներ բարձրանալու համար և վրաններ է կանգնեցնում Շենիկ գյուղի առաջ: Շենիկ և Սեմալ գյուղերը հարմար դիրքեր շունեին պաշտպանվելու համար: Ուստի այդ գյուղերի հայ բնակիչները փոխադրվեցին Գելիե-Գուզան և այնտեղից էլ կարողացան կովել թուրքական և քրդական հրոսակների դեմ ամբողջ երեք շաբաթ:

Սասունի հերոս ժողովուրդը, հաշվի առնելով իրեն սպառնացող վտանգը, պատրաստվում էր հակահարվածի: Նրա անձնուրաց ու քաջարի զավակները նախապատրաստեցին ու ղեկավարեցին իրենց ազատագրութեան համար մղվող սրայքարը: 1894 թ. հուլիսի 15-ին Շենիկ գյուղում, Մոսեի Գիքոյի տանը հավաքվեցին Սասունի իշխաններն ու գործիչները՝ իրենց սպառնացող վտանգի շուրջը խորհրդակցելու համար: Խորհրդակցությունում առաջին ելույթն է ունենում հնչակյան կուսակցության ներկայացուցիչ Համբարձում Պոյաճյանը (Մուրադը), որն ասում է. «Եղբայրներ, Սասունը պաշարված է: Ձեզ հայտնի է առաջին օրվան արյունահեղ ընդհարումը բազկանցի աշիրաթի հետ: Կառավարական զորքը արդեն եկել հաստատվել է մեզանից մեկ երկու ժամ հեռու Մերկե-Մոզանում, և բյուրդ աշիրեթներն ու հրոսակներն իրենց անթիվ ոհմակներով պաշարել են մեր լեռները: Պատերազմը անխուսափելի է, իսկ մեր դրությունը վատ, որովհետև մենք անպատրաստ ենք: Սակայն իմ կարծիքով, մենք չպետք է վհատվինք, այլ մինչև մեր արյան վերջին կաթիլը պաշտպանել մեր հայրենի լեռները, մեր ընտանեկան սուրբ օջախը»⁴⁰:

Գյուղի ռես Գիքոն քաջալերված ոտքի ելավ և սկսեց կրակոտ խոսել. «...Ահա դուժմանը,—ասում է նա,—եկել է մեր դուռը, ուզում է մեր տերը լինել, մեր օջախը քանդել, տակն ու վրա ընել, մեզ գերել, տանել, բանտարկել. մի՞թե մոռացաք մեր քաջ իշխաններ Ազոյի և Գուրգեի նահատակությունը թուրքական բանտում: Մեր թշնամին ուզում է թրքացնել մեր կույս աղջիկներին, կին-զավակներին, քանդել մեր եկեղեցիները և ոտնակոխ անել մեր ընտանեկան պատիվը, նամուսը: Մի՞թե մենք տղամարդիկ չենք. էլ ո՞ր օր-

վա համար ենք ապրում. ես իմ 120 մարդկանցով պատրաստ եմ. բոլորս էլ ուխտել ենք մեռնել և գլուխ չծռել թշնամուն: Մահ կամ ազատություն»⁴¹:

Տալվորիկ գյուղի բնակիչ Տեր-Գաբրիելի ելույթը խորհրդակցության մասնակիցները տհաճությամբ ընդունեցին: Գիմելով Գիքոյին, նա հայտարարեց. «Մենք առայժմ կարող ենք ձեզ օգնել ոչ ավելի, քան 300 մարդով, որովհետև Խաչոյի Գասպարը մայր խումբերով ստիպված է սպասել Տալվորիկում, ինչպես երևում է, այն կողմից ևս շուտով հարձակում պիտի սկսվի: Միայն պետք է ասեմ, որ մենք բնավ պատրաստություն չունինք ո՛չ հացի, ո՛չ զենքի»⁴²:

Գիքոն խիստ առարկեց Տեր-Գաբրիելին, որն արժանացավ խորհրդակցության մասնակիցների ջերմ համակրանքին: «Մեր կոնվլը օրհասական է,—ասում է նա,—մենք պիտի պաշտպանենք մեր նամուսը և պիտի կովենք մեր երկրի համար, մեր ազատության համար»⁴³: Ժողովուրդը միահամուռ կերպով ձայնակցեց Գիքոյին, կրկնելով՝ «Այո՛, այո՛, կովինք, կովինք»⁴⁴:

Խորհրդակցությունում գտնվեցին առանձին թուլամորթ մարդիկ, որոնք պահանջում էին հրաժարվել կովելուց և դիմել դիջումներին: Այդպիսիներից էր Գելիե-Գուզանի ներկայացուցիչ Տեր-Պողոսը, որին առարկեց նույն գյուղացի ռես Ավոն: «...Բայց ի՞նչ զիջումներ: Թուրքը երկու ոտքը դրել է մեկ կոշիկում և յոթ տարվան բախիա մնացած 175.000 ղուրուշի տուրք միանգամից ուզում է զանձել...»⁴⁵: Կշտամբելով Տեր-Պողոսին, նույն հոետորը նշում է, որ Մուշի իշխանությունները պահանջել են, որ Տալվորիկի և Սասունի 67 աչքի ընկնողները գնան և հպատակության ու հավատարմության խոստում տան, օտարերկրացիներին բռնեն և կառավարությանը հանձնեն և այլն: Ուստի Ավոն հուզա է անվանում նրանց, ովքեր փախուստ տալով կովից, կամենում են իրենց թուրքական իշխանություններին հանձնել առաջավոր մարտիկներին: «Ահա, այս է, տերբաբա,—ասում է Ավոն,—Թուրքիա հետ հաշտվելու միակ միջոցը»⁴⁶:

41 Նույն տեղում, էջ 5:

42 Նույն տեղում:

43 Նույն տեղում, էջ 6:

44 Նույն տեղում:

45 Նույն տեղում, էջ 7:

46 Նույն տեղում:

40 Գլակ Տարնեցի, Ապստամբ Սասունը, Ժընև, 1903, էջ 4:

Ուշագրավ է նաև նույն գյուղի ներկայացուցիչ Պետոյի ելույթը՝ նա հայտարարեց. «Պետք է կովել, էլ սպասելու ժամանակ չունինք: Կեցցե կոփվ, կեցցե Սասուն»: Ժողովուրդը միաբերան կրկնում է նրան՝ «Կեցցե կոփվ, կեցցե Սասուն»⁴⁷: Պետոն շարունակեց. «Այո, հաղթությունը կախված է առաջին հարվածից. խորհուրդ եմ տալիս, որ գաղտնի հարձակվենք թուրք զորքերի վրա, որոնք թվով շատ քիչ են. մեր լրաբերներն իմացել են, որ նրանք հազիվ 2—300 հոգի են: Կհարձակվենք գիշերով, փախուստի կստիպենք և նրանց զենքերը. ռազմամթերքը և պաշարն առած՝ կը քաշվենք Գեղի ու Դավլորակի սարերը. այստեղ, Ավոյի ցույց տված ծրագրով կը պաշտպանենք մեր նամուսը և ազգությունը...»⁴⁸:

Խորհրդակցությունը որոշում է հարձակումը սկսել հաջորդ գիշերը: Ի նշան իրենց ոգևորության նրանք սկսում են երգել.

«Մենք սրտով կտրիճ ու բոյով պարթև,
Հաստ հաստ ունինք թև ու վազենք թեթև,
Բեզարանք նստելուց, մենք կոփվ կուզենք,
Միայն թե հայեր, տվեք մեզի զենք...»⁴⁹:

Այսպիսով, Սասունի հերոս ժողովուրդը պատրաստվում էր գոտեմարտ տալու թուրքական և քրդական հրոսակներին: Անկասկած է, որ նրանց ապստամբական շարժման կազմակերպման, ղեկավարման և ուղղություն տալու գործում նշանակալից դեր խաղացին հնչակյան կուսակցության մի քանի աչքի ընկնող գործիչներ՝ Մուրադը (Հ. Պոյաճյան), Միհրան Տամատյանը, Քուրդը, Գևորգ Զավուշը և ուրիշներ⁵⁰:

1891 թվականի վերջում Տամատյանը մեկնում է Սասուն, կապվում է տեղի աչքի ընկնող մարդկանց հետ և զբաղվում կազմակերպական ու բացատրական աշխատանքով: 1892 թվականին Աթենքից Սասուն է ուղևորվում Մուրադը, որը 1893 թվականին մեկնում է Կովկաս՝ Սասունի ապստամբներին նախապես նյութական օգնություն ձեռք բերելու համար: Սասունցի Հրայր Դժոխքը (Արմենակ Սարգսյանը) և Տամատյանը զբաղվում են ապստամբության գործերով: 1894 թվականի սկզբին Մուրադը վերադառնում է Սասուն, որին և հանձնում Տավորիկցի Մկրեի շտապ նամակը:

47 նույն տեղում, էջ 8:

48 նույն տեղում:

49 նույն տեղում, էջ 9:

50 «Պատմություն Ա.-Դ. հնչակյան կուսակցության», հատ. Ա, էջ 58 և հետո:

Թուրքական կառավարությունը Սասուն ներխուժելու դիտավորությամբ արհեստավորներ էր ուղարկել «Սասանի կամուրջը» նորոգելու համար, որը լուրջ վտանգ էր սասունցիների համար: Այդ մասին էր գրում Մկրեին: Սասունցիները վճռում են ամեն կերպ խափանել թշնամու այդ ձեռնարկումը:

Այս առիթով օես Գասարար Խաչոյանի տանը տեղի է ունենում ապստամբության ղեկավարների հավաք, որտեղ ներկա են լինում նաև Անդրանիկը, Մուրադը, Տամատյանը, Գևորգ Զավուշը և ուրիշներ: Բոլորն էլ միաբերան վճռում են թույլ չտալ կամուրջի նորոգումը, իրենց ներկայացուցիչներն են ուղարկում Տավորիկ, Շենիկ, Գեղի-Գուզան և այլ քաղաքներ ու գյուղեր՝ մասսաներին նախապատրաստելու համար: Բոլոր հայերն էլ պաշտպանում են այդ որոշումը:

Մկրեի խումբը հանձնարարություն է ստանում շարժվել կամուրջի ուղղությամբ և կրակել 25 թուրքական զինվորներից բազկացած պահակախմբի վրա: Կրակում են նաև թշնամու զինվորները: Այս կովում հայերը հաղթում են, տակնուվրա են անում կամուրջի շինությունները: Հայերի այդ հերոսական ու հանդուգն քայլը ավելի գազազեցրեց սուլթանական կառավարությանն ու նրա տեղական իշխանություններին, որոնք վճռեցին քրդական ուժեր նետել հայերի դեմ:

1894 թ. հուլիսի 28-ին քրդական ավազակապետները իրենց հրոսակներով հարձակվում են Շենիկ գյուղի վրա, ջրում-տանում են ամբողջ նախիրը: Համարելով այդ քայլը որպես մարտահրավեր. Սասունի դեմ կոփվենք սկսելու համար, շենիկցիները վճռում են զենքի ուժով ետ բերել նախիրը: Նրանք իրենց այդ վճիռը հայտնում են հարևան գյուղացիներին: Պահանջում են միանալ և համատեղ ուժերով վրեժ լուծել թշնամուց: «Միաժամանակ քաջ ու կտրիճ շենիկցիները հայտարարում են, — գրում է «Մշակ»-ը, — որ իրենք վրձու են «վահանը ձեռքին, կամ վահանի վրա» դառնալ կովից, այսինքն՝ կովից առանց երես դարձնելու կամ հետ պետք է բերեն նախիրը կամ մինչև վերջին շունչը կովելով՝ վճռել են մեռնել»⁵¹:

Բոլոր հարևան գյուղացիները բախտակից էին շենիկցիներին և բոլորը միասին կովի ելնելով թշնամու դեմ՝ ետ են բերում նախիրը: Շենիկցիների այս հաղթանակը ևս մի ապտակ էր թուրքական իշխանություններին և քրդական ցեղապետներին:

51 «Մշակ», № 106, 1894:

Բիթլիսի թուրքական 4-րդ բանակը թնդանոթներով և համիրեական քրդական հեծելազորների ուղեկցությամբ, Մուշի Զեքի փաշայի հրամանատարությամբ՝ շարժվում են դեպի Սասուն և շրջապատում այն: Ճանապարհին նրանք կողոպտում ու թալանում էին Մուշի դաշտավայրի հայկական գյուղերը: Իշխանաձորի գայմազամը պահանջում է իշխանությանը հանձնել Մուրադին: Նրան ներկայացող հայ պատվիրակները պատասխանում են, որ իրենց այդպիսի մարդու գոյությունը հայտնի չէ: Գայմազամի հրամանով ձերբակալվում են հայ պատվիրակները: Այդ առիթով հայերը հարձակվում են իշխանաձորի վրա, ոչնչացնում են թուրքական կայազորը և ազատում ձերբակալվածներին:

1894 թ. օգոստոսի 1-ին թշնամին ծավալուն հարձակում սկսեց Սասունի դեմ: Տալվորիկը պաշարված էր քրդական աշիրեթների կողմից: Մուստաֆա փաշան և Բիթլիսի նահանգապետն իրենց զորքերով ու թնդանոթներով հարձակվեցին Շենիկի և Սեմալի վրա: Այսպիսով, Սասունը գտնվում էր կրակի օղակում: Բայց սասունցիները՝ սղամարդիկ ու կանայք, զենքի ու պարենի խիստ պակասությամբ կրելով, հաղթահարելով սովը, կովում էին անձնազոհ կերպով: Նրանք ջախջախիչ հարված հասցրին թշնամու գերազանց ուժերին և փախուստի մատնեցին նրանց:

Սասունցիները երգում էին.

Դե զարկեք, զարկեք, եղբայրնե՛ր, զարկեք,
Թշնամու մեծին, մուլին ու շեյխին,
Մոսինը բերեք, փամփուշտը դրեք,
Թշնամի... գլորեցեք գետին⁵²:

Զեքի փաշան նոր հարձակում ձեռնարկեց՝ Սասունը հիմնովին կործանելու նպատակով: Նրա բանակում հաշվում էին 7.800 հետևակ, 2000 հեծելազոր և 150-ից ավելի թնդանոթ: Սասունի դեմ կովող քրդական զորքերի թիվը հասնում էր 43.000-ի⁵³:

Հասնելով Անդոբ, Զեքի փաշան հրամայում է հարձակման անցնել և թնդանոթների կրակով տակն ու վրա անել Սասունը: Թշնամու այդ գերազանց ուժերի դեմ սասունցիները կովում էին քաջաբար: Մուշի դաշտավայրը ծածկվեց մարդկային դիակներով: Ուժերը անհավասար էին. շարունակել կոխվր այլևս անհնարին էր. ապստամբությունը պարտվեց: Թշնամուն հաջողվեց գերի վերցնել

52 Ա.—Գո, Վանի, Բիթլիսի և էրզրումի վիլայեթները, էջ 131:

53 Տե՛ս «Մշակ», № 131, 1894:

Մուրադին և տանջամահ անելով փոխադրել Մուշի բանտը և սուլթանի հրամանով վերջ տալ նրա կյանքին:

Զեքի փաշան իր զորքերի հետ Սասուն էր տարել շեյխ Մահմեդին, որը բարձրանալով մի ժայռի վրա, բացականչում էր. «Ո՛վ իսլամի զավակներ, կեավուրին կինը և աղջիկը առևանգելը արդարություն է, անոնց եկեղեցիները քանդելն ու այրելը աստվածային գործ մըն է, ձեր թափած արյան կաթիլներուն շափ հյուրի և փերթ պիտի առնեք Ալլահին ճեննեթին մեջ»⁵⁴:

Իսլամի ռեակցիոն զաղափարախոսությամբ արբեցած թուրքական զորքերը և քրդական ավազակապետները գազանային դատաստան էին տեսնում հայերի նկատմամբ: Նրանք տակն ու վրա արին Սասունը: «Գելի 360, Շենիկ 106, Սեմալ 85, Աշլան 185, Իշխանաձոր 70, Աղբեն 66 տներով, կայրվեն ամբողջովին, և բնակիչներ բոլորը, բացի մաս մը փախստականներից, սրի քաշվեցին...»⁵⁵— գրում է «Մշակ»-ի թղթակիցը:

«Սասունի դեպքերը» վերնագրով հոդվածում «Նոր-դար»-ի Կ. Պոլսի թղթակիցը գրում է. «...Այսօր ճշմարիտ իրողություն է, թե Սասունը կիսովին այլևս չկա, կործանված է»⁵⁶: Նկարագրելով հայերի նկատմամբ գործադրված եղեռնագործությունների պատկերը, այդ նույն թղթակիցը նշում է, որ հայ երիտասարդներին կոտորում են, ծերերին՝ բանտարկում, իսկ «աները կողոպտում են անխնա, կույս օրիորդներն ու մատաղ հարսները զոհ են գնում բարբարոս զորքի գազանային կրքերին... Փոքրիկ մանուկները գառան նման մորթվում են իրենց մայրերի աչքի առջև...»⁵⁷:

Սասունի կոտորածը սուլթանական կառավարության դիտակցորեն կազմակերպած գործն էր, բայց միջազգային պրոպերսիվ մարդկության խոր ցասումը լուեցնելու նպատակով, նա փորձում էր հերքել կատարված դեպքերը և դրանց մասին եղած հաղորդումները: Մասսայական բողոքների ճնշման ներքո սուլթանական կառավարությունը համաձայնվեց հանձնաժողով ուղարկել Սասուն՝ հանգամանքները ուսումնասիրելու համար՝ Շեյֆիբ բեկի նախագահությամբ: Հանձնաժողովի կազմում էին Ջալալ բեկը, Մեջիտ բեկը, Թեֆիք փաշան և ֆրանսիական, անգլիական ու ռուսական դիվանագիտական հիմնարկությունների ներկայացուցիչները: Հանձնաժողովը Սասուն հասավ 1895 թ. հունվարի 23-ին: Նա ունեցավ

54 «Պատմություն Ս.—Գ. հնչակյան կուսակցության», հատ. Ա, էջ 144:

55 «Մշակ», № 131, 1894:

56 «Նոր-դար», № 197, 1894:

57 Նույն տեղում:

106 նիստ և քննեց 190 վկաների, որոնք ապացուցում էին դեպքերի իրողությունը:

1895 թ. մայիսի 2-ին Կ. Պոլսից Ա. Արփիարյանը գրում է, որ «Սասունի քոմիսիոնին նվրոպայի անդամները փացած են Սասուն, փացած են լեռները, հորեր փորել տված և ջարդվողներուն ոսկորները գտած են: Այլ ամեն ինչ հաստատված է»⁵⁸: Հանձնաժողովի թուրքական կառավարության ներկայացուցիչները հայկական ջարդերի կազմակերպիչներն էին և նրանք ամեն կերպ սքողում էին ոճրագործությունների հետքերը: Հետևապես, այդ հանձնաժողովը չէր կարող ամեն ինչ իր մանրամասնությամբ երևան հանել:

Անգլիական «Կապույտ գրքում» թուրքական կառավարողների կողմից Սասունի հերոս ժողովրդի ոչնչացման վաղուց նախապատրաստված ծրագրի մասին ասված է. «Թուրք անկարգ կառավարությունը վաղուց ի վեր է, որ մտածում էր ոչնչացնել Սասունի շրջանի ազգաբնակչությանը: Այդ բնակիչների անկախության ձգտումները նա հանդուրժել չէր կարողանում: Իր մտադրությունն էր՝ ոչնչացնել հայերին քիչ-քիչ, անզգալապես և առանց աղմուկ հանելու»⁵⁹:

Այդ նույն փաստաթղթում ասված է, որ սուլթանական կառավարությունը իր պատրաստի գործերի հետ միասին, հայերի դեմ հանեց քրդական ցեղապետներին՝ իրենց բազմաթիվ հրոսակներով: Եվ սովի մատնված հայ գյուղացիներից պահանջում էր կերակրել իրենց կոտորող զինվորներին, վերցնում էր նրանց ոչխարներն ու կովերը, նրանց վերջին պատառ հացը: Բայց գյուղացիները անզոր էին բավարարելու կառավարության այդ պահանջը և «ահա թե ինչու գայլը բարկացավ գառան վրա և ասաց նրան. «Մի պղտորի իմ ջուրը»⁶⁰:

Թուրքական և քրդական մարդասպանները աննկարագրելի գազանություններ գործադրեցին ազատասեր Սասունի հայ ժողովրդի նկատմամբ: Սասունի դեպքերը քննող հանձնաժողովին տված իր ցուցումներում ականատեսներից մեկն ասում է. «Հետևյալ օրը: Խորհրդակցելուց հետո, Սեմալի Տեր-Հովհաննես քահանայի ընկերակցությամբ, մոտ 300 հոգի, նրանց հետ կանայք և երեխաներ գնացին դեպի Գելիե-Գուզան՝ այնտեղ բնակված զինվորներին անձնատուր լինելու համար: Գես ճանապարհին, շնայած քահանայի

⁵⁸ «Մշակ», № 51, 1895:

⁵⁹ ՀՍՍՀ ԳԱ պատմության ինստիտուտի արխիվ, Լեոի ֆոնդ, տետր № 25, էջ 144:

⁶⁰ Նույն տեղում, էջ 146:

ապահովեցնելուն, թե որ եթե անձնատուր լինեն իրենց ոչ մեկին չեն վնասի...»: Բայց, պատմում է վկան, դա խաբեություն էր: Շատերին Մուշի դաշտում սպանեցին, իսկ «Հովհաննես քահանան, երբ հասավ Գելիե-Գուզանի զորաբանակը, այստեղ Միր աղայի (հրամանատարի) հրամանով սպանվեց՝ նրա աչքերը հանել տալուց և ծաղրի ենթարկելուց հետո: Կանանց և երեխաներին անխնա սպանեցին և փոսերի մեջ ձգեցին: Հետո զինվորները բանտարկեցին կանանցից շատերի...»⁶¹:

Մի այլ ականատես հանձնաժողովին տված իր ցուցումում նշում է, որ իրոք թուրքական կառավարությունը Սասունի կոտորածը վաղուց էր պլանավորել և այդ մասին քրդական հեծելազորներին հրաման ուղարկել: «Գարնանամուտին,—պատմում է ականատեսը,— լսել էի ուրիշներից, որ քյուրդերը ասել էին, թե «կառավարությունից հրաման է ստացվել հայերին կոտորելու»⁶²:

Քննիչ հանձնաժողովի անդամներից մեկը զեկուցում է. «Մի կին նստած լաց էր լինում դիակի մոտ: Վերցնել տվի դիակը ծածկող կարպետը—աչքերը հանած էին, ականջները, քիթը և շուրթերը կտրած և ծոծրակի վրա մի ծանր վերք»⁶³:

Չափազանց ուշագրավ և մարդկանց սիրտը այրող հոգված է հրատարակում Լոնդոնի «DAILY NEWS» թերթը՝ «Փոսի կտորածը» վերնագրով: Հոդվածագիրը նկարագրում է Մուշի մոտ տեղի ունեցած կոտորածների մի զարհուրելի տեսարան: Հեղինակը «Փոսի կոտորածը» համարում է «Դժոխային անգթությունների մի սարսափելի արտահայտություն, որ երբեք տեղի է ունեցել օսմանյան ցեղի պատմության մեջ»⁶⁴:

Հենվելով մի թուրք զինվորի իրազեկ ցուցումների վրա, թղթակիցը այդ բոլորը համարում է նախերգանքը այն ահավոր տեսարանի, որը հայտնի է Գելիե-Գուզանի փոսի կոտորած անունով: Դահլիճները փախստական հայերի ձեռքով փորել էին տալիս փոսեր ու կիսակենդան վիճակում թաղում նրանց:

Հոդվածում հիշատակված փաստերը վերցված են մի թուրք զինվորի ցուցումներից: Թուրք զինվորը պատմել է, թե ինչպես «քուրդերը կրակի են մատնում բնակիչներին, այրելով այն անտառները, որտեղ նրանք փախել-պահվել էին: Նրանք չէին նայում ոչ

⁶¹ ՀՍՍՀ ԳԱ պատմ. ինստիտուտի արխիվ, Լեոի ֆ., տետր № 3, էջ 83 և հետո:

⁶² Նույն տեղում, տետր № 33, էջ 81:

⁶³ Նույն տեղում, տետր № 17, էջ 41:

⁶⁴ «Մասիս», № 37, 1895:

սեռին, ոչ հասակին, կանայք և մանր երեխաները, որոնք պատահում էին ճանապարհներում, ընկնում էին այդ անհավասար ընդհարումների միջոցին»⁶⁵:

Դահիճները փախստականներին կերակրում էին այնքան, որքան հնարավոր էր իրենց ձեռքերով ծածկելու սեփական դիակները:

«Երբ փոսերը պատրաստ էին,—գրում է նա,—զինվորները հրաման ստացան խումբ-խումբ տանել զոհերին այդ փոսերի մոտ և սպանել, երեկոները, մութն ընկնելուց, ամբողջ յոթ թե տասն օր զոհերին բերում էին փոսերի մոտ, սվիններով սպանում և փոսի մեջ ածում»⁶⁶:

Թուրքական դահիճներին են ներկայանում 470—500 հոգի հայ տղամարդիկ, կանայք ու երեխաներ: Թուրքական գնդապետը մահվան դռանը կանգնած, անձար ու անօգնական հայերին հարցնում է.

— «Ո՞վ է ձեր մեջ զլխավորը:

— Ես եմ,—ասաց գյուղի զլխավորը, Քեոհան, առաջ գալով: Ինչի՞ է արժան այն մարդը, որ վատ ճանապարհով է առաջնորդում ժողովրդին, հարցրեց գնդապետը:

Սպանիր, եթե կամենում ես,—ասաց Քեոհան,—ես ինձ վրա եմ վերցնում այն բոլորի պատասխանատվությունը, ինչ որ կատարվել է:

Թող նա կուրանա, ինչպես կույր է եղել մինչև այժմ,—աղաղակեց մի ձայն:

«Հանեցեք նրա աչքերը» պատվիրեց գնդապետը և գինվորի դանակը մի վայրկյանում կատարեց այդ պատվերը:

Սպանեցեք ինձ,—աղաղակեց Քեոհանը: Եվ երեք զինվորներ սվիններով հոշոտեցին նրա մարմինը»⁶⁷:

Այս ահեղ և հուզիչ փաստերից հետո էլ սուլթանի կառավարությունը անամոթաբար հանդես էր գալիս իր հերքումներով:

Լոնդոնի թերթերում տպագրված հոդվածները է՛լ ավելի զայրացրին անգլիական առաջադեմ հասարակայնությանը: Անգլիական թերթերը մեղադրում էին արտաքին գործերի մինիստր լորդ Կիմբելին՝ հայ պատվիրակությանը տված անորոշ պատասխանի և թուրքական վանդալների դեմ կտրուկ միջոցներ ձեռք չառնելու համար:

65 «Մշակ», № 37, 1895.

66 Նույն տեղում.

67 Նույն տեղում:

Լոնդոնի «metodes James» թերթը գրում է, որ լորդի տված պատասխանը անբավարար է. «Թող լորդը շնորհանա,—գրում է նա,—որ Անգլիան ունի իր սեփական հատուկ պատասխանատվությունը: Մենք վերցրել ենք մեզ վրա Թուրքիայի գոյությունը հզոր պահելու վտանգավոր պատասխանատվությունը, իսկ Ռուսաստանը իրեն ազատ պահեց նրանից: Ուստի մենք էլ բարոյապես պատասխանատու ենք կոտորածների և գազանությունների համար: Օլիվեր Կրոնվելը խնդիրը կլուծեր մի օրում»⁶⁸:

1894 թ. նոյեմբերի 15-ին (27-ին) Անգլիայի Բրայդոն քաղաքից Կարապետ Հակոբյանը և Մինաս Զերազը, որոնք անգլիական օրինեսացիայի վրա էին կանգնած, Սասունի ջարդերի և հայերի գաղթի առիթով հեռագիր են ուղարկում Ամենայն Հայոց կաթողիկոսին և խնդրում են դիմել Ռուսաստանի օգնությանը՝ մահվան դուռը կանգնած ժողովրդին օգնության ձեռք մեկնելու համար:

Պայմանների թելադրանքով Զերազը հանգեց այն հետևության, որ հայերի փրկությունը կախված է Ռուսաստանի միջամտությունից, նրա օգնությունից:

1894 թ. նոյեմբերի 27-ին Խրիմյանին ուղարկած նույն հեռագրում ասված է. «Սասունի և օսմանյան Հայաստանի մյուս գավառացի մեջ վերջերս պատահած ահռելի կոտորածներն ի խոր հուզեցին Անգլիոն և Եվրոպիոն մյուս մասանց մեջ հաստատված հայ գաղթականները: Ի դիմաց այս գաղթականությանց, համարձակվեցանք այսօր ուղղել Ձեր վեհափառության մի հեռագիր, որի պատճենը և թարգմանությունը պարտ կհամարենք հաղորդել ներկայումս:

«Առ Նորին Օծություն Մկրտիչ Ա. Մայրագույն պատրիարք ամենայն Հայոց, էջմիածին, Կովկաս, Ռուսաստան:

Անգլո-հայ գաղթականությունս, հանուն յուր և հանուն բովանդակ հայ գաղթականությանց Եվրոպիոն, անկեղծությամբ կդիմե Ձեր սրբազնության իբրև գերագույն պետին հայ եկեղեցվո և ժողովրդյան, օսմանյան Հայաստանի մեջ հազարավոր հայոց վրա վերջերս գործ դրած կոտորածոց և խժոժությանց առթիվ, արդյունք անգործության Բարձրագույն Դրան խոստմանց և դաշնագրական հանդիսավոր հանձնառությանց, և թախանձագին կխնդրե Ձեր Սըրբազնութենեն սփռել առ այս Գանոյից վեհափառ կայսրին Ռուսիո զհիշատակություն այն ահավոր աղետից և բարբարոսությունց, որք անդադար կպատահեն ի հայաբնակ գավառ և հայցել հանուն մար-

68 «Մշակ» № 48, 1895.

դասիրութեան և քրիստոնեութեան յուր ամենաողորմած բարեգութի միջամտութիւնը իբրև ավանդական հզոր պաշտպան քրիստոնեից:

Ձերդ վեհափառութիւնը քաջ գիտե՛ք, թե անգլիական կառավարութիւնն Սան-Ստեֆանոյի դաշնագրին 16-րդ հոդվածը քայքայելի հետո, հայութեան վերքերը դարմանելու համար լուրջ շանք մը չէ ըրած և ընելու ալ մտադրութիւն չունի: Եվրոպիո հայ գաղթականութիւնը կցանկանան, որ ազգին դատը ներկայացվի Ռուսիո օգոստափառ ինքնակալի ուշադրութեանն, ոչ դիվանագիտական, այլ մարդասիրական և քրիստոնեական տեսակետով, և քաջհուշս են թե վեհափառութիւնն պետք է հաճի պարտ ու պատշաճ տնօրինել այս անել ճգնաժամուն մեջ:

Կարապետ Հակոբջան
Մինաս Չերազ»⁶⁹:

1895 թ. մայիսի 24-ին Խրիմյանը դիմում է ներկայացնում ռուսական կայսրին, նկարագրում է այն կորստաբեր վիճակը, որի առաջ կանգնած էր արևմտահայութիւնը և խնդրում է իր վրա վերցնել այդ բազմաշարքար ժողովրդի փրկութիւնը: Բայց ռուսական կայսրը չէր ցանկանում միջամտել՝ իր հարաբերութիւնները սուլթանի հետ չվատացնելու նպատակով, որից կարող էր օգտվել Անգլիան:

Հետևապես, ռուսական ցարին Խրիմյանի ուղարկած դիմումները չէին կարող որևէ դրական հետևանք ունենալ, որովհետև ցարիզմը ինքն էր հրահրում հայկական կոտորածները: Այդ դիմումները չմեղմացրին դրութիւնը: Սուլթանի կառավարութիւնը գործում էր իրեն հաճելի եղանակով: Սասունից հետո նա անցավ հերթական կոտորածներին:

2

1895 ԹՎԱԿԱՆԻ ՄԱՅԻՍՅԱՆ ՌԵՖՈՐՄՆԵՐԸ

Միջազգային պրոգրեսիվ հասարակայնութեան բարձրացրած բողոքների ու բարոյական ճնշման ներքո, 1895 թ. ապրիլի 30-ին անգլիական, ֆրանսիական ու ռուսական դեսպանները թուրքական կառավարութեանը ներկայացրին Արևմտյան Հայաստանում ռեֆորմներ մտցնելու ծրագիրը:

⁶⁹ ՀՄՍՀ ԳԿԳԱ, Ամենայն Հայոց կաթողիկոսի դիվան, ֆ. 56, գ. 55, թ. 1922:

Այդ ծրագրի առաջին մասը պահանջում էր. «Բարձրագույն կոմիսար նշանակել, ներում շնորհել քաղաքական հանցավորներին, քաղաքական դատաստանական գործերը վերաքննել, այդ դատերից մի քանիսը դադարեցնել և բանտարկվածներին ազատութիւն շնորհել»⁷⁰:

Վարչական ռեֆորմների ուղղութեամբ երեք տերութիւնների հայտագիրը պահանջում էր. «Վեց վիլայեթներում, այն է՝ Վանի, էրզրումի, Սիվասի, Բիթլիսի, Խարբեռզի և Տրապիզոնի նահանգապետների և փոխնահանգապետների նշանակումը պետք է կախված լինի քրիստոնյա ազգաբնակչութեան ավելի կամ պակաս թվից: Բայց այնտեղ, ուր նշանակված է մահմեդական նահանգապետ, պետք է փոխնահանգապետը քրիստոնյա լինի «viceversa»⁷¹:

Սուլթան Աբդուլ-Համիդը ձեռնամուխ ընդունեց առաջարկված ռեֆորմների ծրագիրը: Ժազ դը Մորգանը իրավացիորեն նշում է, որ խաբեութիւնն ու փարիսեցիութիւնը սուլթանի դիվանագիտութեան հիմքն են կազմել: Իր այդ թեզը հիմնավորելու համար նա վկայակոչում է Ռուլլեն Ժեքմենին, որը ասել է. «Խաբուսիկ երկվայթներու տակ իրողութիւններու և մտադրութիւններու իսկական բարբարոսութիւնը քողարկելու ընդունակութիւն մը. անխոռով հանդգնութիւն մը՝ խոստովանել այն, ինչ որ չեն ուզեր, ոչ ալ կրնան կատարել. վերջապես հայրական և քաղցրական ոճ մը, որ պատրաստված է հավատացնելու, թե զո՛հ են անարդար ամբաստանութեանց կամ ատելի զրպարտութեանց»⁷²: Հեղինակը գտնում է, որ այդպիսի կեղծիքով պարուրված սուլթանական պետութիւնից և «ահեղ սպառնազինութիւններով պառակտված եվրոպական տերութիւններից քրիստոնյա հայերը ոչինչ սպասել չէին կարող»⁷³:

1895 թ. սեպտեմբերի 30-ին Անգլիայի արտաքին գործերի մինիստր Սալսբերիին ուղարկած իր նամակում Աբդուլ-Համիդը գրում է. «Երբ բարենորոգումները գործադրեմ, զանոնք պարունակող վավերագրերը պիտի քննեմ և անձամբ պիտի հսկեմ, որ յուրաքանչյուր հոգված գործադրվի: Ահա վերջնական որոշումս: Այս մասին պատվո խոսք կուտամ»⁷⁴:

Երեք տերութիւնների հայտագիրը ամենևին նոր բան չէր խոս-

⁷⁰ «Մշակ», № 54, 1895:

⁷¹ Նույն տեղում:

⁷² Ժազ դը Մորգան, Հայ ժողովրդի պատմութիւնը, էջ 331:

⁷³ Նույն տեղում:

⁷⁴ Նույն տեղում:

տանում կորստի առջև կանգնած հայերին: Այն ոչնչով չէր սպառնում սուլթանին: Դրա համար էլ այդ տերութունների կառավարողներին ուղարկած իր պատասխանում Աբդուլ-Համիդը գրում է. «Նորին գերագանցություններ՝ Անգլիոս, Ֆրանսիայի և Ռուսիայի դեսպանների նախընթաց և վերջին հայտարարություններից հետեւում է, որ վերոհիշյալ երեք պետություններն հենվում են միայն Քուլիի դաշնագրության 61-րդ հոդվածի վրա և իրենց տեսությունն են հաղորդում բարենորոգումների մասին, որ, հոդվածի մեջ բովանդակած խոստումների գործադրությունից դուրս, նրանք չեն պահանջում կայսր. կառավարությունից հսկողության մի նոր իրավունք և որ նրանք չեն մտածում առաջադրելու որևէ առաջարկ, որ համաձայն չլինի հաստատված օրենքներին և կանոնադրություններին:

Կայսերական կառավարությունը, արձանագրելով այդ հայտարարությունները և վստահացումները, որոնք տրվում են դեսպանների կողմից, որ նրանց կառավարությունները երբեք չեն մտածել վերոհիշյալ ռեֆորմներով նույնիսկ ամենափոքր հարված հասցնել ն. կ. վեհ. սուլթանի վեհապետական իրավունքներին—հայտնում է իր շնորհակալությունները պետություններին»⁷⁵:

Հասկանալի է դառնում, թե ինչու ռեֆորմներ մտցնելու հատարի տակ ստորագրելուց հետո, պատվո խոսք տալուց հետո, սուլթանը ամեն կերպ ձգձգում էր իր խոստման կատարումը: Զարգելով հայերին, արտաքսելով ու ասիմիլացման ենթարկելով նրանց: Թուրքական կառավարությունը չէր ընդունում հայկական նահանգներում՝ Թուրքերի համեմատությամբ հայերի թվի գերակշռությունը և այդ պատրվակով նահանգների կառավարիչներ էր նշանակում մահմեդականներին:

Պատրիարքարանի վիճակագրության համաձայն, 1882 թվականին Թուրքիայում հայերի թիվը հասնում էր 2.660.000-ի, որից 1.630.000-ը բնակվում էին հայկական նշված վեց նահանգներում. իսկ 1.030.000-ը՝ ապրում էին Արևմտյան Հայաստանից դուրս: Կիլիկիայում և Թուրքիայի զանազան քաղաքներում: Պատրիարքարանի 1912 թվականի վիճակագրության համաձայն, հայկական նահանգներում (1894—1896 թթ. շարդերից և գաղթականությունից հետո) հայերի թիվը կազմում էր 1.018.000: Թուրքական կառավարությունը նվազեցնելով այն, հասցնում էր 666.000-ի, իսկ քրդերին՝

424.000-ի. ընդամենը՝ 2.615.000: Այս փաստերից ելնելով, Ժագ դը Մորգանը նշում է, որ հայերը կազմում էին 38,9 տոկոս, Թուրքերը՝ 25,4 քրդերը՝ 26,5 տոկոս⁷⁶ և ցույց է տալիս, որ 1882—1912 թվականների ընթացքում 612 հազար հայեր ոչնչացվել և գաղթել են:

Հայերի թվի նվազեցումը սուլթանական կառավարության հայաչինջ քաղաքականության քողարկման և միջազգային պրոգրեսիվ մարդկության առջև արդարանալու ձևերից մեկն էր: Բարենորոգումների ուղղությամբ սուլթանական կառավարության հրատարակած կանոնների 5-րդ հոդվածում ասված է. «Կարևոր, վանա, Բաղեշի, Տիգրանակերտի, Խարբերդի և Սեբաստիոս նահանգած մեջ վարչական պաշտոններ պիտի հանձնվին կայսերական մահմեդական և ոչ մահմեդական հպատակներուն, ամեն նահանգաց մահմեդական և ոչ մահմեդական հասարակության թվույն համեմատությամբ»⁷⁷:

Թուրքական կառավարությունը նախատեսել էր բարձրագույն կոմիսար նշանակել Պետերբուրգի նախկին դեսպան Շաքի փաշային:

«Կարդացեք և վարմացեք» առաջնորդողում «Մշակ»-ը իրավացի կերպով հայկական ռեֆորմների մայիսյան ծրագիրը համարում է շատ սահմանափակ, հայերին ոչինչ չխոստացող փաստաթուղթ:

Կ. Պոլսից Ա. Արփիարյանը գրում է, որ Թուրքական կառավարության պատասխանը փաստորեն մերժողական է: «Թուրք շրջաններուն մեջ այն համոզումը կա,—գրում է նա,—որ սուլթանը հզորապես պիտի դիմադրե ծրագրին ընդունելությանը, մինչև որ շտեմնի, թե երեք պետությունները սպառնական միջոցներու կդիմեն: Երբ ապահով ըլլա, թե նավատորմիդները պիտի շարժին, այն ատեն պիտի ընդունի»⁷⁸:

Երեք տերությունները, որոնք առանձին շահեր ունեին Թուրքիայում, հայերի և Հայկական հարցի համար երբեք չէին սպառնա սուլթանին և իրենց նավերը չէին ուղարկի նրա դեմ, չէին դժի իրենց ոչ մի դինվորի կյանքը հայերի համար: Այս իսկ վստահությունը էլ Թուրքական կառավարողները իրենց իրավունք էին վերապահում համարձակորեն հայտարարելու, թե «մենք եվրոպա չենք:

76 Ժագ դը Մորգան, Հայ ժողովրդի պատմությունը, էջ 351:

77 Մաշտոցի անվան Մատենադարան, Իզմիրլյանի արխիվ, ֆ. № 34, թղթապ. № 14, վավերագիր 640:

78 «Մշակ», № 64, 1895:

75 ՀՍՍՀ ԳԱ պատմ. ինստիտուտի արխիվ, Լեռի ֆ., տետր № 87, էջ 1—2:

ճանաչում, մեզ համար շկա հայոց հարց»։ Այդ կապակցությամբ «Մշակ»-ը գրում է, որ Թուրքիան փոխանակ ընդունելու, մերժեց, և այն էլ ամենահամարձակ կերպով։ Կարդացեք նրա պատասխանը և զարմացեք»⁷⁹, որ «Թուրքիան մերժեց հայկական ռեֆորմների ծրագիրը»⁸⁰։

Պետք է ասել, որ սուլթանական բռնապետությունը շարիք էր ոչ միայն հայերի համար։ Նա անողոք կերպով հարստահարում, ճնշում ու հալածում էր նաև թուրք աշխատավորներին և նրանց պուլյերեսիվ գործիչներին։ Պատահական չէ, որ նրան անվանում էին XIX դարի Նեբոն։

Լոնդոնի «Pale male cartte» թերթը իր 1895 թ. մայիսի 30-ի համարում տպագրում է «Թուրք մուլայի կարծիքը Թուրքիայի մասին» վերնագրով շահագանց ուշագրավ հոդվածը, որը բացահայտում է սուլթանի ռեժիմի տակ տառապող թուրք աշխատավորության ծանր վիճակը։ Մուլան խնդրում է, որ գավառները մեկնող հանձնաժողովները, որոնք զբաղվելու են հայերի հարցով, զբաղվեն նաև թուրք աշխատավորների դրություններով, որոնք ոչ մի պաշտպանության հույս չունենին։

«Հայկական հանձնաժողովը,— գրում է նա,— պետք է իր ծրագրած ռեֆորմների մեջ մտցնե բարեփոխություններ ոչ միայն Վանի երկրագործ հայերի կամ Թուրքիայի որևէ մասում բնակվող կրթված հայերի, այլև իմ դժբախտ հայրենիքի մահմեդական ժողովրդի վիճակի մեջ»⁸¹։

Հեղինակը նշում է, որ թուրք աշխատավորների և քրիստոնյա հպատակների համար միակ ելքը— նրանց համատեղ պայքարն է ընդհանուր թշնամու դեմ։

«Իմ կարծիքով,— գրում է նա,— մենք մահմեդական և քրիստոնյա հպատակներս, պետք է միացած լինենք՝ ընդհանուր ուժերով մեր երկիրը պաշտպանելու, բայց ծերունի փաշաները հարկավ հակառակ են այսպիսի միջոցի, որ նրանց իշխանությունը պիտի սահմանափակե։ Հետո՝ մենք հնարավորություն չունենք դիմելու մամուլին, դեսպաններին և հյուպատոսներին՝ մեր խնդիրն արտահայտելու համար։ Մենք զրկված ենք նաև եվրոպական ազգերի համակրությունից, որոնք մեզ շփոթում են այն իշխանության հետ,

որ հավասարապես ճնշում է ինչպես թուրք, նույնպես և այլացեղ հպատակներին»⁸²։

Մուլայի խոստովանություններում ճշմարտություններ կան։ Թուրքիայի հպատակ քրիստոնյա ժողովուրդների վիճակով, թեկուզ իրենց շահերից ելնելով, այնուամենայնիվ, եվրոպական խոշոր տերություններն զբաղվում էին, որը այս կամ այն կերպ ձգում էր թուրքական կառավարությանը, մի բան, որից զուրկ էր թուրք աշխատավորությունը։

«Եթե նրանց ծանոթ լիներ մեր վիճակը,— շարունակում է մուլան,— եթե քննվեր այն սոսկալի եղելությունները, որոնք բազմաթիվ մահմեդական կանանց այրիացնում են և բազմաթիվ մահմեդական երեխաներ որբ են թողնում, զայրույթի և սարսափի այնպիսի աղաղակ կբարձրանար, որ կխեղդեր հայոց սարսափների միակողմանի աղաղակը։ Թող Դարդանելի նեղուցը, Սև ծովը և Արաբիայի անապատները խոսեն, թե ազատության գործի համար քանի-քանի մահմեդականներ են զոհ գնացել և արտաքսվել։ Վայն եկել է այն թուրքին, որը կհամարձակվի որևէ կարծիք հայտնել ի նպաստ Անգլիայի կամ հօգուտ որևէ վարչական բարեփոխության։ Այն աստիճան մենք ճնշված ենք, որ այսօր անսովոր բան չէ լսել մահմեդականներին աղոթելիս՝ որ շուտով գա մեզ տիրե մեր դաքավոր թշնամին, քան մենք շարունակում ենք մնալ այս անձնական բռնակալության տակ, որ ներշնչված է սպանության երկյուղով և ամեն ազգի լրտեսներով, այնպես որ «Բարձրագույն Դուան» պաշտոնական կառավարությունը լոկ անուն է դարձել, որի տեղը բռնել է սուլթանի պալատի ձրիակերների անպատասխանատու տեղորոշ»⁸³։

Բնութագրելով Թուրքիայում իշխող դրությունը, քրիստոնյա հպատակների և բուն իսկ թուրք աշխատավորների նկատմամբ գործադրված ահեղ սարսափների պատկերը թուրքական մուլան հարցնում է, թե «Չե՞ն կարող արդյոք հայկական հանձնաժողովին մասնակցող Անգլիայի, Ռուսաստանի և Ֆրանսիայի դելեգատները ռեֆորմներին այն ուղղությունը տալ, որ սրանք գործադրելի լինեն ամբողջ պետության մեջ, որ մահմեդական ազգաբնակչությունն էլ քրիստոնյաների և հրեաների հետ, ձայն ունենա մի պառլամենտում, որպիսին փորձեց հաստատել Միդհատ փաշան։ Թող մասնաժողովը քննության ենթարկե նաև թուրքերի անտանելի դրու-

79 Նույն տեղում։

80 «Մշակ», № 65, 1895։

81 «Մշակ», № 77, 1895։

82 Նույն տեղում։

83 «Մշակ», № 77, 1895։

թյունը և արդարութեամբ հետազոտե նրա իսկական աղբյուրները: Այն ժամանակ նա կգտնե թե ի՞նչն է առաջ բերել այն կոտորածները, որոնք այնքան առեկի են թե քրդերի և թե թուրքերի ի բնե կարեկից հոգուն, գտնե պատճառը, թե ինչու ենք մենք նախանձու՞մ Անգլիայի կառավարութեան տակ եղող մահամեղականների բախտին»⁸⁴:

Թուրք մոլլայի այս վկայութունները շփոթեցնում են իսլամիզմի, պանթուրքիզմի ռեակցիոն շմուլքով մոլորված թուրքական աշխատավորներին՝ հասկանալու սուլթանական արյունոտ ռեժիմի ողջ էությունը և հայերի կողմից այդ ռեժիմի դեմ ուղղված ազգային-ազատագրական պայքարի արդարացիությունը:

Դժբախտաբար, երեք տերությունները թուրքական կառավարությանը հայտագիր ներկայացնելու ձևական արարողությունից ոչ մի քայլ առաջ չգնացին: Հասկանալի էր դառնում, որ Բեռլինի դաշնագրի 61-րդ հոդվածը մերժող թուրքական սուլթանի համար դժվար չէր նաև մայիսյան ռեֆորմների ծրագրի մերժումը:

«Սոսկալի թվեր» վերնագրով հաղորդագրության մեջ «Մշակ»-ը հրապարակում է հետևյալ փաստերը, որոնք բացահայտում են XIX դարում թուրքական սուլթանների կողմից հպատակ ժողովուրդների նկատմամբ գործադրված գազանությունների պատկերը:

«Միայն այս վերջին յոթնամյաում և երկու տարում Թուրքիան տվել է աշխարհին կոտորածների «հինգ մեծ ներկայացում» — գրում է «Մշակ»-ը:

Ահա, այդ հինգ մեծ կոտորածներին վերաբերող թվերը, որ առաջ ենք բերում ամենաճիշտ փաստաթղթերից քաղելով.

1822 թ.	կոտորել են	50.000 հուլյն
1850 թ.	»	10.000 հայ և նեստորական
1860 թ.	»	11.000 մարոնյան և հակոբ
1876 թ.	»	10.000 բուլղարներ
1894 թ.	»	12.000 սասունցի հայեր

Ընդամենը 93.000 քրիստոնյա:

Ի՞նչ կարող է ասել այդ թվերի դեմ Թուրքիան»⁸⁵:

Մայիսյան ռեֆորմների ծրագիրը ի չիք դարձնելու մտադրությամբ, թուրքական կառավարությունն իր պաշտոնական օրգան-

ներով նորից դիմեց հայերի թվի կեղծմանը, որպեսզի հիմնավորեք բարենորոգումների համար իր առաջարկած ծրագրի իրավասութունը: «Մշակ»-ը գրում է.

«Ամբողջ Թուրքիայի մեջ բնակված հայերի թիվը, — ասում է «Սաբահ» լրագիրը, — մայրաքաղաքի մեջ բնակվածներն ևս հաշվելով, պաշտոնական արձանագրությունների հիման վրա՝ 997.369 է...»:

«Ահա այն գորդյան հանգույցի լուծումը, որ վաղուց թուրքաց կառավարությունը աշխատում էր գտնել և կարծում է, թե արդեն գտել է: Ի՞նչ պետք կա բարենորոգությունների, քանի որ բովանդակ թուրքիայի մեջ հայերի թիվը 997.369 է... հայերն այլևս Ալլահի կամքով ու սուլթանի շնորհիվ գաղթելու վրա են, և շուտով այդ գյավուրների հետքն անգամ չի մնա»⁸⁶:

Այսպիսով, հայերին գաղթականության ուղին մղելու, նրանց մեթոդաբար բնաջնջելու և նրանց թիվը արհեստականորեն նվազեցնելու ճանապարհով թուրքական կառավարողները իրենց իրավունք վերապահեցին արխիվ նետելու ինչպես Բեռլինի դաշնագրի 61-րդ հոդվածը, այնպես էլ մայիսյան բարենորոգումների ծրագիրը:

Թուրքական դահիճները հենց երեք տերությունների հայտագրից հետո էլ սկսեցին զբաղվել հայերի մասսայական կոտորածների կազմակերպմամբ և նրանց բռնի ճանապարհով իրենց հայրենիքից վտարելու քաղաքականությամբ:

1894 թ. գեկտեմբերի 5-ին՝ Անգլո-Հայկական ընկերության նախաձեռնությամբ կոնգրեսում տեղի է ունենում միտինգ՝ Սասունի կոտորածների առնչությամբ: Նախագահում էր համայնքների պալատի անդամ Ստիվենսոնը: Նա կարդաց Գլադստոնի նամակը, որը պահանջում է «հույս հայտնել օսմանյան կառավարությանը, իր սեփական պատիվը պահպանելու տեսակետից, անկեղծ օգնություն ցույց տա գործի մանրամասն և լուրջ քննության»⁸⁷: Ահա Գլադստոնը, հայկական դատի «պաշտպանը», որը սպասում էր թուրքական կառավարության «անկեղծ օգնությունը», տեղի ունեցավ դեպքերի ուսումնասիրման համար:

Գլադստոնը հայտարարեց, թե 1876 թվականի Բուլղարիայի դեպքերը կրկնվում են Հայաստանում, բայց միաժամանակ ընդունեց, որ Սասունի կոտորածների մասին եղած լուրերը չափազանց-

86 «Մշակ» № 15, 1893:

87 «Մշակ» № 146, 1894:

84 Նույն տեղում:

85 «Մշակ», № 102, 1895:

ված են⁸⁸։ Այդ առիթով 1894 թվականի դեկտեմբերի 7-ին Կ. Պոլսի «Մշակ»-ի թղթակիցը նշում է, որ կեղծ են թուրքական կառավարության կողմից հանձնաժողովներ կազմելու և դրուժյունը պարզելու վերաբերյալ եղած հայտարարությունները։ Նա գտնում է, որ թուրքական կառավարության խոստումներին հավատալ երբեք չի կարելի։ «Կարելի է արդյոք, — հարցնում է թղթակիցը, — այդ բոլորից հետո հավատալ թուրք կառավարության խոսքերին կամ նրա կազմած հանձնաժողովին»⁸⁹։

Հուսահատության դուռը հասած ժողովրդական մասսաները գիտեին, որ սուլթանի կառավարությունը նոր մեքենայություններ է գործադրում հասարակայնության լայն խավերի վրդովմունքը լռեցնելու նպատակով։ Ժնևի հայտնի «Lecenovais» թերթը իր էջերում տպագրում է մի թղթակցություն՝ Սասունի դեպքերի մասին։ Թղթակիցը իրազեկորեն և օբյեկտիվ կերպով նկարագրում է հայերի նկատմամբ գործադրված գազանությունների պատկերը, որը պրոգրեսիվ մարդկության խոր զայրույթն է շարժում։ Նա գրում է. «Ձեզի պետք է պատմեմ մի շարք դեպքեր, որ կատարվում են թուրքաց Հայաստանում, մի շարք քստմնեցուցիչ դեպքեր, որոնցից ինչպես նկատում է «figaro»-ն, քաղաքակրթված աշխարհը պիտի ամաչի։ Բազմաթիվ արյունհեղությունները, սոսկալի և չսված սնգթությունները թեմուրլենգի ժամանակներին հատուկ գազանությունները և զզվելի սճիրները վրեժխնդրության են գոչում, վրեժ են

⁸⁸ Տեղին է ասել, որ պրոֆեսոր Լեոն 1899 թվականին «Գլադստոն» խորագրով աշխատության մեջ մինչև երկինք է բարձրացնում Գլադստոնին՝ որպես «մարգասեր» տանջվածների պաշտպան, համամարդկային առաջադիմության, ազգերի եղբայրության հոր պաշտպան» (էջ 5)։

Հետագայում, 1925 թվականին իր մեմուարներում Լեոն հարկադրված եղավ վերազնահատել Գլադստոնի մասին արտահայտած իր տեսակետները։ Նա գրում է. «Հայկական հարցի մեջ Գլադստոնի վարմունքը բացարձակ թշնամական և աղետարեր էր հայ ժողովրդին։ Հայ-թուրքական հարաբերությունները անհաշտ-թշնամական են դառնում հենց 1880-ի դեսպանական հավաքական հուշագրից հետո։ Այդ ժամանակն է, որ որոշվում է թուրքահայության վիճակը — բնաջնջումը։

Բազմահռչակ անգլիական պետական գործիչը բնավ էլ չէր մտածում այս մասին, երբ փախուստի էր դիմում թուրք դիվանագետների առջև։ Իսկ հայերը Հասկաղացան նրանք անգլական «հայասիրության իսկական արժեքը, Հասկաղացան թե ի՞նչ է Գլադստոնը»։

⁹² հասկացան։ Գլադստոնը նրանց համար մնաց դարձյալ «մեծ մարդ», «հայասեր» («Անցյալից», էջ 39)։

⁸⁹ «Մշակ» № 148, 1894։

պահանջում անգութ երկնքից, որը անողոքելի է մնում դեպի ճնշված ազգի անբախտ զավակները»⁹⁰։

Նդեռնազորությունները սկսվում են ոչ թե 1894 թվականից, ասում է թղթակիցը, այլ 1878 թվականից, 61-րդ հոդվածից հետո, երբ ավելի ու ավելի սաստկացան հարստահարությունները, ճնշումն ու իրավազրկությունը։ Ուլթե՞ր էին դրանց հեղինակները, հարցնում է թղթակիցը և ապա պատասխանում. «Թուրքեր, չերքեզներ, թուրքեր, նույնիսկ թուրք պաշտոնյաներ, — ահա բոլոր ոճիրների, ավարառությունների, ամեն տեսակ սրբապղծությունների, բռնաբարությունների, սպանությունների, հրդեհների իսկական հեղինակները։ Եվ գիտե՞ք ինչ է անում Բ. Դուռը այդ անտանելի զրկանքների առջև առնելու համար։ Նա զինում է թուրքերին, նրանցից կազմում է «Համիդիե» գնդեր և նրանց հանձնում հայերին պաշտպանելու գործը։ Ո՞ւմից պետք է պաշտպանեն այդ թուրքերը հայերի կյանքը։ Նույնիսկ իրենց դեմ, թուրքերի դեմ։ Այսպիսով, նա կազմեց բաշիրոզուկ թուրքերի ավազակային խմբեր, արգելելով աշխատող և խաղաղասեր հայ ժողովրդին ինքնապաշտպանության համար զենք կրել։ մի խոսքով նա հանձնեց գառը գայլի հսկողության տակ։ Եվ այս բոլորը արավ թուրք կառավարությունը, որպեսզի արդարությունը և հավասարությունը հաստատվի... Ինչ գեղեցիկ երկիր»⁹¹։

Համառոտակի բնութագրելով սուլթանական Թուրքիայի կերպարը, բացահայտելով նրա կառավարության նենգ դիտավորությունները, նույն թղթակիցը շարունակում է. «Հարցրե՞ք Հայաստանի հողին, — քանի քանի անմեղ զոհեր է նա ծածկում իր ծոցում։ — Սա մի մարդկային սպանդանոց է, ասում է։ Journalecnov-ը Հայաստանի վերջին կոտորածների առթիվ։ Այո՛, սա մի մարդկային սպանդանոց է, մի հավիտենական սպանդանոց։

Ահա այսպես է թուրքիան ուզում իրագործել 61-րդ հոդվածը, նա ուզում է բնաջինջ անել հայ տարրը Փոքր Ասիայում, որպեսզի Բեռլինի դաշնագիրը ստորագրող պետություններին ասի՝ «Հայաստանում այլևս հայ չկա, հետևապես, այլևս գոյություն չունի «Հայկական հարցը»⁹²։

Մեքսիկայի մամուլը դատապարտեց եվրոպական տերություններին և, առանձնապես, Անգլիային՝ Հայկական հարցի ձախողման և հայերի կոտորածների համար։ Նա Հայկական հարցի լուծման և

⁹⁰ «Մշակ», 9, 1895։

⁹¹ «Մշակ», № 9, 1895։

⁹² նույն տեղում։

հայերի կյանքի ապահովման միակ երաշխիքը համարում էր Արևմրտյան Հայաստանի միացումը Ռուսաստանին: Համարելով Հայկական հարցի լուծումը որպես անհետաձգելի մի խնդիր, նա գրում է. «Շատերը գիտեն այն դեպքերը, որոնք կատարվեցին Հայաստանում: Քուրդերը... նոր հարստահարություններ գործեցին հայերի դեմ, հարստահարություններ, որոնք վերջապես ահագին կոտորածներով հավատացնում են, որ զոհերի թիվը հասնում է 10.000-ի... Պետք է, անհրաժեշտ է ապիկար թուրքիայի ձեռքից խլել քրիստոնյա ժողովուրդների կառավարությունը, որովհետև նա չէ կարողանում, կամ չէ կամենում նրանց պաշտպանել քուրդերի ֆանատիկոսության դեմ:

Ամենալավ լուծումը, միակ հնարավոր լուծումը կլինեի զիջել Ռուսաստանին Օսմանյան դրոշակի տակ մնացած Հայաստանի մասը:

Ռուսաստանն արդեն տիրապետում է Հայաստանի մի մասին, որտեղ նա հաստատել է անդորրություն և կարգ՝ կովկասյան մյուս նահանգների պես: Պետք է թողնել, որ նա վերջացնի իր քաղաքակրթելու միսիան այդ բազմաշարժար երկրում»⁹³:

1895 թվականին «Նոր-դար»-ում տպագրվեց տիկին Նովիկովայի «Ո՞վ է մեղավոր» ուշագրավ հոդվածը: Հեղինակը անարգանքի սյունին գամելով սուլթանի կառավարությանը՝ հայերին հոշոտելու համար, միաժամանակ մեղադրում է Անգլիայի կառավարողներին՝ Սան-Ստեֆանոյի դաշնագրի ձախողման ու թուրքական սուլթանի հետ գաղտնի համաձայնություն կնքելու համար: «Իսկական հանցապարտները և քաղաքակրթված աշխարհի անվան ամոթբերող բարբարոսությունների պատասխանատուն, — գրում է նա, — քուրդերը չեն — չեն ամենևին, այլ թուրք կանտնավոր զորքերը, որոնց հրամայում էին թուրքական կառավարության կողմից բացարձակ պատվերներ ունեցող թուրք սպաները. թեև Բ. Դուան ունեցած մասնակցությունն այդ նողկալի արարքների մեջ չէ հերքվում նույնիսկ Ստամբուլի փաշաների կողմից: Սակայն նրանց վրա չէ՛ որ ծանրանում է այդ սարսափելի պատահաբեհերի պատասխանատվությունը, այլ այդ պատասխանատվությունը բեկնում է ամենից առաջ Անգլիայի վրա»⁹⁴:

Բացահայտելով թուրքական կառավարության կողմից հայերի բնաջնջման դրտապատճառները, նովիկովյան շատ իրավացիորեն

նկատում է, որ սուլթանի կառավարությունը այդ սանկցիան ստացավ Բեռլինի կոնգրեսից: «Դա այն հարգելի խաղաղության կորուստաբեր հետևանքներից միսն էր, — գրում է նա, — որի հաստատումը Բեռլինում, 1878 թվին անգլիական կառավարությունը վերագրում է իրեն ի դեմս լորդ Բիկոնսֆիլդի...»⁹⁵:

1882 թվականին «Արձագանք» № 2-ում տպագրված է «Մշակ»-ի Բեռլինի թղթակցի փետրվարի 12-ի հաղորդումը պրոֆեսոր Զախակի «Քրիստոնյաների դուրքունը Արևելքում» թեմայով կարդացած ուշագրավ դասախոսության բովանդակությունը: Անցնելով պատմական շատ աղետալից փորձություններով անցած հայերին, դասախոսը ասում է. «Երկրորդ քրիստոնյա ազգը, որի մասին կարճ պիտի խոսեմ, բայց որին վիճակված է ամենամոտ ժամանակում ամբողջ եվրոպան և ամբողջ եվրոպական մամուլը զբաղեցնել. — հայերն են, որոնց դիմացը եվրոպան պարտավորություններ իր վրա հանձն առավ, և որ ստիպված է կատարել և որ կկատարի, վասնզի մենք առիթ չունենք թերահավատ աչքով նայել եվրոպական դիպլոմատիայի խոստումների վրա»⁹⁶:

Պրոֆեսոր Զախակը ճիշտ է արձանագրում իրերի դրությունը. բայց հայերին խորհուրդ է տալիս հուսալ և սպասել եվրոպական դիվանագետների բարիկամեցողությունը: Նա կշտամբում է թուրքական կառավարությանը պայմանագանցության և վեց տերություններին՝ անհետևողականության համար: Խոսելով 61-րդ հոդվածի մասին, նա հարկադրված եղավ ասել, որ այդ շարաբաստիկ հոդվածից անցել է չորս տարի, բայց «ոչինչ բարենորոգություններ զգալի չեղան Հայաստանում: Հուսանք, որ հարկավոր չի լինի, որ հոսի և այս քրիստոնյա ճնշված ազգի արյունը և որ նա սրով հասնի մարդավայել կյանքի և անձնական ապահովության: Հուսանք և վստահ լինենք եվրոպայի դիպլոմատիայի մարդասեր ջանքերի վրա, թեպետ պետք է ասել, որ եվրոպային քիչ պատիվ է բերում, որ նա անմիջապես քաղաքակիրթ աշխարհի դուրքունի մոտ համբերում է թուրքիայի կամայական վարմունքը մի հին և հարգելի քրիստոնյա ազգի դեմ»⁹⁷:

Բայց պրոֆեսոր Զախակի բարի կամեցողությունը չխանգարեց ո՛չ եվրոպական դիվանագետներին և ո՛չ էլ դերմանական կառավարողներին, որոնք թուրքիայում տիրապետող ազդեցություն

93 «Մշակ», № 23, 1895,

94 «Նոր դար», № 91, 1895.

95 «Նոր դար», № 91, 1895:

96 «Արձագանք», № 2, 1882:

97 Նույն տեղում:

ունենալու նպատակով սիրաշահում էին սուլթանին և հրահրում նրան հայերի դեմ:

Ուշագրավ է Բրյուսելի աշխարհագրական ընկերության նախագահ Ժյուլ Լեկլերկի «поездка на Апарат» ֆրանսերեն լեզվով գրված և ուսուցիչներին թարգմանված աշխատությունը, որի մի ամբողջ գլուխը նվիրված է հայերին ու Հայկական հարցին:

Մեծ հումանիստ և աշխարհագետ գիտնականը մի քանի տեղեկություններ տալով հայ ժողովրդի պատմության, նրա խաղացած դերի ու լեզվի մասին, նկարագրելով արևմտահայ ժողովրդի ծանր ու դժվար վիճակը՝ սուլթան Համիդի իշխանության օրոք, լուրջ կշտամբանքներ է ներկայացնում եվրոպական տերություններին՝ իրենց անհոգի վերաբերմունքի համար:

«Տասնչորս տարի է,— գրում է նա,— ինչ որ հայերի ինքնավարությունը ստորագրված է եվրոպական պետությունների լիազորների ձեռքով, բայց նրանց վիճակը դրանով ամենևին չէ բարվոքվել: Կար մի վայրկյան, երբ հայերը կարող էին հուսալ, թե հասել է փրկության ժամը, նրանց պատվիրակները սիրով ընդունվեցան Բեռլինի կոնգրեսում և քանի որ միջոցներ էին որոնում պաշտպանելու միլիոնավոր քրիստոնյա ժողովուրդը, որ կոչում էր անում իր արևմտյան եղբայրներին: Բայց հետո, 1878 թվականի դաշնագրով այդ մարդասիրական գործում Անգլիան փոխարինեց Ռուսաստանին և ամեն բան մնաց առաջվա դրության մեջ, կամ ավելի լավ ասենք, ավելի վատացավ»⁹⁸:

Հեղինակը իրավացիորեն նկատում է, որ հայ ժողովրդի դրությունը գնալով վատացավ շնորհիվ վեց տերությունների կուկուրիվ խնամակալության:

Օգտվելով հայերի համար սահմանված անորոշ հոգվածից «թուրքերը ամեն միջոց գործ դրեցին այդ հույսերը հիմնահատակ անելու համար՝ կամ հեռացնելով գործից ազդեցիկ հայերին, կամ խրախուսելով քուրդերի ավազակությունները և շերքեզների ասպատակությունները, կամ ընդդիմադրելով եկեղեցիների և դպրոցների գործունեությանը: Մարդ դժվարությամբ է հավատում այն բոլորին, ինչ որ այդ խստությունների մասին գրում են անգլիական լրագրերը... Պետք է միայն զարմանալ, որ ոմանք մինչև այսօր այդ լուրերը երևակայական են համարում, մինչդեռ Հայաստանի

ավերման գործը դիտմամբ կատարվում է թուրք իշխանության աչքի առաջ»⁹⁹:

Ժյուլ-Լեկլերկին մեղադրում է սուլթանական կառավարությանը և արժանավույն կերպով գնահատում հայ ժողովրդի խաղացած դերը քաղաքակրթության համար մղված պայքարում:

«Կար ժամանակ,— գրում է նա,— երբ Հայաստանը կիրակրում էր երեսուն միլիոն ժողովուրդ, միջին դարերում նա ամենաբարեկյաց երկրներից մինն էր, երկրագործությունը և արդյունագործությունը ծաղկած էին, ինչպես գրականությունը և գիտությունը: Տաճիկների տիրապետությունը ոչնչացրեց քաղաքակրթությունը, կանգնեցրեց երկրի բնական արդյունահանության զարգացումը և դարձրեց երկիրն անապատ—անապատը հաղթական իսլամի թողած հետքն է»¹⁰⁰:

Այս բոլորից հետո հեղինակը հարցնում է՝ «Ինչու՞ է հայերը, այդ եվրոպացիները Ասիայում, չեն կարողանում հաղթել դրացիներին, որոնք թե՛ թվով և թե՛ բարոյապես ավելի տկար են, ի՞նչ պատճառով այդ ազգը, որը աճում է ուրիշ տեղերում, նվազում է Թուրքիայում, և ինչի՞ նա չի կարողանում ձեռք բերել իր անկախությունը: Ինչի՞ վերջապես, այդ ճնշված քրիստոնյաները, հպատակվելով թուրքերի լուծին, մնում են նրանց հավատարիմ և չեն ապստամբում մահմեդական տիրապետության դեմ, որը կարծես թե նրանց բնածին ընդունակությունները անհետք կերպով այլասերել է»¹⁰¹:

Հումանիստ գիտնականը մեծ սիրով ու համակրությամբ է տոգորված դեպի հայ ժողովուրդն ու նրա արդար դատը: Բայց, անշուշտ, նա սխալվում է, կարծելով, թե հայերը չեն պայքարել թուրքական բռնապետության դեմ, բռնապետություն, որը «նրանց բնածին ընդունակությունները այլասերել է»: Այդ բոլորից հետո էլ հայ ժողովուրդը արիաբար պաշտպանեց իր ազգային վեհությունը:

Խոսելով հայերի օրինական պահանջների մասին, Ժյուլ-Լեկլերկին գրում է. «Նրանց ամբողջ ցանկացածն այն է, որ քրիստոնյա կառավարիչներ նշանակվեն այնտեղ, որտեղ ժողովրդի մեծամասնությունը քրիստոնյա է և այդ միակ խնդիրը արտահայտված է այն հիշատակարանի մեջ, որ առաջարկվեց մեծ պետություններին հայ ազգի կողմից Բեռլինի կոնգրեսի նախընթաց օրը»¹⁰²:

99 «Մշակ», № 8, 1893.
100 Նույն տեղում.
101 Նույն տեղում.
102 Նույն տեղում.

98 «Մշակ», № 8, 1893.

Թուրքական սուլթանի կողմից հայերին տրված խոստումները չկատարելու պատասխանատվությունը նույն հեղինակը շատ իրավացի կերպով բարդում է եվրոպական տերությունների վրա՝ իրենց հանած որոշման նկատմամբ անհետևողական լինելու համար։ Հետևապես, նկատում է նա, որ հայերը բացասաբար են տրամադրված դեպի արևմտա-եվրոպական տերությունները, համակրանք տածելով Ռուսաստանի նկատմամբ։

«Կա մի ազգ,— գրում է նա,— դեպի որ Հայաստանը շնորհակալության մի առանձին պարտավորություն ունի, և պետք է խոստովանել, որ նա չի մոռանում, որ Սան-Ստեֆանոյի դաշնագրի 16-րդ հոդվածում ազնիվ և մեծահոգի սկիզբը Ռուսաստանն է գրել, որը, իհարկե, հետաքրքրվում է այդ խնդիրներով...»¹⁰³։ Հեղինակը այստեղ հաշվի չի առել, որ Բեռլինի կոնգրեսից հետո ռուսական ցարիզմը հայերի նկատմամբ թշնամական կուրս ընդունեց՝ սուլթանին մտերմանալու, նրան իր ազդեցությանը ենթարկելու նպատակով։

Միանգամայն ճիշտ է հեղինակը, երբ հայ ժողովրդի ողբերգության պատասխանատվությունը միաժամանակ դնում է Անգլիայի վրա, որը Կիպրոսի դաշնագրով իր վրա վերցրեց Թուրքիայի պաշտպանությունը Ռուսաստանի դեմ։ «Պահպանել Կիպրոսը և մոռանալ իր սրբազան պարտքը,— գրում է նա,— որ հանձն է առել այդ երկիրը ձեռք բերելով, մի՞թե դա դավաճանել չի նշանակում եվրոպայի վստահությանը, որ հանձնել է նրա մարդասիրության և քաղաքակրթության գործը, և իր հանձն առած պարտավորությունները իրագործելու եղանակով նմանվում է Բարձրագույն Դուանը»¹⁰⁴։

Հայ ժողովրդի օրինական պահանջը այդ նույն հեղինակը ձևակերպում է մեկ նախադասությամբ. «Հայկական կառավարությունը Թուրքաց Հայաստանում»։ Նա միաժամանակ նշում է այդ կառավարության կազմակերպման վարչական սկզբունքները, այսինքն՝ «Պետք է ամբողջ երկրից մեկ առանձին նահանգ կազմել, հինգ շրջանների բաժանված—էրզրում, վան, Դիարբեքիր, Մուշ և Խարբերդ՝ հայ նահանգապետի գլխավոր վարչության տակ, որին նշանակում է սուլթանը, պետությունների համաձայնությամբ։ Նահանգապետը պարտավորվում է բնակվել էրզրումում և ունենալ իր կարգադրության տակ հեծելագունդ, որը կազմվում է նստակյաց

ազգաբնակությունից և ոչ թե թափառաշրջիկներից։ Այդ հեծելախումբը պետք է պաշտպանե հայերին քուրդերի և չերքեզների հարձակումներից. հայերը իրավունք են ստանում ծառայության մտնել զորքի, ոստիկանության, քաղաքացիական և դատաստանական հիմնարկությունների մեջ, որտեղից նրանց մինչև այժմ արտաքսում էին։ Եթե քուրդերին զինաթափ անելը անհարմար համարվի, այն ժամանակ պետք է թույլ տալ հայերին զենք կրել անձնապաշտպանության համար»¹⁰⁵։

Այս նպատակի համար հայերի մղած ազգային-ազատագրական պայքարը նույն հեղինակը համարում է օրինական և անխուսափելի։ «Հրեշավոր չէ՞ արդյոք, որ մի ժողովուրդ, որ հաճախ քաջություն է ցույց տվել, թույլ է տալիս, որ ոչխարի նման կոտորեն իրեն և իր մերձավորներին»¹⁰⁶։

Ամփոփելով հայ ժողովրդի վիճակին և նրա դատին վերաբերող իր աշխատությունը, ժյուլ-Լեկլերկին գրում է. «1860 թվի կոտորածից հետո եվրոպան տվեց Լիբանանի քրիստոնյաներին հավատակից նահանգապետներ, խառն դատարաններ, տեղական ոստիկանություն և անձնապաշտպանության համար զենք կրելու իրավունք։ Եվրոպան չէ կարող մերժել նույն արտոնությունները այն ժողովրդին, որը բոլոր ասիական ցեղերի մեջ միակ ընդունակն է յուրացնելու եվրոպական քաղաքակրթությունը և որը կատարելապես արժանի է օգտվելու նրա բարիքներից»¹⁰⁷։

Սուլթան Համիդի գազանությունների դեմ արտահայտվեց նույնիսկ «Երիտասարդ Թուրքիա» կուսակցությունը, որը քաղաքական իշխանության էր ձգտում և կամենում էր դեմոկրատացնել երկիրը։ Այդ կուսակցությունը ժամանակին շատ ճիշտ կերպով պարսավում էր եվրոպական տերություններին սուլթանի իշխանության պաշտպանության, նրա գահակալության քսանհինգամյակի կապակցությամբ փառաբանական հեռագրերի համար։

Ուշագրավ է, թե ինչպես է բնութագրում այդ կուսակցությունը Արդուլ-Համիդին և եվրոպական տերությունների նրա հանդեպ ունեցած վերաբերմունքը։ «Ապտուլ Համիդ այսօր կոտոնե քսանհինգամյա տարեդարձը պատմության մեջ նմանը չունեցող ոճիրներով ու հրեշտություններով լեցուն իր թագավորությունը։ Բովանդակ քա-

105 «Մշակ», № 8, 1893։

106 Նույն տեղում։

107 Նույն տեղում։

103 «Մշակ», № 8, 1893։

104 Նույն տեղում։

դաքակիրթ աշխարհը ողբաց այս արյունուշտ բռնապետին անհամար զոհերուն վրա, բայց դժբախտաբար, եվրոպական համաձայնությունը գրեթե բարեկամական դիտավորություններն ուրիշ բան չտվավ անոր: Երիտասարդ թուրքերու կուսակցությունը ուժանակես կբողոքե այն անարդար հաճոյակատարության դեմ, որով եվրոպական պետությունները արտասովոր առաքելություններ կղրկեն մեծ մարդասպանին հոբելյանի հանդեսին, ինչ-որ ուրիշ բան չէ, բայց եթե ոճրին ու մարդասպանության աստվածացումը: Եվրոպան ներողամիտ դիրք մը բռնելով կարմիր սուլթանին ոճիրներուն հանդեպ, արդեն մեծ պատասխանատվություն մը վրան առած էր, հիմա զայն քաջալերելով, անոր ապագա արարքներուն մեղսակից չլլա՞ր միթե: Մեր կուսակցությունը հավատարիմ թարգման դժբախտ օսմանյան ազգին, քսաներորդ դարուն սեմին վրա կհեծե այս միջնադարյան բռնավորին լուծի տակ, կհուսա, որ եվրոպական մամուլը, այնքան ազատամիտ ու վեհանձն, մեր արդար բողոքին պիտի ձայնակցի՝ պատմության ցիցին վրա առհասարակ գամելու համար այս նոր ներոնը»¹⁰⁸:

Գեղեցիկ է ասված: Բայց ցավոք սրտի, այդ կուսակցությունը, որը ճիշտ է բնորոշել Աբգուլ-Համիդի հրեշային կերպարը՝ որպես ոճրագործ և արյունարբու, — 1908 թվականին նվաճելով քաղաքական իշխանությունը, շարունակեց նրա ոեակցիոն քաղաքականությունը:

1895 թ. սեպտեմբերի 18-ին, հնչակյանների ու դաշնակների ղեկավարությամբ Կ. Պոլսում հայերը կազմակերպեցին խաղաղ ցույց (Պապ-Ալիի ցույցը)՝ եվրոպական տերությունների ակտիվ միջամտությունը հայցելու նպատակով: Ոստիկանները նախօրոք տեղեկացել էին հայերի մտադրությունների մասին: Ավելի քան 4000 հայեր՝ երկուշաբթի օրը շարժվում են դեպի սուլթանի պալատը՝ «Ձայնը հնչեց էրգումի հայոց լեռներեն» երգելով: Բայց ոստիկանները արգելում են նրանց դարպասից ներս մտնել:

Պապ-Ալիի հսկիչ հազարապետի թիկնապահ Սերվեթ բեկը հայերի վրա կրակ արձակելու կառավարական հրամանը կարգալիս նրա խոսքերը լսում է 18 տարեկան Աբրահամ անունով գավառահայ մի երիտասարդ, որը ատրճանակի հարվածով տեղն ու տեղը սպանում է Սերվեթ բեկին: Այս դեպքը բավական էր, որպեսզի թուրքական մոլեռանդները իրագործեին հայերի բնաջնջման իրենց կառավարության ծրագիրը:

¹⁰⁸ «Անահիտ», № 9, 1901, էջ 233:

Անողոր կռիվներ են տեղի ունենում ցուցարարների ու ոստիկանների միջև: Հայերը կռվում են քաջաբար: Սուլթանի կառավարության զինվորական հրամանատարությունը ցուցարարների դեմ դուրս բերեց իսլամ սոֆիաներին, իսկ հայերին օգնության է հասնում Անտոն Ռշտունին՝ իր մի քանի տասնյակ զինված մարդկանցով: Կռիվը սաստկանում էր, բայց ուժերը անհավասար էին:

Սուլթանական շարդարարները սրի քաշեցին ավելի քան 2000 հայերի, իսկ եվրոպական դեսպանները նորից շատ անհոգի գտնվեցին սուլթանական կառավարության գործադրած գազանությունների նկատմամբ, կառավարություն, որը երեք տերությունների մայիսյան հայտագրով բարենորոգումներ մտցնելու փոխարեն, ձեռնարկել էր հայերի համատարած կոտորածը: Հետևապես, հասկանալի է, որ այդ տերությունների հայտագիրը ձեռնարկող մարդերը էին:

1895—1896 ԹՎԱԿԱՆՆԵՐԻ ԶԵՅԹՈՒՆԻ ԱՊՍԱՍՄԲՈՒԹՅՈՒՆԸ

Սուլթանական կառավարության կողմից էրզրումում, Սասունում, Կ. Պոլսում և այլուր կազմակերպված կոտորածները զգալի տվեցին զեյթունցիներին, որ մոտավոր ժամանակներում այդ օրհասի առջև կանգնելու են նաև իրենք: Եվ իրոք, սուլթանական զահիճների տեսադաշտից դուրս չէր մնացել դուրսագնական Զեյթունը, որը 19-րդ դարում շրջադարձ անգամն էր ըմբոստանում օսմանյան բռնապետության դեմ: Լեռնային Սասունի և Զեյթունի ժողովուրդներն իրենց քաջագործություններով, անձնուրացությամբ ու ազատասիրությամբ ընդհանուր նկարագիր ունեին: «Երկուսն ու ազատասիրությամբ ընդհանուր նկարագիր ունեին: «Երկուսն ևս, — գրում է Հ. Առաքելյանը, — քաջ, հանդուգն, համարձակ են...»¹⁰⁹:

Տրանսիացի աշխարհագետ-գիտնական Վիկտոր Լանզուան խոսելով զեյթունցիների մասին, նշում է, որ «զեյթունցիները առհասարակ բարձրահասակ, քաջ և աշխույժ բնավորության տեր մարդիկ են»¹¹⁰:

Բարյացակամորեն տրամադրված լինելով զեյթունցիների արդար գործի նկատմամբ, ողջունելով նրանց ազատագրությունը, այդ

¹⁰⁹ Հ. Առաքելյան, Զեյթուն, Թիֆլիս, 1896, էջ 5:

¹¹⁰ Նույն տեղում, էջ 71:

նույն գիտնականը գեյթունցիներին համարում է «Արևելքի ֆրանսիացիներ»¹¹¹;

4. Պոլսի անգլիական դեսպանը իր կառավարությանը ներկայացրած զեկուցագրերից մեկում՝ գեյթունցիների և օսմանյան բռնապետության դեմ նրանց հաճախակի կրկնվող ապստամբական ելույթների մասին գրում է. «Ձեյթունցիք քաջ ու անվախ նկարագիր մը ունին. ինչ որ մասնահատուկ են ամեն անգամ, որ առիթ տեսնուցած են զենք վերցնելու թուրք կառավարության դեմ»¹¹²;

Ձեյթունում շարդեր կազմակերպելու գիտավորությանմբ, սուլթանական կառավարության թելադրանքով, տեղական իշխանությունները ոչ միայն հարստահարում, այլև արատավորում էին գեյթունցիների ընտանեկան պատիվը: 4. Պոլսի անգլիական դեսպանը իր կառավարությանը իրավացիորեն գրում է, որ թուրքական իշխանությունների հարկային քաղաքականության ապօրինի ընթացքը «դեպի ապստամբություն մղած է զգեյթունցիները...»¹¹³;

Կիլիկիայի Մկրտիչ կաթողիկոսի բողոքների հիման վրա 1893 թվականին գայմազամի պաշտոնից ազատվեց դաժան Թեֆիկ բեկը, որին հաջորդեց իսլամական կրոնի պետ և մուլի ռեակցիոներ Գադին, որը նորանոր հարկերով ու իր անբարոյական արարքներով ավելի էր զայրացնում գեյթունցիներին: Նոր գայմազամի ստորարարքների մասին 4. Պոլսի անգլիական դեսպանը իր կառավարությանը գրում է. «Երբ հնչակյան կուսակցության գործակալները մտան Ձեյթուն ապստամբություն մը գրգռելու նպատակով՝ տեսան, որ տեղական կառավարությունը դուրացրած էր իրենց գործը... ժողովուրդը ծայրահեղորեն դժգոհ թուրք գայմազամեն՝ հասունացած էր դեպի ապստամբություն»¹¹⁴: Դեսպանը միաժամանակ նշում է գայմազամի կողմից գեյթունցիներին բանտարկելու և ծեծելու բազմաթիվ փաստեր՝ հնից մնացած տուրքերը վճարելուց հրաժարվելու համար և ապա գրում է. «Գադին սովորաբար կը կոչեր գեյթունցիներին «շուներ» կամ «գեավուրներ», օր մը չէր անցներ առանց լուրջ նախատինքներու և բռնություն»¹¹⁵;

Հետևապես, գեյթունցիների ապստամբությունը սուլթանական կառավարության հայաչինջ քաղաքականության հետևանքն էր և ոչ

111 2. Առաքելյան, Ձեյթուն, Թիֆլիս, 1896, էջ 71:

112 ՉՍՄ ԳԱ պատմ. ինստիտուտի արխիվ, Լեոի ֆ., Թղթապ. № 1, թերթ 122:

113 «Մշակ», № 144, 1895:

114 ՉՍՄ ԳԱ պատմ. ինստիտուտի արխիվ, Լեոի ֆ., Թղթապ. № 1, թերթ 124:

115 Նույն տեղում:

թե մի քանի հնչակյանների թելադրանքով կազմակերպված գործ: «Ձեյթունցին իր կզգիացած վիճակին մեջ այլևս անտարբեր չհանդիսանար ազգային ճակատագրին և Հայաստանի անցուդարձերուն, — գրում է Ձեյթունցին (Տեր-Օհանը կամ Տելի Քեշիշը), — անականջ կը դնե հեռավոր արձագանքներուն, իր հայրենակիցներու ցավերուն, ազատության աղաղակներուն և իրերու անողոք բերումով կը մտնե ազգային ընդհանուր շարժման ալիքներուն մեջ, միշտ պահելով սակայն իր հատուկ պատերազմողի մասնավոր դրոշմը»¹¹⁶:

Ձեյթունի ազգային ժողովը նախագրուչացրեց Գադինի՝ իր արարքներին վերջ տալու համար, որովհետև դրանք կարող են վատ հետևանքներ ունենալ: Գադին պատասխանում է. «Ես հրահանգ ունիմ իմ սիրելի թագավորես՝ այդպես վարվելու, որպեսզի դուք ալ գրգռվեիք և մի խլրտում հանեք, այն ատեն թագավորը բարկանա և զձեզ ալ Սասնո վիճակին հասցնեք»¹¹⁷:

Գադիի հանձնարարությանմբ զինվորները պղծում էին հայ կանանց ու աղջիկների պատիվը: Մի կնոջ տուն մտնելու և սանձարձակություններ գործադրելու կապակցությամբ գեյթունցիները բողոքում են գայմազամին, որը լկտիաբար պատասխանում է. «Ի՞նչ ընեմ, մի՞թե զինվորներն ալ մարդ չեն. եթե այդ կին չի սիրեր զինվորներ, թող շթողու որ երթան յուր տուն»¹¹⁸: Մի քանի օրից հետո մի տան մեջ գեյթունցի երիտասարդները զինվորներին լավ ծեծում են ու ասում. «Դե գացեք, ինչ որ տեսաք պատմեցեք ձեր աղաներուն»¹¹⁹:

Այսպիսով, գեյթունցիների և թուրքական իշխանությունների հարաբերությունները խիստ լարված էին: Այդ հարաբերություններն էլ ավելի սրվեցին, երբ Ձեյթունի զինվորական մասի հրամանատար Ճիազիմ էֆենդին սկսեց զորանոցի շուրջը խրամատներ պատրաստել: Բայց գեյթունցիների ուշադրությունը շեղելու և նըրանց հանգստացնելու նպատակով Մարաշի իշխանությունները Գադինի հանցին պաշտոնից և նրա տեղը նշանակեցին Ավնի բեկին, որը իր նախորդից էլ սարսափելի դաժան էր: Ձեյթունցիները ըմբոստացան նաև սրա դեմ:

1895 թ. հուլիսին Արգեն գյուղում երևում են վեց հնչակյան-

116 Ձեյթունցի, Ձեյթունի անցյալն և ներկայն, Վիեննա, 1900, էջ Ե:

117 Նույն տեղում, էջ 2:

118 Նույն տեղում, էջ 4:

119 Նույն տեղում:

ներ: Մարաշի իշխանութունները հոտը առնում են: Չերքեզ Ասլան բեկին հրամայված էր ձերբակալել նրանց: Օգոստոսի 5-ին (17-ին) նա լինում է Արգենում և պահանջում է վճարել տուրքերը: Գյուղացիները նրան պատասխանում են, որ «այժմ դրամ չունենք, երբ ունենանք՝ կը վճարենք»¹²⁰: Ոստիկանապետ Ասլան բեկը կատաղում է, ծեծում ու բանտարկում է գյուղի ղեկավար Խաչեր Քեհյանին: Դրա հետ միասին նա պահանջում է իշխանությանը հանձնել վեց օտարականներին: Այդ ժամանակ գյուղացիները նրան զայրույթով պատասխանում են. «Մենք այժմ ո՛չ տուրք տալու ժամանակ ունինք, և ո՛չ ալ կրնանք մեր սիրելի հյուրերը ձեր անգութ կառավարության ձեռք հանձնել. ավելի լավ է բոլորս միասին ջարդվինք, քան թե այդ վատությունը կատարենք»¹²¹: Ասլան բեկը խայտառակ պարտությունը վերադառնում է:

Հաշվի առնելով վերահաս վտանգը, զեյթունցիները խնամքով ու ժեղացրին ապստամբության նախապատրաստումը: Ջեյթունի շորս իշխանների ներկայացուցիչ Շավրոյան Ղազարը իր մոտն է կանչում Ֆրնուզի փոխ-վանահայր Բարթուղիմեոս վարդապետին և գաղտնի հանձնարարությամբ ուղարկում Գարանլիս-դերե կոչված վայրը՝ հնչակյանների հետ բանակցելու համար: Խորհրդակցությունը տեղի է ունենում Մութ ձորում, որին մասնակցում էին՝ Բարթուղիմեոս վարդապետը՝ 40 ֆրնուզցիներով, Խաչեր Քեհյանը՝ 30 արգենցիներով, Գոճայան Հարություն աղան՝ 30 ավազկացիներով: Հնչակյաններից խորհրդակցությանը ներկա էին՝ Աղասին, Հրաչյան, Ապահը, Նշանը, Մլեհը և Կարապետը: Հնչակյանների տրված հաղորդումներից հետո, խորհրդակցությունը քննության առավ ապստամբությունը կազմակերպված սկսելու հարցը:

Բարթուղիմեոսը Ջեյթունի իշխանին է ներկայացնում հարցաքննության արդյունքները և նրան հայտնում, որ եկվորները նպատակ ունեն օգնելու ապստամբներին: Իշխանը կարգում և իր մոտն է կանչում Պապիկ փաշայի եղբայր Նազարեթ Չաուշին և առաջարկում է հրաժարվել թուրքական իշխանությանը ծառայելուց, անցնել Բարթուղիմեոսի տրամադրության տակ և կովել սուլթանական բռնապետության դեմ: Նազարեթը պատասխանում է. «Այո՛, կընդունիմ»¹²²:

Այդ նույն ժամանակ Մարաշի իշխանութունները ամրացնում էին զորանոցը: Նրանք մի զինվորական գունդ ուղարկեցին, որը 1895 թ. սեպտեմբերի 26-ին (հոկտեմբերի 8-ին) հասավ Բերդիս շայ: Ջեյթունցիները հասկացան, որ թշնամին հարձակման է նախապատրաստվում: Նազարեթի և Աղասու ղեկավարությամբ 150 հայ քաջեր շարժվեցին դեպի Բերդիս և երեք ժամ տևող կռիվներից հետո սպանեցին թշնամու 33 և վիրավորեցին 12 զինվոր: Թշնամին փախուստի դիմեց, բայց օժանդակ ուժեր ստացավ, որի հետևանքով հայերը դադարեցրին կռիվը: Հայերից զոհվեցին երեք հոգի, որոնց թվում Ջալադ-Կարապետը, վիրավորվեցին շորս հոգի, որոնց թվում՝ Նազարեթը, որը մոր հեթմական դեղորայքով արագորեն ապաքինվեց: Թշնամին կտրեց Ջալադի գլուխը և Մարաշ ուղարկեց որպես Նազարեթ շաուշի գլուխը¹²³, Բերդիս շայի կռիվը վերջացավ զեյթունցիների հաղթանակով: Ապստամբությունն արդեն սկսված էր:

Բերդիս շայի կռիվի առաջին գիշերվա արշալույսին Բարթուղիմեոսը 100 ֆրնուզցիների գլուխն անցած, պաշարում է զորանոցը, կտրում հեռախոսի կապը: 1895 թ. հոկտեմբերի 12-ի (24-ի) առավոտյան սկսվում են հրաձգությունները: Չորանոցի 540 հոգուց բաղկացած կայազորը չէր կամենում անձնատուր լինել: Ապստամբների կռիվողների թիվը հասավ 1000-ի և երեք օրվա համառ կռիվներից հետո թշնամին անձնատուր եղավ, գայմագամ Ավնի բեկը գերի ընկավ: «Չորանոցի մեջ 650 հոգի զորք, կին և երեխաներն էլ գատ,— գրում է Ջեյթունցին,— զեյթունցիք գրավեցին 120.000 փամփուշտ, 2 կրուբի թնդանոթ, 600 մարթին հրացան, 170 ուսմբ, 2 տակառ վառոդ, 2 գարիի սմբար լիք, 2 բրինձի և լոբիայի սմբար, 30 հատ վառարան, 40.000 քիլո ալյուր, 30 տակառ ձիթաբուրդ, 1500 գուլպա, 300 զորքի համագրեպտ, 6 շորի, 3 ձի, 1 դեղարան»¹²⁴:

Չորանոցի գրավումը լուրջ հարված էր թուրքական կառավարությանը և նրա տեղական իշխանութուններին: Դրա համար էլ գազազած թշնամին այդ նույն օրը Ֆրնուզի շրջանի Զուգուր-հիսար գյուղի շերքեզներին հրաման տվեց կտորել 20 տուն կազմող հայ բնակիչներին: Հարյուր զինված հայեր մեկնում են այդ գյուղը՝ կանխելու համար հայերին սպառնացող վտանգը: Նրանք շերքեզ-

120 Ջեյթունցի, Ջեյթունի անցյալն և ներկայիս, էջ 6:

121 Նույն տեղում:

122 Նույն տեղում, էջ 22:

123 Ջեյթունցի, Ջեյթունի անցյալն և ներկայիս, էջ 39—40:

124 Նույն տեղում, էջ 42:

ներին համոզում էին, որ հայերին կոտորելու փորձեր չանեն, բայց երբ չերթեզները չուղեցին համոզվել և փորձում էին կոտորել անմեղ հայերին, այն ժամանակ հայերը պահանջեցին հանձնել գինքերը: Թշնամին չենթարկվեց և հարձակման անցավ: Հայերը հակահարձակման անցան, սպանեցին 40 հոգի: 1895 թ. հոկտեմբերի 19-ի (նոյեմբերի 1-ի) կոիվները վերջացան տպատամբների հաղթանակով: Թշնամու ուժերի մի մասը անձնատուր եղավ և մի զգալի մասն էլ փախավ:

Այդ փախստականները սկսեցին սոսկալի գույներով նկարագրել զեյթունցիների և ֆրնուլցիների գործողությունները: էպիսկոպիտի դերերեյը՝ բաշիբոզուկների գլուխն անցած՝ հարձակվեց Երվիլի կոչված հայկական գյուղի վրա՝ վրիժառություն նպատակով: Հայերը նրան հայտնեցին, որ տերությունը հավատարիմ են և խնդրեցին իրենց չկոտորել: «Եթե հավատարիմ եք՝ հանձնեցեք ուրեմն զենքերնիդ» ըսավ պեյը. — «Ո՛չ, պատասխանեցին նոքա, չենք կովիր ձեզ հետ, բայց չենք ալ հանձնեք զենքերնիս»¹²⁵:

Թշնամին հաշվի չնստեց հայերի այդ առաջարկի հետ և հարձակման անցավ: Հայերը երեք օր կովում էին նրա դեմ: Հարություն քահանան սուրհանդակի միջոցով լուր ուղարկեց Բարթուղիմեոսին՝ օգնության հայցով: Բարթուղիմեոսը 200 ֆրնուլցիներով, 150 շիվիլիկցիներով և 100 զեյթունցիներով շտապում է կովի վայրը: Բայց այդ նույն պահին նա տեղեկացավ, որ Անտրունիի գայմագամության կենտրոնում բանտարկված են 150 հայեր, որոնց մահ էր սպառնում: Նա մի թուրքի միջոցով նամակ է ուղարկում գայմագամին՝ հայերին անվնաս թողնելու բովանդակությամբ: Պատասխան չուտանալով, Բարթուղիմեոսը 400 քաջերով մեկնում է Անտրուն: Թշնամին կրակոցներով է դիմավորում հայերին, բայց հայերն իրենց կրակոցներով ընկճում են նրա դիմադրությունը: Թըշնամին բռնեց նահանջի ճանապարհը՝ տալով 40 մարդկանց կորուստ: 1895 թ. նոյեմբերի 8-ին (20-ին) հայերը գրավեցին Անտրուն և փրկեցին բանտարկված իրենց եղբայրների կյանքը¹²⁶:

Թուրքական կառավարողները գազազած էին զեյթունցիների հաղթանակի հետևանքով: Նրանք մեծ ուժեր հանեցին տպատամբների դեմ: Ադանայի կառավարական գործերի ընդհանուր հրամանատարն իր բանակը հասցրեց Կապան, այրեց 300 տնից բաղկա-

ցած գյուղը՝ կողոպտելուց հետո, կոտորեց 150 մարդ, իսկ ժողովրդի մնացած մասը փախավ և ապաստանեց Ֆրնուլում:

Փանոս Քելիջյանի առաջնորդությամբ 1500 հայեր 1895 թ. նոյեմբերի 19-ին (դեկտեմբերի 1-ին) պետք է մտնեին Կապան՝ Ալի բեկի բանակը կործանելու համար, բայց Թշնամին իր գործերը Սիսնե փոխադրեց: Դրա համար էլ հայերից միայն 50 հոգի մտան Կապան, սպանեցին 50 մարդ և նույնքան էլ կին ու աղջիկ գերի վերցրին: Չնայած հայերի հաջողություններին, այնուամենայնիվ, նրանց դրուժյունը ծանրանում էր: Անտրունի և Ֆրնուլի շրջանների հայ բնակիչները՝ մոտ 1340 տուն, ապաստանեցին Ֆրնուլում, որոնց հանգիստ շէր տալիս գազազած Թշնամին:

1895 թ. դեկտեմբերի 1-ին (13-ին) Ալի բեկի բանակը՝ 30.000 մարդկանցով, երեք ուղղություններով հարձակվեց Ֆրնուլի վրա, որի դեմ կովում էին 1500 հայեր: Այդ իսկ պատճառով հայերը հարկադրված եղան դիմելու ինքնապաշտպանության: Շարժվելով դեպի Զեյթուն, Թշնամին ճանապարհին սպանեց 600 և գերի տարավ 400 մարդ: Կրիտիկական էր Զեյթունի վիճակը: Նա ուներ 1500 բնակիչ, իսկ նրանում ապաստան գտած հայերի թիվը հասնում էր 1750-ի: Կերակրել կովող ուժերին, 3250 մարդկանց և թուրքական գերիներին՝ շատ դժվար էր:

Երբ Ալի բեկի բանակը Ֆրնուլի կողմից էր հարձակվում Զեյթունի վրա, այդ նույն ժամանակ Մուստաֆա Ռիմզի փաշան իր մեծ բանակով անցավ Զահան գետը, որը գտնվում էր Զեյթունից 5-ժամյա հեռավորության վրա: Մոտենում էր Զեյթունի բախտը վճռող ժամը: Ամբողջ ժողովուրդը ոտքի կանգնեց Թշնամուն հա- է Անտրուն: Թշնամին կրակոցներով է դիմավորում հայերին, բայց եթե Թշնամին ուժեղ էր իր զինված բանակներով, ապա զեյթունցիները՝ բարոյական ուժով:

1895 թ. դեկտեմբերի 13-ին (25-ին), կիրակի օրը, 1500 զեյթունցիներ Սանդուխ կոչված լեռան վրա խրամատվելով, ապաստում էին նոր ճակատամարտի, որը տեղի ունեցավ նույն օրը: Նրանք կովում էին Թշնամու 60.000-անոց ահեղ բանակի դեմ, բայց նրանց ուժերը թուլացան, որի պատճառով խույս տվին ճակատամարտից և անցան դեպի Սուրբ Աստվածածին վանքը: Լուրջ կորուստ կրեց նաև հակառակորդը: Նա այդ կովի դաշտում թողեց 400 զինվոր և մեկ թնդանոթ: Թուրքական հրոսակները նպատակ էին դրել տակն ու վրա անել Զեյթունը: Գերի ընկած թուրքական զինվորները կամենում էին այրել Զեյթունը՝ սկսելով այն կառավարական շենքերի:

125 Զեյթունցի, Զեյթունի անցյալն և ներկայն, էջ 45:

126 Նույն տեղում, էջ 46—47:

հրդեհով: Զեյթունցի կանայք կացիներով ու դանակներով սպանեցին զինվորներին և փրկեցին քաղաքը հետագա աղետներից:

1895 թ. դեկտեմբերի 17-ին (19-ին) Մարաշի իշխանությունները պատվիրակներ ուղարկեցին Զեյթուն և պահանջեցին անձնատուր լինել: Պատվիրակների թվումն էին Պետրոս Սալաթյանը, Հարություն Մուրադյանը, Տիգլեբյանը և Կոստան Տեր-Հովհաննիսյանը: Զեյթունցիները դրանց մի քանի օր պահեցին բանտում և ապա Աղասու նամակի հետ նրանց ուղարկեցին Մարաշ: Նամակում ասված է. «Վարկորություն չենք տար ո՛չ ձեզ և ո՛չ ձեր առաքյալներին»: Փաշան կատաղած խեղճ պատգամավորներուն բանտարկեց, «թե դուք գնացիք, ավելի քաջալերեցիք զեյթունցոց»¹²⁷:

Մուստաֆա Ռեմզի փաշան զեյթունցիներից պատգամավորներ պահանջեց և նրանց հաղորդեց սուլթանի հրամանի մասին ու սպառնալից կերպով ասաց. «Վաղը Զեյթուն պիտի մտնեմ և 15 տարվանե վեր և 60-են վար եղող բոլոր ժողովուրդը սուրի պիտի անցնեմ ըստ բարձրագույն հրամանի... Որպեսզի այս սոսկալի պատուհասեն զերծ մնաք, փութացեք կատարել հետևյալ պահանջներս:

Ա.— Նազարեթ իշխանը (առաջ շավուշ) և հեղափոխական առաքելության բոլոր անդամները պիտի ինձի հանձնեք:

Բ.— Այն զեյթունցիները, որ այդ հեղափոխականաց գործակից ըլլալով կարևոր դեր կատարեցին այս պատերազմին մեջ, նույնպես հանձնեք:

Գ.— Զորանոցը՝ միջի եղած ամեն ռազմամթերքներովը, վանքեր և գերի ինկած զորքերը ինձի դարձրեք:

Դ.— Ամեն ունեցածնիդ — զենք, ստացվածք, կահ-կարասիք և անասունները թողնելով մի միայն ձեր կանանց ու զավակաց հետ բանակ գալով անձնատուր ըլլաք»¹²⁸:

Ռեմզի փաշայի պահանջները շատ ծանր էին ու վիրավորական դուրսագնական զեյթունցիների համար: Նրանք մերժեցին գոռոզամիտ փաշայի պահանջները: «Զեյթունցիների ներկայացուցիչները, — գրում է Սմբատ Բյուրատը, — գոռոզ հրամանատարի սպառնալիքներին վախեցողներ չէին, վարժված էին հաճախ այդպիսի պոռոտ ճառեր լսելուն»¹²⁹: 1895 թ. դեկտեմբերի 16-ին

(28-ին) այդ գոռոզամիտ փաշան հարձակման անցավ, բայց մեծ կորուստներով ետ մղվեց: Քսան օր հարձակումներ կազմակերպելով, փաշան ոչ մի առանձին հաջողություն չունեցավ: Օգտվելով մշուշապատ եղանակից, նա գաղտագողի տեղավորվեց զորանոցի շուրջը գտնվող կառավարական մեծ շենքերի և մզկիթի մեջ: Նկատելով այդ, զեյթունցիները ներսից կրակ տվին զորանոցը և 400 հոգով անցան Զեյթուն: Կարծելով, թե հայերը զորանոցումն են, փաշան ինքն էլ կրակ տվեց զորանոցը: Նա տեսավ, որ անկարող է գրավել Զեյթունը, «հուսակտուր հեռագրեց սուլթան Համիդին, թե 110.000 զորքով անկարելի է գրավել Զեյթունը, եթե 50.000 զորաց բանակ մըն ալ օգնության չի հասնի»¹³⁰:

Սուլթանի հրամանով Ռեմզի փաշան ազատվեց և նրա տեղը զորքերի հրամանատար նշանակվեց էտհեմ փաշան: Բայց նա ևս չկարողացավ արդարացնել սուլթանի հույսերը: Հալեպից եկած այդ փաշան, տեսնելով նաև Ալի բեկի մեծ բանակի ծանր վիճակը, ստիպված եղավ օգնություն խնդրել:

Ապստամբ զեյթունցիները փաստորեն հաղթողի դերում էին: Նրանք հպարտորեն երգում էին.

Արևն ելավ զեյթունցիներ,
Դեհ, ձի հեծնենք, առնենք զենքեր,
Գիմենք հառաջ,
Քանի՜ այսպես գլուխ ծած,
Բռնավորին մենք վիզ պարզած:
Կեցցե՛ Զեյթուն, ապրի Զեյթուն,
Թող չի տեսնե ըստրկություն,
Քանի ունի մեզ պես որդիք,
Կեցցե՛ Զեյթուն, ապրի Զեյթուն...¹³¹

Տեսնելով, որ իր բանակներն անկարող են ընկճել զեյթունցիների ըմբոստությունը, թուրքական սուլթանը 1895 թ. դեկտեմբերի 15-ին (27-ին) վեց տերությունների դեսպանների միջամտությունը խնդրեց: 1896 թ. հունվարի 5-ին (17-ին) թուրքական զինվորը սպիտակ դրոշով մտնում է Զեյթուն՝ իր ձեռքում ունենալով Հալեպի և Մարաշի օտարերկրյա վեց հյուպատոսների դեկտեմբերի 23-ի (1896 թ. հունվարի 4-ի) հեռագիրը: Զեյթունցիները համա-

¹²⁷ Զեյթունցի, Զեյթունի անցյալն և ներկայն, էջ 58:

¹²⁸ Նույն տեղում, էջ 59—60:

¹²⁹ Սմբատ Բյուրատ, Ազատության համար—Զեյթունի վրեժ, Կ. Պոլիս, 1911, էջ 665:

¹³⁰ Զեյթունցի, Զեյթունի անցյալն և ներկայն, էջ 60:

¹³¹ Նույն տեղում, էջ 80:

ձայնվեցին: Հյուպատոսները եղան Ձեյթունում հունվարի 1-ին (13-ին), բանակցությունները սկսվեցին հունվարի 15-ին (27-ին) և ավարտվեցին հունվարի 28-ին (փետրվարի 9-ին):

Եվրոպական տերությունների ներկայացուցիչները կողմող կողմերի համար առաջարկեցին նախնական համաձայնության հինգ պայմաններ, որոնք չէին գոհացնում զեյթունցիներին: Կ. Պոլսի անգլիական դեսպան սրբ Ֆ. Քրոտինը նույն թվականի փետրվարի 11-ին Սալսբերիին հաղորդում է թուրքական կառավարության հետ նախապես համաձայնեցրած նախնական հետևյալ պայմանները.

«1. Ձեյթունցիք և այն ձորին մեջ բնակվող որևիցե օսմանցիներ պետք է որ հանձնեն իրենց պատերազմական զինքերը: Անոնց թուլատրված է պահել իրենց զբոսանքի հրացանները, դաշույնը և վեցհարվածյանները:

2. Ընդհանուր ներման շնորհումը:

Հնչակյան ընկերության քանի մը օտարահպատակ անդամները պետք է որ օսմանյան հողեն դուրս քշվին¹³²: Անհատներ, սակայն և այնպես, հասարակ օրինաց առջև ներման արժանացած անհատներու դեմ ունեցած դատերնուն կրնան հետապնդել:

3. Ծտամնաց տրոց շնորհման խնդիրը նկատողության պիտի առնվի և զորանոցը վերաշինելու մասին եղած պահանջի վրա պիտի չպնդվի: Այս զիջողությունք, սակայն և այնպես, համաձայնության հանգված պայմանագրություններ չեն. սուլթանեն իբրև շնորհ պետք է խնդրվին:

4. Քրիստոնեի մը գայմագամի պաշտոնին ընտրելու խնդիրը պիտի կարգադրվի բարեկարգությանց ծրագրի տրամադրությանց համեմատ:

5. Այն պահանջը, որ փոքրամասնության կողմեն եղած է՝ տաճիկ պահակ զորքերը դուրս հանելու մասին՝ մերժվում է:

Դեսպանները ավելացուցին, որ իրենք այս պայմանները ընդունելի կնկատեն, իրենք անձամբ անկարող են զայնս երաշխավորելու, բայց այդ մասին Դուան մի հայտարարությունը պիտի պահանջեն:

Ներկայիս Ձեյթունի մեջ ապստամբողներու ապագա ապահովության համար տաճիկ հրամանատարի կողմեն կարգադրություն մը առաջարկված ըլլալով, տաճիկ հրամանատարին առ այս ունե-

¹³² «Կառավարությունը շատ ջանացած է, որ անոնք իրեն հանձնվին, բայց զեյթունցիք բաց ի բաց մերժած են, և անոնց ապահովության վրա պնդած».— Մանոթությունը խմբագրին է:

ցած պայմաններուն մասին համաձայնության մը գալու, և անոր գործադրությանը վրա հակելու համար պաշտոն ստացած են»¹³³:

Այսպիսով, թուրքական կառավարությունը իր այս պահանջների հետ միասին պնդում էր, որ ապստամբության ղեկավարները իրեն հանձնվեն՝ դատի տալու նպատակով: Բայց զեյթունցիները մերժեցին նրա այդ պահանջը:

Անգլիական «Daily news» թերթի հաղորդագրության մեջ նշված է, որ «մի նոր զեկուցագրի համաձայն, Մարաշի իշխանությունը մտադիր է պատգամավորություն ուղարկել Ձեյթուն՝ բազկացած 20 նշանավոր հայերից, տեղական կղերի հետ միասին, որպեսզի կարգադրեն հաշտության պայմաններ»¹³⁴:

Ձեյթունցիների համար թուրքական կառավարության այդ դիտավորությունը հասկանալի էր: Նրանք քաջ կերպով հասկանում էին, թե թուրքական կառավարությունն ինչպիսի հայերի կուղարկի՝ բանակցությունների համար: Նրանք հաստատապես մնում էին իրենց դիրքերում:

Ռուսական «Биржевая ведомости» թերթը Ձեյթունի ինքնապաշտպանության մասին գրում է. «Ձեյթունը անառիկ է: Նա Փոքր Ասիայի Չերնոգորիան է: Միայն սովով կարելի է նրան անձնատուր անել, սակայն զեյթունցիները վեց ամսվա պաշար ունեն: Հայերի դրությունը շատ բավարար է, իսկ թուրք զինվորներինը՝ անմխթարական է, և օգնություն չեն ստանում տշ մի կողմից: Թուրքական կառավարության համար միայն մի ելք է մնում՝ հաշտություն կայացնել զեյթունցիների հետ...»¹³⁵:

Նույն թերթը նշում է, որ «Ձեյթունի ապստամբների հետ սկսած բանակցությունները նպաստավոր հետևանք ունեցան»¹³⁶:

«Ձեյթունի դեպքերը» վերջանալով հողվածում «Մշակ»-ը գրում է. «Այժմ, երբ Ձեյթունի խնդիրը վերջանալու վրա է, երբ թուրքաց կառավարությունը համաձայնել է բանակցություններ անել, հաշտությանը վերջացնելու գործը՝ սկսում են երևան գալ մանրամասնություններ այն դեպքերի մասին, որ տեղի են ունեցել Ձեյթունում»¹³⁷:

¹³³ Կ. թումայան, Պատմ. արևել. խնդրո և առաջնորդ հայկական հարցի, հատ. ք, Լոնդոն, 1905, էջ 383—384:

¹³⁴ «Մշակ», № 144, 1895:

¹³⁵ «Մշակ» № 14, 1896:

¹³⁶ Նույն տեղում:

¹³⁷ Նույն տեղում:

Այսպիսով, հաղթող էին գեյթունցիները: Նրանք պետք է թե-
յադրեին իրենց կամքը և իրոք թելադրեցին: Հաշտության բանակցու-
թյունների ընթացքում նրանք ներկայացրին 15 կետից բաղկացած
իրենց հետևյալ պահանջները.

«1. Զեյթունցիները անպայման կերպով կմերժեն հանձնել օս-
մանյան կառավարության իրենց նորեկ պարագլուխները:

2. Զեյթունի «նորեկ» վեց պատգամավորները պիտի ձգեն օս-
մանյան հողը: Բ. Դուռը երաշխավորություն կուտա վեց պետու-
թյանց Պուլտ ներկայացուցիչներուն, որ այդ «նորեկներուն» մեկ-
նումը մինչև Եվրոպա պիտի կատարվի ապահով և անվնաս կեր-
պով և հարկ եղած պատվով, օսմանյան տերություն ծախսով:

3. Բանակցող հյուպատոսներու միջոցով գեսպանները երաշ-
խավորություն կուտան վեց «նորեկ» պարագլուխներուն հող. 2-րդի
ճշտիվ գործադրությանը, նույն եղանակով՝ որպես կկատարվի եվ-
րոպական հպատակներու և հյուպատոսներու նկատմամբ:

4. Կատարել ամբողջական ներում ոչ միայն զեյթունցիներուն,
այլև այնտեղ ապաստանած գյուղացիներուն, ճամբորդներուն և
հայ հրոսակային խմբերուն:

5. Պիտի հաստատվի մի քրիստոնյա կառավարիչ, որ պիտի
ընտրվի եվրոպական պետություններու հովանավորությամբ:

6. Զեյթունի ոստիկանները, հարկահանները, զինվորները և
կառավարական պաշտոնյաները պիտի ընտրվին և կազմվին նույ-
նիսկ զեյթունցիներեն:

7. Զեյթունցիք չպիտի վճարեն հետամնաց տուրքերը (պա-
գիե), և հինգ տարվա պայմանաժամով տուրք վճարելու ազատ պի-
տի լինին:

8. Հաստատումն հարկերու համեմատական դրուքյան, յուրա-
քանչյուրի կարողության համեմատ:

9. Զեյթունցիներուն կյանքը, ինչքը, պատիվը և կրօնական
պատուությունը կապահովվի և կերաշխավորվի եվրոպական պետու-
թյուններու կողմեն:

10. Զեյթուն անպատանաժ բոլոր հայ գյուղացիներու, ինչպես
և թուրքի ալևալ վայրերեն եկած և այնտեղ գումարված բոլոր
հայ խումբերու և անհատներու ապահով և անվնաս վերադարձը
իրենց տեղերը պիտի կատարվի բանակցող հյուպատոսներու անմի-
ջական հսկողության տակ:

11. Զեյթունցիներուն ձեռքով զորանոցն գրաված պատե-
րագլուխներու գեներալներու (մարթիններու և 2 թնդանոթներու) հանձնու-

մը օսմանյան կառավարության՝ այն պայմանով սակայն, որ Զեյ-
թունի շրջակա գավառներու ամեն թուրք և շերքեղ գյուղացիներեն
ալ նույնպես վերցվին նույնօրինակ գեներալները: Հայթունցիներուն պի-
տի մնան իրենց սովորական գեներալները:

12. Համաձայն զեյթունցիներու մերժման՝ ասոնք պիտի շվե-
րաշինեն այրված գորանոցը: Այդ վերաշինությունը կվերաբերի
օսմանյան կառավարության:

13. Օսմանյան բանակը պիտի ձգե Զեյթունի գավառակը և հե-
ռանա, միայն մի գունդ զինվոր պիտի մնա: Այս գունդը որևէ իրա-
վունք չունի միջամտելու Զեյթունի բոլոր ներքին գործերուն և անոր
խաղաղության պահպանման:

14. Եվրոպական բանակցող հյուպատոսները Զեյթունեն պիտի
չմեկնին մինչև ներկա պայմանագրի դրույթուններուն անթերի
գործադրությունը:

15. Եվրոպական պետությունները Մառաշի մեջ հյուպատոս-
ներ պիտի հաստատեն: Անոնց պաշտոնը պիտի լինի հսկել Զեյթու-
նի նոր ռեժիմի պահպանությունը, մշտական գործադրությունը և
իրադրությունը¹³⁸:

Ինչպես տեսնում ենք, հաշտության զեյթունցիների պահանջ-
ները կազմված էին ռազմադաշտում փառավոր հաղթանակ տա-
րած զորավարի հպարտ ու համարձակ ոճով:

Թուրքական կառավարությունը մտադիր էր Զեյթունի կառա-
վարիչ նշանակել մի հայ կաթողիկ, որը հավանության արժանացավ
վեց տերությունների կողմից, մի մարդ, որը առանձին ոչ մի դեր
չէր խաղացել հայ ժողովրդի ազատագրության համար մղված պայ-
քարի գործում և ամենայն հավանությամբ ուներ թուրքական
օրինատացիա: «Դեսպանները մտադիր չեն հակառակել,— գրում
է «Մշակ»-ի թղթակիցը,— եթե Դուռը Զեյթունի կառավարիչ նշա-
նակե Պետրոս էֆենդի Նաշյան, փաստաբան: Այս մարդը բավական
լավ դաստիարակություն առած է Եվրոպա, թեպետ ազգային գոր-
ծերի հեռու գտնված է, սակայն մինչև հիմա ազգին դեմ հոռի վար-
մունք մը ունեցած չէ, եթե շարիք մը հասցուցած չէ, բարիք մըն ալ
գործած չէ»¹³⁹:

138 Կ. Թումայան, Պատմ. արևել. խնդրո և առաջնորդ հայկական հարցի,
հատ. ք, էջ 580—582, Կամ, տես՝ Զեյթունցի, Զեյթունի անցյալին և ներկային,
էջ 71—73:

139 «Մշակ», № 52, 1896:

Չնայած զեյթունցիների հերոսամարտերի հաջող ընթացքին, այնուամենայնիվ, բանակցությունները ավարտվեցին երկու կողմերի փոխադարձ զիջումներով: Ըստ դաշնագրության, զեյթունցիք պետք է հանձնեին իրենց գրաված զենքերը, թնդանոթները և հրաժարվեին ապստամբելուց, իսկ թուրքական կառավարությունը զեյթունցիներին պետք է տար մի քրիստոնյա կառավարիչ: Մյուս պաշտոնյաները պետք է ընտրվեին զեյթունցիներից, կառավարությունը պետք է հինգ տարի հրաժարվեր հարկեր գանձելուց, հնչակյան վեց պարագլուխները հյուպատոսների հովանավորությամբ պետք է կառավարության ծախսերով մեկնեին Եվրոպա: Զեյթունի կառավարիչ նշանակվեց հուլյն Վասիլաքի էֆենդին¹⁴⁰: Հաշտությունից հետո զեյթունցիները առժամանակ զերծ մնացին կոտորածներից և հափշտակումներից:

Եվրոպական հյուպատոսները իրականում արջի ծառայություն մատուցեցին զեյթունցիներին, նրանց միջամտությունն օգտակար եղավ սուլթանական կառավարությանը: Ֆրանսիական դեսպանի տեղակալը իր կառավարությանը գրում էր, թե «այս մեծ ծառայություն էր, որ պետությունները մատուցեցին սուլթանին»¹⁴¹: Հալեպի նահանգում, երբ թուրքական հրոսակները կոտորում էին հայերին, եվրոպական տերությունները, նրանց դեսպաններն ու հյուպատոսները ոչ մի օգնության ձեռք չմեկնեցին տառապյալ հայերին: Եվրոպական տերությունները, գրում էր Լեոն, կարծես սուլթանին մանդատ էին տվել ջարդելու հայերին որքան կարելի է շատ: «Թուրքական նացիոնալիզմին տրված էր վեց տերությունների մանդատ՝ այդ իսկ բովանդակությամբ»¹⁴²:

ՎԱՆԻ ԻՆՔՆԱՊԱՇՏՊԱՆՈՒԹՅՈՒՆԸ 1896 թ. ՀՈՒՆԻՍԻՆ

Զկար հայկական նահանգ, գավառ կամ քաղաք, որոնք ենթակա չլինեին ջարդերի, թալանի ու ավերածության: Հայ ժողովուրդը ապրում էր ծանր ողբերգություն:

«Ի՞նչ կընենք» վերնագրով առաջնորդողում նկարագրելով հայ

¹⁴⁰ Տե՛ս Հ. Անտոյան, Տաճկահայոց հարցի պատմությունը, Ն. Նախիչևան, 1915, էջ 39:

¹⁴¹ Լեո, Թուրքահայ հեղափոխության գաղափարաբանությունը, հատ. Ա., էջ 192:

¹⁴² Նույն տեղում:

ժողովրդի համար ստեղծված մահաբեր դրությունը, և անարգանքի սյունին գամելով խորեն Աշրգյանին ու հայ մեծամեծ էֆենդիներին՝ արյունոտ սուլթանին արևշատություն ցանկանալու համար, «Արմենիա»-ն գրում է. «Զրպարտություն, մատնություն, հալածանք, աքսոր, բանտ, շղթա, մահ ու գերեզման. ահա բարեհորոգումը բարեխնամ թուրք կառավարության, դժոխային բռնապետության... Սար ու ձոր, բանտեր ու բերդեր, ծանոթ ու անծանոթ վայրեր կծածկվին ծանոթ ու անծանոթ հայ նահատակաց գերեզմաններով... Վասպուրական, Տարոն, Ալաշկերտ, Կարին, Սեբաստիա, Կիլիկիա, ո՛ր քաղաք կամ գյուղ նահատակաց գերեզման չկա, մեզ և մեր սերնդոց համար վրեժխնդրության ուխտատեղ չկա»¹⁴³:

Վանը առայժմ դուրս էր մնում կոտորածներից, որը սուլթանական կառավարության ջարդարարական ձեռնարկումներից պրծնել չէր կարող: Սուլթանական իշխանությունները անհանդուրժելի էին համարում ռուսական սահմանում գտնվող էրզրումում և Վանում հայերի կենտրոնացումը ու նրանց հայկական կեցվածքը: Կոտորածների հերթը հասել էր Վան-Վասպուրականին:

Սպառնացող վտանգի օրերին Սալմաստից Վան է վերադառնում Մ. Ավետիսյանը (Քերլեմեզյանը) և դաշնակցական Պետոյի ու հնչակյան պրոպագանդիստ Մարտիկի հետ միասին ձեռնամուխ է լինում քաղաքի ինքնապաշտպանության կազմակերպմանը: «Զոհը Սաբեկա ծառեն պետք է կախվի» — ասում էր Ավետիսյանը: Նա ժողովրդին համոզում ու նախազգուշացնում էր, որ հանկարծակի չգա, թուրքական մոլեռանդության պրովոկացիային չենթարկվի և անտեղի զոհությունների ու արյունհեղությունների տեղիք չտա:

1896 թ. գարնանը Վան է հասնում, այսպես կոչված, «բարեկարգիչ հանձնաժողովի բարձր կոմիտեության» կողմից իբրև «քննիչ» ուղարկված Ֆերիտ Սաստետտին փաշան՝ կառավարության հրամանը գործի դնելու պատրվակով: Իրականում նա ուղարկված էր հայկական ջարդեր կազմակերպելու և ուղղություն տալու համար: Տեղ հասնելուն պես նա կազմակերպեց քրդական վերնախավերին:

Նախօրոք հասկանալով սուլթանական կառավարության դիտավորությունները, հայերը անակնկալի չեկան և, ընդհակառակը,

¹⁴³ «Արմենիա», № 62, մարտ 25 (13), 1893:

խնամքով նախապատրաստվում էին հակահարվածի: Մ. Ավետիսյանին հաջողվում է հանգանակությամբ ձեռք բերել 600 թուրքական ոսկի՝ Ներսեսին (Գրիգոր Շիկահերին) Պարսկաստան գործուղելու և այնտեղից զենք ձեռք բերելու համար: Ներսեսին ընկերակցում էին մարտիկներ, որոնց թվում՝ Արմենակ Եկարյանը: Սակայն Ավետիսյանի այդ խրախուսելի նախաձեռնությունը ձախողվում է: Լրտեսական օրգանների հաղորդած տեղեկությունների հիման վրա պարսկական իշխանությունները նրանց ձերբակալում և ուղարկում են Թավրիզ: Մինչև սրանց արձակվելը, արդեն 1896 թ. հունիսի 3-ին Վանում սկսվում են ուժեղ կոռիվներ:

Վանի շուրջը կենտրոնացված էին համիդիեականներ, որոնց և աղ փոխադրող քրդերի միջև տեղի ունեցած շինծու ընդհարումը առիթ եղավ հայերի դեմ կատաղի գրոհներ կազմակերպելու համար: Թուրքական հրոսակները նախապես հարձակվեցին հայկական հեռավոր թաղամասերի վրա և կոտորեցին ավելի քան 800 մարդ: Հաջորդ օրը թշնամին մոտեցավ հայկական մյուս թաղերին, որոնց կատաղի գրոհներին հայերը դիմադրում էին արիաբար:

Վանի ինքնապաշտպանության համար կազմակերպված էին 35 զինված խմբեր՝ 1500 մարդկանցով, որոնց ղիսավորում էին Մ. Ավետիսյանը, Պետոն, Մարտիկը և ուրիշներ: Նրանք կռվում էին հերոսաբար՝ լուրջ կորուստներ պատճառելով թշնամուն:

Հունիսի 5-ին (17-ին) թուրքական հրոսակներին օգնության եկան քրդերը: Նշանավոր Շաքիր աղայի ավազակախումբը հարձակվեց հայերի գրաված դիրքերի վրա, բայց 90 մարդկանց կորուստով ետ նահանջեց: Այդ վճռական ժամին թուրքերին օգնության հասան համիդիեականները՝ 15.000 հոգով: Հայերը, առանց խուճապի մատնվելու, հաստատ մնում են իրենց դիրքերում:

Անգլիացի հյուպատոս Ջեյմս Ուիլյամսի խորհրդով թշնամին սկսեց հայերի դիրքերը ուժեղացնել թուրքական թնդանոթներով: Բայց այս անգամ էլ ջախջախվեց՝ կռվի դաշտում թողնելով թնդանոթները, ետ նահանջեց: Հայերին ընկճելու համար նա փորձի դրեց կրուպի մեծ թնդանոթները:

Այսպիսով, քաղաքի ինքնապաշտպանության գլուխ կանգնած հայերը իրենց փոքրաթիվ մարդկանցով, վեց օր զինված դիմադրելով, կարողացան Վանը փրկել ջարդերից: Ֆերիտ Սատետտոյին փաշան չէր կարող հանգիստ լինել: Նա հայերի դեմ հանեց նորանոր ուժեր: Շարունակել դիմադրությունը անհնարին էր: Սուլթանական կառավարությունը պահանջեց, որ ինքնապաշտպանու-

թյան գլուխ կանգնած ղեկավար անձինք հանձնվեն իշխանությունը: Այդ բանին էր ձգտում անգլիական հյուպատոսը, որը հանցավոր դեր խաղաց և ձախողեց հայերի ինքնապաշտպանությունը:

Մտանձնելով միջնորդի դեր, Ուիլյամսը պահանջեց, որ ինքնապաշտպանության ղեկավարները անձնատուր լինեն իշխանությունը՝ իր երաշխավորությամբ նրանց արտասահման ուղարկելու պայմանով և նախապես իրենց զենքերը հյուպատոսարան հանձնելով: «Հայերը պատասխանեցին պարզապես, — գրում է Ա. Եկարյանը, — որ իրենք ապստամբներ չեն, այլ սոսկ ինքնապաշտպաններ...»¹⁴⁴:

Մինչև մտամենքը զինված թուրք կանոնավոր զորքերի, մոլեռանդ ամբոխի և համիդիեական քրդական զորագնդերի դեմ 1000—1500 մարդկանցով կռվելը անօգուտ էր: Ուստի հայերը համաձայնվեցին բանակցությունների առաջարկին՝ պահանջելով, որ այդ գործին մասնակից լինեն ռուսական ու ֆրանսիական հյուպատոսները: Վերջիններս հրաժարվեցին, որովհետև իրենց կառավարությունները հովանավորում էին սուլթանին:

Հայերը հանձն առան զինաթափվել և հեռանալ քաղաքից: Ինքնապաշտպանության գլուխ կանգնածները 200 զինված և 600 անզեն մարդկանցով բարձրանում են լեռները՝ Պարսկաստան գնալու համար: «...Դիմելով դեպի Պարսկաստան, — գրում է Հ. Աճառյանը, — սահմանի մոտ պաշարվում են 8—10.000 համիդիե քրդերով և կանոնավոր զորքերով, 10—12 օր անքուն կռվում են և վերջապես ռազմամթերքը սպառվելով՝ բոլորն էլ այնտեղ նահատակվում են»¹⁴⁵:

Չնայած զինված դիմադրության հաջող կազմակերպմանը, այնուամենայնիվ, հայերը տվին 700 մարդկային զոհ: Վանը և նրա գավառները ջարդերից զերծ մնացին: Մանր եղավ հայերի կորուստը հատկապես Պարսկաստանի սահմաններում տեղի ունեցած ուժերի անհավասար մարտերում: «Եղած կորուստը, — գրում է Ա. Եկարյանը, — անփոխարինելի էր... Մտավորականության այս անհետացումը ավելի սուղ արժեք Վասպուրականին և բոլոր հայության համար, քան բուն իսկ Վանի կոտորածը»¹⁴⁶:

Վան-Վասպուրականի կոտորածների հանցավորը սուլթանական կառավարությունն էր: Աղբակը և նրա նման գավառները հա-

144 Հուլիսի Արմենակ Եկարյանի, Կահիրե, 1947, էջ 101:

145 Հ. Աճառյան, Տաճկահայոց հարցի պատմությունը, էջ 41:

146 Հուլիսի Արմենակ Եկարյանի էջ 108—109:

յաբնակ էին: Բայց թուրքական իշխանությունները ամայացրին: Աղբակը Վանի նահանգի վրա էր ու նրան ենթակա, Պարսկաստանի սահմանագլխին: Հուշակավոր ավազակապետ Շարաֆ բեկը իր հանասորով այս սահմանագլխումն էր: Նրա հովանավորության տակ էր Ս. Բարթուղիմեոսի վանքը: Աղբակում ամբողջապես բնակվում էին հայերը, որոնք քրդերի հետ ապրում էին շատ համերաշխ: Բայց 1877—1878 թվականների ռուս-թուրքական պատերազմից հետո, թուրքական կառավարությունը հայերին համարեց Ռուսաստանի հենարանը իր երկրում, կրոնական հողի վրա սկսեց գրգռել քրդերին հայերի դեմ՝ խափանելու համար նրանց բարեկամական ու մտերմական նորմալ կյանքը:

Պատերազմից հետո սուլթանական կառավարությունը Հայկական հարցը դիտեց Ռուսաստանի հետ նոր պատերազմի շարժառիթ: Նրա հաշիվները, գրում է «Արմենիա»-ի հրապարակախոս Վահան՝ «...շատ հասարակ ու պարզ էին: Նախ՝ Տաճկահայաստանի մեջ բնակող տարրերը հայերն էին ու քրդերը, որոնք կարող էին մի օր միմյանց հետ համերաշխության գալ և իր դեմ դժվարություններ ստեղծել. երկրորդ՝ հայ տարրը լինելով քրիստոնյա, ապագա արևելյան պատերազմի մը դուռը կարող էր բանալ: Դորա համար թուրք կառավարությունը ամեն ջանք ի գործ դրավ քուրդերի միջոցով հայիրը հալածել այդ հայաբնակ գավառների մեջ, և մեր ազատագրումին աշխատող անհմուտ և անփորձ գործիչների տաքտիքը ևս մեծապես նպաստեց սուլթանի ծրագրին... Աղբակի մեջ 1877 են ի վեր այն շափ հայ արյուն թափվեցավ, որ անոր ամեն մի թիզ հողը հայ արյունով ներկված է: Դեռ 10 տարի հազիվ անցած է, որ գործվեցավ ամենամեծ և ահռելի ոճիրը, վանեցի «հազար» կոտորածը (Ավետիսյանի խումբ), որի անդամներ Չուխ Կետուկեն սկսած մինչև Խաչ Կետուկ՝ պարսկական սահմանագլուխ, մինչև Սալմաստի հողը դիակներով ծածկեցին»¹⁴⁷:

«Տարաբաղդ Չավակ» անունով հրապարակախոսը «կոտորած» վերնագրով «Արմենիա»-ի էջերում գետնղված հողվածում Վան-Վասպուրականում տեղի ունեցած հայկական կոտորածների մասին գրում է. «Վան ևս կոտորվեցավ, Վան՝ հայության հույսը, Վան՝ Հայաստանի լույսը ճառագայթ. դրախտի աշխարհն ավերակ դարձավ»¹⁴⁸: Նշավակելով եվրոպական մեծ տիրություններին և, մաս-

նավորապես, Վանի անգլիական հյուպատոսին՝ հայերի նկատմամբ նրա անբարոյացակամության համար, նույն հեղինակը գրում է. «Ահա՛ դաշնագիր, ահա՛ պայման, ահա՛ 61-րդ հոդված, ահա անգլիական հյուպատոս, ահա քաղաքակրթություն...»¹⁴⁹:

«Արմենիա»-ի նույն համարում վետեղված «Ո՛վ է կոտորածների հեղինակը» իր հողվածում Մ. Փորթուզալյանը անարգանքի սյունին գամելով սուլթանական կառավարությանը՝ հայկական կոտորածների կազմակերպման համար, միաժամանակ նախատում է անգլիական իշխանություններին, որոնք կամենում էին սուլթանի վրայից շնչել հանցաբործության հետքերն ու պատասխանատվությունը: «Վերջապես,— գրում է նա,— քննիչի պաշտոնը Վան ղրկվեցավ սուլթանի թիկնապահներին Ֆերիդ Սաատետտին փաշան, որ ամեն ջանք ի գործ դրավ քուրտերը հայերի դեմ գրգռելու և շնչին պատրվակներն օգուտ քաղելով, Վանի մեջ այս կոտորած մ'անելու համար: Հիմա կը հարցնենք, թե ո՞վ է կոտորածների բուն հեղինակը... Արդյոք լորդ Սալդալըրին տակավին երեսունի՞ բազմության առջև ներկայանալու և հայտարարելու իր ճառերի մեջ թե այդ կոտորածներ սուլթանի գիտակցությանմբը եղած չեն»¹⁵⁰:

Անգլիայում պահպանողականների կառավարությունը փաղաքշում էր սուլթան Համիդին՝ նրան ռուսական ազդեցությունից ազատելու և Մեծ Բրիտանիայի օրինեսացիային ենթարկելու, իր զավթողական նպատակները իրաբործելու համար:

Գեներալ Հ. Լազարյանցին ուղարկած իր նամակում վանեցի Սաքո Թարգյուլյանը, որպես տեղի ունեցած դեպքերի ակնատես, հաստատում է, որ Վան-Վասպուրականի հայ բնակչությունը մեծ կորուստներ չէր կրի, եթե շիններ անգլիական հյուպատոս Ջեյմս Ուիլյամսի դավաճանությունը: «Այսպես,— գրում է նա,— 2 օրվա մեջ 500—600 տուն կողոպտեցին, 850 նշանավոր տներ այրեցին, և 10 օրվա մեջ քաղաքում և նահանգում մոտ 20.000 կոտորեցին շնորհիվ անգլիացոց հյուպատոսի կեղծ պաշտպանության»¹⁵¹:

Վանում հայերի գինված դիմադրության հետևանքով քաղաքի հայ բնակիչները համեմատաբար քիչ զոհեր ունեցան: Բայց դրու-

149 «Արմենիա», օգոստոս 12 (հուլիս 31), 1896:

150 նույն տեղում:

151 ՀՄՄՀ ՊԿՊԱ Հ. Լազարյանցի ֆ. № 42, գործ № 11, թերթ 83:

147 «Արմենիա», № 19, փետրվար 6 (հունվար 24), 1907:

148 «Արմենիա», օգոստոս 12 (հուլիս 31), 1896:

թյունը շատ ծանր եղավ դավառահայության համար: Թուրքական ու քրդական ջարդարարները անասելի գազանություններ գործադրեցին անմեղ ու անպաշտպան հայ բնակիչների նկատմամբ: «Բավական է,— գրում է Ա.—Դո-ն,— որ մարդ ոտք դնի այդ երկրի ներսը, ականատես ու հանդիսատես լինի սոսկալի ամայացումներին, անձամբ լսի ականատեսներից սոսկալի նկարագրություններն իրենց մանրամասնություններով, որ միանգամայն համոզվի, թե ինչպես հայ ժողովուրդը և հայաբնակ շրջանները մի որոշ ծրագրով ենթարկվել են ավերիչ գործողությունների և ամայացել», որ «այդ երկրում չկա մի քար, մի անկյուն, որ չհիշեցներ արյունոտ մի անցք, բարբարոս մի գործողություն հայ ժողովրդի նկատմամբ»¹⁵²:

Արճեշի գավառում թուրքական ու քրդական դահիճները կոտորում էին անմեղ բնակիչներին՝ մանուկներից սկսած մինչև ծերունիները: «Այդ կոտորածը,— գրում է Ա.—Դո-ն,— որպես մի անվերջ հողմ անցել է ամբողջ գավառի վրայով և շորս կողմը մահ տարածել: Այս գավառի շատ գյուղերը, իբրև ավերակ կույտեր, չինգիդխանյան օրերի ողբն են ողբում», որ «Արճեշի մեջ բնավ խտրություն չեղավ մարդու կամ կնոջ, տղայի կամ ծերունու. ամենքն ալ սպանվեցան, իսկ մյուս գավառաց ու գյուղերու մեջ արունեք սպանելով, գեղեցկադեմ կիներ ու աղջիկներ առևանգվեցան»¹⁵³:

Գավառի ականատես գյուղացիներից մեկը վկայում է, որ «Աջի գյուղացի նազր օլլի Ալի պեյ անունով մի քուրդ Արճեշի Գանձակ գյուղին մեջ 20-ի շափ մանուկներ ու պառավ կիներ լցրեց հորի մը մեջ և անոնց քարերով ծածկեց: Կենդանի թաղածներու այդ գերեզմանոցեն երեք օր աղեկտուր ձայներ կլսվեին և հողևարքի բառաչներ կելնեին: Գարձյալ նույն գյուղի բնակիչներեն տասնյակներով իրարու պարանոցեն կապելով նշանառությամբ ամենքն ալ մի առ մի սպանեցին: Մանկամարդ կիներ ու աղջիկներ արևու առաջ կրոնաբարվեին»¹⁵⁴:

Այս և հազարավոր նման փաստերի հիման վրա հնչակյան կուսակցության անդամ Փարամազը (ուսահայատակ) թուրքական դատարանի առաջ համարձակորեն հայտարարեց. «Պր. նախագահ, վերջին շորս տարվան ընթացքին կոտորված են 175 հազարեն ուվե-

լի հայեր, կողոպտված են 80 հազարեն ավելի ընտանիքներ, կրակի տրված են 250 գյուղեր: Ասոնք բոլորը եղած են սուլթանին կողմե նշանակված երեք բարձր պաշտոնյաներու կողմե, որոնց անուններն են՝ Սաատեղդին, Ջեքի և Բահրի փաշաները, Վանի բարձրաստիճան պաշտոնյա Ղալիպ փաշան նախ հարուստ հայերեն 200 ընտանիքներ իր տունը կը կանչեր և ինչքերը գրավելեն ետք կը սպաներ զանոնք: Արճեշի մեջ 450 հոգի եկեղեցիի մեջ ոչխարի պես մորթեցին: Ալճավազի մյուտիրը 600 անձ կինդանի թաղել տվավ հորի մը մեջ»¹⁵⁵:

Այսպիսով, հայկական ջարդերը կազմակերպված ու թելադրված էին սուլթանական կառավարության կողմից, Վան-Վասպուրականի հայ ժողովուրդը մշակեց սուլթանական բռնապետության դեմ ուղղված ազգային-ազատագրական պայքարի իր տակտիկան՝ զինված ինքնապաշտպանությամբ: Բայց, եթե պայքարի այդ ձևը 1895—1896 թվականներին հասցրեց գեյթունցիների հաղթանակին, ապա Վանում այն շունեցավ իր դրական արդյունքը, որի հանցավորն էր անգլիական հյուպատոսը: Այնուամենայնիվ, Վանի զինված ինքնապաշտպանությունը 1896 թվականին նշանակալից ավանդ է հայ ժողովրդի պատմության նորագույն ժամանակաշրջանի ազգային-ազատագրական պայքարի տարեգրության մեջ, նշանակալից դաս հանդիսացավ 1915 թ. ապրիլ-մայիսի Վանի գոյամարտերի համար:

* * *

1896 թվականի օգոստոսի 14-ին, եվրոպական տերություններին ուշադրությունը Հայկական հարցի շուրջը բևեռելու նպատակադրմամբ, մի քանի տասնյակ դաշնակցականներ օսմանյան բանկի գրավման անհաջող փորձ կատարեցին, որը առիթ ծառայեց սուլթանին, սրատելու ավելի քան 6000 հայ:

Ուշագրավ է հետագայում «Երիտասարդ Հայաստան» հնչակյան թերթի էջերում տպագրված «Սուլթանի լրտեսները» վերնագիրը կրող հոդվածը: Այդ լրտեսներից աչքի ընկնող և սուլթան Համիդի աջ ձեռքը հանդիսացողը Զիա-բեկն էր: Ինչված թերթի աշխատակիցներից մեկի հետ խոսելիս նույն ասել է. «Այո՛, ես եմ Զիա պեյը, սուլթանի լրտեսապետը, գողը, դավադիրը և անպատիվ

152 Ա.—Դո, Վանի, Բիթլիսի և Էրզրումի վիլայեթները, Երևան, 1912, էջ 302:

153 Նույն տեղում:

154 Նույն տեղում, էջ 314:

155 «Պատմություն Ա.—Դ. Հնչակյան կուսակցության», էջ 199:

մարդը: Ես հիմար մըն էի, անխիղճ և անսիրտ, և ըրած եմ շատ բաներ, որ խղճի տեր մարդ մը չէր կրնար ընել: Սակայն ես մեղադրելի՞ եմ,— ո՛չ, վասնզի աչքս այդ մթնոլորտին մեջ բացած եմ: Մանկութեան հասակես ի վեր ականատես եղած եմ մեկի դավադրութեան՝ մյուսի դեմ: Դրամաշորթութուն, անխղճութուն տեսա և ապրեցա այդ կյանքը, հետևեցա ուրիշներու օրինակին՝ իմ անձնական շահերու, իմ բարձրանալու համար: Աննշան թաթար մըն էի և Կ. Պոլսո ռուսիկանապետին տան բարձր պաշտոնին հասա, անկե փոխադրվեցա Ելլտրզ Քեոշկ՝ կառավարութեան գործերով պարապելու համար»¹⁵⁶:

Զիա-բեկը ճիշտ է նշում, որ սուլթանի պետականութունն էր հանցավորը, նրա կառավարման սխտեմն էր ստեղծել մի այդպիսի դժոխային կարգ թուրքիայում:

«Հանցավորը ոչ թե ես եմ,—ասում է նա,— այլ սխտեմն էր: Աբդուլ Համիդը կսիրեր շրջապատվիլ անպարկեշտ պաշտոնյաներով, որոնք շատ լավ կհարմարվեին իրեն:

Սուլթան Համիդը խելացի մարդ է, սակայն կասկածոտ, անձնապաշտ, անխիղճ և կաշառակեր: Իր դեմքը պատկառելի է, բայց վախկոտութունը և սարսափը միշտ իր աչքերուն մեջ է: Ամենահանդուգն մարդն անգամ կսարսափի, երբ կտեսնե որ փաթիշահը՝ մեջքը ծռած, դողդոջուն և ահաբեկ նայվածքով կանցնի իր քովն»¹⁵⁷:

Սուլթանի այս լրտեսի խոսակցութունների մեջ շատ ուսանելի բաներ կան: Նա ցույց է տալիս, որ հայերի մասսայական կոտորածները տեղի են ունեցել սուլթան Համիդի թելադրանքով՝ նրան շրջապատող պալատական բարձրաստիճան պաշտոնյաների գործոն մասնակցութեամբ:

«Թե՛ պալատի, և թե՛ կայսրութեան բոլոր կողմերը,— ասում է նա,— ինչ-որ պատահած է՝ սուլթանի հրամանով եղած է: Անշուշտ զինք շրջապատող նախարարները մեղսակիցներ էին: Մեծ Ծպարգոս Ֆերիք փաշան, Սերասքեր Ռեմզի փաշան, Ֆեհիմ փաշա և Իզզեթ փաշա... ձեռք ձեռքի տված միասին ծրագրեցին և գործադրեցին ոճիրներն ու կոտորածները... Հայկական կոտորածները, կանխամտածված, դավադրված և գործադրված են պաշտոնական պաշտոնյաներու կողմեն Ապտուլ Համիդի հանձնարա-

րութեամբ, որը առիթ մը եղավ նազըմ և Իզզեթ փաշաներու ահագին հարստութուն դիզելուն»¹⁵⁸:

Զիա բեկը վկայում է, որ սուլթանի լրտեսական հիմնարկութունները կեղծ դավադրութուններ էին կազմակերպում և դրանք դիտում էին որպես հայերի կողմից կազմակերպված ապստամբութուններ: Այդ լրտեսական օրգանները խորամանկորեն ու ճարպկութեամբ իրենց ցանցի մեջ էին ներքաշել հնչակյան ու դաշնակցական մի քանի գործիչների:

Այսպիսով, սրի քաշվեցին ավելի քան 300.000 հայ: Բայց վշտերով լի և մահացու ցավերով տառապող հայ ժողովուրդը, այնուամենայնիվ, բոլորովին չկորցրեց իր արիւթյունը, իր հավատը՝ զալիք նոր, լավ ապագայի, իր սկսած արդար գործի հաղթանակի անխուսափելիության նկատմամբ:

Սուլթան Համիդի կառավարութեան կողմից հայկական ջարդերի նկարագրութեանն է նվիրված արևմտահայ անվանի գրող Գ. Վարուժանի (1894—1915) «Ջարդը» աշխատութունը: Իր այդ և ուրիշ աշխատութուններում Վարուժանը այն միտքն է առաջ մղում, որ որքան էլ թուրքական բռնակալութունը դահճային ճանապարհով ձգտի ջնջել հայերին՝ նրանց պատմական հարազատ հայրենիքը ժառանգելու դիտավորութեամբ, անզոր է. նոր սերունդը Վարդանների լեզվով կխոսի իր դահճների հետ:

Վարուժանի «Ջարդը» անհուն վշտի, ցասման ու վրեժի զգացմունքներով է համակված, որն արտահայտում է սուլթանիզմի դեմ միայնակ և անօգնական մնացած, եվրոպական դիվանագիտութունից խաբված ու հուսալքված Հայաստանի ողբերգական պատկերը:

Մեր մեռելները բոլոր՝
Միահամուռ ռստումով
Պիտի կանգնին գերեզմանի մեջ իրենց,
Ու անհամբեր հեռո՛ւն, հեռո՛ւն ակնապիշ
Պիտի սպասեն վարդահեղեղ գալուստին
Արշալույսի մը՝ արշալույսի մը՝ որուն
(Հավատացեք ինձ, մայրեր),
Ես ոտնաձայնը կառնեմ...¹⁵⁹:

156 «Երիտասարդ Հայաստան», № 10, 1908, Նյու-Յորք:

157 Նույն տեղում,

158 «Երիտասարդ Հայաստան», № 10, 1908 Նյու-Յորք:

159 Գ. Վարուժան, «Ջարդը», Փարիզ, 1908, էջ 16:

Թուրքիայում տեղի ունեցած հայկական շարժերին մեղսակից եղան եվրոպական մեծ տերությունները՝ սուլթանական կառավարությանը հովանավորելու իրենց շահագրգիռական քաղաքականությանը: Այդ տերությունների վարքագիծը խիստ կերպով նշավակվեց ամբողջ աշխարհի մարդկության առաջավոր խավերի կողմից: Փարիզից «Դրոշակ»-ի խմբագրությանը ուղարկած մի նամակում իտալացի գրող-հրատարակախոս Ամելյար Զիպրիանին գրում է. «Այո՛, եվրոպան ձեր սպանիչին մեղսակիցը և քյուրդերուն հետ համերաշխ եղավ: Ան (եվրոպան) նախադասեց ձեր արյունին մեջ թաթախ ձեռքեր ունենալ, քան ձեռք դպցնել գահու մը, նույնիսկ երբ այդ գահուն վրա կը բազմեր գոհճիկ շարագործ մը, ավազակ մը, եղեռնագործ մը... Այս տխուր փորձերեն ետքը ալ քաղաքակիրթ ըսված եվրոպային հուսալիք բան չունիք...»¹⁶⁰:

Անգլիան, որ իրեն հռչակել էր «հայկական դատի պաշտպան», չարաշահում էր Հայկական հարցը՝ Թուրքիայի վրա ճնշում գործադրելու և նրան իր օրինենտացիային ենթարկելու համար: Պահպանողականների կառավարության այդ քաղաքականությունը հավանություն չէր գտնում առաջավոր խավերի կողմից: Լոնդոնի «Metodes times» թերթը գրում է. «Թող լորդը շմոռահա (իմա՝ արտաքին գործերի մինիստր լորդ Կիմբելլեին—Չ. Վ.), որ Անգլիան ունի իր սեփական հատուկ պատասխանատվությունը: Մենք վերցրել ենք մեզ վրա Թուրքիայի գոյությունը հզոր պահելու վտանգավոր պատասխանատվությունը, իսկ Ռուսաստանն իրեն ազատ պահեց նրանից: Ուստի մենք էլ խորապես պատասխանատու ենք կոտորածների և գազանությունների համար: Օլիվեր Կրոնվելը խնդիրը կլուծեր մի օրում»¹⁶¹:

Մանչեստրում գումարված միտինգներից մեկում անգլիացի մի եպիսկոպոս իր կառավարության քաղաքականության դեմ ուղղված մեղադրական ճառում ասում է. «...Ի՛նչ սարսափելի ամոթ քեզ, Անգլիա, որ կպաշտպանես Թուրքիան ու կքաջալերես նորա կոտորածներն ու բարբարոսությունները դեպի այն դժբախտ ազգը, որու պաշտպանությունը խոստացած ես հանձն առնել»¹⁶²:

160 «Եվրոպացիների կարծիքը հայկական դատի մասին», Ժրնև, 1907, էջ 8:

161 «Մշակ», № 48, 1895:

162 ՀՄՍՀ ԳԱ պատմութ. ինստիտուտի արխիվ, Լեոի ֆոնդ. թղթապ. № 1, Թերթ 156:

Անգլիական կառավարողները պատճառաբանում էին, թե իրենք միայնակ օգնել չեն կարող, թե իրենց նավերը Տավրոսի լեռները բարձրանալ չեն կարող և այլն: Բայց նրանց նավերը Տավրոսի լեռների մոտ չէին կանգնած, այլ կանգնած էին Գարդանելի ու Բոսֆորի նեղուցներում, ուր ապրում էր սուլթան Համիդը:

Անկասկած է, որ Անգլիան հայկական ողբերգությունների մեղսակիցներից մեկն էր: Նա մի կողմից հրապարակում էր հայասիրական կեղծ դեկլարացիաներ, իսկ մյուս կողմից ոգեշնչում ու քաջալերում էր սուլթանական կառավարությանը հայերի դեմ: Անգլիան իր այդ երկդիմի քաղաքականությամբ ձգտում էր սրել Ռուսաստանի ու Թուրքիայի հարաբերությունները:

Հայկական կոտորածների կազմակերպման գործում քիչ հանցանք չունեց Գերմանիան: Օսմանյան կայսրությունը օգտվում էր ոչ միայն եվրոպական տերությունների անհամաձայնությունից, այլև գերմանական կայսրության հովանավորությունից: Հայերին խոստացված բարենորոգումները խափանելու համար, գրում է Ժագ դը Մորգանը, սուլթան Աբդուլ-Համիդին «հարկավոր էր ուժեղ նեցուկ մը. և այս նեցուկը կը գտնե Գերմանիո կայսրի մեջ. շահախնդիր բարեկամ մը, որ քանի մը տարիեն կը վերածե գերմանական գաղութի մը»¹⁶³:

Գերմանիան չէր կամենում քաղաքական կերպարանք տալ Հայկական հարցին, անժամանակ էր համարում այն, որովհետև սուլթանի շարդարարական քաղաքականության խորհրդատուն էր: Սուլթանի գրպանում պահվում էր Վիլհելմի ինքնագիր նամակը՝ մի «Cart blanche» արքայական բարեկամին, որի մեջ ասված էր. «Թագավորի, ինչպես կամքդ ուզում է, չէ՞ որ դու Ալլահի սուվերենս երկրի վրա»¹⁶⁴:

Գերմանիայում նմանապես գտնվեցին ողջախոհ մարդիկ, որոնք հանդես եկան վիլհելմյան կառավարության ռեակցիոն քաղաքականության դեմ: Բեռլինում տեղի տնեցած միտինգներից մեկում ականավոր քաղաքական գործիչ՝ դանիացի Գևորգ Բրանդսը իր ելույթում խիստ կերպով մեղադրեց Գերմանիայի կառավարող շրջաններին՝ թուրքական սուլթանին հովանավորելու և հայկական կոտորածներին մեղսակից դառնալու համար: «Առանց Գերմանիայի բարեկամության Թուրքիան հնարավորություն չէր ունենա

163 Ժագ դը Մորգան, Հայ ժողովրդի պատմությունը, էջ 330:

164 Ա. Ամֆիտեատրով, Եվրոպա և Հայաստան, Քիֆլիս, 1906, էջ 27:

կատարել այն բոլոր հրեշավոր ոճիրները, որ նա գործեց թուրքահայաստանում,— ասաց Բրանդսը:— Այդ հայտնությունը կարող է դուր չգալ գերման շովինիստներին... Սակայն ասածս ճշմարտություն է: 1896 թվականի օգոստոսին, երբ թուրքական մոլեռանդության զոհ էին գնում Պոլսում հազարավոր հայեր, Գերմանիան թուրքիայի հետ ընծաների փոխանակություն էր անում՝ ի նշան բարեկամության: Այդ բանը հիշելիս յուրաքանչյուր գերմանացի, որ թանկ է համարում իր հայրենիքի պատիվը, պետք է ամոթից այրվի»¹⁶⁵:

Գերմանիան թուրքիայի համար հանդիսանում էր հուսալի դաշնակից՝ Անգլիայի ու Ռուսաստանի նվաճողական քաղաքականությունից դեմ մղվող պայքարում: Յրանսիան ու Անգլիան վարուց էին տիրապետող դիրքեր գրավել թուրքիայի տնտեսական կյանքում: Թուրքիան դարձել էր այդ տերությունների հարկատուն, որի հետևանքով նա կախյալ վիճակումն էր գտնվում: Նրա պետական բյուջեի բացը տարեկան հասնում էր 62 միլիոն ֆրանկի: 1882 թվականից մինչև 1909 թ. մարտի 1-ը կնքված էր մեկ միլիարդ 178 միլիոն ֆրանկի նոր փոխառություն: Սուլթանի կառավարության գաղտնի պարտքերը կազմում էին 1.691 միլիոն ֆրանկ¹⁶⁶: Նրա հուսալի դաշնակիցը Գերմանիան էր:

Գերմանական բուրժուազիան տիրապետող դիրքեր էր գրավել Օտտոմանյան բանկի գործողությունների, Բեռլին-Բաղդադ-Բասրա երկաթուղային շինարարության գործում: Նրան ձեռնառու էր հայկական շարժը՝ որպեսզի խուսափեր թուրքիայում մրցակիցներ ունենալուց: «Ապստոլ-Համիտն է,— գրում է Մանդելշտամը,— որ թուրքիա կանչեց գերմանական զինվորական մարզիչները, և այսպիսով, օսմանյան պանքը Տևտոններու ձեռքը հանձնեց: Ապստոլ-Համիտն է, որ Տոյչե պանքին տվավ Պաղատտի երկաթուղիի արտոնությունը, որ համագերմաններու երազներուն համաձայն, սահմանված էր կազմելու աշխարհի վրա գերման գերազանցության ամենն զորավոր խարխիսներեն մեկը... Ապստոլ-Համիտն է, որ հայու արյունով կարմրած իր ձեռքերը դրավ այն թագակիր մեծ խեղկատակին ձեռքին մեջ, որ ինքզինքը հայտարարեց իբրև բարեկամ 300 միլիոն իսլամներու»¹⁶⁷,

Մանդելշտամը իրավացի կերպով նշում է, որ եթե Աբդուլ-Համիդը գերմանացիների առաջ բացեց միջնաբերդի արտաքին դռները, ապա երիտասարդ թուրքերը բաց արին նրա ներքին դռները: «Եվ եթե գալիք ժամանակներու մեջ գտնվի իսլամի խղճահար պատմագիր մը, որ ուզե իր վճիռը արտասանել, ֆեթվա մը պիտի տա, նույն հավիտենական ամոթին հանձնելով թե՛ ծերունի սուլթանը, և թե՛ երիտասարդ թուրքերը»¹⁶⁸:

Գերմանական իմպերիալիստները ձգտում էին պահպանել թուրքիայի ամբողջականությունը և թշնամական դիրք բռնեցին հայերի ազգային-ազատագրական շարժումների նկատմամբ: Ահա թե ինչու նրանք հրահրում էին անգլո-ռուսական գոտությունները: Գերմանիան մեղսակից դարձավ նաև երիտասարդ թուրքերի կողմից 1914—1918 թվականներին ավելի քան մեկ միլիոն հայերի ոչնչացմանը:

Յրանսիայի դիրքը նույնպես անբարյացակամ էր Հայկական հարցի նկատմամբ: Նա քայլում էր ռուսական դիվանագիտության հետ համաքայլ և ոչ մի օգնություն ցույց չտվեց մահվան դուռը կանգնած հայերին, որոնք կոչում էին թուրքական բռնապետության դեմ: Ռուսական ցարիզմի հետ միասին Յրանսիան կանգնած էր սուլթանական կայսրության անձեռնմխելիության և անբաժանելիության կողմը՝ թուրքիայում իր վաղեմի դիրքերը պահպանելու համար:

Խարբերդի ֆրանսիական միսիոնարության անդամներից դուրս որ Բարնեմը նշում է, որ ռուսական թագավորը Փարիզում եղած ժամանակ Շիշկինի և Հանստոնի միջև բանակցություններ տեղի ունեցան, որոնց արդյունքը եղավ այն, որ «Յրանսիան և Ռուսաստանը ամենից առաջ աշխատում են համաձայնություն կայացնել պետությունների միջև, որի հիմքը պետք է ծառայի Օսմանյան կայսրության անձեռնմխելիությանը: Նրանք համաձայն են այն բանի հետ, թե անհրաժեշտ է սուլթանի անձնական հեղինակությանը շղիպելը»¹⁶⁹:

Յրանսիայում հրատարակվող «pro Armenie» թերթի շուրջը համախմբված ականավոր հասարակական-քաղաքական գործիչներ՝ Պրեսանսեն, Դ. Կոլեն, Դ. Սենը, Ժան Ժորեսը և ուրիշներ,

165 «Մուրճ», № 2, 1903, էջ 250

166 Տե՛ս Անդրե Մանդելշտամ, Օսմանյան կայսրության ճակատագիրը, էջ 20—21:

167 Նույն տեղում, էջ 27—28:

168 Նույն տեղում, էջ 28:

169 Մաշտոցի անվան Մատենադարան, Ա. Երիցյանի արխիվ, Բզթապ. № 151, վավերագիր 30:

իրենց ճառերում ու հողվածներում դատապարտում էին Ֆրանսիական կառավարությանը՝ հայկական կոտորածների հանդեպ քար լուծություն ցուցաբերելու համար: Փարիզում տեղի ունեցած միտինգներից մեկում ժան Ժորեսը հայտարարեց. «Ֆրանսիայի իրավունքն է բարձրացնել իր ձայնը, Ֆրանսիայի պարտքն է ձեռք բերել մյուս ազգերի դոնորը, նա պետք է զարթնեցնե քնած խղճերը...»¹⁷⁰:

Մի այլ ելույթում մեղադրելով եվրոպական տերություններին՝ եվրոպական քաղաքակրթությունը վարկաբեկող շահադիտական քաղաքականություն վարելու և հայերի պաշտպանության դործում պայմանագանցության համար, ժան Ժորեսը ասում է. «Եվրոպան այս անգամ՝ մ էլ արդյոք պիտի թույլ տա ջարդ: Նա արդեն մեծ ոճիր գործեց, զոհելով մի ամբողջ ազգաբնակչություն սուլթանի մոլեգին սարսափներին և դիվանագիտության դավերին: Բայց ոճիրը այս անգամ ավելի մեծ պիտի լինի, քանի որ Եվրոպան ահռելի փորձառությունը աղղարարում է այն հետևանքների մասին, որոնց հանգում են նրա երկպառակությունները, մրցումներն ու հաշիվները... Եթե վերսկսվին Հայաստանի ջարդերը և Եվրոպայի անտարբերության ու մեղսակցության ոճիրը, քաղաքակրթության գաղափարն անգամ չի դիմանար դրան»¹⁷¹:

Անատոլ Ֆրանսը խոր վշտով գրում է. «Հայը մեռնում է, որովհետև նա մեր եղբայրն է, որովհետև նա բաժանել է մեր զգացմունքները, սիրել է այն, ինչ որ մենք ենք սիրում, մտածել է այնպես, ինչպես մենք ենք մտածում և հավատացել է այն բանին, ինչին մենք ենք հավատացել: Ճաշակել է այն, ինչին մենք՝ իմաստություն, արդարություն, պոեզիան, արվեստները: Սա է նրա աններելի ոճիրը»¹⁷²: Հետևապես, ասում է Անատոլ Ֆրանսը, հայ ժողովրդի դատը ամբողջ մարդկության դատն է: Հայ ժողովրդի փրկությունը նա տեսնում էր հայերի համերաշխ գործողության մեջ: «...Եվրոպային և արար-աշխարհին իրենց ձայնը լսվելու համար,— գրում է նա,— բոլոր հայերուն ձայնը մեկ ձայն պետք է կազմե. անոնց համար փրկությունը կը կայանա միմիայն համերաշխ գործունեության մեջ»¹⁷³:

Մեղադրելով Ֆրանսիայի կառավարությանը՝ հայերի հանդեպ

իր ստանձնած պարտավորություններին ուխտադրություն ցուցաբերելու համար, գրող-հրապարակախոս Յուլիեն Դոնիեն գրում է. «Հայաստանը և Օսմանյան կայսրության զոհ նահանգները երկարատեան հավատացին Եվրոպայի անկեղծության ընդհանրապես և Ֆրանսիայի վեհանձնության մասնավորապես... Ֆրանսիան լքեց իր դերը, իր ավանդությունները, իր պարտականությունը: Ամբողջ Եվրոպան 1878-ի հանձնառությունները դրժեց, և որովհետև այս դավաճանությունները կանխամտածված, սիստեմական էին, երեսն ձգված ժողովուրդներու գանգատը անապատին մեջ արձագանք գտավ»¹⁷⁴:

Բայց Ֆրանսիայի այդ հումանիստ գործիչների ու նրանց գաղափարակիցների կարեկցական ելույթները, նրանց ազնիվ ու անշահախնդիր խոսքերը ոչնչով չփոխեցին Ֆրանսիայի կառավարության արտաքին քաղաքականության կուրսը: Այդ ականավոր գործիչները միաժամանակ իրենց ցասումն արտահայտեցին ռուսական ցարիզմի հակահայկական քաղաքականության դեմ: Ի պատասխան նրանց այդ ցասման, Ռուսաստանի արտաքին գործերի մինիստր իշխան Լոբանով-Ռոստովսկին հայտարարեց. «Ես չեմ ցանկանում, որպեսզի Տաճկահայաստանը դարձնել երկրորդ Բուլղարիա, և որպեսզի ռուսական հայերը. թուրքական պրոտեկտորատի ներքո գտնվող հայկական ավտոնոմ հիմնարկները օգտագործեն մեր դեմ»¹⁷⁵:

Այսպիսով, ռուսական ցարիզմի դիվանագիտության հետ համերաշխված Ֆրանսիական կառավարությունն ու նրա դիվանագետները ամենևին հաշվի չառան իրենց ժողովրդի առաջավոր խավերի բողոքի ձայնը և իրենց քաղաքականությանը օգնում էին սուլթանի կառավարությանը:

Արևմտահայ ժողովրդի ծանր ողբերգության խոշոր մեղսակիցներից էր նաև ցարիզմը: Ցարական ռազմա-ֆեոդալական բյուրոկրատիան, հակառակ ռուս ժողովրդի ու նրա առաջավոր խավերի կամքի, վարում էր հակահայկական քաղաքականություն: Այն ժամանակ, երբ Արևմտյան Հայաստանը ողողված էր անմեղ հայերի արյունով, երբ դեռ զոհերի արյան լճերը չէին ծծվել հողի մեջ, «հեռագիրը լուր է տարածում երկրի բոլոր կողմերը,— գրում է Լեոն,— թե Նիկոլայի կինը, այժմ տխրահռչակ Ալեքսանդրան,

170 «Մուրճ» № 2, 1903, էջ 251:

171 «Եվրոպացիների կարծիքը հայկական դատի մասին», էջ 13—14

172 Ստ. Կուրտիկյան, Արմենիա, «Գրական թերթ», № 48 (10641). 1960:

173 «Եվրոպացիների կարծիքը հայկական դատի մասին», էջ 39:

174 «Եվրոպացիների կարծիքը հայկական դատի մասին», էջ 12:

175 А. Амфитеатров. Армянский вопрос, էջ 17:

Ձմեռային պալատի մեծ հարկինքի մեջ, բարեհաճեց պարել սուլթանի կողմից նոր եկած փաշայի հետ»¹⁷⁶։

Երբ վտանգի ենթարկված արևմտահայերին օգնության էին գնում հարյուրավոր արևելահայ երիտասարդներ, ցարական կառավարությունն ու նրա տեղական իշխանությունները ձեռքարկալու, դատում ու աքսորում էին այդպիսիներին՝ արյունոտ սուլթանին հաճոյանալու համար։

Երևանի նահանգապետի 1890 թ. օգոստոսի 13-ի գաղտնի գրության համաձայն, նահանգի ոստիկանապետը էջմիածնի գավառի պրիստավին հաղորդում է, որ «Կովկասից թուրքական կառավարությանը հայտնի է դարձել, որ այստեղ հայերը գաղտնի ճանապարհով, Բաթումի և Նախիջևանի սահմաններից, Թուրքիայում իրենց ազգակիցներին զենք և հանդերձանք են ուղարկում»։ Այդ նույն հաղորդման մեջ միաժամանակ ասված է, որ «մի խումբ զինված հայեր Թուրքիայում իրենց ազգակիցներին օգնելու համար Կաղզվանի և Սուրմալուի սահմաններից անցնում են Թուրքիա»¹⁷⁷։ Ոստիկանապետն առաջարկում է կտրուկ միջոցների դիմել նմաններին ձեռքարկելու և իշխանությանը հանձնելու համար։

Այնուհետև, 1890 թ. սեպտեմբերի 9-ին Երևանի նահանգապետի կողմից էջմիածնի գավառապետին ուղարկված գրավոր կարգադրության մեջ ասված է հետևյալը. «Երևանի նահանգի ոստիկանական վարչության կողմից տեղեկություններ են հասել ինձ, որ անբարյացակամորեն տրամադրված հայերը կեղծ և չափազանցված լուրեր են տարածում Թուրքիայում հայերի նկատմամբ գործադրված զազանությունների մասին»¹⁷⁸ և առաջարկում է այդպիսիներին հայտնաբերել և առնել կալանքի տակ։ Ռուսական ցարիզմի դահճային քաղաքականությունը մերկացնող այսպիսի արխիվային փաստերը բազմաթիվ են։ Ցարիզմի հակահայկական քաղաքականությունը կորստաբեր եղավ հայերի համար։ Մեղադրելով իր կառավարությանը և նրա Կ. Պոլսի դեսպան ներկողին՝ հայերի նկատմամբ թշնամական քաղաքականություն վարելու համար, Ամֆիտեատրովը գրում է. «Փակելով իր աչքերը ռասայական և դավանանքի կոտորածի հանդեպ, նա (իմա՝ ներկողը—Չ. Վ.)

պնդում էր, որ Հայկական հարցը թուրքական կայսրության ներքին գործն է, որ սուլթանին որպես միահեծան թագավորի, չի կարելի զրկել իրավունքից՝ զսպելու հպատակների միջև բացահայտորեն ծնունդ առնող հակակառավարական ապստամբությունը»¹⁷⁹։

Ցարիզմը և նրա դիվանագետները, փաղաքշելով թուրքական սուլթանին, սխեցին Հայաստանի վրա նայել «որպես հեղափոխության սպառնալիքի ամենավտանգավոր օջախ,— և Անդրկովկասի փրկությունը հանձնեցին երկաթների երկաթ կնյազ Գուլիցինին»¹⁸⁰։

Արտահայտելով իր խոր զայրույթը հայերի մասսայական կոտորածների դեմ և գնահատելով Ռուսաստանին հայերի մատուցած պատմական մեծ ծառայությունները, Ամֆիտեատրովը գրում է. «Մորթելով հայերին, Արդուլ Համիդը մորթեց ռուսական ուժը, ռուսական համակրությունը»¹⁸¹։

Գուլիցինի օնակցիոն քաղաքականությունը Անդրկովկասում օգնում էր թուրքական սուլթանին և նրա հրոսակներին՝ հայերի բնաջնջման գործում։ Այդ քաղաքականությունը խիստ պարսավանքի ենթարկվեց ոչ միայն հայ, այլև ռուս առաջավոր հասարակայնության կողմից։ Պետերբուրգում հրատարակվող «Новости» ռուսական թերթը գրում է, որ «Փոքր Ասիայի հայերը փառավոր պատմական անցյալ ունեցող, մի չափազանց ընդունակ ազգ են, և բոլորովին անարդար կերպով տանջվում են մինչև այժմ թուրքաց կառավարությունից»¹⁸²։ Այդ նույն լրագիրը նշում է, որ թուրքական կառավարությունն իր ստանձնած պարտավորությունների կատարումից խուսափելու նպատակով «իր գաղտնի ազնետների միջոցով, ամեն ջանք գործ է դնում ներկայացնել հայերին որպես վարակված արևմտեվրոպական սոցիալիզմով ու կոմունիզմով»։ Համարելով այդ իբրև պրովոկացիա, լրագիրն իր համոզմունքն է հայտնում, որ հայերի արդար գործը վաղ թե ուշ հաջողությամբ կպսակվի»¹⁸³։ «Тифлисский листок» թերթի էջերում լույս է տեսնում մի ռուս հրապարակախոսի հոդվածը, որը բարձր գնահատելով հայ և վրաց ժողովուրդների մատուցած ծառայությունները Ռուսաստանին՝ նրա արևելյան քաղաքականության բոլոր ժամանակ-

176 Առ, Թուրքահայ հեղափոխության գաղափարաբանությունը, հատ. Ա, էջ 187։

177 ՉՍՍՀ ՊԿՊԱ, ֆոնդ № 38/102, գործ № 58, թերթ 19։

178 Նույն տեղում, թերթ 23։

179 А. Амфитеатров. Армянский вопрос, էջ 18։

180 Նույն տեղում, էջ 24։

181 Նույն տեղում, էջ 28։

182 «Մշակ», № 4, 1893, «Թուրքաց հայերի վերաբերյալ» հոդվածը։

183 Նույն տեղում։

ներում, գրում է. «Մոտ մի դար ժամանակամիջոցում ոուսաց զորքերի շարքերում կռվել են ոչ սակավաթիվ վրացի և հայ իբրև ոուսահպատակներ: Նրանց մեջ եղել են և զորապետներ և նրանցից ոչ ոք չէ արատավորել իր անունը անարժան վարմունքով: Եթե ոուսները Բաթումը առնելիս թափել են իրենց արյունը, նրանց հետ միասին, մի դրոշակի տակ թափվել է և վրացական և հայկական արյունը»¹⁸⁴:

Նույն հրապարակախոսը գրում է. «Ինչու՞ դիտմամբ փակենք մեր աչքերը և շտեմենք ազգութունների լավ կողմերը և ծառայությունները, և թմբուկները զափկենք այնպիսի դեպքերի առիթով, որոնք շնայելով իրենց անախորժ էություն, կրում են մասնավոր բնավորություն: Եթե վրացիները և հայերը երբևիցե նկատի են տունցել ազգային շահեր, այդ եղել է միայն իրենց լեզվի և կրոնի ազատության վերաբերմամբ, միայն այս բանին նրանք առանձնապես ձգտել են: Բայց մենք ուսաներս ինքներս կդարձնենք ատելություն մեր երեսները նրանցից, եթե նրանք չգնահատեն այն, ինչ թանկ պետք է լինի ամեն մի պատվավոր մարդու համար»¹⁸⁵:

Սուլթանական Թուրքիայի գազանություններից պաշտպանվելու համար հայերի ինքնապաշտպանությանը քայլերը ցարական կառավարությանն ու նրա դիվանագետներին դուր չեկան: 1894—1896 թվականներին սուլթանը որևէ բարենորոգման փոխարեն,— գրում է Ա. Ամֆիտեատրովը,— վճռեց ուղղակի ջնջել, կոտորել հայերին և ուրեմն ոչնչացնել Բեուլիի դաշնագրի ձանձրացուցիչ 61-րդ հոդվածը... Կոտորածն արժանացավ սուլթանի եվրոպական բարեկամների օրհնությանն ու բարեկամությանը:

«Massacrez, maiest, massacrez — Ձարդեցեք, վեհափառ տեր, ջարդեցեք»,— Ռուսաստանի ներկայացուցիչ Ա. Խ. Նելիդովի այս խորհուրդը ճախրում էր Երլդիզ-Կիոսկի օդի մեջ ու ոգևորելով իսլամը՝ 300.000 հայերի արյան գին դարձավ»¹⁸⁶:

Այո, ցարական կառավարության կողմից Թուրքիայի նկատմամբ վերցրած քաղաքականության նոր կուրսը և հայերի նկատմամբ նրա թշնամական վարմունքը քաջալերեցին թուրքական դահիճներին: Յարիզմի այդ քաղաքականությունը հայ ժողովրդի ողբերգության պատճառներից մեկը հանդիսացավ: «Ռուսաստանի

վերաբերմունքը,— գրում է Ամֆիտեատրովը,— դեպի այդ մարդկային սպանդանոցը՝ ցավով ու ամոթով հարկադրված ենք բնորոշել մի խոսքով — թույլատվություն»¹⁸⁷: «Մենք երկրորդ Բուլղարիա չենք ուզում» — այս էր ուսական ցարիզմի հակահայկական քաղաքականության նշանաբանը, որը համապատասխանում էր սուլթանի Համիդի նենգ դիտավորություններին, ջուր էր լցնում նրա ջրաղացին՝ «Հայաստանը՝ առանց հայերի» գազանաբարո այդ ծրագրի իրագործման համար, ոուսաց դիպլոմատիան քանդեց թուրքական սուլթանի ձեռքի կապանքները, որ նա ազատորեն գործադրի «սրի և արյան քաղաքականությունը»¹⁸⁸:

Ռուսական ցարիզմի ոճրագործ քաղաքականությունը օգտագործվեց Անգլիայի կողմից, որը նորից հանդես եկավ հայկական դատի «պաշտպանություն»՝ Թուրքիան Ռուսաստանի ազդեցությունից հանելու, նրա վրա ճնշում գործադրելու, տնտեսական ու տեղիտորիալ զիջումներ ստանալու իսկական նպատակով: Անգլիան աշխատում էր օգտագործել հայերին Ռուսաստանի դեմ: «...Բանից դուրս էր գալիս,— գրում է Ամֆիտեատրովը,— որ Ռուսաստանը անում էր ամեն ինչ սուլթանի համար, իսկ հայերի համար-ոչինչ, ու դեռ ավելին՝ նա կարծես դաշն էր կապել սուլթանի հետ հայերի դեմ: Անգլիան դարձավ պաշտելի»¹⁸⁹:

1894—1896 թվականների հայկական ջարդերը նպաստավոր առիթ եղան Անգլիայի համար նորից շարաշահելու Հայկական հարցը՝ սուլթանական կառավարության վրա ճնշում գործ դնելու և նրան Ռուսաստանի ազդեցությունից ազատագրելու, իր ազդեցությունը ենթարկելու նպատակադրմամբ: Նրա կողմից 1880 թվականին Եգիպտոսի գրավումը սառը ջուր լցրեց անգլո-թուրքական հարաբերությունների վրա: Սուլթանական կառավարությունն սկսեց «մտերմանալ» ոուսական ցարին, իսկ վերջինս սուլթանին հովանավորելու կուրս վերցրեց և առժամանակ հրաժարվելով նեղուցները գրավելու մտքից՝ նրան դիտեց որպես նեղուցների «պահապանը»՝ Անգլիայի ոտնձգություններից:

Հասկանալի է, որ ոուսական ցարիզմի այդ նոր կուրսը վտանգավոր էր Անգլիայի համար: Դրա համար էլ Անգլիան հայկական դատի «պաշտպանություն» իր կեղծ քաղաքականությամբ կամե-

184 «Մշակ», № 9, 1894, «Մի ուս մարդու կարծիք» հոդվածը:

185 Նույն տեղում:

186 Ա. Ամֆիտեատրով, Եվրոպա և Հայաստան, էջ 19—20:

187 Ա. Ամֆիտեատրով, Եվրոպա և Հայաստան, էջ 20:

188 Նույն տեղում, էջ 23:

189 Նույն տեղում, էջ 26:

նում էր վախեցնել սուլթանին, ստիպել նրան համաձայնելու Եգիպտոսի օկուպացման հետ և ռուսական ցարիզմի հետ հաստատած բարեկամությունը փոխարինել բրիտանական բարեկամությամբ:

Անգլիական նավատորմը՝ լորդ Սելմուրի հրամանատարությամբ, պտույտներ էր գործում Դարդանելի շուրջը, պատրաստ էր մտնելու Կ. Պոլիս և ուղղելու իր թնդանոթները դեպի Երզրզը: Նրա օրինակին հետևեցին Ֆրանսիան, Ռուսաստանը, Իտալիան՝ Անգլիայի դիտավորությունները խափանելու համար: Այսպիսով, փոթորիկը բարձրանում էր, Եվրոպայի մթնոլորտը՝ էլեկտրականանում: Բայց տնտեսապես, ֆինանսապես սնանկացած սուլթանական կառավարությունը, հենվելով իր հովանավորյալների և եվրոպական կոնցերտի անհամաձայնության վրա, սառնասիրտ չէր նայում իրադարձություններին: Նա գրոհ սկսեց Անգլիայի դեմ՝ հայերի «պաշտպանությամբ» հանդես գալու համար:

Սուլթան Աբդուլ-Համիդը հայտարարեց, թե հայերը գործիք են Անգլիայի ձեռքին՝ թուրքական կայսրությունը բաժան-բաժան անելու, նրան կործանելու համար: Դիմելով երկրի մոլեռանդ, ռեակցիոն խավերին, Աբդուլ-Համիդը բացականչում է. «Ազատեցեք հայրենիքը, փրկեցեք իսլամը: Չե՞ք տեսնում, որ «գեափուրը» իր հաղթանակով արբել է արդեն: Նա արձակել է արդեն իր լեզվի և շարժումների կապանքները: Նա ձեր մեջ, ձեր քթի տակ, խրախճանքներ է սարքում իր մոտալուտ ու անխուսափելի անկախությունն ու ձեր ստրկությունը տոնելու համար: Այո, նա բարձրացրել է արդեն իր գլուխը և շուտով կբարձրացնի նաև իր կախաղանը ձեր դեմ»¹⁹⁰:

Իսկ երբ սարսափահար եղած ռեակցիոն խավերը սուլթանին հարցնում են, թե ի՞նչ պետք է անել, նա պատասխանում է. «Պետք է կախել նրանց, պետք է փշրել այն բազուկները, որոնք պատրաստվում են ձեր գլխի վրա ճոճեցնելու իրենց զենքը, պետք է ավերել այն բույները, ուր նյութվում են բացարձակ ոճիր ձեր դեմ, պետք է զրկել նրանց այն միջոցներից, որոնք գործ են դրվելու ձեր թշվառացման ու ոչնչացման համար»¹⁹¹:

Սուլթանի այս ռեակցիոն ելույթը է՛լ ավելի բորբոքեց թուրքական ու քրդական ամբոխի մոլեռանդությունը և նրանց նպատակամղեց հայերի դեմ, առաջ բերեց նորանոր կոտորածներ:

190 «Երկրի ձայն», № 10, 1906:

191 Նույն տեղում:

Դարդանելի շուրջը անգլիական նավերի պտույտները երկյուղ էին ներշնչում թուրքական կառավարողներին: Նրանք գտնում էին, թե Անգլիան դրանով օգնում է հայ «ազիտատորներին»՝ մայրաքաղաքում և գավառներում նոր «անկարգություններ» առաջ բերելու համար: Այդ առիթով 1895 թ. սեպտեմբերի 25-ին սուլթանի կառավարությունը բողոք ներկայացրեց եվրոպական պետություններին, որը վերջանում է հետևյալ խոսքերով. «Բ. Դուռը հույս ունի, որ Մեծն Բրիտանիո կառավարությունը ի նկատի կունենա այս դիտողությունները և թույլ կտան վեհափառության ներկայացուցիչներին չպնդելու այլևս իր առաջարկի վրա, որը, այս բուպեին իրեն ապահովությունն ու վստահությունը սկսում է վերածնել, կայսերական կառավարության համար չի երևում արդարացի»¹⁹²:

Հետևապես, Հայկական դատի «պաշտպանության» շուրջը Անգլիայի բարձրացրած նոր աղմուկը հայերին ոչինչ չտվեց, բացի նոր աղետներից: Անգլիայի բարձրացրած աղմուկը հետապնդում էր իր երկրի իմպերիալիստական բուրժուազիայի նվաճողական քաղաքականության ապահովությունը: Հայտնի է, որ Հնդկաստան տանող ծովային ուղիներն ապահովում էին Բրիտանիայի տիրապետությունը Եգիպտոսում և Կիպրոսում ու թույլ չէին տալիս նեղուցների նկատմամբ Ռուսաստանի հսկողությունը: Դրա հետ միասին կային նաև Հնդկաստան տանող ցամաքային ուղիներ: Աղվանստանից բացի, Պարսկաստանը, Արաբիան, Ասիական Թուրքիան, որոնք կամուրջ էին Եվրոպայից Հնդկաստան գնալու համար: Անգլիական կառավարության ուշադրության կենտրոնում էին նաև այդ ուղիները, որոնք հնարավորություն էին տալիս նրան կապվելու Հնդկական օվկիանոսի և Պարսկական ծոցի հետ, օգտագործելու դրանք իր տնտեսական ու ռազմա-ստրատեգիական նպատակների համար:

Բեռլին-Բաղդադ-Բասրա երկաթուղու կառուցումը Գերմանիայի կողմից սպառնալից էր Անգլիայի համար: Անգլիան մշակեց Կեյպտուն-Կահիրե երկաթուղու նախագիծը, որը իր զարգացումը ստացավ Կահիրե-Կալկաթա նախագծում: Հասկանալի է, որ Հայկական հարցի առաջ քաշումը Անգլիայի կողմից նպատակ ուներ ճնշում գործադրելու սուլթանի վրա ոչ թե ի նպաստ հայերի, այլ ի նպաստ իր երկրի բուրժուազիայի շահերի: Անգլիայի քաղաքականության իրական ապացույց կարող են լինել նաև Լոնդոնի թուր-

192 ՀՍՍՀ ԳԱ պատմ. ինստիտուտի արխիվ, Լեոի ֆ., տետր № 87, էջ 48:

քական դեսպանի երկու զեկուցագրերը, որոնք սուլթանի շինովնիկներին կողմից վաճառվեցին ռուսական դեսպանին: «Եթե Օտոմանյան կառավարությունը կամենում է գործել իր շահերին համապատասխան՝ ֆինանսական և այլ ձևով, — ասում է լորդ Սալսբերին թուրքական դիվանագետին, — ապա նա պետք է փոխի իր ներկա քաղաքականությունը: Բարձրացնելով Եգիպտոսի հարցը, Գուդը լոկ իրեն է անհանգստություն պատճառում՝ առանց որևէ օգուտ ստանալու»¹⁹³:

Թուրքական դեսպանի այդ զեկուցագրերից մեկում էլ ասված է, որ «Սալսբերին պարզ կերպով հիշեցրեց — բրիտանական կառավարության կողմից ֆինանսական օգնության մասին այն դեպքում, եթե սուլթանը կընդունի անգլիական օրինետացիան: Լոնդոնի գերմանական դեսպան գրաֆ Գատցֆելդը միանգամայն ճիշտ էր որոշում Թուրքիայի հարցում անգլիական քաղաքականությունը. «կամ կհաջողվի կենդանի պահել թուրքական պետությունը՝ իրական ռեֆորմ կիրառելով և դրանով նրան հանել բացառապես Ռուսաստանի ազդեցությունից, — գրում է նա, — կամ եթե այդ նախագիծը չհաջողվի, ապա գործը կհասնի մինչև Թուրքիայի սնանկացմանն ու բաժանմանը»¹⁹⁴:

1895 թվականին Սալսբերին Վիլհելմ II-ին ներկայացրեց Թուրքիայի բաժանման նախագիծը և դրա հետ միասին Դարդանեղի ու Բոսֆորի նեղուցներն ուղարկեց իր ուժեղ ռազմական էսկադրան՝ դիվանագիտական հաղթանակ շահելու համար: Նրա այդ պաշտոնական քայլը անհանգստություն առաջացրեց ռուսական կառավարողների շրջանում: Ռուսական կառավարությունը Լոնդոնին իրազեկ դարձրեց, որ իր Սևծովյան նավատորմը անհապաղ կմտնի Բոսֆորը: Որոշված էր, որ ոչ մի կերպ թույլ չտալ Անգլիային՝ ամրանալու նեղուցներում, որովհետև Հարավային Ռուսաստանի ամբողջ առևտուրը կատարվում էր միայն նեղուցներով, որոնք գտնվում էին Անգլիայի հսկողության տակ:

Ռուսաստանը, Ֆրանսիան և Իտալիան կանխեցին Անգլիայի ոտնձգությունները: Լորդ Գոշեն դեմ էր Սալսբերիի քաղաքականությանը և նախազգուշացնում էր նրան՝ սպառնացող վտանգի մասին: Նա գտնում էր, որ անգլիական նավերը կշրջապատվեն ֆրանսիական ու ռուսական նավերի կողմից: Գոշենի այդ հակա-

ճառությանը Սալսբերին հեգնորեն պատասխանեց հետևյալ կերպ. «Եթե նրա նավերը կառուցված են ապակուց, ապա հասկանալի է, որ հարկ կլինի փոխել քաղաքականությունը»¹⁹⁵:

Անգլիան իր այդ քաղաքականությամբ շկարողացավ դիվանագիտական հաջողությունների հասնել: Ռուսաստանը՝ հենվելով Գերմանիայի ու Ֆրանսիայի աջակցության վրա, խափանեց Մերձավոր Արևելքում Անգլիայի զավթողական դիտավորությունները՝ իր զավթողական ծրագիրը առաջ տանելու նպատակով:

Նշավակելով այդ տերություններին, հայերի նկատմամբ անմարդկային վարմունք ունենալու և սուլթանին հովանավորելու համար, իր «Ջարդը» քերթվածում Դանիել Վարուժանը գրում է.

Ալլահն ամպին մեջ է, սուլթանը՝ ցեխին՝
Հոտոտելով փոխն ի փոխ՝
Կը ժպտին հաշտ իրարու,
Ու Եվրոպան դեմքն իր հետև դարձուցած
Կոպերը կը շփե—
Մեր ծուխեն աչքն ի բոցն
Կըսկըծելուն համար լոկ¹⁹⁶:

Եվրոպական տերությունների դիվանագիտական խարդախությունները չհասկացան հայ ազգայնական կուսակցությունները, որոնք հարելով իմպերիալիստական տերությունների այս կամ այն զինակցությանը, հաճախ առիթներ էին ստեղծում հայկական նորանոր աղետների համար:

195 Նույն տեղում:

196 Գ. Վարուժան, Ջարդը, էջ 12:

193 «История дипломатии», том II, Москва 1945, էջ 119:

194 Նույն տեղում:

ՀԱՅ ՀԱՍԱՐԱԿԱԿԱՆ ՀՈՍԱՆՔՆԵՐԸ ԵՎ ՆՐԱՆՑ ԴԻՐՔԱՎՈՐՈՒՄԸ ԱՐԵՎՄՏԱՀԱՅՈՒԹՅԱՆ ԱԶԱՏԱԳՐՈՒԹՅԱՆ ՀԱՐՑՈՒՄ

Սուլթանական ռեժիմի դեմ ուղղված Բալկանյան ժողովուրդների ազգային-ազատագրական շարժումները մի կողմից, 1877—1878 թվականների ռուս-թուրքական պատերազմը՝ մյուս կողմից, է՛լ ավելի նպաստեցին հայերի ազգային ինքնագիտակցության և ինքնաճանաչողության աճմանն ու զարգացմանը, հայ ժողովրդի ազգային ուժերի կոնսոլիդացման տենդենցների ուժեղացմանը:

Սակայն հայերի ազգային ինքնագիտակցության աճումը, նրանց ազատասիրությունը և ինքնուրույն քաղաքական կյանք ստեղծելու հակումները ամենևին դուր չեկան թուրքական բռնակալներին, որոնք, ինչպես տեսանք, հայերի ասիմիլացման, արտաքսման ու բնաջնջման ճանապարհով կամեցան վերջ տալ Հայկական հարցին: Արևմտահայ ժողովրդի դրությունը հուսահատական էր: Նրա ազատագրության հարցում իրենց դիրքավորումը ցուցաբերեցին հայ հասարակական հոսանքները:

ՀԵՂԱՓՈՒԽԱԿԱՆ ԴԵՄՈԿՐԱՏԱԿԱՆ ՀՈՍԱՆՔԸ

1860-ական թվականներին առաջացավ ու ձևավորվեց հեղափոխական դեմոկրատական հոսանքը, որը բոլորովին նոր երևույթ էր հայ հասարակական-զաղափարական կյանքում, մի թուխը՝ հասարակական առաջավոր մտքի զարգացման բնագավառում:

Հեղափոխական-դեմոկրատական հոսանքի առաջացումն ու գործունեությունը անխզելիորեն կապված է Մ. Նալբանդյանի ան-

վան հետ: Նալբանդյանի և նրա ուղղության վրա նշանակալից ազդեցություն ունեցան Ռուսաստանում սկսած հեղափոխական շարժումներն ու առաջավոր հեղափոխական դեմոկրատական գաղափարախոսությունը, Եվրոպայում փոթորկող բուրժուա-դեմոկրատական հեղափոխությունները, Բալկանյան ժողովուրդների և, հատկապես, ավստրիական բռնապետության դեմ ուղղված իտալական ժողովրդի ազգային-ազատագրական շարժումները, որոնք հասցրին Իտալիայի ազատագրությանն ու անկախությանը:

Նալբանդյանը մշակեց հայ ժողովրդի ազատագրության իր ծրագիրը, որը տարբերվում է մյուս բոլոր հոսանքների ծրագրերից:

Հայ ժողովրդի ազատագրության իր մշակած ծրագրի իրագործումը Նալբանդյանը սկսեց ազգային-ազատագրական պայքարի գաղափարախոսության պրոպագանդայով՝ որպես հզոր գեների ժողովրդական մասսաների մոբիլիզացման, նրանց ազգային ինքնագիտակցության բարձրացման, բռնակալների իշխանության կործանման և ազատության նվաճման համար մղվող պայքարում:

Պայքարելով հետադիմական ուղղությունների դեմ, և ժողովրդին ազատագրական պայքարի կոչելով, Նալբանդյանը կամենում էր ազատությունը նվաճել մասսաների ներքևից կազմակերպված ապստամբությունների և ոչ թե բռնակալների վերևից տրված ողորմածությամբ, ինչպես այդ տեղի ունեցավ Ռուսաստանում 1861 թվականին:

Նալբանդյանը հայ ժողովրդի ազատագրության ճանապարհին թշնամի էր համարում ինչպես թուրքական սուլթանիզմը, այնպես էլ ռուսական ցարիզմը: Դրա համար էլ նա ժողովրդին սոցիալական հեղափոխությունների զինված ապստամբության կոչ էր անում:

Ժողովուրդն է պատմության շարժիչը, նրա առաջնորդ ուժը: Այդ առումով էլ Նալբանդյանը սոցիալական հեղափոխության մեջ էր տեսնում նրա ազատագրության գրավականը: Ռուս հեղափոխական դեմոկրատ Չերնիշևսկին իր «Ի՞նչ անել», աշխատությունով ռուսական մուժիկին կոչ էր անում կացնի միջոցով նվաճել ազատությունը, չբավականանալ 1861 թվականի գյուղացիական ռեֆորմով: Չերնիշևսկու օրինակով Նալբանդյանը հայ ժողովրդին զինված ապստամբության կոչ էր անում:

Հայ ժողովրդի ազատությունը խեղդված էր ոչ միայն արտաքին, այլև ներքին թշնամիների կողմից: Ազգի ներքին թշնամիներն էին կղերա-ֆեոդալական վերնախավերը՝ հայ էֆենդիները, ամի-

քաները, որոնք խորշում էին ժողովրդական մասսաների ապստամբական ելույթներից: Այս խավերից շատերը թուրքական պետական ապարատի ծակոտիներում խցկված այս մի քանի «վատթար մարդիկ, կղերի հետ միացած, յուրյանց ձեռքը ձգելով ազգային ջարդ ու փշուր լաստի դեկը, առանց օրինավոր հոգաբարձության, առանց մաքուր խղճմտանքի և միայն յուրյանց անձնական շահին, ախտերին և կրքերին ծառայեցնելով, ոչ միայն հառաջ չէին մղում այդ կիսակործան և ալետանջ լաստը, ոչ միայն փուլթ շունեին գոնե մի խաղաղ ծովածոցի կամ նավահանգստի մեջ և նորան ապահովելու, այլև փակում էին և խլում էին այդ լաստից այսօր այս փայտը, վաղն այն երկաթը, երրորդ օրը մյուս չվանը և հրավիրում նույնը գործելու ազգի իսպառ կործանության համար»¹ — գրում է նալբանդյանը:

Շահամուլ այս խավերը սուլթանական Թուրքիան համարում էին «դրախտավայր», ծունկ էին չորում սուլթանների իշխանության առջև, աչքը փակելով գավառահայ գեղջուկի համար ստեղծված ստրկական վիճակի հանդեպ, դատապարտում և անօրինական էին համարում նրա ամեն մի տրտունջը, ազատասիրական ամեն մի բաղձանքը:

Այդ խավերի մերկացումը նալբանդյանը դիտում է որպես ազատագրական պայքարի հաջողությունների պայմաններից մեկը:

Կանգնած լինելով գիտության ու լուսավորության ազատ զարգացման անխախտ դիրքերում, անողոք լինելով խավարի ու բռնության նկատմամբ և միշտ դեպի առաջ նայելով, նալբանդյանը նշավակում է ժողովրդի ազատագրության ճանապարհին արգելք հանդիսացող խավարամիտներին, բոլոր նրանց, սվքեր կամենում էին համաձայնության լեզու գտնել լույսի և խավարի, պայքարող դեմոկրատական ուղղության և կղերա-պահպանողականների միջև:

«Նա, ով փախչում է պատերազմից, — գրում է նա, — մարդ չէ բարոյապես, այլ մի թշվառ արարած կնամարդի բնավորությամբ: Սուտ խաղաղասիրությունը, որի տակ, որպես գայլ ոչխարի զգեստով, թաքնված անձնական օգուտ ու փառք, մենք մեծարում ենք նզովա պատվանունով: Ծշմարտության բռն հետևանքը բաժինք է, պիտո է լինի հերձվածներ, որ ընտրվածքը երևին: Եվ գինին մինչև շամորվի և չպղտորվի, չի պարզվի»²:

Կղերա-Ֆեոդալական խավերը հալածում էին ազատ խոսքը, ազատ միտքը, հալածում էին դեմոկրատներին ու լուսավորականներին՝ քննադատական խոսքի և ազատագրական պայքարի գաղափարախոսության համար, վախ էին զգում քննադատությունից և ազգի ներսում եղած թերությունների բացահայտումից:

1860 թ. սեպտեմբերի 19-ին Հ. Սվանյանին ուղղված իր նամակում, խոսելով սրգի ներսում եղած բացերի ու թերությունների դեմ ուղղված քննադատության մասին՝ որպես նրա առողջացման ու առաջխաղացման անհրաժեշտ ու կարևոր պայմանի, նալբանդյանը գրում է. «Ստույգ արժանավորության վկայությունը, եթե կա, այդ է միայն պակասության խոստովանելը: Ազգի պակասությունը խոստովանել կամ դատապարտել ոչ թե միայն հանցանք չէ, այլ առաքինություն: Ամենայն ազգային անդամ ինչ շափով պարտական է նշավակել և սպանել նորա պակասությունը, որպեսզի ազգությունը, ավելի մաքուր շրջանակի մեջ հանդիսանա ընդհանուր մարդկության առջև... Թող սարսափին պարկեշտ ականջները մի տեսակ մարդերի, որ նվիրած են յուրյանց անձը, խոսք և գրիչը սուրա կամ նորա պակասությունը ծածկելու»³:

Այսպիսով, նալբանդյանն առաջիններից է, որ վեր բարձրացրեց քննադատության դրոշը և առաջավոր միտքը նպատակամղեց այդ ուղղությամբ: Միայն քննադատության ծավալման ճանապարհով հնարավոր է թոթափել հնության փոշին և ազգը շարժել քաղաքակրթության, լուսավորության և ազատագրական ուղիով:

Մահաբեր հնոտիներով հայ ժողովուրդը չէր կարող կազդուրվել, չէր կարող ազատագրվել և համաքայլ առաջ ընթանալ քաղաքակրթ ազգերի ու ժողովուրդների հետ: Պետք էր հանել ժողովրդից կրոնական մշուշի քողի տակից, ընդլայնել նրա մտահորիզոնը, դաստիարակել նրան նոր, առաջավոր գաղափարներով, իր լավն ու վատը, իր շարն ու բարին հասկանալու կարողությամբ, առանց որի անհնար էր ձեռք բերել ազատություն:

1861 թ. փետրվարի 10-ին, իր նամակներից մեկում, նալբանդյանը գրում է. «...Յավալի հայոց ազգ, մինչև ե՛րբ պիտո է մնաս մահաբեր քնի մեջ, մինչև ե՛րբ պիտո է քո նախկին կենդանության շունչը աննորոգելի մնա...»⁴:

Այսպիսով, ազգի ազատագրությունը, նրա զարգացումն ու

1 Մ. Նալբանդյան, Երկերի լիակատար ժողովածու, հատ. 2, էջ 103:
2 Նույն տեղում, էջ 263:

3 Մ. Նալբանդյան, Երկերի լիակատար ժողովածու, հատ. 2, էջ 203:
4 Նույն տեղում, էջ 160:

առաջխաղացումը պահանջում են բռնության շղթաների խորտակում, մտքի ու բանականության ազատություն:

Ազատություն՝ն, գոչեցի, թող որոտա իմ գլխին
Փայլակ, կայծակ, հուր, երկաթ, թող դավ դնե թշնամին,
Ես մինչ ի մահ, կախաղան, մինչև անարգ մահու սյուն
Պիտ գոռամ, պիտի կրկնեմ անդադար, ազատություն⁵:

Ազատության այս վեհ գաղափարով նալբանդյանն արթնացրեց և առաջ մղեց հայ հասարակական-գաղափարական առաջավոր միտքը, դաստիարակեց մի ամբողջ սերունդ և նրան նպատակամղեց խավարի ու բռնության դեմ ուղղված ազգային-ազատագրական պայքարի ուղին:

Բռնության ու խավարի դեմ ծավալված այդ սրբազան պայքարում նալբանդյանը հստակորեն տեսնում է առաջավոր գործող ուժերի հաղթանակի անխուսափելիությունը:

«Մենք, վաղ, ուրեմն, գուցե շատ առաջ,— գրում է նա,— քան թե գրիչ առնենք ու հրապարակ իջնենք, գիտեինք, որ խավար շրջապատի մեջ բանտարկվածների համար շատ ցավացուցիչ է ազատ լույսը, թերևս աչքերի նկատմամբ գիտեինք, որ հին խելքերը երբեք համաձայնելու չէին խաղաղությամբ տեղի տալ նոր գաղափարներին, գիտեինք, որ նորը պատերազմով պիտի կանգնեցնեիր դրոշակը հնության ավերակների վրա:

Այս գիտակցությունից հետևցվեց այն, որ հարձակմունքը, թերևս շատ անգամ մեր անձին վերա—փոխանակ մեր գաղափարների, ոչ երբեք կարողացան, և ոչ նաև մի մազի շափ: Խոտորացնել մեզ մեր ուխտյալ ճանապարհից»⁶:

Նալբանդյանը պահանջում է կրկնապատկել ազատության համար մարտնչողների շարքերը, ոտքի հանել ժողովրդին, հույսը դնել նրա վրա և օտարներից երբեք օգնություն չսպասել:

Ժողովուրդը, պատմություն կերտողների պոտենցիան է: Նա է ազգի ազատագրության ու վերածննդի հույսն ու ապավենը, նա է ի վիճակի կործանելու բռնակալների լուծը: Այս հաստատ համոզմանն էր նալբանդյանը: Բայց ժողովուրդը խավար էր ու դեռևս անշարժ, նրան պետք է կոփել շահագործողների դեմ մղվող պայքարում, լուսավորել և զինել առաջավոր գաղափարներով: Առանց լու-

սավորության չի կարող լինել ազատության գիտակցում: Դրա համար էլ նալբանդյանը գրում է.

Ե՛լ, Հայկ, Տիգրանին հիշենք մենք, եղբայրք,
Նորոգենք նոցա փառքը սուրբ անվան,
Գուցե այս կերպով մի ստույգ նոր կյանք,
Առնու խեղճ, այրի մայրն Հայաստան⁷:

Աշխատավոր ժողովուրդը հենց ինքը՝ ազգն է: Այս միանգամայն ձիշտ հասկացողությունից մեկնելով, նալբանդյանը հենց այդ ժողովրդին է համարում ազգի առաջադիմության գործոնը: Որտեղի՞ց պետք է սկսել ազգակազմության գործը, ազգաշինությունը: Նալբանդյանն ուղղակի պատասխանում է.

«Ազգային շինությունը, բնական կերպով, պիտի հառաջանու ցածից—հիմքից, այդ հիմքը հասարակ ժողովուրդն է: Այն մարդը, որ սիրում է ազգը, որ նվիրում է յուր անձը ազգի բարոյական սպասավորության, պարտական է ծառայել ոչ ազգի կուռքերին, այլ հասարակ ժողովրդի օգտին: Հասարակ ժողովրդից կազմվում է ազգության մեքենան, լուսավոր մարդիկ կարող են, և պարտավոր են, զարկ և ընթացք տալ այդ մեքենային»⁸:

Այսպիսով, ժողովրդի գիտակցության բարձրացումը անխզելիորեն կախված է նաև լուսավորությունից: Այստեղից հետևում է, որ նալբանդյանը շատ լավ էր հասկանում այն ճշմարտությունը, որ լուսավորությունից հետո կանգնած մարդը դուրս է քաղաքակալությունից, իր դասակարգային շահերի գիտակցությունից, հետևավապես, ժողովրդի լուսավորության հարցը դարձավ ժամանակակից բոլոր դեմոկրատական-լուսավորական առաջավոր գործիչների մտահոգության կարևորագույն գործը:

Ազգության այդ մեքենային—հասարակ ժողովրդին նվիրեց նալբանդյանն ամբողջ իր գիտակցական կյանքը: Դրա մեջն էր նա տեսնում ամեն մի ազնիվ հայի բարձր առաքինությունը: Նալբանդյանն անարգանքի սյունին էր գամում կղերա-պահպանողականներին, որոնք թշնամաբար էին վարվում ժողովրդի լուսավորության դարգացման և նրա ազգային գիտակցության բարձրացմանը ծառայող առաջավոր մտածողների ու գործիչների նկատմամբ:

«Մեր համար ազգությունը և ամբողջ ազգի կատարելությունը

⁵ Նույն տեղում, էջ 15:

⁶ Մ. Նալբանդյան, Երկերի լիակատար ժողովածու, հատ. 3, էջ 15:

⁷ Մ. Նալբանդյան, Երկերի լիակատար ժողովածու, հատ. 1, էջ 106:

⁸ Մ. Նալբանդյան, Երկերի լիակատար ժողովածու, հատ. 2, էջ 453:

գաղափարը,— գրում է նա,— այնքան ծանր կշիռ ունի, որ դորան պահպանելու և օգնելու մտքով պատրաստ ենք ամենայն զոհաբերություն... Ուստի մաքուր խղճմտանքով և ձեռքերս սրտերիս վրա դրած, ոչ միայն զոհում ենք նորանց, այլ որպես քաղցեական սերմից հառաչացած ծնունդներ քարին ենք դարկում:

Շատ լավ գիտենք, որ մենք այս պատճառով ատելի ենք կացուցանում մեր անձը և այս է պատճառը, որ Հյուսիսսփայլը փուշ է շատերի աչքին...»⁹:

«Մամիկոնյան մեծ Վարդանի պատասխանը» խորագրով ոտանավորով Նալբանդյանը ժողովրդին կոչ է անում ըմբոստանալ ազգուրացների ու խավարամիտների դեմ և սեփական ուժերով կործանել ներքին ու արտաքին բռնակալների լուծը:

Եվրոպայում և Բալկաններում շատ ժողովուրդներ ապստամբությունների ճանապարհով նվաճեցին իրենց ազատությունը և ընթացան քաղաքակրթության ճանապարհով:

«Ազատությունը, այն վսեմական արտորակներ,— գրում է Նալբանդյանը,— վերստին և վերստին սրբված արյունով, հարաբորբոք տառերով գրվում է պայծառ ճակատների վրա, իսկ հայը և այսօր չէ կարող կատարելու պես դուրս հանել յուր ճակատը սև վերարկուի տակից, ուր դարձրելով ահա որջացել են պարկայնք, ազատության բողբոջները մկրտելու համար»¹⁰:

Կղերա-պահպանողականները, փառասեր և շահամոլ հայ էֆենդիները թուրքական փաշաներից և քրդական բեկերից ետ չէին մնում գավառահայությունը հարստահարելու, նրան անասելի զրուկանքներ պատճառելու և երկիրն ամոլյացնելու, մարդկանց բնավեր դարձնելու գործում:

Նալբանդյանը նշում է, որ կղերական խավարամուտները հալածել և արքայի են ժողովրդի լավագույն գավալներին, ազատության ու լուսավորության գրողակալներին, նրանց, ովքեր հավատարիմ և անձնուրաց կերպով ծառայել են ազգին ու ժողովրդին, պայքարել են հայրենիքի ազատության ու անկախության համար:

«Աքսորվեցան, կախվեցան, գլխատվեցան և այլվեցան,— գրում է նա,— բայց նոցա հոգին կենդանի մնաց, յուրյանց ամուլացած հայրենիքի փրատակների մեջ... Յեղով ձեզ, Հայաստանի սարեր, Հայաստանի ձորեր և Հայաստանի նվիրական անտառներ:

Այրարատից մինչև Տորոս, ստիպված եք դուք հնչեցնել միայն հեկեկանք և հռնդյունք Հայաստանի որբ գավալների, հարստահարողների և եկեղեցականների գավազանի տակից»¹¹:

Պատմական անժխտելի փաստերի հիման վրա Նալբանդյանն ապացուցում էր, որ հայ հոգևորականները կրոնական իրենց մոլեռանգություններ, կրոնական քարացած դոգմաներով, ժողովրդի տառապանքների, զաղթականության, սովամահության, ստրկության և այլ դառնությունների պատճառներից մեկն են եղել:

«Ո՛վ հայոց ազգը յուր շահասիրության և պատվամոլության համար երկրից երկիր գաղթեցնելով մի կեսին պատճառ եղավ,— գրում է նա,— օդի և կյանքի հանգամանքներին անսովորությունից, իսկ մյուս կեսին աղքատության և ստրկության սանդուխի ամենաբարձր աստիճանի վերա ոտք կոխելու... Այս բոլորը պատմական ֆակտեր լինելուց հետո, դեռևս հոգևորականությունը պիտի պարծի թե ազգ պահեց»¹²:

Նալբանդյանը միաժամանակ ցույց է տալիս, որ «հնկելի խորենացին, Ղազար Փարպեցին, Խոսրովիկը և շատ ուրիշներ զոհ են դառել հայ հոգևորականության ձեռքով՝ որպես «աղանդավոր»-ներ հռչակված»¹³: Հետևապես, նկատում է Նալբանդյանը, կրոնական ժողովրդի, որպես ազգի մի անդամ, պետք է ծառայի և աջակցի նրա առաջադիմությանը, օգնի նրա զարթոնքին և ոչ թե արգելք լինի նրա ազատագրական հակամարտին:

Ժողովրդին, նրա ազատության ու փառավոր ապագա հաստատելու համար մղվող պայքարին ազնվորեն ծառայելու մեջ էր տեսնում Նալբանդյանը ամեն մի հայի բարձր առաքինությունը: «Մենք,— գրում է նա,— ազատակամ նվիրեցինք մեզ հասարակ ժողովրդի իրավունքը պաշտպանելու: Մեր անձը և գրիչը չնվիրեցինք հարուստներին, նոքա յուրյանց արծաթի թումբերի տակ միշտ անխոցելի են, նաև բռնակալների իշխանության մեջ»¹⁴:

Հետևապես, փողի ուռեցված քսակը չէ մարդու արժանապատվության ցուցանիշը: Իսկական հայրենասերը նա է, ով իր անձնական ողջ կյանքը նվիրում է ազգի ազատագրությանը, նրա բախտավորությանն ու երջանկությանը: Այս է ուսուցանում Նալբանդյանը:

11 Նույն տեղում, էջ 30:

12 Նույն տեղում, էջ 27:

13 Նույն տեղում, էջ 28:

14 Նույն տեղում, էջ 22:

9 Մ. Նալբանդյան, Երկրի լիակատար ժողովածու, հատ. 2, էջ 443:

10 Մ. Նալբանդյան, Երկրի լիակատար ժողովածու, հատ. 3, էջ 29:

«Բայց այն խեղճ հայր,— գրում է նա,— այն հարստահարված, ողորմելի աղքատ, մերկ ու քաղցած հայր, ոչ միայն ճնշված օտարներից և բարբարոսներից, այլև յուր հարուստներից, յուր հոգևորականներից, կիսագրագետ, ուսումնական կամ փիլիսոփա ասվածներից, ահա այն հայր ամենայն արդարացի իրավունքով գրավում է մեր ուշադրությունը և նորան դարձյալ, առանց և վայրկենական երկմտությամբ, նվիրեցինք մեր բոլոր կարողությունը:

Պաշտպանել այն հայի առաթուր իրավունքը է մեր կյանքի բուն խորհուրդը և նպատակը: Եվ այս նպատակին հասնելու համար չէ պիտո ընկճենք ո՛չ բանտի և ո՛չ քսորի առջև, ոչ միայն բանիվ և գրչով, այլև զենքով և արյունով, եթե մի օր արժանի լինենք դենք առնույ մեր ձեռքը և մինչև այժմ քարոզած ազատությունը նվիրագործել և սրբել մեր արյունով:

Ահա վասիկ մեր դավանությունը, որի մեջ տեսնում ենք ազգի փրկությունը»¹⁵:

Այսպիսով, նալբանդյանը ազատության նվաճման կարևոր միջոցը համարում է զենքը և իր օրինակով ժողովրդին զինված ապստամբության է կոչում:

Հետևապես, քանի որ ժողովուրդը արտաքին ու ներքին թշնամիների կողմից տնտեսապես ու քաղաքականապես ստրկացված է և իրավազուրկ, ապա, ուրեմն «Ստրկության մեջ և չի կարող լինել լուսավորություն»¹⁶, Իսկ առանց լուսավորության չկա գիտակցություն:

Արևմտահայ ժողովրդի ազատագրության հույսը նալբանդյանը երբեք չի առնչում ո՛չ Ազգային Սահմանադրության, և ո՛չ էլ եվրոպական տերությունների սատարկման հետ: Նա այդ հարցը կապում է Ռուսաստանում և Եվրոպայում դեմոկրատական հեղափոխությունների հաղթանակի հետ:

Այս առումով խոշոր է եղել նալբանդյանի և նրա ժամանակակից առաջավոր հայ մտածողների, հասարակական գործիչները ու հրապարակախոսների վրա իտալական ժողովրդի ազգային-ազատագրական շարժման ու նրա գաղափարախոսության բարերար ազդեցությունը: Ազատություն! Ահա իտալացի բոլոր ազնիվ հայրենասերների մարտական կոչը, նրանց պայքարի ու հաղթանակի նշանաբանը: Մաձձինիի և Գարիբալդիի առաջնորդությամբ իտալա-

կան ժողովուրդը ազատության դրոշ բարձրացրեց ավստրիական ռոնապետության դեմ և 1859 թվականին, զենքի միջոցով նվաճեց իր անկախությունը:

Անկեղծորեն ողջունելով գարիբալդիականներին՝ նրանց անօրինակ քաջադործությունների համար, նալբանդյանը գրում է. «Չեմ նախանձում Իտալիայի ազատության, դորա հակառակ առ ի սրտե ուրախ եմ, սակայն տեսնելով նորա ազատությունը և իմ ազգի տկարությունը, կրծում է սիրտս և այրվում է հոգիս... էտնան և Վեզուլին ծխում են, Արարատի հին վուլկանի մեջ մի՞թի կրակ կմնա իսպառ... մահաբեր մտածություն»¹⁷:

Իտալական ժողովրդի ազատագրությունը առաջ բերեց բարի նախանձ, հուզեց ազգային-ազատագրական պայքար մղող հայ ժողովրդի ու նրա ազնիվ, անձնուրաց զավակների սիրտը, բորբոքեց նրանց հույզերն ու խոհերը և նրանց էլ ավելի քաջալերեց թշնամու դեմ մղվող պայքարում:

Հայ դեմոկրատներն ու լուսավորականները բարձր են գնահատում «Երիտասարդ Իտալիա»-ի և գարիբալդիականների հերոսական պայքարը և նրանց հետապնդած նպատակը, աշխատում են հայերի ազատագրական շարժումները առաջ մղել նրանց օրինակով:

Իտալական ժողովրդի հաղթանակով ոգեշնչված, նալբանդյանի օրինակով, «Լեոնի վիշտը» պոեմում Շահազիզը քարոզում է ազատություն, կամենում է տեսնել ազատ Հայաստան և այդ նվիրական գործի համար նրա զավակներին մարտի է կոչում:

Ուրե՛մըն թրեր, ուրե՛մըն սրեր,
Թո՛ղ հանդիսանան այստեղ դարավոր,
Թո՛ղ թափվին անպարտ արյան ատուններ,
Դա անմահ գործ է ավետավոր»¹⁸:

Հայաստան աշխարհը տնքում էր օտար բռնակալների դաժան տիրապետության ներքո, ողողված էր նրա ժողովրդի դառն արտասուքով: Վերջ տալ այդ արտասուքին, թոթափել՝ բռնակալների լուծը, ազատել հայրենիքը կապկաված շղթաներից,— գոչում է բանաստեղծը:

15 Մ. Նալբանդյան, Երկերի լիակատար ժողովածու, հատ. 3, էջ 23—24:

16 Նույն տեղում, էջ 72:

17 Մ. Նալբանդյան, Երկերի լիակատար ժողովածու, հատ. 4, էջ 86:

18 Ս. Շահազիզ, Երկեր, Հայպետհրատ, 1947, էջ 191:

Մի վե՛ր կաց, կանգնի՛ր, աշխարհ Հայաստան,
Մի թա՛փ տուր ուժով, թող ճեղքվեն կապանք,
Ահա՛ քեզ արյուն իմ նվիրական,
Թող ցողեն դաշտերդ փրկության հոսանք¹⁹:

Այսպիսով, հայ ժողովրդի ազգային-ազատագրական պայքարի գաղափարախոսությունը, իտալական ժողովրդի ազատագրության օրինակով, նոր շունչ ու նոր թափ ստացավ:

Հակառակ վիկտոր էմմանուել III-ի և Կավուրի, որոնք պահպանում էին միապետական կարգերը իտալիայում, «Երիտասարդ իտալիա»-ն և զարիբալդիականները պայքարում էին ժողովրդական-դեմոկրատական կարգերի հաստատման համար:

1860 թվականին նեապոլից Սվաճյանին գրած իր նամակում Նալբանդյանը բացահայտում է իտալական ազգային-ազատագրական շարժման մեջ գործող դասակարգային-սոցիալական խմբավորումներն ու նրանց հետապնդած նպատակները: Նա իր խոր համակրությունն է հայտնում ժողովրդի կամքն արտահայտող Մաձձինիի և Գարիբալդիի նկատմամբ:

Մաձձինիի և զարիբալդիականների հեղափոխական-դեմոկրատական հայացքները, ժողովրդի գերիշխանությունը հաստատելու ուղղությամբ նրանց ծրագիրն ու գործունեությունը, որոշ դեր խաղաղին Նալբանդյանի հեղափոխական-դեմոկրատական աշխարհայացքի ձևավորման գործում: Պատահական չէ, որ Մարքսն ու էնգելսը Մաձձինիի կուսակցությունը համարում են «Դեմոկրատիայի աստվածաշունչը»²⁰:

Նալբանդյանը ազգի ազատագրության զխավոր ու հիմնական նախապայմանը համարում է նրա տնտեսական զարգացումը: «Երկրագործությունը որպես ուղիղ ճանապարհ» իր աշխատության մեջ Նալբանդյանը մշակեց հայ ժողովրդի ազատագրության կոնկրետ ծրագիրը: Նա մատնանշում է, որ հողը պետք է պատկանի ժողովրդին, առանց որի չի կարող լինել իսկական ազատություն և առանց դրան «Թուգավորում է բռնությունը»²¹:

Առանց տնտեսական խնդրի լուծման, առանց տնտեսական անհավասարության վերացման, չի կարող լինել ժողովրդի ազատագրություն:

«Ազատությունը,— գրում է Նալբանդյանը,— ըստինքյան լուրխոսք է և իրողապես չէ կարող մարմնանա, առանց տնտեսական խնդրի լուծելուն: Ոչ մի ազատ կառավարություն, ոչ մի ազատ օրենսդրություն չէ կարող փրկել մարդը ստրկությունից, մինչև որ մարդը հողի իրավունք ունեցող շխոտովանվի»²²

Այստեղից հետևում է, որ Նալբանդյանը չի բավականանում սովորական բուրժուական կարգերով ու նրանց օրենսդրություններով, որոնք սրբագործում են բուրժուական սեփականությունն ու իրավունքը, իսկ աշխատավոր մասսաները մնում են իրավազուրկ վիճակում:

Իր այդ դրույթից Նալբանդյանը եզրակացնում է. «Այսօր, եթե մի ժողովուրդ ստրուկ է, եթե նա հող չունի և եթե հաջողի նորան հող ձեռք բերել, իրավունքը և ժամանակը պահանջում են տնօրինել այնպես, ինչպես ցույց է տալիս ներկա հարկը, ինչպես ցույց է տալիս բանականությունը, և ոչ այնպես, ինչպես հին օրերից մնացած ավանդական կառավարությունը տնօրինել են մինչև այժմ, այսինքն՝ տերության կամ ազնվականության, սեփականելով հողը և հասարակ ժողովուրդը զրկելով իրավունքից: Վերջին դիպվածում ազգությունը ազատություն չէ ժողովրդին, նա փոխում է միայն նորա լուծը...»²³: Ըստ Նալբանդյանի «ներկա հարկը» և «Բանականությունը» պահանջում են հողի համայնական սեփականություն, որը վերջ կտա մեկի բռնությանը մյուսի նկատմամբ: «Հողը պատկանում է հասարակության, որի ամեն մի անդամ հավասար իրավունք ունի հավասար քանակության վերա, հավիտյանս ժամանակների, և մի կողմից վաճառելու իրավունք չունենալով, իսկ, մյուս կողմից, առանց արգելքի հողը գործելու և արդյունավորելու իրավունքը անկողոպտելի պահելով, այդ հասարակության անդամը և նորա սերունդը հաստատում է յուր կյանքը մի ամուր և ապահով հիմքի վերա և անհնար է, որ նա կամ աղքատության հանդիպի կամ իսպառ կարոտ մնա»²⁴:

Այսպիսով, Նալբանդյանը ուսու հեղափոխական-դեմոկրատների օրինակով, հողը ժողովրդին տալու հետ է կապում սոցիալիզմի իրականացման հեռանկարը, որը, անշուշտ, ուստպիական է: Նալբանդյանը իրավացի կերպով մեղադրում է ֆրանսիական բուր-

19 Ս. Շահգիզ, Երկեր, էջ 198,

20 К. Маркс и Ф. Энгельс, Сочинения, том IX, Москва, 1933, էջ 271:

21 Մ. Նալբանդյան, Երկերի լիակատար ժողովածու, հատ. 3, էջ 56:

22 Մ. Նալբանդյան, Երկերի լիակատար ժողովածու, հատ. 3, էջ 61:

23 Նույն տեղում, էջ 92:

24 Նույն տեղում, էջ 49:

ժուազիային՝ հեղափոխության հիմնական սկզբունքներին դավաճանելու, բուրժուական սեփականությունը սրբազան ու անձեռնմխելի համարելու և հեղափոխությունը իրենց ուսերի վրա տարած բանվորներին ու գյուղացիներին իրավազրկելու համար: «Ազատությունը, հավասարությունը, եղբայրությունը,— գրում է նա,— յուրյանց հիշատակը թողեցին մի քանի ոսկիների վրա, պատերի վերայի կարմիր գրերը դատապարտվեցին մնալ մի սպիտակ ներկի տակ»²⁵:

Նալբանդյանը ձգտում է դեմոսի հեղափոխության հաղթանակին, նրա գերիշխանությանը, առանց որի նա չի պատկերացնում ազգի ազատագրությունը բռնակալների տիրապետությունից: Նրա աչքում ազգը—հենց ինքը դեմոսն է, հասարակ ժողովուրդը, որը իր քրտնաջան աշխատանքով, իր ստեղծագործական եռանդով, իր ջերմ հայրենասիրությամբ և հայրենիքին մինչև վերջ իր նվիրվածությամբ, ազգի բախտավորության ու երջանկության է ձգտում: Դրա համար էլ նա զբաղվում է ազգաշինության հարցով: «Ազգասելով,— գրում է նա,— պիտի իմանալ հասարակ ժողովուրդը և ոչ նորա միջից, նորա քրտինքով ու նորա արյունով առաջացած մի քանի մեծարանք»²⁶:

Ժողովրդի ազատագրության և ազգի բախտավորության հույսը նալբանդյանը առաջին հերթին կապում է երիտասարդության հետ: Նա է կանգնած ազատագրության համար մղվող պայքարի առաջավոր դիրքերում:

Հաստատակամություն, արիություն ու քաջություն, դժվարություններն ու արգելքները հաղթահարելու կարողություն ու անվհատություն, առաջ գնալու հակում, վստահություն արդար գործի հաղթանակի անխուսափելիության նկատմամբ, զարգացման դիալեկտիկայի ըմբռնումը,— այդ է պահանջում նալբանդյանը ազգի ապագան ներկայացնող երիտասարդներին:

Ազգերի ու ժողովուրդների փրկության ուղին նալբանդյանը տեսնում է ազգերի լիակատար ինքնորոշման և ազգային-ազատագրական պայքարի հետևանքով տեղի ունեցող դեմոկրատական հաղթական հեղաշրջման մեջ:

Կառավարման ձևերի փոփոխությունները ազատության հրաշխիք չեն հանդիսանում, ասում է նալբանդյանը: Այդ հրաշխիքը

մարդկանց նյութական հավասարությունն է, իսկ այդ հնարավոր է դառնում այն դեպքում, երբ հողի մասնավոր սեփականությունը կփոխարինվի հողի համայնական սեփականությամբ: «...Թող քառասուն անգամ, եթե կամենան,— գրում է նալբանդյանը,— փոփոխեն կառավարման ձևը, բայց քանի որ հասարակության մի մասը տիրապետող է հողին, իսկ մյուս մասը մնում է մուրացիկ, այնտեղ թագավորում է բռնությունը»²⁷:

Համազգային շարիք հանդիսացող պանդխտության ու գաղթականության գլխավոր պատճառներից մեկը նալբանդյանը համարում է հողազրկությունը, որովհետև «տնտեսական խնդիրը մահու և կյանքի խնդիր է»²⁸, որովհետև «տնտեսական խնդիրն է... այն միակ հաստատ ուժը, որ ազգի անձնավորության մեջ ներգործելով, հավասարակշիռ է պահում արտաքին ուժերի ընդդեմ, որով և ազգությունը ապրում է»²⁹:

Հետևապես, ասում է նալբանդյանը, պետք է «քարոզել տնտեսական խնդիրը, փարոզել մարդը, փարոզել ազատությունը, միստիկներին գայթակղություն և բռնակալներին սահմանադրություն, իսկ հասարակ ժողովրդին փրկություն»³⁰:

Այսպիսով, նալբանդյանը ժողովուրդների ազատագրության ուղին տեսնում է միմիայն ներքևից եկած սոցիալական հեղափոխության, բռնակալների տիրապետության տապալման մեջ:

Թուրքական սուլթանիզմի և ռուսական ցարիզմի բռնակալական իշխանություններից հայ ժողովրդի ազատագրության հույսը: նալբանդյանը կապում է ցարիզմի դեմ ուղղված ռուսական ժողովրդրդական հեղափոխական-դեմոկրատական շարժումների հաղթանակի հետ, որի հետ կապելով միաժամանակ թուրքական և ռուսական բռնակալների կողմից ճնշված, հարստահարված և ստրկացված բոլոր ժողովուրդների ու, այդ թվում, թուրք ժողովրդի ազատագրության հույսը:

Այսպիսին է եղել հայ ժողովրդի ազատագրության նալբանդյանի ծրագիրը, նրա վարքագիծն ու օրինելուացիան: Խոշոր է եղել նալբանդյանի գաղափարական ազդեցությունը արևմտահայ դեմոկրատական-լուսավորական գործիչների, արևելահայ ազգային դե-

27 Մ. նալբանդյան, Երկերի լիակատար ժողովածու, հատ. 3, էջ 56:

28 Նույն տեղում, էջ 61:

29 Նույն տեղում, էջ 73:

30 Նույն տեղում, էջ 91:

25 Մ. նալբանդյան, Երկերի լիակատար ժողովածու, հատ. 3, էջ 49:

26 Նույն տեղում, էջ 54:

մոկրատների, հրապարակախոսների ու գրողների վրա, սուլթանական ուսուցիչի դեմ պայքարող 1870—1880-ական թվականներին առաջացած գաղտնի կազմակերպությունների վրա:

2

ԱՐԵՎԵԼԱՀԱՅ ԱԶԳԱՅԻՆ-ԼԻՔԵՐԱԼ ՀՈՍԱՆՔՐ

Ազգային-լիբերալ հոսանքի առաջացումն ու գործունեությունը կապված են Ստ. Նազարյանցի և Գր. Արծրունու անվան հետ:

Այս հոսանքը նախ՝ «Հյուսիսափայլ»-ի և ապա «Մշակ»-ի միջոցով պրոպագանդում էր նոր զարգացող հայ արդյունաբերական բուրժուազիայի՝ ժամանակին պրոգրեսիվ նշանակություն ունեցող գաղափարախոսությունը, պայքարում էր ֆեոդալական հարաբերությունների վերացման և նոր, կապիտալիստական հարաբերությունների հաստատման համար, պայքարում էր կղերա-պաշտանողականների, խավարամուլների դեմ՝ դպրոցի, աշխարհիկ լեզվի ու գրականության, քաղաքակրթված ու լուսավորված հոգևորականության համար:

Այս հոսանքը կանգնած էր ռուսական օրինետացիայի պաշտպանության դիրքերում, բայց միանգամայն տարբեր նալբանդյանի պաշտպանած ռուսական օրինետացիայից, Մեկը նայում էր դեպի միապետական-բուրժուական-ազնվականական Ռուսաստանը, իսկ մյուսը՝ դեպի աշխատավորական-դեմոկրատական հեղափոխական Ռուսաստանը: Նրանց հետապնդած դասակարգային նպատակները տարբեր էին:

Հայ հասարակական-գաղափարական հոսանքների կողմից պաշտպանված այս կամ այն օրինետացիան հայ ժողովրդի դասակարգային ներհակությունների արտահայտությունն է եղել: «Օրինետացիայի խնդիրը, — գրում է Աշոտ Հովհաննիսյանը, — սոցիալական խնդիր է, ենթակա ժողովուրդների դասակարգային ներհակությունների ներքին դիալեկտիկային»³¹:

Չնայած իրենց հետապնդած բուրժուական նպատակներին, այնուամենայնիվ, ազգային-լիբերալները, պաշտպանելով ռուսական օրինետացիա, արևմտահայերին տալիս էին ճիշտ կողմնորոշում, դաստիարակում էին նրանց մեջ այն հավատը, որ նրանք

31 Ա. Հովհաննիսյան, Հայ-ռուսական օրինետացիայի ծագման խնդիրները, էջմիածին, 1921, էջ 67:

թուրքական բռնապետությունից կարող են ազատվել Ռուսաստանի օգնությամբ:

Միաժամանակ լիբերալների ու նրանց գաղափարախոսների՝ Ստ. Նազարյանցի, Գր. Արծրունու առավելությունները շոշափված հարցերի շրջանակներում այն էր, որ նրանք խիստ կերպով քննադատում ու մերկացնում էին արևմտաեվրոպական դիվանագիտության խաղերն ու խարդախությունները, բարձր էին գնահատում Ռուսաստանի օգնությունը, նրա կուլտուրան ու գրականությունը:

1860 թվականին «Հյուսիսափայլ»-ի էջերում Ստ. Նազարյանցը գրում է. «Հայոց այժմյան գոյությունը Ռուսաստանի օրենքի հավասարության տակ այնքան լավ է, որ ոչինչ համեմատություն չկա մի եվրոպական քրիստոնյա տերություն և մի բռնակալ ասիացի մահմեդական կառավարության մեջ, հայը Ռուսաստանում վայելում է քաղաքական իրավունք, ոչինչ բռնություն չէ հասնում ո՛չ նրա անձին, ո՛չ նրա ընտանիքին և ո՛չ նրա վաստակին, ամենը նա կարող է վայելել օրենքի պաշտպանության տակ, լցուցանելով միայն չոր պարտքը իբրև քաղաքացի մի տերության, որ նյութապես և բարոյապես անուցանում է նրան, և տալիս է ամեն մի հային նույնքան իրավունք, որքան չոր ազգին, ամենեկին անխտիր, իբրև միևնույն թագավորի որդիների»³²:

Անկասկած է, որ Նազարյանցը շատ էր շփազանցնում ցարական Ռուսաստանում ազատությունն ու օրենքը, անտեսում էր ցարիզմի ազգահալած քաղաքականությունը, ցարիզմը, որը միշտ ազգերին հրահրում էր միմյանց դեմ, սերմանում էր ժողովուրդների միջև ազգայնական-ռասայական ատելություն և, հետևապես, հայը չէր կարող համահավասար քաղաքացի ճանաչվել, օրենքի առաջ հավասար լինել, միևնույն թագավորի իրավահավասար որդի լինել:

Շարունակելով իր մտքերը, Նազարյանցը գրում է. «Եվ Ռուսաստանը, մեր բարեմիտ Ռուսաստանը և մեր բարի թագավորը, որի բերանից դուրս են եկել այս մեծ խորհրդավոր խոսքերը... «Да, развивается по всеуду и с новою стремление к просвещению» և թող ամենայն տեղ և նոր զորությամբ աճե ու զորանա ձգտողությունը դեպի լուսավորություն»...³³,

Բայց Նազարյանցը միաժամանակ ճիշտ էր գնահատում Ռուսաստանի օգնությամբ պարսկական բռնապետությունից Հայաստանի

32 «Հյուսիսափայլ», 1860, էջ 270:

33 «Հյուսիսափայլ», 1859, հունվար, № 1, էջ 11—12:

տանի արևելյան հատվածի ազավերու պատմական ակտի նշանակությունը հայ ժողովրդի տնտեսական, կուլտուրական ու քաղաքական կյանքի արթնացման համար: «...Հայերը, — գրում է նա, — ճշմարտապես և իրավացի շնորհակալ են Ռուսաստանին, որ ազատել է նրանց մի անտանելի, անարգական ստրկությունից, և բացել է նոցա առջև մի նոր քաղաքական կյանքի ասպարեզ»³⁴:

Ստ. Նազարյանցը, Գր. Արծրունին, որպես հայ լիբերալների առաջնորդներ ու գաղափարախոսներ, իրենց ունեցած ուսական օրինակագրությամբ, օբյեկտիվորեն օգնում էին հայ և ռուս ժողովուրդների բարեկամությանը: Բայց այդ շեր նրանց հետապնդած բուն նպատակը:

Հայտնի է, որ 1860—1880-ական թվականներին լուրջ հեղափոխումներ են տեղի ունենում նաև կովկասյան ժողովուրդների, և այդ թվում՝ հայ ժողովրդի տնտեսական կյանքում: Կապիտալիզմը սկսում է արագորեն զարգանալ, որը արդյունք էր մի կողմից ռուսական կապիտալի ազդեցության և մյուս կողմից՝ կովկասյան ժողովուրդների պատմական առանձնահատկությունների:

Կովկասում կապիտալիզմի զարգացման առաջին ողջունողը եղավ հայ բուրժուազիան, որովհետև առևտրական կապիտալը հեշտությամբ տեղափոխվում է դեպի արդյունաբերական ձեռնարկությունները, վեր է ածվում արդյունաբերական կապիտալի և դրանով իսկ նա հանդես է գալիս որպես հասարակության խթանող նոր ուժ:

Անարգել զարգացման ու իր ճանապարհին եղած արգելքները հաղթահարելու համար հայ արդյունաբերական բուրժուազիային հարկավոր եղավ ստեղծել իր գաղափարախոսությունը: Այդ գաղափարախոսությունը լիբերալիզմն էր:

Հայ բուրժուազիայի այդ գաղափարախոսության առանցքը կազմեց ազգային հարցը, որի պատվանդանը գործնականորեն դարձավ թուրքական բռնապետությունից արևմտահայության ազատագրությունը և հայ ժողովրդի առանձին հատվածների կոնստիտուցիոնալը, նրա ազգակազմության պրոցեսի ավարտումը, որոնք առաջ քաշվեցին 1877—1878 թվականների ռուս-թուրքական պատերազմի հետևանքով միջազգային իրադրությունների փոփոխման ու Բուլղարիայի և Բալկանյան մի շարք այլ սլավոն ժողովուրդների ազատագրման պայմաններում:

Գրիգոր Արծրունին և «Մշակ»-ի շուրջը համախմբված հրա-

պարակախոսները քարոզում էին ազգային տնտեսության կազմակերպման անհրաժեշտության մասին, պահանջում էին զարգացնել արդյունաբերությունը, նրանք գտնում էին, որ հայ բուրժուազիան կարող է տիրապետող տնտեսական մեծ ուժ դառնալ Կովկասում և իր ձեռքում կենտրոնացնել նրա արդյունաբերությունը: Ուստի նրանք կոչ էին տնում հայերին, որ նրանք բոլոր միջոցները գործադրեն ազգի կապիտալիստական վերածնության համար:

Ազգային լիբերալներն ընդունում էին, որ Ռուսաստանի հովանավորության տակ կովկասահայ բուրժուազիան նյութական ու մտավոր զարգացման համար մեծ հնարավորություններ ունի, իսկ արևմտահայությունը համեմատաբար այդ հնարավորություններից զուրկ է:

Հայ լիբերալները անկախ իրենց հետապնդած դասակարգային-քաղաքական նպատակներից, միանգամայն ճիշտ էին, երբ արևմտահայ ժողովրդի փրկության հույսերը կապում էին Ռուսաստանի օգնության ու նրա զենքի հաղթանակի հետ, կոչ էին անում հայերին օգնել և աջակցել ռուսական զենքի հաղթանակին, ներգրավվել ապստամբական կազմակերպությունների մեջ:

Այս հարցում ևս պահպանողականների դեմ մղված պայքարը վերջանում է լիբերալների հաղթանակով: Հայ բուրժուազիան ու նրա գաղափարախոսությունը տվյալ ժամանակաշրջանում խաղացին պրոգրեսիվ դեր հայ հասարակական, տնտեսական ու քաղաքական կյանքում: Բայց այդ բուրժուազիան ու նրա գաղափարախոսությունը հեղափոխական դեր չեն խաղացել: Բուրժուազիան ու նրա գաղափարախոսությունը երևան եկան այն ժամանակ, երբ նրանց աչքի առջև երևում էր արդեն սոցիալիստական հեղափոխության ուրվականը: Հայտնի իրողություն է, որ Արևմուտքի բուրժուազիայի համեմատությամբ, արևելյան երկրների բուրժուազիան ավելի անհետևողական, թույլ ու երկչոտ էր:

1903 թ. փետրվարի 23-ին «Бакинские известия»-ի էջերում լույս է տեսնում Բ. Կնունյանցի «Մի քանի խոսք «Մշակ»-ի մասին» խորագիրը կրող հոդվածը՝ նվիրված Գր. Արծրունու մահվան 10-ամյակին: Կնունյանցը ճիշտ է գնահատում «Մշակ»-ի պրոգրեսիվ դերը՝ Գր. Արծրունու ժամանակաշրջանում և սուր կերպով քննադատում ու մերկացնում է Քալանթարի և Հ. Առաքելյանի խմբադրած «Մշակ»-ի վարքագիծը: «Այդ օրգանի շուրջը, — գրում է Կնունյանցը, — այն ժամանակ համախմբվել էր այնպիսի հասարակություն, որ անհնարին էր նրանց տալ ընդհանուր բնութագիր:

³⁴ «Հյուսիսփայլ», 1859, էջ 12.

Հայերի մոտ նրանք «լիբերալ» մեկ կատեգորիայի տակ են դրված»³⁵,

Միանգամայն իրավացի է Կնունյանցը: «Մշակ»-ի շուրջը համախմբված ոչ բոլոր գրողներն ու հրապարակախոսներն էին լիբերալներ: Բաֆֆին, Ա. Արփիարյանը և ուրիշներ համախմբված էին «Մշակ»-ի շուրջը, հանդիսանում էին նրա հրապարակախոսները, բայց ազգային դեմոկրատներ էին: Թե Ստ. Շահումյանը և թե Բ. Կնունյանցը բարձր են գնահատում հայ լիբերալների և մասնավորապես նրանց առաջնորդ Գր. Արծրունու դերը հնի դեմ նորի, առաջադիմականի համար մղված պայքարում: Հետևապես, դոցենտ Ա. Ոսկերչյանը անտեղի է կշտամբում Ստ. Շահումյանին, Բ. Կնունյանցին և հայ մյուս հեղափոխական մարքսիստներին՝ Գր. Արծրունուն տված միանգամայն ճիշտ գնահատության համար³⁶:

1860—1880-ական թվականներին ազգային լիբերալիզմն առաջադիմական էր, պայքարում էր սուլթանական Թուրքիայի մեծապետական շովինիզմի հարձակումների դեմ, արտահայտում էր թուրքական բռնապետությունից արևմտահայ ժողովրդի ազատագրական ձգտումը, պայքարում էր հայերի ազգային ուժերի հավաքագրման և մի ամբողջական Հայաստան ստեղծելու համար և այլն: Նացիոնալիզմն ու լիբերալիզմը անբաժան կերպով կապված են միմյանց հետ: «Նացիոնալիզմը եղել է և կա,— գրում է Ստ. Շահումյանը,— այն տարբերությամբ միայն, որ նախկին առաջադիմական ու հեղափոխական նացիոնալիզմը դարձել է այժմ մի ծայրահեղ հետադիմական իդեոլոգիա»³⁷:

Այսպիսով, Նազարյանցի-Արծրունու ժամանակաշրջանի նացիոնալիզմը եղել է առաջադիմական: Հայ մարքսիստների հին սերունդը նիհիլիստորեն չի մոտեցել անցյալի պատմական դեպքերի ու դեմքերի գնահատության հարցին: Նու ըստ արժանավույն գնահատել է Արծրունու ժամանակաշրջանում «Մշակ»-ի խաղաղացած պրոգրեսիվ դերը:

Ստ. Շահումյանը տարբերում է «Մշակ»-ի Արծրունյան ժամանակաշրջանը նրան հաջորդող ժամանակաշրջանից: «Լիբերալիզմից առաջ բուրժուազիան ապրել է դեմոկրատիզմի շրջանը,— գրում է նա,— այժմ նա ապրում է իմպերիալիզմի շրջանը, որ

բուրժուազիայի տիրապետության վերջին շրջանն է. նացիոնալ-դեմոկրատիզմ, ապա նացիոնալ-լիբերալիզմ և այժմ նացիոնալ-իմպերիալիզմ...»³⁸:

Այսպիսին է եղել Ստ. Շահումյանի վերաբերմունքը հայ հասարակական լիբերալ հոսանքի, նրա խաղաղացած դերի և կատարած էվոլյուցիայի մասին: Բայց Ա. Ոսկերչյանը Շահումյանից և Կնունյանցից պահանջում է, որ նրանք Արծրունու մակարդակին դասեն նաև Սպանդար Սպանդարյանին: Նա գրում է. «Բայց նույնպիսի մոտեցում նա (իմա՝ Կնունյանցը—Չ. Վ.) հանդես չի բերել «Նոր դարի» և նրա հիմնադիր՝ Սպանդար Սպանդարյանի գնահատության ժամանակ: Այստեղ արդեն չի կարելի համաձայնվել հարգելի հեղինակի այն ընդհանուր գնահատականի հետ, թե «Նոր դարը» եղել է կղերականության ու հետադիմության արտահայտություն, իսկ նրա շուրջը համախմբվածները եղել են միայն կոնսերվատիվ տարրեր: Ինչպես Գր. Արծրունուն, առանց վերապահության, առաջադիմության ջատագով դարձնելու, այնպես էլ «Նոր դարը» դարձյալ առանց վերապահության, ռեակցիոն օրգան համարելու հարցում Բ. Կնունյանցը որոշակիորեն սխալվում է»³⁹:

Գր. Արծրունին իրոք որ բուրժուական պրոգրեսի ջատագով էր և իրավացի է Կնունյանցը: «Նոր դարը» և նրա խմբագիր Սպանդար Սպանդարյանը հայ հասարակական-գաղափարական կյանքում նույն դերը չեն խաղացել, ինչպիսի դեր խաղացել են «Մշակ»-ը և նրա խմբագիր Գր. Արծրունին: Այս պատմական ճշմարտությունը հասկանում և ընդունում են բոլորը, բայց չի ուզում ընդունել Ոսկերչյանը:

1860—1880-ական թվականներին հայ հասարակական հոսանքների բարոյա-քաղաքական կերպարը որոշող հարցերից զլխավորը՝ հայ ժողովրդի ազգակազմության պրոցեսի ավարտման հետ կապված սուլթանական ուժից արևմտահայ ժողովրդի ազատագրության հարցն էր, Հայկական հարցի լուծումը: Գր. Արծրունին Հայկական հարցի, ազգային-ազատագրական պայքարի գաղափարախոսն էր, ռուսական օրինատացիայի ջերմ պաշտպանը: Իսկ Սպանդար Սպանդարյանը նշված հարցերի նկատմամբ այլ դիրքերումն էր և այնտեղ հասավ, որ պահանջում էր հայերի հյու-հնա-

³⁵ «Бакнинские известия», № 44, 23 февраля 1903.

³⁶ Տես՝ Ա. Ոսկերչյան, Հայ մարքսիստական քննադատության հիմնադիրները, Հայպետհրատ, 1962, էջ 425—441:

³⁷ Ստ. Շահումյան, Երկեր, հատ. 2, Հայպետհրատ, 1957, էջ 298:

³⁸ Նույն տեղում:

³⁹ Ա. Ոսկերչյան, Հայ մարքսիստական քննադատության հիմնադիրները, էջ 430:

զանդությունը սուլթանական բռնապետութեանը և հայ ազգի գոյութեանը պայմանավորում էր Թուրքիայի գոյութեամբ:

Հետևապես, ինչպես կարելի է Գր. Արծրունուն և Սպանդար Սպանդարյանին կշեռքի միևնույն նժարի վրա դնել, Մեր կարծիքով ու համոզմամբ ոչ թե Ստ. Շահումյանն ու Բ. Կոնյանցն են սխալվում, այլ կոպիտ կերպով սխալվում է ինքը՝ Ոսկերչյանը: Հայ ազգային-լիբերալները և նրանց առաջնորդ Գր. Արծրունին 1870—1880-ական թվականներին ճիշտ դիրքավորում ունեին արևմտահայ ժողովրդի ազատագրութեան նկատմամբ, գաղափարական ուղղութեան էին տալիս հայերին՝ նրանց ազգային-ազատագրական պայքարում:

3. Արևմտահայ ժողովրդի ազատագրութեան հարցի վերաբերմամբ իր յուրահատուկ վերաբերմունքը դրսևորեց կղերա-պահպանողական հոսանքը, որի դիրքավորման հետ համերաշխվում էին նաև ազգային-պահպանողականները:

«Մեղու Հայաստանի»-ի, «Նոր դար»-ի խմբագիրներն ու հրատարակիչները բացահայտորեն հանդես էին գալիս հայերի ազգային-ազատագրական շարժման ու նրա գաղափարախոսութեան ժավալման դեմ, պահանջում էին նրանց կույր հնազանդությունը սուլթանական ռեժիմին և արևմտահայերի ինքնուրույն գոյութեան չէին պատկերացնում առանց սուլթանական Թուրքիայի գոյութեանը: Այս վնասակար տեսակետն էր պաշտպանում «Մեղու»-ի հրատարակախոս և «Նոր դար»-ի խմբագիր Սպանդար Սպանդարյանը:

Նշված օրգաններն ու նրանց խմբագիրները արևմտահայ ժողովրդի ազատագրութեան հույսը կապում էին արևմտաեվրոպական տերութեանների հսկողութեան ներքո թուրքական կառավարության բարեկամացողութեան հետ: Կանգնած լինելով արևմտաեվրոպական և, հատկապես, անգլիական օրինատացիայի դիրքերում, այս անձնավորութեանները թշնամաբար էին վերաբերվում այն հոսանքների նկատմամբ, որոնք ունեին ռուսական օրինատացիա և հայ ժողովրդի ազատագրութեան հույսերը կապում էին Ռուսաստանի օգնութեան հետ:

Կղերա-պահպանողական հոսանքի այդ պարագլուխների բռնած դիրքի հետ համերաշխվում էին նաև ազգային-պահպանողական «Կոռնկ Հայոց աշխարհի»-ի հրատարակիչներն ու խմբագիրները, որոնք դատապարտում էին բոլոր այն առաջավոր գործիչներին, հրապարակախոսներին ու գրողներին, որոնք ձգտում

էին դեպի Ռուսաստանը և ճանաչեցին Արևմտյան Հայաստանի միացումը Ռուսաստանին:

Ազգային-պահպանողականների օրգան «Կոռնկ»-ի խմբագիրներն ու հրատարակիչները ողջունեցին դաշնակից տերութեանների՝ Անգլիայի, Ֆրանսիայի ու Թուրքիայի հաղթանակը 1853—1856 թվականների Ղրիմի պատերազմում, պատերազմ, որի ժամանակ դաշնակիցների բլոկի դեմ, ռուսական զորքերի հետ միասին, արիաբար կռվում էին նաև հայ ժողովրդի շատ զավակներ թուրքական բռնապետութեանից արևմտահայ հատվածի ազատագրութեան մեծ հույսերով:

Ազգային-պահպանողականների դիրքերի վրա կանգնած Կ. Շահնազարյանը, Աղաբեկյանը, Հ. Էնֆիաջյանը, Գ. Ախվերդյանը և մյուսները, արտահայտելով իրենց զայրույթը ռուսական ցարիզմի նվաճողական քաղաքականութեան դեմ, չկարողացան տարբերել միապետական Ռուսաստանը հեղափոխական-դեմոկրատական Ռուսաստանից: Հենց այդ էլ նրանց մղեց արևմտաեվրոպական օրինատացիայի ուղին:

Ազգային-պահպանողականները իրենց այդ քաղաքականութեամբ փաստորեն դատապարտում էին արևմտահայերին՝ թուրքական բռնապետութեանից ազատվելու և Ռուսաստանի հպատակութեանն ընդունելու ձգտումների համար: «Պիտի նկատենք, սակայն, — գրում է Աշոտ Հովհաննիսյանը, — որ 60-ական թվականների կեսերին գլուխ բարձրացրած ռեակցիայի պայմաններում ռուսահայ ազգային պահպանողականների միտքը անխտիր կերպով գնաց քաղաքական համակերպողական ճանապարհով: Մինչդեռ, ընդառաջելով ցարիզմի քաղաքականությանը, 70-ական թվականներին ռուսահայ ազգային լիբերալները ակտիվ միջամտութեան էին բերում թուրքահայերի ներքին կյանքին և առաջ քաշում այսպես կոչված «Հայկական հարցի» քննուրկումը, ռուսահայ ազգային-պահպանողականները ընդառաջում են Թուրքիայի Status quo — պաշտպանող արևմտաեվրոպական քաղաքականությանը և դիմադարձ լինում թուրքահայ ազատագրական շարժումից»⁴⁰:

Պահպանողական այդ երկու հոսանքներն էլ արևմտահայ ժողովրդի ազատագրութեան հարցում միևնույն դիրքավորումն ունեին: 1875 թ. փետրվարի 4-ի առաջնորդողում «Մեղու Հայաստանի»-ն գրում է. «Արևելյան բրիտանիայք, թե՛ հայք և թե՛ այլք,

40 Ա. Հովհաննիսյան, Նախնայանք և նրա ժամանակը, հատ. 2, էջ 57:

իրենց վիճակի փոփոխությունն ու իրենց ազատությունը պետք է հուսան եվրոպայի մեծ տերությունց մարդասիրությունից և պաշտպանությունից, իրենք իրենց ուժով գործ տեսնել անկարող են: Այս է մեր անձնական կարծիքը»⁴¹:

Նույնով Բալկանյան ժողովուրդների ազգային-ազատագրական շարժումների մասին և դրա հետ միասին դատապարտելով հայերի ադատագրական շարժումները, «Մեղու Հայաստանի»-ն գրում է. «Մինչև ե՞րբ պետք է սուլասենք, ուրեմն, որ Տաճկաստանի հայերն էլ վայելեն ազատ քաղաքական իրավունքներ»: Իր այդ հարցին տեղն ու տեղը պատասխանում է. «Մինչև այն ժամանակ, երբ նորա կղարգանան գիտությունը և ուսմամբ... Երկուս ու կես անբարեկարգ դպրոցներով, թերուս ազգային մշակներով և հողմ տարածող պուրիթիստներով ազգերը երբեք հասած չեն իսկական ազատության գաղափարին...»⁴²:

Այդ ոչ ճիշտ դրույթից ելնելով մեղավականները դատապարտում էին այն հայերին, որոնք ուսական գործերի հետ միասին 1877—1878 թվականների ուս-թուրքական պատերազմի ժամանակ կոչում էին Թուրքիայի դեմ, աջակցում էին ուսանների հաղթանակին: «Մի՞թե մինչև այժմ հայերը չհասկացան,— գրում է «Մեղու Հայաստանի»-ն,— որ ուսաց կառավարությունն և ոչ էլ նրա զորքերը կարող չեն նոցա համակրության արտաքին ցույցերին, որոնց հետևանք է լինում նոցա թշվառությունը... Ռուսաստանը եթե պատերազմ հայտնել է քրիստոնեից ազատության համար, երբեք չի ցանկացել, որ նոքա իբրև անդեն և թույլ խղճուկներ կոտորվեն իրենց անխոհեմությունը...»⁴³: «Մեղու Հայաստանի»-ի խմբագրությունը սխալվում էր: Նախ, որ Ռուսաստանի և նրա բանակների համար ստրատեգիական նշանակություն ունեին հայերի կողմից եղած համակրությունն ու աջակցությունը՝ պատերազմում հաղթանակ շահելու համար: Երկրորդ, որ Ռուսաստանի կողմից մղված պատերազմը առաջին հերթին և գլխավորապես հետապնդում էր ուսական ցարիզմի զավթողական նպատակը և ոչ թե քրիստոնյա ժողովուրդների ազատագրությունը: Չնայած ուսական ցարիզմի նպատակներին, այնուամենայնիվ, այդ ժողովուրդները Ռուսաստանի հաջողությունների հետ էին կապում իրենց փրկության հույ-

41 «Մեղու Հայաստանի», № 5, 1878:

42 «Մեղու Հայաստանի», № 29, 1876:

43 «Մեղու Հայաստանի», № 28, 1877:

սը: Բալկանյան սլավոն ժողովուրդները թոթափեցին թուրքական լուծը Ռուսաստանի օգնությամբ:

Բեռլինի դաշնագրի 61-րդ շարաբաստիկ հոդվածից հետո, երբ հայ ժողովուրդը հիասթափված էր կոնկետիվ միջամտության եվրոպական տերությունների սին խոստումներից, մեղավականները պահանջում էին համբերատար կերպով սպասել նրա դրական հետեվանքներին: «Շատերը կարծում են,— գրում է «Մեղու Հայաստանի»-ն,— որ տաճկահայերի հարցը քննցավ, կրք նոցա հիշատակագիրը դեսպանաժողովում ընդունելություն չգտավ և չքննվեցավ. ուստի և շատերի մեջ հուսահատություն է երևում, մանավանդ տաճկահայերի... Մենք կարծում ենք, որ այդպիսի երկյուղը տեղի չունի...»⁴⁴:

«Մեղու Հայաստանի»-ն 1878 թվականը համարում է «նշանավոր տարի», որովհետև «նա դարազուլուս եղավ հայ ազգի պատմության մեջ...»⁴⁵:

Մեղավականների կարծիքով Ազգային ժողովի գործիչները՝ Ստեփան Փափազյանի, Գրիգոր Օտյանի և մյուս էֆենդիների խելք քաղաքականությամբ հայերը կհասնեն բարենորոգումների:

«Զերկբայենք և հավատանք,— գրում է «Մեղու Հայաստանի»-ն,— որ Ստեփան փաշայի և Օտյան էֆենդիի գործունեությունը... խեղճ հայ ազգի վիճակի բարորության հիմք դնեն, շնորհիվ Բ. Դոան և եվրոպական տերությունց մարդասեր հայացվածքների և կանմահացնեն իրենց անունները հայ պատմության էջերում»⁴⁶:

Թերթի այդ նույն համարում «Փ. Ա. Օտյան էֆենդի» խորագիրը կրող հոդվածում սոված է. «Օտյան էֆենդին Բ. Դոան այն հավատարիմ և ուղղախոհ հայ պաշտոնյաներից է, որոնք աշխատում են հայ ազգի շահերը կապել օսմանյան պետության շահերի հետ»⁴⁷:

Որ Օտյան էֆենդին և հայ էֆենդիները Բ. Դոանը հավատարիմ էին, այդ հասկանալի է: Բայց ինչու՞ հայ ազգի շահերը պետք է կապվեն օսմանյան պետության շահերի հետ, այդ անհասկանալի է, այն պետության, որը Բեռլինի դաշնագրից հետո հայերի արտաքսման, ասիմիլացման և բնաջնջման կուրսն էր վերցրել:

«Մեղու Հայաստանի»-ի խմբագիրները գտնում էին, որ Հայ-

44 «Մեղու Հայաստանի», № 31, 1878:

45 «Մեղու Հայաստանի», № 50, 1872:

46 «Մեղու Հայաստանի», № 40, 1872:

47 Նույն տեղում:

կական հարցը արդեն լուծված է 61-րդ հոդվածով և, հետևապես, որիչ ճանապարհ չկա նրա լուծման համար:

«Այս գաղափարներն են հայոց հարցի վճռողն ու ոչ ոնայն ցույցեր, այս գաղափարների ծառա և պաշտպան են Եվրոպայի լուսավորչալ տերութիւնը և ազգերն, որոնց բարոյական ճնշումն շատ ավելի դորեղ է, քան մի քանի անգոր հայ երիտասարդների աննշան ցույցերը...»⁴⁸:

Փակելով իրենց աչքերը սուլթանական Թուրքիայում գավառահայութեան համար ստեղծված օրհասական դրութեան առջև, մեղավականները դատապարտում էին հայերին՝ ապստամբութիւններ և ցույցեր կազմակերպելու համար: Նրանք գտնում էին, որ հայերը իրենց խոհեմությամբ, թուրքական բռնապետութեանը իրենց հանգիստ հնազանդութեամբ միայն կկարողանան հասնել բարենորոգումների:

«Մենք կարծում ենք,— գրում է «Մեղու Հայաստանի»-ն,— որ այսպիսի ընթացքով մեր Կ. Պոլսի եղբայրք ավելի կգրավեն թե Եվրոպայի և թե Տաճկաստանի կառավարութեան համակրութիւնը, քան նախորդ բուռն միջոցներով...»⁴⁹:

Մեղավականները համառորեն պնդում էին, որ «տաճկահայերը պետք է հուսան անկասկած Եվրոպայից իրենց ազատութիւնը»⁵⁰: Հայ ժողովրդի ազատագրութեան հույսը կապելով արևմտաեվրոպական տերութիւնների օգնութեան հետ, նրանք այնտեղ հասան, որ կապիտալիստական խոշոր տերութիւններին հռչակեցին որպես փոքր ազգերի ու ժողովուրդների շահերի «պաշտպաններ», այն տերութիւններին, որոնք այդ ազգերին ու ժողովուրդներին ծառայեցրել են իրենց զավթողական-եսական շահերի համար և այդ ժողովուրդների անբախտութեան, զրկանքների ու տառապանքների վրա կառուցել են իրենց շահութաբեր գործարքները:

«Մեծ ազգերը միշտ պաշտպան են եղած փոքր ազգերին,— գրում է «Մեղու Հայաստանի»-ն,— նոցա առաջանալուն և զարգանալուն նպաստած են, մանավանդ ճնշյալ ազգերուն: Վերջին ոռտաճկական պատերազմի ժամանակ, որ հանուն Տաճկաստանի բրիտանոյա ազգերու ազատութեան մղվեցավ, զարթեցավ և տաճկահայոց վիճակի բարենորոգման հարցը: Տարակույս չկա, որ հինդ հարյուր տարի ճնշված տաճկահայք ազատութեան ձայն լսելով Եվ-

րոպայից հափշտակվեցան և իրենց ուրախութեան ցույցերը գուցե և շափազանցութեան հասցրին»⁵¹:

Մեղավականները մեղադրում էին մշակականներին, որոնք մերկացնում էին Անգլիայի շահադիտական դիտավորութիւնները և նրա վարած հակահայկական քաղաքականութիւնը: 1880 թ. մայիսի 14-ի իր առաջնորդողում անհիմն հարձակումներ սկսելով «Մշակ»-ի հրապարակախոսների դեմ, «Մեղու Հայաստանի»-ի հրապարակախոս Սպանդար Սպանդարյանը գրում է. «Ուստի և սխալ և վնասակար էին այն ծուռ կարծիքները, որ հայ ժողովրդի մեջ տարածվեցան Անգլիայի վերաբերմամբ, շնորհիվ մեր մի քանի կարճատես և միմոս քաղաքագետների ու հրապարակախոսների, որոնք շամաչեցան Անգլիայի կառավարութիւնը տգետ, շահամուրարբարոս և այլ սոցա նման տիտղոսներով կնքելու»⁵²:

Սպանդարյանը գտնում է, որ Անգլիան հայերի միակ «բարեկամ» պետութիւնն է եղել և նրա շահերը չեն հակասել հայերի շահերին: Նա գրում է, որ նախ՝ հայերը պատրաստ չեն ինքնուրույն կյանքի, այսինքն՝ ինքնավարութեան համար: Եվ երկրորդ, որ ինքնավարութիւն ստանալով, հայերը գործիք կդառնային Ռուսաստանի ձեռքում՝ Անգլիայի դեմ:

Ամեն կերպ պաշտպանելով Անգլիային և քարկոծելով մշակականներին, պաշտպանելով իր նիհիլիստական կոնցեպցիան, Սպանդարյանը գրում է. «Մենք միշտ, տարիներ առաջ ասել ենք, որ Անգլիայի շահերը պահանջում են, որ Տաճկահայաստանը ստանա վերանորոգութիւններ, մենք միշտ պնդել ենք և հիմա էլ համոզված ենք, որ Անգլիայից հայ ազգութեանը երբեք վտանգ չի սպառնում, և չի էլ կարող սպառնալ»⁵³:

Սպանդար Սպանդարյանը մեղադրում էր արևմտահայերին այն բանի համար, որ նրանք իրենց օրինական դայրութեան էին արտահայտում Բեռլինի դաշնագրով հայերի կոլեկտիվ խնամակալութիւնը ստանձնած եվրոպական տերութիւնների նկատմամբ: «Թշվառ Հայաստանի հեզ զավակները գուցե կարծում են,— գրում է նա,— որ ազգային գործերը վատ վիճակի մեջ են, առաջ չեն գնում նրա համար, որ 61-րդ հոդվածը չի կատարվում, որ եվրոպական տերութիւնները հայ ազգի վիճակին անտարբեր են, որ Դուռը դեմ

⁴⁸ «Մեղու Հայաստանի», № 65, 1879:

⁴⁹ Նույն տեղում:

⁵⁰ Նույն տեղում:

⁵¹ «Մեղու Հայաստանի», № 85, 1879:

⁵² «Մեղու Հայաստանի», № 35, 1880:

⁵³ «Մեղու Հայաստանի», № 182, 1881:

է հայերին... Ո՛չ, ամենևին ո՛չ: Ազգի թշվառ դրութեան զխավոր պատճառն այն է, որ գործողներ չկան»⁵⁴:

Իսկ երբ Խրիմյան Հայրիկը, Մ. Փորթուզալյանը և Կ. Կամսարականը և մյուսները Վանում ղեկավարում ու ուղղութիւն էին ցույց տալիս ժողովրդի ազգային-ազատագրական շարժումներին, Սպանդարյանը պահանջում էր դատապարտել նրանց: «...Նրանք պետք է հայհոյեն իրենց բարերարները,— գրում է նա,— պետք է երկրից արտաքսեն, հալածեն իրենց բարեխղճութեան համար աշխատողները...»⁵⁵:

«Մեղու Հայաստանի»-ի դադարումից հետո, Սպանդար Սպանդարյանի խմբագրութեամբ լույս աշխարհ եկավ «Նոր դար»-ը, որը շարունակեց իր նախորդի տրագիգիաները: Այդ իր օրգանը Սպանդարյանը նորից ծառայեցրեց անգլիական օրինատացիայի պաշտպանութեանը՝ ընդդեմ ռուսական օրինատացիայի:

«Միմիայն այսքանը կասենք,— գրում է նա,— որ տաճկահայերը չպետք է վհատվեն, հաստատ գիտենալով, որ մինչև այսօր ապրող ժողովուրդը չի մեռել, եթե ինքն իրեն չսպանեն:

Մենք մեր կողմից Անգլիային միշտ տաճկահայերի բարեկամ ենք ճանաչել և անցյալում աշխատել ենք զգուշացնել տաճկահայերին այն հրապարակախոսներից, որոնք ճիգ էին թափում Անգլիային թշնամի ներկայացնել տաճկահայերին»⁵⁶:

Այսպիսով, Սպանդարյանը հայերի ազգային-ազատագրական շարժումները, ազատագրական սլաքարի գաղափարախոսութիւնը և այդ ուղղութեամբ հրապարակի վրա եղած նախնականի, Շահագիզի, Ռ. Պատկանյանի, Բաֆֆու, Արծրունու և մյուսների աշխատութիւնների ընթերցումը համարում է ինքնասպանութեան քայլ և խորհուրդ է տալիս հրաժարվել այդ քայլից և ազատագրութեան հույսը սպասել Անգլիայից:

Նիհիլիստորեն գնահատելով հայ ժողովրդի պատմական անցյալը, խաչ քաշելով օտար բռնակալների դեմ նրա մղած հերոսական ու անձնուրաց պայքարի տրագիգիաների վրա, Սպանդարյանը փորձում է ապացուցել, որ հայերը միշտ էլ հեղութեամբ տարել են բոլոր բռնակալների լուծը և այդպես էլ պետք է տանեն թուրքական բռնապետութեան լուծը:

«Անմտության հերոսներ» վերնագրով «Նոր դար»-ի առաջնորդող հոդվածում Սպանդարյանը գրում է. «Ամենահին ժամանակներից հայ ազգը հայտնի է իբրև վերին աստիճանի տիրաւեր և հավատարիմ հպատակ: Փաստ է, պատմական անհերքելի փաստ, հայն յուր հարազատ, արյունակից տերին այնքան անձնվիրաբար չի ծառայել, որքան օտարին... Մեր կրոնը մեզ պատվիրում է՝ թե՛ ծառայք, հնազանդ եղեմք ձեր տերերին»⁵⁷: (Ընդգծումները մերն են—Ն. Վ.):

Այս տողերը Սպանդարյանը գրում էր այն ժամանակ, երբ Աբդուլ-Համիդի կառավարութիւնը ձեռնարկել էր հայերի ֆիզիկական ոչնչացման վաղօրոք մշակած իր նողկալի ծրագրի իրագործումը:

Սպանդարյանը արևմտահայերի համար ձեռնտու էր համարում մնալ թուրքական բռնապետութեան ներքո, քան միանալ Ռուսաստանին: Նա արևմտահայերի ինքնտրույն գոյութիւնը չէր պատկերացնում առանց թուրքիայի: Դրա համար էլ պահանջում էր հլու-հնազանդ ու խոհեմ հպատակութիւն նրա կառավարութեանը: «Թուրքահայերը այնքան խոհեմ կլինեն և անցյալից խրատված,— գրում է նա,— որ ջրից դուրս գալուց առաջ կնայեն, որպեսզի կրակի մեջ չընկնեն, և այնպես չանեն, որ իրենց վերայի եղան լուծը հանելով՝ ձիու խամուտը չհագնեն: Հետևաբար թուրքահայերը խոհեմութեամբ և զգուշութեամբ կվարվեն և հավատարիմ մնալով կառավարութեան, կաշխատեն հենց այդ վերջինից ձեռք բերել իրենց հուսալի իրավունքները և մարդավայել կացութիւն, քանի որ իրենց բախտը կապված է թուրքիայի գոյութեան հետ»⁵⁸:

Սպանդարյանը արևմտահայերին կշտամբում էր նաև ինքնապաշտպանութեան փորձերի դիմելու համար այն դեպքում, երբ սուլթանի կառավարութիւնը նրանց զրկել էր ինքնապաշտպանութեան դիմելու բոլոր հնարավոր միջոցներից:

«Նոր դար»-ի էջերում տպագրված էր գրումից ստացված թղթակցութեան մեջ ասված է, որ «թուրքական կառավարութեան համար բավական է մի շնչին կասկած այս կամ այն հայի վրա, որ առանց դատի ու քննութեան աքսորեն նրան Արաբիա կամ Եգիպտոս, որ մարտ ամսվա սկզբներում թրքական սլազակախմբերը հարձակվեցան Խարբերդի մոտ գտնված Հիսսենիկ գյուղի վրա... սկսեցին անգթաբար կոտորել հայերին և հափշտակութիւններ և ավերում-

⁵⁴ «Մեղու Հայաստանի», № 39, 1884.

⁵⁵ «Նոր դար», № 17, 1884.

⁵⁶ «Նոր դար», № 6, 1884.

⁵⁷ «Նոր դար», № 127, 1894.

⁵⁸ «Նոր դար», № 131, 1886.

ներ գործել: Այդ ժամանակ հայ գյուղացիները պաշտպանվում էին մահակներով: Տեղական վարչությունները հայերի պաշտպանությունը ապստամբություն համարելով, իսկույն 40 հոգի ձերբակալեցին և կալանավորեցին»⁵⁹:

Այդ նույն թղթակցության մեջ միտժամանակ ցույց է տրված, որ թուրքական կառավարության ապօրինի և անօրինական գործողությունների հետ միասին, հայերին տանջում են քրդական բեկերն ու չերքեզները՝ նրանց վրա սիստեմատիկ հարձակումներ գործելով՝ մնալով բոլորովին անպատիժ: Թղթակիցը նշում է, որ «ամբողջ երկիրը համարյա թե ամայացրել ու ծածկել են սավանդով»⁶⁰:

«Մի թղթակցության առթիվ» առաջնորդող հոդվածում Սպանդարյանը գրում է. «Ձարմանալի չէ, որ այդպես լինի: Այստեղ կարելի է Մուլերի մի կոմեդիայի մեջ յուր կնոջից նեղացած ամուսնու ասած խոսքը կրկնել: «Դու ինքդ կամեցար այդ, ժոժո Դադեն»: Իրենք՝ մեր անխոհեմ բախտախնդիր հերոսները կամեցան, որ թուրք իշխանությունը կասկածանքով նայե իրեն հպատակ հայերի վրա: Իրենք՝ այդ թեթևամիտ, վախկոտ և շահախնդիր հայերը իրենց մասնավոր հաշիվների համար չեղած տեղը հրդեհ փռացին, թշնամի չեղած տեղը՝ մեծ կոտորածներ արին, գինու բաժակների շրխկոցները թշնամուն իբրև հրացանների թնդյուններ ցույց տվին...»⁶¹: Փաստորեն Սպանդարյանը ասում էր այն, ինչ ասում էին և ասում են պատմության թուրքական կողմարարները:

Թուրքական կառավարության կողմից հայերի բնաջնջման ծրագրի կետերից մեկն էլ արհեստական սովի կազմակերպումն էր:

Մենք նախորդ գլուխներում այդ հարցը քննարկել ենք հանգամանորեն: Մեր խնդիրն է այստեղ ցույց տալ, թե ինչպիսի՞ դիրք էին գրավում կղեռ-պահպանողականները դեպի այդ և նրա հետեւանքով ուժեղացած հայերի արտագաղթը: «Տառապյալ գեյթունցիներ լինե՞ր մասին» առաջնորդող հոդվածում, խոսելով Ջեյթունում և Վասպուրականում տեղի ունեցած և սիստեմատիկորեն կրկնվող սովի համաճարակի մասին, Սպանդարյանը հանցավոր չի համարում թուրքական կառավարությունն ու նրա վարած քաղաքականությունը, այլ, ընդհակառակը, նա գտնում է, որ «վեհ սուլթանը

առաջինն է, որ օգնության ձեռք է մեկնում յուր տառապյալ հպատակներին»⁶²:

Իր այս սխալ տեսակետից ելնելով, Սպանդարյանը նախատում է հայերին, որոնք հարկադրաբար գաղթում էին կամ բռնում էին պանդխտության ուղին՝ մի կտոր հաց վաստակելու, իրենց կյանքն ու ընտանեկան պատիվը պաշտպանելու համար: «Քաղթելու հակումը հայերի մեջ» վերնագրով առաջնորդող հոդվածում Սպանդարյանը գրում է. «Այսօր էլ տեսնում ենք, որ հայերը գաղթում են օտար երկրներ ամենայն պատրաստակամությամբ, թեպետև ստիպողական հանգամանքներ չկան»⁶³:

Այսպիսով, Սպանդարյանը ժխտում է թուրքիայում հայերի հողազրկումը, նրանց նկատմամբ գործադրված սոցիալական և ազգային ճնշումը, նրանց հարստահարությունների ու իրավազրկության ուժեղացած փաստերը: Այդ բոլորը նա գաղթականության «ստիպողական հանգամանքներ» չի համարում: Ապա ո՞րն է եղել հայերի գաղթի դիմելու դրդիչ պատճառը: Սպանդարյանը պատասխանում է, որ գաղթը հայերի կողմից վաստակի հետևից վազելու ձգտումն է: «Քաղթելու բուն շարժառիթն այն է,— գրում է նա,— որ կարծում են թե կարճ ժամանակում ավելի դյուրին միջոցով մի հայտնի փումարի տեր կդառնան»⁶⁴:

Մի քանի տարի անց նորից անդրադառնալով այդ հարցին, Սպանդարյանը նշում է, որ Փոքր Ասիայից ավելի քան 40.000 հայեր գաղթել են: Բայց ինչու: «Ով ինչ ուզում է թող ասի,— պատասխանում է նա,— բայց մենք հայերի մեջ գաղթելու ձգտումը վերագրում ենք նրա առևտրական հոգուն... Մեր ամեն գործերի մեջ տիրապետող ոգին՝ առևտրական հոգին է»⁶⁵:

«Թրեհայ գաղթականության խնդիրը» վերնագրով մի այլ առաջնորդող հոդվածում Սպանդարյանը փաստորեն պահանջում էր փակել Կովկասի դռները թուրքիայից գաղթող հայերի առջև:

«Պետք է ապագա գաղթականության առաջն առնելու համար,— գրում է նա,— վանի, Մուշի և այլ գավառների հայ հասարակություններին հասկացնել, որ Կովկասում ոսկու հանք չկա, և թե իրենք հայրենի երկիրը ձգելով, նրանք ավելի մեծ թշվառության են դիմում»⁶⁶:

59 «Նոր դար», № 91, 1886:

60 Նույն տեղում:

61 Նույն տեղում:

62 «Նոր դար», № 4, 1888:

63 «Նոր դար», № 9, 1888:

64 Նույն տեղում:

65 «Նոր դար», № 102, 1890:

66 «Նոր դար», № 129, 1894:

1890—1896 թվականներին, երբ հայ ժողովուրդը օրհասական վիճակումն էր, Սպանդարյանը գտնում էր, որ «Թուրքահայերը խաղաղ և անդորր կացություն ունին»⁶⁷: Ավելին. «Հայաստանի հայերի մասին» վերնագրով հոդվածում «Նոր դար»-ի խմբագրությունը սկսեց մեղադրել եվրոպական պրոպեգանդիստներին այն բանի համար, որ նրանք «Մշակ»-ի հրատարակատեսակների օրինակով «չափազանցում» էին Մուսա բեկի անվան հետ կապված հայերի նկատմամբ գործադրված շարագործությունները: Իսկ երբ հայերը այլևս դիմանալ չկարողանալով գաղթում էին, նա պահանջում էր, որ նրանք «իրենց երկրում մնան, և ինչպես առաջ, այսուհետև էլ հավատարիմ մնան իրենց պետին՝ սուլթանին և պաշտպանեն իրենց անձը»⁶⁸:

«Թուրքահայերի արդի դրությունը» վերնագրով առաջնորդող հոդվածում Սպանդարյանը դատապարտում էր արտասահմանից Թուրքիա ուղարկված թերթերի խմբագրություններին, որոնք դրանով ալեկոծում են հայերի անդորրությունը և տեղիք են տալիս սուլթանին զայրանալու և պատժելու նրանց իբրև ապստամբների: Նա պահանջում էր, որ հայերը հրաժարվեն ազգային-ազատագրական պայքարից և հեղաբար գլուխ խոնարհեն սուլթանի իշխանության ամենակարողության առաջ:

«Քանիցս անգամ առիթ եղած տեղը ասել ենք և այս անգամ էլ մեր ձայնը բարձրացնելով պիտի կրկնենք այն միտքը, — գրում է Սպանդարյանը, — ազգի կենսական շահերը պահանջում են, որ թրքահայերը հավատարիմ լինեն օսմանյան պետության... որ օսմանյան պետության բարգավաճումը թրքահայերի գոյության խնդիրն է, ինչպես և նրա անկումը՝ թրքահայերի անհետանալն աշխարհիս երեսից... Ամեն տեղ հայերը պետք է որ հավատարիմ լինեն իշխող կառավարության, թրքահայերը եղել են և միշտ էլ պետք է լինեն հավատարիմ իրենց կառավարության, մանավանդ որ դրանով է պայմանավորված ազգի գոյությունը»⁶⁹ (ընդգծումը մերն է—Չ. Վ.):

Թուրքիայում տիրող ռեակցիայի ժամանակ, երբ տեղի էին ունենում ձեռքարկություններ, հետապնդվում էին մամուլը, գրականությունը, փակվում էին դպրոցները և այլն, Սպանդարյանը իր

օրգանով հանդես էր գալիս հերքողի դերում և պաշտպանում թուրքական կառավարությանը: Նա գրում է. «Ընդհակառակը, մենք մինչև օրս այնպես ենք հավատացած, որ հայ դպրոցները Թուրքիայում և Հայաստանում կարող են ազատ գոյություն ունենալ և ունին, որ հայոց կրոնը, կրոնի և մայրենի լեզվի ուսումն և այլն վայելում են կատարյալ ազատություն»⁷⁰:

Այս դատողությունից հետո Սպանդարյանը գրում է, որ «Քրիստոնյա եվրոպան չէ, որ Երուսաղեմի վրա ունեցած հայոց դարավոր իրավունքները պաշտպանում է, այլ թուրք կառավարությունը... Մի քանի անմիտների արարքը հարուցել են թուրք կառավարության կասկածները հայերի դեմ և դրանից է առաջացել այն ձեռքարկությունները, դպրոցների փակումը, որոնց մասին եվրոպական թերթերը չափազանցած լուրեր են հաղորդում»⁷¹:

Այսպիսով, Սպանդար Սպանդարյանը բացահայտորեն կանոնած էր հայ ժողովրդի թշնամիների պաշտպանության դիրքերում և իր գաղափարախոսությամբ արդարացնում էր սուլթանական կառավարության հայաջինջ քաղաքականությունը: Այս բոլորից հետո դոցենտ Ա. Ոսկերչյանը կշտամբում է Բ. Կնունյանցին և պահանջում է Սպանդար Սպանդարյանին դասել Գր. Արծրունու շարքում, որը դատապարտելի է:

Ամփոփենք. Մ. Նալբանդյանի գլխավորած հեղափոխական դեմոկրատ հոսանքը միանգամայն իրավացի էր, երբ արևմտահայերի ազատագրության հարցը լծորդում էր համաեվրոպական և, գլխավորապես, ռուսական դեմոկրատական հեղափոխության հաղթանակի հետ:

Ազգային-լիբերալները՝ որպես հայ բուրժուազիայի գաղափարախոսներ, խորշում էին սոցիալական հեղափոխություններից, բայց արևմտահայերի ազգային-ազատագրական շարժման գործում դրական դեր խաղացին, որովհետև այդ հարցը սերտորեն կապված էր հայ ժողովրդի ազգային ուժերի կոնսոլիդացման և ազգակազմության պրոցեսի ավարտման հետ: Կանգնած լինելով ռուսական օրինատացիայի դիրքերում, նրանք, անկախ իրենց հետապնդած դասակարգային-քաղաքական նպատակներից, ճիշտ կողմնորոշում էին տալիս արևմտահայերին՝ իրենց ազատագրության համար մղվող պայքարում:

67 «Նոր դար», № 221, 1894.

68 «Նոր դար», № 130, 1889.

69 «Նոր դար», № 17, 1888.

70 «Նոր դար», № 20, 1888.

71 Նույն տեղում:

Կղերա-պահպանողական հոսանքը արևմտահայերի ազատագրությունը կամ Հայկական հարցի լուծումը կապելով եվրոպական մեծ տերությունների հսկողության ներքո սուլթանական Թուրքիայի բարեկամեցողության հետ, իրականում ապակողմնորոշում էր հայերին և արգելք դառնում նրանց մղած ազգային-ազատագրական պայքարին: Ավելին. այդ հոսանքի ղեկավարներն ու նրանց օրգանները արդարացնում էին սուլթանական կառավարության հակահայկական քաղաքականությունը: Այդ են ասում վկայակոչված բազմաթիվ անհերքելի փաստերը:

Գ Լ Ո Ւ Խ Յ Յ Ո Ք Ե Ր Ո Ր Կ

ՀԱՅ ԱԶԳԱՅՆԱԿԱՆ ԿՈՒՍԱԿՑՈՒԹՅՈՒՆՆԵՐԸ ԵՎ ԱՐԵՎՄՏԱՀԱՅ ԺՈՂՈՎՐԿԻ ԱԶԱՍԱԳՐՈՒԹՅԱՆ ՆՐԱՆՑ ՄԱԿՐԵՐՇ ՈՒ ՏԱԿՏԻԿԱՆ

1880—1890-ական թվականներին հայերի տնտեսական ու հասարակական-քաղաքական կյանքում առաջացած հեղաբեկումների և սուլթանական բռնապետության դեմ ուղղված արևմտահայ ժողովրդի ազգային-ազատագրական շարժման վերելքի ժամանակամիջոցում ծնունդ առան ազգային-քաղաքական կուսակցություններ՝ արևմտահայության ազատագրության իրենց ծրագրերով և տիրույն տակտիկայով, որոնց մարքսիստական-լենինյան ճիշտ լուսաբանումը կկազմի մեր աշխատության նախավերջին գլխի հիմնական բովանդակությունը:

1. Արմենականները.— Հայ ազգային քաղաքական հոսանքներից առաջինը եղել է արմենականների կուսակցությունը¹: Արմենականների գլխավոր կենտրոնը Վանն էր, Վասպուրականը: «Վանի մեջ,— գրում է Արտակ Դարբինյանը,— ծնունդ առավ մեր ազգային-ազատագրական շարժման նվիրված անդրանիկ հայ կազմակերպությունը— արմենականությունը»²:

Վանում արմենականների կազմակերպությունը 1890 թվականին իր շարքերում ուներ 70—100 անդամ և համակրող: Վանի գա-

¹ Արմենականները առաջացան 1885 թվականից՝ Մ. Փորթուգլյանի ղեկավարությամբ, երբ Մարտիում հիմնվեց «Արմենիա» անունով թերթը: Լինելով դավառահայ բուրժուազիայի ներկայացուցիչները, նրանք մոտիկից ծանոթ էին Թուրքիայի և Արևմտյան Հայաստանի պայմաններին, որի հետևանքով մշակեցին ավելի ճիշտ տակտիկա, գործում էին ավելի խելոք ու մտածված: Նրանց մասին մենչ չենք ծավալվում, որովհետև պատրաստում ենք 10 մամուլ ծավալով առանձին մենագրություն:

² Ա. Դարբինյան, Հայ ազատագրական շարժման օրերեն (հուլիս 1890 և 1940), Փարիզ, 1947, էջ 6:

վառում՝ Թիմարում, Հայոց ձորում, Գավաշում, Շատախում և Բիթլիսում սովորող հասակավոր աշակերտները և ուսուցիչները մտնում են արմենականների շարքերը և դառնում ազատագրական պայքարի պրոպագանդիստներ: Կիրակի և տոն օրերին երիտասարդները Վարազա վանքի լեռն էին բարձրանում՝ զինավարժության համար:

Արմենականների պրոպագանդիստները այլևս չէին ելգում դավառահայությանը ոչինչ շխտատացող Ազգային Սահմանադրության մասին, այլ «անոնց փոխարեն կերգվեին նոր, ազատաշունչ երգեր: Գամառ-Քաթիպայի «Ազատ երգերը», կոմս էմմանուելի (Մ. Նալբանդյանի), «Ազատն աստված»-ը, «Մեր Հայրենիք»-ը, Բաֆֆու «Ձայն տուր, ով ծովակ»-ը, Խրիմյանին նվիրված «Հայրիկ, Հայրիկ, քո հայրենիք»-ը, Մ. Փորթուզալյանին ձևոված «Թեև վտար քաղաքե բաղաք»-ը և ուրիշ բազմաթիվ հայրենասիրական, ազատատենչ և ռազմաշունչ երգեր ամենքի շրթունքի վրա էին»³:

1885 թվականին, պողոսականների դավաճանության ու մատնության հետևանքով, Խրիմյանն ու Փորթուզալյանն արտաքսվում են քաղաքից: Բայց Ապապողոսականները—Մ. Փորթուզալյանի գաղափարակիցները՝ անհաշտ պայքար են ծավալում Պողոսականների դեմ, ուժեղացնում են ազգային-ազատագրական պայքարի պրոպագանդան: Փորթուզալյանի աշակերտները «նախաձեռնարկ ըլլալով,— գրում է Սարգիս Իզմիրլյանը,— կազմեցին առաջին հեղափոխական կուսակցությունը, որ կոչվեցավ Արմենական, որուն գործունեությունը սահմանափակվեցավ Վասպուրականի շրջանին մեջ»⁴:

Փորթուզալյանի զինակիցներից էր Մ. Թերլեմեզյանը, որը ղեկավարում էր Ապապողոսականների պայքարը: Ա. Դարբինյանը նշում է, որ նա իր հոր անունով Մ. Ավետիսյան կոչվեց ու ստանձանեց Փորթուզալյանի դերը՝ կիրակի օրերը ակումբներում կարդացած դասախոսություններով: «Մ. Ավետիսյանի գաղափարակիցները՝ Մ. Փորթուզալյանի աշակերտները,— գրում է Դարբինյանը,— հետզհետե ամրացուցին նորաստեղծ հեղափոխական կազմակերպությունը»⁵:

3 Ա. Դարբինյան, Հայ ազատագրական շարժման օրերեն (հուլիս 1890—1940), էջ 18:

4 Մ. Իզմիրլյան, Դատումներ մեր հարյուրամյա հեղափոխության մասին (անձնական հուշերուս ընդմեջին), Պեղում, 1902, էջ 26:

5 Ա. Դարբինյան, Հայ ազատագրական շարժման օրերեն (հուլիս 1890 են 1940), էջ 19:

Այսպիսով, 1885 թվականին սուլթանական ռեակցիայի հետապնդումներից Ֆրանսիա մեկնած Մ. Փորթուզալյանը (1848—1921) Մարսել քաղաքում հիմնադրեց «Արմենիա» անունով թերթը, որը արմենականների օրգանն էր և նշանակալից դեր խաղաց հայ ժողովրդի ազգային-ազատագրական պայքարի գաղափարախոսության պրոպագանդման, հայերի ազգային-ազատագրական պայքարի գաղափարախոսության պրոպագանդման, հայերի ազգային ինքնավարակցության բարձրացման ու սուլթանական կառավարության հարձակումների դեմ նրանց ինքնապաշտպանության կազմակերպման գործում:

Արմենականների կազմակերպության գործունեությունը սերտորեն կապված է Մ. Փորթուզալյանի անվան ու գործունեության հետ: Նրա նախաձեռնությամբ կազմակերպվեց «Հայոց Հայրենասիրական Միություն»՝ «Արմենիա» թերթի անխափան գործունեության և նրան նյութապես ու բարոյապես օգնություն կազմակերպելու նպատակով:

Մ. Փորթուզալյանը հանդիսացել է արևմտահայ ազատագրական պայքարի լավագույն գաղափարախոսներից մեկը: 1870-ական թվականների սկզբում Մ. Փորթուզալյանը ծառայում էր լուսավորության բնագավառում, ուսուցչություն էր անում Եվրոպիայում: Իր մանկավարժական գործունեությունը նա սերտորեն զուգակցում էր ազգային-ազատագրական պայքարի գաղափարախոսության պրոպագանդման և երիտասարդներին ազատագրական պայքարի նախապատրաստելու հետ: Այդ պատճառով էլ Սեբաստիայի իշխանությունների կարգադրությամբ նրան ձերբակալում և ուղարկում են Կ. Պոլիս: Այստեղ նրան հաջողվում է հիմնել «Ասիա» անունով առաջադիմական թերթ, որը շուտով փակվեց:

Հետագայում Փորթուզալյանը մեկնում է Վան՝ Ալյուր գյուղում դպրոց հիմնելու մտադրությամբ: 1876 թվականին նա պաշտոնավարում է Հայկազյան վարժարանում, 1878 թվականին վանում հիմնում է վարժապետանոց:

Բեռլինի կոնգրեսից հետո Մ. Փորթուզալյանի աշակցությամբ հիմնվում են «Արարատյան ընկերություն», «Կիլիկյան ընկերություն»: Կիլիկիայում հիմնվում է «Դպրոցասերների ընկերություն», որին միանում է «Արևելյան ընկերությունը», որոնց օգնությամբ Մուշ քաղաքում կազմակերպվում է «Կենտրոնական վարժարան», որը վերանվանվեց «Ներսիսյան վարժարան» անունով:

1881 թվականին Արարատյան, Կիլիկյան և դպրոցասերների

Արևելյան ընկերությունները միանալով՝ կազմում են «Հայոց միացյալ ընկերություն», որին ոգեշնչում և ուղղություն էր տալիս «Մշակ»-ի խմբագիր Գր. Արծրունին: Այս ընկերությունները և նրանց ենթակա դպրոցներն ու վարժապետանոցները ազգային-ազատագրական պայքարի գաղափարախոսության պրոպագանդան օջախներ էին:

«Խումբ մը երիտասարդներ կազմեցին նաև զինավարժական ընկերություն մը (Զինակից), — գրում է Համբարձում Երամյանը, — որ կիրակի օրերը վարագա լեռներուն մեջ փորձեր կկատարեր: Գրեթե ամեն կիրակի, այս կամ այն վարժարանի մեջ լսարաններ կկազմակերպվեին. Փորթուզալյանն իր դերին մեջն էր: Հայկազյան վարժարանի իր աշակերտներեն կազմված Հայրենասիրաց միության կիրակնօրյա բեմին վրա, ուր հաճախ կերևար նաև վարժապետանոցի ուսուցիչ Մարկոս Նաթանյանը»⁶,

Մ. Փորթուզալյանը հաճախ է լինում Թիֆլիսում, կապեր հաստատում Գր. Արծրունու հետ և ցուցումներ ստանում հայերի ազատագրական շարժումները ղեկավարելու համար:

1881 թվականին Փորթուզալյանը Թիֆլիսից վերադառնում է Վան և ծավալում իր պրոպագանդիստական ու կազմակերպչական աշխատանքը: Կ. Պոլսի Հայոց մայր եկեղեցում ժողովրդի առջև խրմյան Հայրիկի ունեցած էլույթը, Գր. Արծրունու Ռ. Պատկանյանի, Բաֆֆու աշխատությունները օգնում են Փորթուզալյանին՝ ազատագրական շարժման գաղափարախոսության ծավալման գործում:

1870—1880-ական թվականներին Փորթուզալյանը, Կ. Կամսարականը և խրմյան Հայրիկը կանգնում են Վասպուրականի հայ ժողովրդի ազատագրական շարժումների ղեկավարման կենտրոնում ու դաստիարակում անխոնջ մարտիկներ, բոցաշունչ հայրենասերներ:

1878 թվականին բազմաթիվ հայ երիտասարդներ միանում և կազմակերպում են «Սև խաչ» մականունով մի կազմակերպություն, որն իր խնդիրն էր համարում ժողովրդի մեջ արմատավորել ինքնապաշտպանության դիմելու անհրաժեշտության գաղափարը: Նրա նպատակն էր՝ պայքար ժողովրդի իրավունքների և կյանքի նորմալ պայմանների ստեղծման համար:

Թուրքական բռնապետության դեմ մղվող ազգային-ազատա-

գրական պայքարի ժամանակ հաճախ էին լինում մատնության ու դավաճանության դեպքեր՝ գլխավորապես սուլթանական կառավարության օրգանների հետ կապված ազդուրաց ու շահամուլ հայ ունևոր դասակարգի ներկայացուցիչներից: Դրա համար էլ «Սև խաչ» կազմակերպությունն իրեն նպատակ էր դրել սպանել մատնիչներին ու դավաճաններին, ոչնչացնել և սև խաչ քաշել այդպիսիների վրա: Այդ կազմակերպությունը վանում տներ իր ակումբը, որտեղ տեղի էին ունենում հավաքույթներ, դասախոսություններ և երեկույթներ՝ ժողովրդին ազգային-ազատագրական պայքարի նախապատրաստելու նպատակով:

1882 թ. մայիսին Վանի հայ հասարակայնությունը տրադիցիոն կարգով և մեծ շուքով նշեց Ազգային Սահմանադրության տարեդարձը: «Սև խաչ» կազմակերպությունը այդ տոնական հավաքույթը օգտագործեց ազատագրական պայքարի գաղափարախոսության համար:

Սուլթանական կառավարությունը քնած չէր: Նա ուշադրությանը հետևում էր երկրում տեղի ունեցող իրադարձություններին: Նրա հետախուզական օրգանները բանտարկում, աքսորում ու մեկուսացնում էին կասկածելի և ժողովրդին հորդորող մարդկանց՝ Փորթուզալյանին, Կամսարականին, խրմյանին և ուրիշներին:

1885 թ. մայիսի 10-ին Հասան փաշան խրմյանին պաշտոնապես առաջարկում է սև թ օրվա ընթացքում դուրս գալ Վանից և մեկնել Կ. Պոլիս: Մարտի 16-ին նման առաջարկություն է ստանում նաև Փորթուզալյանը⁷, որը որոշ ժամանակ Պոլսում մնալուց հետո, իուլս տալով հետապնդումներից, մեկնում է Մարսել, հիմնում է սնփական տպարան և հրատարակում է հայերեն լեզվով գործող լիերթ՝ արևմտահայերի ծանր վիճակի մասին ամբողջ աշխարհի պրոպանդիստական մարդկությանը իրազեկ դարձնելու, հայերի ուշադրությունը իրենց հարստահարված եղբայրների ազատագրության շուրջը կենտրոնացնելու և ազատագրական պայքարի գաղափարախոսությունը պրոպագանդելու համար: Այդ թերթի «Արմենիա»-ն էր, որի առաջին համարը լույս է տեսել 1885 թ. հուլիսի 20-ին (օգոստոսի 1-ին):

Արմենականները մշակեցին արևմտահայությանը թուրքական բռնապետության ստրկական լծից ազատագրելու իրենց ծրագիրն

7 Մ. Փորթուզալյանը 1883 թ. գարնանը նախաձեռնեց Վարագա տպարանում լույս ընծայել «Վանա գութան» անունով մի թերթ, բայց ոստիկանական հետապնդումները խափանեցին նրա այդ նախաձեռնության իրականացումը:

6 Հ. Երամյան, Հուշարձան Վան-Վասպուրականի, հատ. Ա, էջ 114:

ու գործողության տակտիկան: Նրանց հետապնդած նպատակը հարց ու պատասխանի ձևով ամփոփված է «Վարդապետաբան Հայաստանի և զատագրության» խորագիրը կրող գրքուկում⁸:

Օտարների ձեռքից Հայաստանի ազատագրության գործը ներանք համարում են հայ ազգի գործը: Հայերը իրենք պետք է առաջին հերթին ազատագրեն իրենց. «Ինքը հայ ազգը պիտի ազատե Հայաստանը օտարներու ձեռքեն»: Այն հարցին, թե ի՞նչ հնարներով է հնարավոր հասնել հայ ժողովրդի ազատագրությանը, պատասխանում ասված է, որ «Հնարները զանազան են, նայելով հանգամանքներին,— երբեմն սեփական զենքով, երբեմն փողով և երբեմն օտարի օգնությամբ»:

Հայ է համարվում նա, ով անկեղծորեն կձգտի և կաշակցի Հայաստանի ազատագրությանը, իսկ «մնացյալները ոչ միայն անպիտան հայեր, այլև անպիտան մարդեր են»:

Մրագիրը ամեն մի հայի սրբազան պարտքն է համարում պահպանել իր ազգի լեզուն, դաստիարակել իր զավակներին հայկական ոգով, սովորեցնել նրանց զենքի գործածությունը, ձեռք բերել հողային կալվածք և օգնել «Հայրենասիրական Միության»:

«Հայոց Հայրենասիրական Միության» նպատակն է,— գրում է Փորթուգալյանը,— աշխատել վարչական բարենորոգումներ մտցնել Թուրքահայաստանի մեջ, հայ ժողովրդի տեղական պետքերին համեմատ: Հայ ժողովրդի ցանկությունն է իրավունք ստանալ ազատորեն ինքզինք կառավարելու, որով միայն պիտի կրնան վերանալ այն հարստահարությունները, որոնք այսօր Հայաստանի թշվառության և ավերակ դառնալուն պատճառ կլինին»⁹:

Պարզաբանելով արմենականների հետապնդած նպատակը, Փորթուգալյանը միաժամանակ շարադրում է նրան հասնելու կոնկրետ ուղիները:

«Հայոց Հայրենասիրական Միությունը,— գրում է նա,— յուր նպատակն իրագործելու համար յուր կարողության շահով կգործադրե ամեն հարմար եղած միջոցներն, ժամանակի պահանջներին համեմատ, կաշխատի ներքին ուժ գոյացնել ազգին մեջ, յուր ազատության համար հրատարակություններ կանե, որոնք որ պետք է

նյութապես ու բարոյապես քաջալիբ անոնց, որոնք անձնվիրաբար կաշխատին հայրենիքի ազատության գործին»¹⁰:

Կա՛մ սեփական ուժերով և զենքի ճանապարհով, կա՛մ փողով և կա՛մ օտարի օգնությամբ հասնել արևմտահայերի ազատագրությանը,— այս էր արմենականների վարդապետության բուն էությունը:

Այն հարցին, թե հայերը երբ պետք է ոտքի կանգնեն և իրենց զենքը ձոճեն սուլթանական բռնապետության դեմ ու իրենց ազատությունը նվաճեն, արմենականների վարդապետարանը պատասխանում է՝ այն ժամանակ, «երբ որ մեծամեծ ազգերի մեջ կսկսվի կենաց և մահվան պատերազմը»¹¹:

Արմենականների վարդապետարանը, իր բացասական կողմերի հետ միասին¹² ունի նաև որոշ ուսանելի կողմեր, տոգորված է հայրենասիրական գաղափարներով, ժողովրդին դաստիարակում է արիության ոգով: Այն իր առաջնահերթ խնդիրն էր համարում սուլթանական ռեժիմից հայ ժողովրդի ազատագրությունը, նրա արդար դատի պաշտպանությունը: Իր նպատակին հասնելու համար նա աշխատում էր ոտքի հանել ամբողջ ժողովրդին՝ մերժելով դավադրական գործողությունները, անժամանակ ցույցերի դիմելու փորձերը:

Արմենականների վարդապետարանը սուլթանական բռնապետության դեմ մղվող ազգային-ազատագրական պայքարի ընթացքում առաջին հերթին հենվում էր ժողովրդի ուժերի և ընդունակությունների վրա, ազգի ազատագրության հույսը կապում էր այդ ուժերի անձնուրաց ու հերոսական պայքարի հետ: Առանց անձնագոհության չէր կարող լինել ազատություն: «Ի՞նչ պետք է ընել,— հարցնում էր «Արմենիա»-ն: Եվ ապա պատասխանում. Միակ դարման, միակ պատասխան. Սաբեկա ծառեն պետք է կախվի զոհի ուշխարը, պետք է զոհի սեղան կանգնել Հայաստանի լեռանց վրա: արյան պետք կա»¹³:

Արմենականները ժողովրդի մեջ դաստիարակում էին մարտական եռանդ, հաղթանակի հավատ, սեր դեպի հայրենիքը և անսահ-

¹⁰ «Արմենիա», N 33, 1890:

¹¹ «Վարդապետարան Հայաստանի ազատագրության», էջ 26:

¹² Բոլորին Հայաստան գնալու և կալվածային տնտեսություններ ստեղծելու, հողեր առաջնորդներին այդ ազգային-ազատագրական շարժման առաջնորդներ համարելու կոչերը և այլն. հանդիսանում էին վարդապետարանի արատավոր կողմերը:

¹³ «Արմենիա», N 24, 1888:

⁸ Ռ. Պատկանյանի այդ աշխատությունը էրանք նամարեցին իրենց պայքարի օրագիրը:

⁹ «Արմենիա», N 33, 1890:

ման ատելութուն սուլթանիզմի նկատմամբ: Այդ գործում խոշոր և նշանակալից դեր էր խաղում «Արմենիա» թերթը, որը տարածվում էր և՛ Արևմտյան Հայաստանի բոլոր նահանգներում ու գավառներում, և՛ արտասահմանյան գաղթօջախներում: Թուֆուճյանի ղեկավարած Բուլղարիայի արմենական կազմակերպությունը հայերին կոչ էր անում բուլղարների օրինակով ոտքի կանգնել և թոթափել սուլթանական ատելի լուծը:

Վան-Վասպուրականում, Բուլղարիայում, Սալմաստում և՛ այլուր արմենական կազմակերպությունները աճում և ծանրակշիռ դեր էին խաղում հատկապես 1880—1890-ական թվականներին: Վանում արմենականները խոշոր դեր խաղացին 1896 թվականի գինված ինքնապաշտպանության կազմակերպման և ազգային-ազատագրական պայքարի գաղափարախոսության պրոպագանդան գործում: «Մ. Փոթթուզալյանի վարչության տակ գտնվող Արարատյան-Միացյալ վարժապետանոցը և անոր հաջորդ կենտրոնականը— 1879—1885 մտավոր վերածնության մը վառարանը ըլլալիս գատ եղավ խմորը ազգային ազատագրության գաղափարի հասունացումին»¹⁴,— գրում է Ա. Դարբինյանը:

Վանում հիմնադրված արմենականների կազմակերպությունը թուլացավ 1894—1896 թվականների հայկական ջարդերի ժամանակ: «Վանեն հեռանալու օրը,— գրում է Դարբինյանը,— մեր «խումբ»-ը 10 անդամ ուներ, անոնցմե ութը «96-ի դեպք»-ին ատենը ինկեր էին Բարթուղիմեոսի լեռնալանջերուն վրա, Մ. Ավետիսյանի կողքին...»: Այսպիսով, գրում է նա, «Ազատագրական շարժման նվիրված ամենամեծ կազմակերպությունը՝ արմենականությունը՝ ծանրորեն հոշոտված էր, իր ղեկավար ուժերուն և կազմակերպված զանգվածին 70 % -ը չկար»¹⁵:

Սալմաստում արմենականների կազմակերպությունն էլ լուրջ վնասներ կրեց 1897 թ. հուլիսին դաշնակների կողմից խանասորի վրա կազմակերպված արշավանքի հետևանքով: Դարբինյանը նշում է, որ «խանասորի արշավանքը շատ ծանր ազդած էր Սալմաստի վրա»¹⁶:

1896 թվականին Մ. Ավետիսյանի սպանությունից հետո Վանի արմենականների կազմակերպությունը նորից հավատարիմ մնալը,

¹⁴ Ա. Դարբինյան, Հայ ազատագրական շարժման օրերեն (հուլիս 1890 են—1940), էջ 115:

¹⁵ Նույն տեղում, էջ 107, 108:

¹⁶ Նույն տեղում, էջ 100:

իր դավանանքին՝ ազատագրական պայքարի գաղափարախոսության ծավալմանն ու ինքնապաշտպանության կազմակերպմանը: Ա. Դարբինյանը իրավացիորեն նշում է, որ հնչակյաններն ու դաշնակները իրենց սխալ գործելակերպով վնաս էին հասցնում ազատագրական շարժմանը: Հետևապես, «արմենականները պետք է պայքարեն այդ վնասակար գործելակերպի դեմ»¹⁷:

2. Հնչակյանները.— Հնչակյան կուսակցությունը կազմակերպվել է 1887 թվականին Ժնևում՝ իր «Հնչակ» անունը կրող կենտրոնական օրգանով, որի խմբագիրն էր Ա. Նազարբեկյանը: Նրա կենտրոնի անդամները համախմբված էին «Արմենիա» թերթի շուրջը և ակտիվ կերպով թղթակցում էին նրան, զբաղվում էին ազգային-ազատագրական պայքարի գաղափարախոսության պրոպագանդայով:

1886 թվականին արմենականներից սահմանազատվեցին Ֆրանսիայում և Ժնևում սովորող սրոշ հայ ուսանողներ: Նրանք կազմեցին մի հանձնաժողով՝ Մարիամ Վարդանյանի, Ա. Նազարբեկյանի և Գևորգ Ղարաջյանի ղեկավարությամբ՝ իրենց նոր կազմակերպության համար ծրագիր մշակելու: Այդ ծրագիրը հաստատում գտավ: Հնչակյան կուսակցությունն արդեն ձևավորված էր: Նրա կենտրոնի անդամներն էին՝ Մ. Վարդանյանը, Ա. Նազարբեկյանը, Գ. Ղարաջյանը, Գ. Կաֆեյանը, Ռուբեն Խանազատը և Լևոն Ստեփանյանը:

Այդ կուսակցության օրգան «Հնչակ»-ը անլեզալ էր, տարածվում էր անլեզալ և ընթերցողներին տրվում էր ձրի: Նրա առաջին համարը լույս տեսավ 1887 թ. նոյեմբերին՝ Ժնևում: Այդ է հետագա ևրկու տարվա ընթացքում հրատարակված գրեթե բոլոր համարների հոդվածները գրել է Ա. Նազարբեկյանը: Բայց այդ թերթի կանոնավոր գործունեությունը սկսվում է 1888 թվականին:

«Մենք մազաչափ անգամ չէինք վհատվում,— գրում է Ռուբեն Խանազատը,— և միանգամայն վստահ մեր սկսած գործի ճշմարտությանը և կատարելապես հավատացած նրա ապագա հաջողությանը՝ մենք անհամբեր երազում էինք այն երջանիկ օրվան մասին, երբ Հայաստան պիտի գնայինք և մեր ծրագրի իրագործման գիմեհինք»¹⁸:

¹⁷ Նույն տեղում, էջ 111:

¹⁸ Ռուբեն Խանազատ, Հայ հեղափոխականի հուշերից, «Հայրենիք», 1927, № 9(57), էջ 63:

Հնչակյան կուսակցությունը մանրբուրժուական, ազգայնական էր: Նրա սոցիալական հիմքը գյուղացիությունն էր: Նա ձգտում էր ստեղծել «Ազատ Հայաստան»՝ որպես մերձավոր նպատակ, որից հետո պետք է ստեղծվեր «ընկերվարական սոցիալիստական հասարակություն»: Ահաբեկումների, ցույցերի, ապստամբական շարժումների կամ, ինչպես իրենք՝ հնչակյաններն էին ասում «Հայկական հեղափոխության» ճանապարհով Արևմտյան Հայաստանում ձեռք բերել «անկախ հայրենիք» և սոցիալիստական ընկերվարական կարգերի հաստատման ճանապարհով խուսափել կապիտալիզմից ու նրա պատճառած շարիքներից:

Հնչակյանները կոչվում էին «սոցիալիստ հեղափոխականներ»: Նրանք որդեգրեցին ռուսական նարոդնիկների մանրբուրժուական սոցիալիզմի գաղափարախոսությունն ու ահաբեկումների անարխիստական տակտիկան:

Հնչակյաններն իրենց ուսուցիչներն էին համարում անարխիստներ՝ Կրոպատկին, Բակունոն, Լավրովին և ապա հեղափոխական դեմոկրատներ՝ Գերցենին, Չերնիշևսկուն և Նալբանդյանին:

«Հնչակյան հեղափոխություն» հնչակյանների գաղափարախոսությունը, նրանց անարխիստական, դավադրությունների ու ահաբեկումների քաղաքականությունը ոչ մի առնչություն չունեին հեղափոխական դեմոկրատ նալբանդյանի հետ, որը ժողովուրդների բարեկամություն էր քարոզում և հայ ժողովրդի ազատագրության հույսերը սերտորեն կապում էր ռուսական դեմոկրատական հեղաշրջման հաղթանակի հետ:

Հետևապես, սխալվում է Լեոն, երբ գրում է, թե «Հնչակ»-ը 1860-ական թվականների այն հոսանքի ծնունդն էր, որը «տվեց իր առաջին ծաղիկը՝ Միքայել Նալբանդյանին»¹⁹:

Խուսափելով կապիտալիզմի զարգացման ֆազան անցնելուց, նրանք կամենում էին սոցիալիզմին հասնել գյուղական համայնքների միջոցով: «Նոր ճոտանեք» (խոսակցություն խաղաղ առաջադիմականի և սոցիալիստ հեղափոխականի միջև) խորագիրը կրող հոդվածում «Հնչակ»-ը գրում է, որ եվրոպական երկրները անցել են զարգացման զանազան փուլեր և իրերի բնական ընթացքը նրանց հասցրել է սոցիալիզմին: Բայց հայ ժողովուրդը այդ փուլը չի մտել և չի էլ մտնելու: Նա դատապարտում է բոլոր նրանց, ով-

քեր կաշակցեն հայ իրականության մեջ կապիտալիզմի մուտք գործելուն՝ առանց գիտակցելու, որ ոչ ոքի չէր հաջողվի արգելակել կապիտալիզմի զարգացմանը, որն արդեն մուտք էր գործել հայ իրականության մեջ, քաղաքում ու գյուղում և առաջ բերել լուրջ հեղաբեկումներ հայերի տնտեսական ու քաղաքական կյանքում, մարդկանց հարաբերություններում, գաղափարախոսության մեջ ու կենցաղում: «Աջակցել այդ կապիտալիզմի մուտք գործելուն մեր ժողովրդի մեջ... հանցանք է»²⁰:

Շիշտ կերպով նկարագրելով կապիտալիզմի կողմից աշխատավորներին բերած շարիքները, «Հնչակ»-ը գտնում է, որ եվրոպական ժողովուրդները չեն կարողացել խուսափել այդ շարիքից, բայց հայ ժողովուրդը իր զարգացման պատմական առանձնահատկություններով կարող է և պետք է խուսափի զարգացման այդ ուղուց: Հետևապես, «Դա դեռ չի նշանակում,— գրում է նա,— որ հայ ժողովուրդն անպատճառ պիտի անցնե եվրոպական կապիտալիստական արդյունագործության ֆազիսը, ինչպես նա անցել է եվրոպական ժողովուրդների տնտեսական կացության մի քանի նախկին ֆազիսները»²¹:

Սա կապիտալիզմի կողմից ծեծկված, հարստահարված, սեփականազրկված մանր բուրժուակալի ջղաձգությունների արտահայտությունն է, նրա գաղափարախոսությունը: Այդ մանր բուրժուակալի դեմ էր հասարակական տնտեսական կյանքի պրոգրեսիվ ընթացքին, կամենում էր վերադառնալ դեպի նահապետական նախկին կյանքը, վերականգնել իր նախկին դրությունը: Դրա համար էլ «Հնչակ»-ը կոչ է անում փրկել այդ մանր բուրժուակալին կապիտալիզմի սարսափներից: «Բայց հայ ժողովրդին կարելի է և պետք է փրկել,— գրում է նա,— կարելի է և պետք է նախազգուշացնել այդ թշվառ պիրսպեկտիվայից»²²: Եվ ապա. «չէ՞ որ մեր սոցիալիստներին, ամենագլխավոր հոգսերից մեկն է, ինչպես մեր խոսակցության սկիզբը բացատրեցի, նախազգուշացնել հայ ժողովրդին կապիտալիզմի ախտից, առաջն առնել Հայաստանում այդ ախտի մուտք գործելուց»²³:

1896 թ. օգոստոսի 20-ին Լոնդոնում տեղի ունեցավ հնչակյանների համաժողովը, որն իր ծրագրից հանեց սոցիալիզմի պահան-

¹⁹ «Հնչակ», № 2, 1889:

²¹ Նույն տեղում:

²² Նույն տեղում:

²³ Նույն տեղում:

¹⁹ Լեո, Թուրքահայ հեղափոխության գաղափարաբանությունը, հատ. Ա, էջ 146:

չը և թողեց նրա մերձավոր նպատակը՝ արևմտահայությունյան ազատագրության հարցը: Հնչակյանների ծրագիրը մշուշապատ էր, առաձգական ու անբովանդակ ֆրազ էր: Նրանք խոսում են աշխատավորների ազատագրության, նրանց քաղաքական իրավունքների, աշխատանքի պայմանների հեշտացման մասին՝ առանց որևէ խոսք ասելու բանվոր դասակարգի ու նրա պատմական միսիայի մասին:

Հնչակյան կուսակցության գործունեության թատերաբեմը Արևմտյան Հայաստանն էր: Նա իր վրա էր վերցնում հայերի դատի պաշտպանությունը՝ ըստ ծրագրի մերձավոր նպատակի, ձգտում էր սուլթանական ռեժիմից հայերի ազատագրությանը, նրանց քաղաքական անկախության նվաճմանը՝ անպայման ապստամբության ճանապարհով: «Թուրքահայաստանի հայ ժողովրդի վերաբերմամբ,— գրում է «Հնչակ»-ը,— մենք այն խորին համոզմունքն ունենք, որ պետք է անպատճառ շուտով զարդվեն նրան առաջադիմել արգելակող ամրապնդին շղթաները և նա ունենա փառափառ անկախություն, իբրև անհրաժեշտ պայման նրա կյանքի ապահովության և նրա բազմադիմի զարգացման համեմատ»²⁴: Իրենց այդ քայլը հնչակյանները համարում էին հաստատուն պայման՝ արևմտահայության ազատագրության համար:

«Թուրքահայ ժողովրդի շարժումը,— գրում է «Հնչակ»-ը,— ստիպողական միջոցներն, ապստամբական, հեղուփոխական սպանալիքները թուրք կառավարության դեմ, նպատակահարմար են և միանգամայն անհրաժեշտ»: Եվ ապա՝ «Մեզ հարկավոր են բռնի, ստիպողական միջոցներ... Մենք ուժով և քաջությամբ ետ կխլենք այն, ինչ որ դարեր առաջ ուժով ու քաջությամբ խլել են մեզանից մեր ինքնուրույնությունը... Ազատությունը չէ տրվում, այլ առնվում է» — ասում է անարխիստ կրոնատիկներ: Այդ պատմական ճշմարտությունը մենք, հայերս, միշտ աչքի առջև պետք է ունենանք: Պատրաստ լինենք՝ ժամանակը մոտ է»²⁵:

Նման անարխիստական գործելակերպով հնչակյանները կամենում էին կործանել արյունոտ սուլթանի իշխանությունը, որը հովանավորվում էր եվրոպական տերությունների կողմից և սպառազինված էր ամերիկյան, անգլիական ու գերմանական ժամանակի նորագույն զենքերով:

Հայ ժողովրդի ազատագրությունը բռնակալների իշխանություն-

²⁴ «Հնչակ», № 1, 1887:

²⁵ Նույն տեղում:

նից կարող էր տեղի ունենալ ճնշված ժողովուրդների հետ մերձենալու և ոչ մեկուսացված պայքարելու ճանապարհով: Նրանք ձգտում էին «հանուն առաջադիմության» արևմտահայությունը դասել «թուրք պետությունից ու ժողովրդից»²⁶:

Ինչ է գրում «Հնչակ»-ը. «Նրանք (իմա՝ թուրքական կառավարողները — Հ. Վ.) լավ հասկացել են, որ իրենց լծի տակ գտնվող քրիստոնյա ժողովուրդների ճարտարությանը, արդյունագործության, առևտրի, երկրագործության մեջ, որպես նաև նրանց մտավոր ու բարոյական ուժերն ու ընդունակությունները՝ մեկ ահագին վիճ են բացել այդ ժողովուրդների և թուրքերի մեջ, այս վերջինը չունենալով այդ հատկությունները և չլինելով արդյունաբերող, այլ լինելով միայն պատերազմիկ ցեղ, ընդունակ արշավանքների համար և անընդունակ կառավարող, աշխատավոր ու առաջադիմող տարր լինելու: Այդպիսի պարագաներում թուրքը կարող է միայն ապրել իբրև օտարակեր (parasit), իբրև սպառող ու կործանող այդ քրիստոնյա ժողովուրդների հարստությունները»²⁷:

Այս կոնցեպցիան կարմիր թելի պես անցնում է հնչակյանների գաղափարախոսության միջով: Նրանք չէին ուզում հասկանալ, որ թուրք աշխատավոր ժողովուրդը նույնքան ընդունակ է արդյունագործության, առևտրի, գյուղատնտեսության, կուլտուրայի ու գիտության զարգացման, որի ընդունակությունների ու կարողությունների երևան գալուն արգելք էին հանդիսանում թուրքական շահագործող դասակարգերը, կրոնական ֆանատիզմը և նրանց հովանավորող սուլթանական կառավարությունը, որը ժողովուրդներին միմյանց դեմ էր լարում:

Նույնը պետք է ասել նաև քրդերի մասին: Սուլթանական կառավարությունը, հենվելով քրդական շեյխերի ու բեկերի վրա, խախտեց հայ և քուրդ ժողովուրդների բարեկամությունը, կրոնական ֆանատիզմով թունավորեց քուրդ աշխատավորների գիտակցությունը և նրան օգտագործեց հայերի դեմ:

Խոսելով քրդերի կողմից հայերի նկատմամբ գործադրված եղեռնագործությունների մասին, հնչակյանները ոչ մի տարբերություն չեն դնում քրդական վերնախավերի ու աշխատավորական մասսաների միջև, որոնք հաճախ հայերի դեմ կոչվում էին հարկադրված, իրենց խղճին ու կամքին հակառակ:

²⁶ «Հնչակ», № 2, 1889:

²⁷ «Հնչակ», № 5, 1897:

Հնչակյաններն իրենց մերձավոր նպատակին հասնելու համար նախընտրեցին ապստամբությունների, դավադրությունների և ահաբեկումների տակտիկան: Արտահայտելով իրենց ցասումն այն հոսանքների դեմ, որոնք կանգնած էին խաղաղ, դիվանագիտական ճանապարհով Հայկական հարցի լուծման ուղու վրա, հնչակյանները դեմ չէին եվրոպական տերությունների միջամբտությունը: Նրանք իրենց ապստամբական ելույթներով կամենում էին ակտիվացնել այդ միջամտությունը, համոզված էին, որ իրենց թափած արյունն է, որը վերջնականապես «կազատե աշխատավոր ժողովրդին դարավոր լծից և կզօծ նրա ճանապարհը դեպի ազատություն»²⁸:

Հնչակյանները անհեռատես էին և միամտաբար կարծում էին, թե իրենց կհաջողվի մեկ հարվածով վերջ տալ օսմանյան կայսրությանը և նվաճել հայերի ինքնավարությունը: «Ժամանակը մոտ է,—գրում է «Հնչակ»-ը,—և հայկական աշխարհում պետք է կատարվեն մեծամեծ անցքեր: Այլևի ուշ բան երբևէ, մենք հայերս, պետք է լինենք պատրաստ»²⁹:

Գտնելով, որ Անգլիան և Ռուսաստանը կարող են օգտվել հարմար առիթից, սուլթանի կառավարության դեմ սկսած իրենց մղած պայքարի «հաջողություններից», շահադիտական նպատակով կսկսեն միջամտել Հայկական հարցին, թերթը պահանջում է չենթարկվել ոչ մեկի ազդեցությանը, մի բռնակալից մյուսի ազդեցությանը չենթարկվել, այլ դուռ օգտվել հանգամանքից, որովհետև կոտրելով «թուրքի լուծը, «Հնչակ»-ը կհռչակի իր մոտակա նպատակը ազգային անկախություն՝ ռամկավարական հանրատնտեսությամբ»³⁰:

Ուստի թերթը իր կուսակցության կազմակերպությունների հերթական ու անհետաձգելի խնդիրն է համարում ապստամբության նախապատրաստումը:

«...Պատրաստել ժողովրդային ապստամբությամբ արմատապես հեղափոխել հայ ժողովրդի ներկա նիստ ու կացը, պատրաստվել ապստամբության համար»³¹:

28 «Հնչակ», № 4, 1894:
 29 «Հնչակ», № 3, 1889:
 30 Նույն տեղում:
 31 «Հնչակ», № 5, 1892:

Այս ֆրազներով ոգևորված, հնչակյանների պարագլուխներից Կաֆեյանը 1890 թվականին էրզրումի և Կ. Պոլսի (Գում-Գարսի) անցքերի ժամանակ պատռում և ոտքի տակ տրորում է թուրքիայի ազգային զինանշանը ու սուլթանի լուսանկարը, որը միայն գրգռեց կրոնական մոլեռանդությամբ արբեցած թուրքական հրուսակների կրքերը: Իրանը միայն առիթ էին ծառայում սուլթանի կառավարությանը հայերի նկատմամբ իր դժոխային դիտավորությունները ի կատար ածելու համար: Բայց հնչակյանները գտնում էին, որ շարժումները «մեծ բարոյական ազդեցություն ունեցան հայ ժողովրդի հեղափոխական կրթության համար և... մեծ դարկ տվին հեղափոխական գործին»³²:

Ըստ հնչակյանների, և՛թե հայերը մինչև իրենց երևան գալը եղել են խաբված, ապա այսուհետև նրանք չեն խաբվելու, որովհետև առկա է հնչակյան կուսակցություն, որը համարվում է «նոր արևի ծագում հայ ժողովրդի համար», որը նրանց դեպի ապստամբություն է առաջնորդում ու «պատերազմ մղում յուր թշնամու դեմ... մի տկար և թուլամորթ թշնամի չպիտի կարենա դիմադրել սուրբ պատերազմին, որ շուտով պիտի հասնե յուր նպատակին և պիտի իրագործե յուր դադափարները»³³:

Համառոտն շարունակելով իրենց վնասակար գիծը, հնչակյանները արևմտահայությանը մոլորության մեջ էին զցում: Նրանք հայտարարում էին, թե իրենց կազմակերպության առաջացմամբ և ծավալված ապստամբական գործողություններով երկուսից ու սաքսափի սակ են դրել սուլթանի կառավարությանը, որը «սոսքին սպտակեն դեռ շշմած է, ի՞նչ պիտի անի նա արգյոք, երբ ստանա երկրորդը, երրորդը...»³⁴:

Պատերազմ հայտարարելով թուրքական կառավարությանը, հնչակյանները սկսեցին բռնակցել արմենականների ու զաշնակ դականների հետ: Հնչակյանների կենտրոններն էին Տրապիզոնը և Կ. Պոլսը: Այդ կենտրոնների գրուխ էին կանգնած Ռուբեն Խանա դասը և Շմալխան (Գարսի) Կաֆեյանը:

Կաշնակցականների հետ բռնակցություններն սկսվեցին 1890 թվականի սկզբին, նրա առաջին նբաթին ճասնակցում էին 18 հուգի. «սրբնջխ հիշում եմ,—գրում է Ռուբեն Խանազանը—

32 «Հնչակ», № 1, 1892:
 33 «Հնչակ», № 6, 1891:
 34 Նույն տեղում:

Խ. Մալումյանին, Ս. Հախումյանին, Նիկ. Մատինյանին, Հով. Արղուժյանին, Հակոբ Քոչարյանին, Տիգրան Հովհաննիսյանին, Երվանդ Թաղիանոսյանին, Արամ Նազարեթյանին, Հար. Յուսուֆյանին, Գուլագոզյանին, Վարդգես Քաջազնունուն, Ռոստոմ Զորյանին, Մարտին Շաթիրյանին, Ալեքսանդր Պետրոսյանին (հետագայում Վանի գործիչ Պետոն)»³⁵:

Ժողովի նախագահ Մալումյանը հայտարարեց, որ իրենք հավաքվել են իսկապես պահանջով: Խոսքը տրվում է իսկապատին, որը ժողովում մեծ ճառ է արտասանում՝ նվիրված Հայկական հարցին և արևմտահայ ժողովրդի թշվառ վիճակին: Նա մի կողմից կամենում էր բորբոքել ժողովին մասնակցողների հայրենասիրական կրքերը և մյուս կողմից՝ նրանց օգնությանը ստեղծել հեղափոխական ընդհատակյա կազմակերպություններ, որոնք պետք է համաձայնվեին երկու հիմնական սկզբունքի հետ. «առաջինը՝ սոցիալիստական ծրագիր, որպիսին արդեն ուներ Հրնչական կուսակցությունը, և երկրորդ՝ հիմնվելիք հեղափ. ընկանդամները պարտավոր էին անպայման թուրքահայաստան գնալու և այնտեղ աշխատելու»³⁶:

Ժողովականները համաձայնվում են հեղափոխական ընդհատակյա ընկերության ստեղծմանը, բայց խիստ կերպով առարկում են սոցիալիզմին ու թուրքահայաստան գնալուն: Նոր հիմնադրվելիք հեղափոխական ընկերությունը պետք է գործեր ոչ թե սոցիալիստական, այլ զուտ «աղգային ծրագրով»³⁷: Այդ ժողովը փաստորեն հիմք դրեց հնչականների ու դաշնակցականների միավորմանը՝ «Հայկական հեղափոխության» հարցում:

«Այս պայմանագրով Հնչական և Հ. Հ. Դաշնակցություն կուսակցությունների միջև միություն կատարված էր, — գրում է Ռուբեն իսկապատը, — կամ ավելի ճիշտ կլինի ասել, Հնչական կուսակցությունը, որպես առանձին մարմին, այլևս չէր լինելու, նա հայ հեղափոխականների Դաշնակցության մի անբաժան մասն էր կազմում... Այսպես Հ. Հ. Դաշնակցությունը կազմակերպված էր»³⁸:

Ռուբեն իսկապատը մեկնում է Օդեսա, ուր արդեն հիմնադրված էր ուսանողներից բաղկացած դաշնակցական կազմակերպություն, որը անախորժորեն էր տրամադրված թուրքիա գնալու

և այնտեղ հեղափոխական աշխատանք տանելու հարցի նկատմամբ: Դաշնակցական կազմակերպության ղեկավար տիկին Անուշը անբարյացակամորեն էր վերաբերվում Հնչական կուսակցության ղեկավարին: Խանազատին զբաղեցնում էր զխավորուպես 10.000 հրացան հայթայթելու խնդիրը: Տիկին Անուշը խոստանում է ձեռք բերել հրացաններ՝ դաշնակցությանը հանձնելու պայմանով:

«Տիկին Անուշը և ուսանողները, — գրում է Ռուբեն իսկապատը, — թեև արդեն մի որոշ հասկացողություն ունեին «Հնչակ»-ի ու հնչականների մասին, թեկուզ ուսական թերթերից, բայց մենք բոլորին էլ բացատրեցինք, որ Հնչական կուսակցությունն այլևս արդեն գոյություն չունի և որ նա էլ միացել է Հ. Հ. Դաշնակցությանը»³⁹: Եվ հետո «Խորհրդակցության նյութ եղող կարևոր խնդիրները, — գրում է իսկապատը, — ժնկում Հ. Հ. Դաշնակցության հետ միանալու և դրան հարակից հարցերն էին: Ժնկի ընկերներս սաստիկ դժգոհ էին թիֆլիսից: Նրանք գտնում և ապացուցում էին, թե միությունը անկեղծ ու շիտակ չէ կատարված. թե թիֆլիսը կամ դաշնակցականները, «Հնչակի» շուրջը համախրմբվածների վրա նայում էին ոչ որպես հավասար ընկերների վրա, այլ, ընդհակառակը, նախանձով լցված, վատաբանում, շարախոսում և ամեն կերպ աշխատում էին վարկաբեկ անել նրանց»⁴⁰:

Հնչականների նկատմամբ թիֆլիսեցիների (դաշնակների) նման վարմունքի պատճառը նրանց ծրագրում եղած և հեռավոր նպատակը հանդիսացող սոցիալիզմն էր: Դրա համար էլ նրանք պահանջում էին փակել «Հնչակ»-ի հրատարակությունը և ոչ մի գումար չէին հատկացնում նրա համար:

Խանազատի գովերգած դաշնակցության ու նրա օրգան «Դրոշակ»-ի գծի հետ համաձայն չէին նույնպես կայանն ու նրա համախոհները: Նազարեթյանը գտնում էր, որ «Դրոշակ»-ը բովանդակազուրկ է, որովհետև նրա կուսակցության մեջ «ինչ գույնի մարդ ասես մտել է. դա հեղափոխական կուսակցություն չէ, այլ մի կատարյալ շիլափլավ է»⁴¹:

Եթե բուրժուական հասարակության անտագոնիստական հարաբերությունների բացահայտումը, դասակարգային պայքարի

35 «Հայրենիք», № 11 (59), 1927, էջ 1—27:

36 Նույն տեղում:

37 Նույն տեղում, էջ 129:

38 «Հայրենիք», № 3 (63), 1928, էջ 120—121:

39 «Հայրենիք», № 4 (64), 1928, էջ 124:

40 Նույն տեղում:

41 Նույն տեղում:

եղանակների բացահայտումը հնչակյաններին հեռացնում էր դաշնակցականներից, ապա «Հայկական հեղափոխությունը», մասնակի ապստամբությունների ու դավադրությունների միջոցով արևմրտահայության ազատագրությանը հասնելու միտումները միացնում էր նրանց:

Հնչակյան կենտրոնի հանձնարարությամբ Ռուբեն Կանազատը 1890 թ. գարնանը մեկնում է Կ. Պոլիս: Նա հանդիպում է հրիմյան Հայրիկին և Ա. Արփիարյանին, որոնց օգնությամբ կամենում էր ստեղծել «հեղափոխականների» կազմակերպություն՝ Հնչակյան կուսակցության ծրագրով: Նա մեծ հույս ուներ այդ մարդկանց վրա, որոնք պետք է աշակցեին իրեն գաղափարակիցներ հավաքագրելու և սուլթանի մայրաքաղաքում հեղափոխական գործունեության սկիզբ դնելու նախաձեռնությունը: Բայց հրիմյանը ծաղրանքով է դիմավորում նրա այդ դիտավորություններին⁴²:

Կ. Պոլսից Խանազատը վերադառնում է Տրապիզոն: Բայց նու շատ անհանգիստ էր իր գործի ձախողման ու հրիմյանի սուրհասիրտ վարմունքի համար: 1890 թ. ամռանը նա նորից մեկնում է Կ. Պոլիս:

Խանազատը այժմ հրիմյանին բացատրում է իր կուսակցության նուպատակը՝ ամբողջությամբ: Ծաղրելով հնչակյաններին՝ իրենց քաղաքական մանկամտության համար, հրիմյանը հարցնում է. «Այդ ի՞նչ պիտի լինեք, Խայաստան պիտի ազատեք»—Խանազատը պատասխանում է. «Այստեղ ես արդեն սկսեցի իմ ամբողջ երիտասարդական եռանդով ու ֆանատիկոսությամբ բացատրել Հայրիկին «Հնչակ»-ի մանրամասն ծրագիրը՝ հեռավոր սոցիալիստական ապագան, Հայաստանի մոտակա Ռամկավարական կառավարությունը, մեր ապագա գործունեության եղանակներն ու տակտիկան...»⁴³:

Հայկական հարցի շուրջը մտքերի փոխանակությունից հետո, հրիմյանը այն միտքն է հայտնում, որ այդ հարցի լուծումը եվրոպական դիվանագիտությունից է կախված, իսկ Խանազատը գտնում էր, որ այն կլուծվի «Հայաստանի ապստամբությամբ», որը կհարկադրի Սվրոպային միջամտելու⁴⁴:

Նկատելով, որ իր սուղև կանգնած է մի տնհետատես քաղաքական գործիչ ու հնչակյան կուսակցության քաղաքականությունը:

42 Ռուբեն Խանազատ, Հիշողություններ հրիմյանի մասին, էջ 5:

43 Նույն տեղում, էջ 11:

44 Նույն տեղում, էջ 15:

համարելով միտնգամայն կործանարար արևմտահայության համար, հրիմյանը ծաղրանքի տոնով Խանազատին պատասխանում է, որ Կ. Պոլսում նա կարող է կապվել «Բուլաշըղներ» (խառնակիչներ) — հեղափոխականներ—Կաֆյանի և Զաքարյանի հետ, որոնք կարող են օգնել մարդկանց հավաքագրելու համար:

Հայրույթով դիմավորելով «Հայկական հեղափոխության» հնչակյանների պրոպագանդային, նրանց սխալ գործունեությանը, հրիմյանը ասում է. «Ի՞նչ պիտի ըսե Գլադստոնը, ինչպե՞ս պիտի վերաբերվի Սոլուզբրին, ի՞նչ կասե Բիսմարկը, ցարը և այլն» և ապա ավելացնում է. «Դուք խենթեր եք»⁴⁵:

հրիմյանը դատապարտում էր Խանազատին, Գ. Կաֆյանին և Մեղավորյանին, որոնք իրենց մի քանի համախոհների հետ միասին կրակի հետ էին խաղում: Նրանք նախապատրաստում էին 1890 թ. հուլիսի 15-ի ցույցը Կ. Պոլսում: Տեղեկանալով այդ մասին, հրիմյանը իր մոտն է կանչում Մամբրե վարդապետին և նրա միջոցով նախազգուշացնում է հնչակյաններին՝ դավադրական փորձերի չդիմելու համար:

— «Ամման, Մամբրե վարդապետ, դիտեմ, որու կանանաս Խանազատը, Շավոնը ու Մեղավորյանը, գնա շուտ ատոնցմե մեկն ու մեկը գտիր և ըսե այն, որ Խանազատը ինձի ըսով, թե պիտի ընենք հուլիսի 15-ին, թող չընեն: Կհասկնա՞ս, ըսե, որ Հայրիկը կըսե, որ չընեք:

— Այդ ի՞նչ պիտի ընեն, Հայրիկ,— հարցրել էր Մամբրեն, միամիտ ձևանալով:

— Դու անոնց ըսե, անոնք կհասկնան,— պատասխանեց Հայրիկը...»⁴⁶,— գրում է Խանազատը:

1890 թ. հուլիսի 15-ի ցույցը Կ. Պոլսում տեղի ունեցավ՝ իր ազետալի հետևանքներով: Ոգևորված Գոմ-Գաբուի ցույցով, Պոլիս է մեկնում Անտոն Ռշտունին՝ հնչակյաններին, արմենականներին. «L. Armenia» «Haiassdan» թերթի շուրջը համախմբված գործիչներին Հայկական հարցի շուրջը միավորելու և համատեղ գործելու համար: Բայց հնչակյանների ծրագրում բովանդակած սոցիալիզմը արդեն էր հանդիսանում միավորմանը՝ իր հիշողություններում նշում է Հ. Շանկյուլյանը:

Կ. Պոլսում Խանազատը տեսակցում է Անտոն Ռշտունու հետ, որը եկել էր Աթենքից: Բայց անբարյացակամորեն էր տրամա-

45 Ռուբեն Խանազատ, Հիշողություններ հրիմյանի մասին, էջ 21:

46 Ռուբեն Խանազատ, Հիշողություններ հրիմյանի մասին, էջ 21:

դրված հնչակյանների նկամամբ՝ ուսման վարական կարգերի և սոցիալիզմի համար: Իսկ քանի որ հնչակյանները հրաժարվել էին սոցիալիզմից և կանգնել էին զուտ ազգայնական հողի վրա, ուստի այդ հնարավորությունն տվեց Խանազատին և Անտոն Ռշտունուն ձեռնամուխ լինելու ընդհատակյա կազմակերպությունների ստեղծմանը և ապստամբությունների նախապատրաստմանը: «...Այժմ (1890 թ. ամռանը) բուռն հեղափոխական հովերով բռնված,— գրում է Խանազատը,— առավոտից մինչև կես գիշեր ժողովներ էի գումարում, ծրագրեր մշակում, այս ու այն կողմը վազվզում, կազմակերպություններով զբաղվում: Հենց այդ ժողովների ու իրարանցումների արդյունքն է Հ. Հ. Գաշնակցությունը, որի հետ պիտի միանար և հնչակյան կուսակցությունը: Եթե միայն կարելի լիներ վերջնական համաձայնության գալ ծրագրային ու կազմակերպական հարցերի վերաբերյալ»⁴⁷:

Այս բոլորից հետո Խանազատը հարկադրված է ընդունել, որ Արևմտյան Հայաստանում սկսվող հեղափոխության համար ոչ մի նշանակություն չէր կարող ունենալ «Կուկունյանի մի քանի տասնյակ մարդկանցից կազմված արշավախումբը կամ մանավանդ 2—3 հազար ուրբիները...»⁴⁸:

Խանազատը միաժամանակ նշում է, որ «Հայկական անդրաշիկ հեղափոխական շարժումը սաստիկ ազդել ու տգետել էր Գր. Արծրունուն, որը իր բարեկամ բժշկի հետ հավաքել էր 2 թե 3 հազար ուրբի, օգնել և ճանապարհ էր դրել Կուկունյանին և Սարկավագին խմբով դեպի Հայաստան»⁴⁹:

Հնչակյանների ու դաշնակցականների միջև եղած վեճերից մեկը կազմում էր այն հարցը, թե ո՞ւմ պետք է հանձնվեր 10.000 հրացանը, որը ձեռք էր բերված Օդեսայում, տիկ. Անուշի ղեկավարությամբ: Միմոն Զավարյանը և Քրիստափոր Միքայելյանը պահանջում էին հանձնել դաշնակցությանը:

Օդեսայից Թիֆլիս վերադառնալով, Ս. Զավարյանը և Ք. Միքայելյանը ձեռնարկում են դաշնակցության վերակազմությանը՝ ֆեդերատիվ հիմունքներով, որը իր ձեռքումն էր կենտրոնացնելու «Հայկական հեղափոխությունը» ղեկավարելու միտքին: Բայց պետք է ասել, որ մինչև 1896 թվականը «Հայկական հեղափոխությունը» ղեկավարվում էր հնչակյան կուսակցության կողմից: Այդ կուսակ-

ցության ներկայացուցիչներն էին ղեկավարում ինչպես 1893—1894 թվականների Սասունի, այնպես էլ 1895—1896 թվականների գեյթունցիների ապստամբությունը:

Հնչակյանները չհասկացան, որ անջատ-անջատ, անժամանակ ապստամբությունների ճանապարհով, ցույցերի դիմելով հաղթանակի հասնել անհնարին էր: Օգտվելով հանգամանքից, սուլթանական կառավարությունը հեշտությամբ ձնշում էր հայերին, իսկ եվրոպական մեծ տերությունները այդ համարում էին սուլթանի կառավարության ներքին գործը և ամենևին չէին կամենում գժտվել նրա հետ:

1894 թ. ամռանը սուլթանի հանձնարարությամբ 4-րդ զորաբանակի հրամանատար Զեքի փաշան դաժանորեն ճնշեց Սասունի շարժումը և սրի քաշեց ավելի քան 10 հազար հայերի: Սուլթանական կառավարության հայաջինջ այդ քաղաքականությունը առաջ բերեց Եվրոպայի պրոգրեսիվ հասարակայնության խոր զայրույթը:

Անգլիայի, Ֆրանսիայի և Ռուսաստանի դիվանագետները, առաջադեմ մարդկության բողոքների ու ցույցերի բարոյական ճնշման ներքո, սկսեցին միջամտել և մշակեցին հայկական վիճակների համար, այսպես կոչված, «Մայիսյան» վարչական ռեֆորմներ: Զհասկանալով այդ տերությունների դիվանագիտության խարդախությունները, հնչակյանները շտապեցին անել իրենց համար միանգամայն ձեռնադրել հետևություն: Այդ ռեֆորմները նրանք համարեցին իրենց վարած քաղաքականության «հաղթանակը» և պարծենկոտությամբ սկսեցին մշակել ապստամբության նոր ծրագիր: «Այսպես,— գրում է «Հնչակ»-ը,— այսօր միևնույնի կողմից մատնանշված և հաստատված իրողություն է, որ հայկական խնդիրն իր ներկա եռանդուն վիճակում, որը բերել, նրան դրել է իր լուծման նախընթաց օրերը, պարտական է հայ հեղափոխականներին... Պատասխանը պարզ է, անցյալ ամիսներում արդեն, Սասունի դեպքերեն անմիջապես վերջ մենք գրեցինք — մենք կշարունակենք, և ավելի մեծ եռանդով, մեր հեղափոխական գործունեությունը, մենք կնայենք, թե ինչ է անում Եվրոպան իր քննություններով ու դիպլոմատիայով, և պետք եղած դեպքում հեղափոխական շարժումներով մենք կժանրանանք նրա վրա, այսպիսով հարկադրելով նրան լուծում տալ մեր խնդրին»⁵⁰:

«Մայիսյան» ռեֆորմները համարելով իբրև «Հայկական հեղափոխության» հարկադրանքի արդյունք, իբրև իր կուսակցության

47 Ռուբեն Խանազատ, Հիշողություններ Երիմյանի մասին, էջ 21:

48 Նույն տեղում, էջ 23:

49 Նույն տեղում, էջ 21:

ծավալած գործունեության առաջին հաջողություն, «Հնչակ»-ը իր առաջնորդողում գրում է. «Մեր նպատակն է ցույց տալ այն, ինչ որ ութ տարի շարունակ ասել ենք, թե միայն հեղափոխական շարժումները եղան, որ Եվրոպային ստիպեցին մեր խնդրին ձեռնասփսյալին: և որ նրան հարկադրեցին այսօր մեր ժողովրդին կյանքի բարենորոգման ծրագիր կազմել և սուլթանից պահանջել նրա գործադրությունը»⁵¹:

«Մայիսյան» ռեֆորմները հնչակյանների պրոպագանդած «Հայկական հեղափոխության» թելադրանքով չէին: Այդ ռեֆորմների ծրագիրը սոսկ պատրվակ էր միջազգային առաջադեմ մարդկության ցասումը լռեցնելու համար: Այդ տերությունները լավ էին հասկանում, որ Բեռլինի կոնգրեսի 61-րդ հոդվածով նախատեսված ռեֆորմների ծրագիրը մերժող սուլթանը ընդունակ էր մերժելու նաև երեք տերությունների մշակած ռեֆորմների ծրագիրը, մի բան, որը չուղեցան հասկանալ հնչակյանները: Նրանք չուղեցին հասկանալ, որ եվրոպական խոշոր տերությունների հակամարտությունները սրվում էին աշխարհի նոր վերաբաժանման և այդ թվում Թուրքիայի նկատմամբ տնտեսական ու քաղաքական ազդեցություն ձեռք բերելու համար: Այդ հակամարտությունների մեջ Հայկական հարցը և հնչակյանների «Հայկական հեղափոխությունը» ոչ մի էական դեր չէին խաղում: Ավելին, այդ տերությունները շարաշահում էին Հայկական հարցը, իսկ «Հայկական հեղափոխության» պրոպագանդան առիթ էր դառնում Թուրքիային հովանավորելու, հայերի նկատմամբ գործադրված գաղանջությունները նրա ներքին գործը համարելով:

Կինելով դյուրահավատներ և դբաղվելով սնապարծություն, հնչակյանները «Մայիսյան» ռեֆորմների նախագիծը համարում էին ավելի լայն, քան Ներսես Վարժապետյանի կողմից մշակված և Խրիմյանի կողմից Բեռլինի կոնգրեսին ներկայացրածը: Այդ առթիվ «Հնչակը»-ը գրում է. «Երեք տերությունների այդ նախագիծում կա մի ուրիշ կետ, որ անշուշտ չէ խուսափել հայ ընթերցողի աչքից: Այդ կետի կարևորությունը մեծ է: Ակնհայտ է, որ նա արդյունք է հայ հեղափոխական շարժումների: նախագիծը՝ իբրև բարենորոգչի չնահանգներ՝ մեծ Հայաստանին միացնում է Փոքր Հայքը, որպես և Տիգրանակերտի նահանգը, պարզ է, ի նկատի ունենալով

այդ երկու վայրերում ևս տեղի ունեցած մի շարք հեղափոխական շարժումները»⁵²:

Այսպիսով, հնչակյանները չէին ուզում ընդունել, որ այդ ոչինչ շխտատացող «Մայիսյան» ռեֆորմները հայ ժողովրդի ազգային-ազատագրական շարժումների թելադրանքն էին: Իհարկե, սուլթանական կառավարությունը ամենևին էլ հաշվի չառավ երեք տերությունների ներկայացրած ռեֆորմների նախագիծը: Նրանց սնապարծությունը միաժամանակ արտահայտվում էր նրանում, որ նրանք կարծում էին, թե սուլթանական Թուրքիան ոչ այլ ինչ է, եթե ոչ մի «թզուկ բռնակալ» տերություն:

1895 թ. սեպտեմբերի 18—30-ը Կ. Պոլսում հնչակյանները ցույց կազմակերպեցին, որը ոչ թե «փրկության կանթեղ» էր, ինչպես իրենք էին հոխորտում, այլ հանդիսացավ նոր կոտորածների շարժառիթ: Եվրոպական կառավարությունները, դիպլոմատիան, մամուլն ու հասարակությունը,— անհամեստորեն գրում է «Հնչակ»-ը,— «Սարսափահար եղած հայ հեղափոխական կարմիր տեսիլից, մի շտեսնված մեծ իրարանցման մեջ են ընկել հայկական խնդրի առիթով: Յուրյուր, հեղափոխական այդ ձայնը, կտրեց պետությունների հաշվի թելը, պատռեց նրանց դիմակները... ստիպեց նորից լուրջ կերպով դիմել հայկական խնդրի լուծման»⁵³:

Սուլթանի կառավարությունը հայերի դեմ անողոք հարձակումներ կազմակերպեց: Անմեղ հայերի տղեր գնալով սաստկանում էր: Կ. Պոլսի փողոցները ողողվել էին հայերի արյունով, իսկ հնչակյանները աղմկում էին Կ. Պոլսի շարժման խոշոր նշանակության մասին: «Կ. Պոլսի շարժումը,— գրում է «Հնչակը»-ը,— այդ հրաբուխը, ինչպես մեկ անսպասելի երկրաշարժ, հանկարծ ցնցեց ամբողջ Եվրոպան, կառավարությունները, մամուլ, հասարակություն: Հնչակյան կարմիր տեսիլը նորից երևեցավ Կ. Պոլսում և սուլթանանիստ քաղաքն ամբողջովին տակն ու վրա եղավ»⁵⁴:

Սուլթանանիստ քաղաքը ամենևին տակն ու վրա չեղավ: Ավելի միշտ կլինի ասել, որ նրանց կործանարար քաղաքականության հետևանքով տակն ու վրա եղան հազարավոր հայկական տներ և դոճ դարձան հազարավոր անմեղ հայեր: Այդ վնասակար քաղաքականությունը արևմտահայ ժողովրդի ազատագրության ուղին

⁵² «Մշակ», № 8, 1895:

⁵³ «Հնչակ», № 16, 1895:

⁵⁴ «Հնչակ», № 17, 1895:

չէր ու չէր կարող դառնալ: էլ որտե՞ղ մնաց սնապարծ հայտարարութիւնն այն մասին, որ իբր թե իրենց հնչակյանները հարկադրանքի ներքո թուրքական կառավարութիւնը «ծունկի է եկել և գլուխ ծռել» իրենց առջև:

«... Այսօր համայն հայութիւնը, — գրում է «Հնչակ»-ը, — համայն աշխարհ վկա է կուսակցութեան այդ մեծ հաղթութեան, որ մենք տարինք այնքան արջան և այնքան եռանդի գորութեամբ»⁵⁵:

Սուլթանական կառավարութիւնը կանգուն էր և հռչակում էր հայերին, բայց հնչակյանները սնապարծորեն խոսում էին նրա «պարտավածութեան» մասին, որը ծիծաղելի է: «Կ. Պոլսի և Զեյթունի հեղափոխական ձայնը, — գրում է «Հնչակ»-ը, — հայկական սղաղակն ասաց եվրոպային, որ հայերը որոշել են հաղթել, իսկ հաղթված կլինի միայն այն ժամանակ, երբ հայերի համար իրենց հայրենիքը կլինի այլևս գերեզման»⁵⁶:

Հնչակյանների քարոզած «Հայկական հեղափոխութիւնը» պակաս դեր չխաղաց սուլթանի համար ուսուսական ցարին այդ ուրվականով վախեցնելու, սուլթանի իշխանութեան հետ «մտերմական» հարաբերութիւններ հաստատելու և հայերի նկատմամբ թշնամական կուրս վերցնելու, նրանց «սեւարատիստական» հակումները խափանելու գործում:

Հայտնի է, որ 1895—1896 թվականներին Զեյթունի հերոսամարտը լուրջ հարված էր նենգ ու դաժան թշնամուն: Պայքարը վերջացավ երկու կողմերի համաձայնութեամբ՝ եվրոպական տերութիւնների միջամտութեամբ: Զեյթունցիների հաջողութիւնները հնչակյանները համարեցին իրենց տարած «փայլուն» հաղթանակը»⁵⁷:

«Ահա թե ուր է հասցնում ապստամբական զենքի հարվածը, — գրում է «Հնչակ»-ը, — և նրա հմուտ գործադրութիւնը: Եվ Զեյթունն այսօր այդ կարևոր դիրքն է բռնել միջազգային քաղաքականութեան մեջ շնորհիվ իր ապստամբութեան, որ կազմակերպել ու վարում էր շարունակ Հնչակյան կուսակցութիւնը... Դրանից նաև էլ ի՞նչ ավելի փառավոր ապացույց կարելի է առաջ բերել հօգուտ Հնչակյան կուսակցութեան փայլուն գործունեութեան»⁵⁸:

Հնչակյանները շկարողացան կամ չկամեցան հասկանալ եվ-

րոպական դիվանագիտութեան շահամուլ բնույթը: Հայկական հարցում ամենանենգ դիտավորութեամբ հանդես էր գալիս Անգլիան, Քայց հնչակյանները Գլադստոնի «մարդասիրական» ճառերով հիպոստացած, ավելի ու ավելի էին կողմնորոշվում դեպի նա և նրա անմիջական օգնութեան հետ էին կապում Հայկական հարցի լուծումը:

«Մեր դատի բնական պաշտպանի դերն Անգլիայի վրա է ընկնում, — գրում է «Հնչակ»-ը, — և դա՛ հենց այն պարզ պատճառով, որ այս վերջին տերութեան շահերը, հակառակ լինելով Ռուսաստանի շահերին, նպաստավոր էին Հայկական դատի լուծման հողուտ հայոց պահանջների, հօգուտ հայոց ինքնուրույնութեան»⁵⁹:

Չընդունելով այն ճշմարտութիւնը, որ հենց այդ անգլո-ուսական հակամարտութիւններն էին, որոնք ոգևորում էին սուլթանական թուրքիային հայերի նկատմամբ իր նողկալի քաղաքականութիւնը իրականացնելու:

Բայց քանի որ Անգլիան հայտարարում էր, թե ինքը միայնակ օգնել չի կարող, որ իր նավերը Տավրոսի լեռները բարձրանալ չեն կարող, ուստի հնչակյանները պետք է շարունակեն իրենց «ապստամբական» գործողութիւնները՝ նրա վրա ճնշում գործ դնելու, նրան ակտիվացնելու համար:

Քաղաքական այսպիսի կուրսով հնչակյանները շարունակեցին իրենց վնասակար գործունեութիւնը:

* * *

1896 թ. օգոստոսին Լոնդոնում գումարված համաժողովը հանրագումարի բերեց Հնչակյան կուսակցութեան քաղաքականութեան տխուր արդյունքները: Հնչակյան կուսակցութեան կորստաբեր քաղաքականութեան հետևանքները հասկացան ու գիտակցեցին նրա շարքերում եղած որոշ մարդիկ՝ Ա. Արփիարյանը, Միհրան Տամատյանը, Անտոն Ռշտունին, Աղասին, Մ. Սվազյանը, Հ. Օհանջանյանը և ուրիշներ, որոնք վտարվեցին այդ կուսակցութեանից այն բանի համար, որ պահանջում էին վերջ տալ հայ ժողովրդի գոյութեանը սպառնացող խաղերին և Հայկական հարցի լուծմանը ձգտել խաղաղ դիվանագիտական ճանապարհով:

Հնչակյան կուսակցութիւնը պառակտվեց: Նա իր տեղը գիշում

⁵⁵ «Հնչակ», № 18, 1895:

⁵⁶ «Հնչակ», № 22, 1895:

⁵⁷ «Հնչակ», № 24, 1895:

⁵⁸ «Հնչակ», № 3, 1896:

⁵⁹ «Հնչակ», № 5, 1896:

էր դաշնակցութեանը: Հնչակյանների համաժողովը կուսակցութեանից և նրա Կենտկոմի կազմից հեռացրեց Ա. Նազարբեկյանին և նրա կնոջը՝ Մարիամ Նազարբեկյանին⁶⁰:

«Հիմա ալ ժամանակն է,— գրում է «Հնչակ»-ը,— որ ավելի ճշգրիտ ծրագրով, ավելի ընդարձակ միջոցներով գործենք»⁶¹:

Մրազրի ճշգրտումը՝ ընկերվարական-սոցիալիստական կարգերից հրաժարումն էր, իսկ ընդարձակ միջոցները՝ դաշնակցութեան հետ սերտ-աճումն էր, զուտ ազգայնական նպատակին ծառայելն էր:

«Նախ պետք է ունենանք ազգայնական պահանջներու որոշ, հստակ ծրագիր մը,— գրում է «Հնչակ»-ը,— հայոց ազգը գիտենալու է, թե ի՞նչ կուգի: Կուսակցական շրջանք այդ ծրագիրը, այլ ազգային: Ամբողջ հայ ազգը մեկ հոգով, մեկ սրտով այդ ծրագրին իրականացումին պետք է աշխատի: Պատրաստ ունինք այդ ծրագիրը»⁶²: Այնուհետև «Այդ ծրագիրը 1895 թ. սեպտեմբեր 18/30-ին,— գրում է «Հնչակ»-ը,— իբրև հայտարարություն ներկայացավ Դրան, եվրոպական տերություններուն, ամբողջ աշխարհին: Հայ ազգը ամբողջապես ծափեց այդ ծրագրին... Իսկ օգոստոսի 14/26-ին ետքը Դաշնակցական կուսակցութեան պահանջումներին ալ, որոնք հաղորդվեցան եվրոպական պետություններուն, նույնանում էին մեր ծրագրին պարունակությունը»⁶³:

Այս ծրագիրը հնչակյանները ներկայացնում էին որպես արևմտահայ ժողովրդի աղատագրության փաստաթուղթ, որը երազանք էր: Այդ ազգայնական ծրագիրը հայ ժողովրդին մեկուսացնում էր մյուս ժողովուրդներից ու ազգերից և չէր կարող հասցնել նրա սոցիալական ու ազգային ազատագրությանը:

Հնչակյանների նոր ծրագիրը իրավունք էր վերապահում հասարակության սոցիալական խավերին ազատորեն նախընտրելու իրենց համար հասարակական-տնտեսական կարգ, չբացասելով նույնիսկ միապետական կարգը:

Հնչակյանները հայտարարում էին, թե իրենց ապստամբական գործողություններն են, որոնք Թուրքիային մահվան եղրին են հասցրել: «Հայ հեղափոխական գործունեության հարվածների տակ նա (իմա՝ Թուրքիան — Շ. Ա.),— գրում է «Հնչակ»-ը,— վերջնականապես կորցրեց թե քաղաքական և թե նյութական հենակետը...»

60 «Հնչակ», N 18, 1896:

61 «Հնչակ», N 19, 1896:

62 նույն տեղում:

63 նույն տեղում:

Սուլթանն ու իր ղեկավար, հայ հեղափոխական գործունեության շնորհիվ, հասած էին այդ վիճակին, որից նրան փրկեցին Երվրդ-Քեռչկի խարդախությունը և գլխավորապես եվրոպական մեկ-երկու միապետներ»⁶⁴:

Եվրոպական դիվանագիտության օգնության սիրահանները հարկադրված եղան ասելու, որ «Եվրոպան այսօր դարձել է Թուրքիայի խնամակալն ու տերը»⁶⁵: Եվրոպան հապաղում էր, Անգլիան, «Հայկական դատի այդ բնական «սլաշտպանը» չէր օգնում: Ի՞նչ անել, ղենքը վա՛յր դնել,— ոչ, պատասխանում էին հնչակյանները, պետք է շարունակել կռիվը և ստիպել Եվրոպային միջամտելու... Մեր դրությունն այսօր շատ որոշ է,— գրում է «Հնչակ»-ը:— մենք գիտենք, թե ինչ վիճի գլխին է կախված սուլթանական ղեկավարը. մենք գիտենք նույնպես, որ եվրոպական տերությունների անորոշ ու անհամարձակ դիրքն էլ կխախտվի, եթե Թուրքական կայսրության մեջ ներսից սուլթանական ղեկավար ստանա ուժգին հարված: Մեր պատմական դատն էլ հենց դրանում կարող է գտնել իր միակ լուծումը: Հետևաբար, պատմական սնխուսափելի պահանջ է, որ ներկա կրիտիկական ու ծանր ժամանակներին էլ մենք շարունակենք մեր կռիվը...»⁶⁶:

Իր հովանավորյալների ու տերերի օգնությամբ ու թողտվությամբ սուլթանական Թուրքիան հնչակյանների կողմից իր դեմ ուղղված ամեն մի «ուժգին հարված»-ին պատասխանում էր հայերի կոտորածներով ու արտաքսմամբ: Հնչակյանները այդ բոլորից հետո խոսում էին հայ ժողովրդի, հայ ազգի շահերից, «Հայկական հեղափոխության» գաղափարը համարում էին «նրա միսը, արյունը, նրա մտածելու ու զգալու միակ եղանակը»⁶⁷:

Իր այդ հայտարարությունից «Հնչակը»-ը անում է այն հետևությունը, որ իբր թե հայ ժողովուրդը ազգ է դառել և տեղ է գտել մյուս ազգերի շարքերում շնորհիվ «Հնչակյան» կուսակցության «հեղափոխական գործունեության», որ «Եվրոպայի աչքում «մեռած երկիր» Հայաստանը վերածվեց նոր կյանքով, նոր մտքով, նոր գործով և անցավ ազգերի շարքը»⁶⁸:

Հնչակյանների ղենքը ուղղված էր Ա. Արփիարյանի և նրա

64 «Հնչակ», N 8, 1897:

65 նույն տեղում:

66 «Հնչակ», N 9, 1897:

67 «Հնչակ», N 6, 1897:

68 «Հնչակ», N 11, 1897:

կողմնակիցների դեմ, որոնք շեշտակիորեն պահանջում էին վերջ տալու արյունահեղություններին, ահաբեկումներին ու դավադրություններին և Հայկական հարցի լուծումը թողնել եվրոպական դիվանագիտության միջամտությանը: Իհարկե, եվրոպական դիվանագիտությունը Հայկական հարցի լուծման ուղին չէր կարող դառնալ: Բայց նրանց կողմից հնչակյանների կորստաբեր քաղաքականության մերկացումները միանգամայն ճիշտ էին: Այդ էր պատճառը, որ հնչակյանները սկսեցին անհիմն մեղադրանքներ հորինել Արփիարյանի և նրա կողմնակիցների դեմ:

Մերկացնելով հնչակյանների ու դաշնակցականների վնասակար գործունեությունն ու գաղափարախոսությունը Ստ. Շահումյանը ցույց է տալիս, որ այդ քաղաքական կուսակցությունները շեղում էին հայ ժողովրդի ուշադրությունը ընդհանուր թշնամու՝ ուսական ցարիզմի դեմ մղվող պայքարից, ցարիզմ, որի կործանման հետ էր կապված ոչ միայն ուսու ժողովրդի, այլև ճնշվող բոլոր ժողովուրդների և այդ թվում հայ ժողովրդի ազատագրության բախտը:

«Այո՛, — գրում է Ստ. Շահումյանը, — մենք հակառակ ենք եղել դաշնակցականների, հնչակյանների ազգային քաղաքականությունը: Մենք ասել ենք նրանց՝ դուք, պարոններ, հայ ազգի համար կուլյր առաջնորդներ եք: Դուք ունեք բարի ցանկություններ, բայց ձեր գործերը, ձեր ճանապարհը կորստաբեր են հայ ժողովրդի համար»⁶⁹:

Շահումյանը միաժամանակ նշում է, որ այդ կուսակցությունների ազգայնական գաղափարախոսությունը, հայերին մյուս ժողովուրդներից մեկուսացնելու և նրանց հետ թշնամացնելու քաղաքականությունը կորստաբեր էին ոչ միայն արևմտահայության, այլև կովկասահայության համար:

«Ազգը այսինքն՝ ժողովուրդն իր մեծամասնության մեջ, — գրում է նա, — ոչ միայն չշահեց հնչակյան-դաշնակցական «ազգասիրությունից», այլ կրեց ամենասոսկալի պատիժները, զոհ դարձավ ամենաահռելի պատուհասների»⁷⁰: Եվ ապա «մեր «ազգասերները» ...կարծես դիտարկված ամեն ջանք դործ էին դնում մեկուսացնելու հայ ժողովուրդը հարևան ազգերից, թշնամացնելու նրա հետ

բոլորին և հող պատրաստելու՝ սուլթանի ու Նիկոլայ Ռոմանովի դժոխային ծրագրերները իրականացնելու համար»⁷¹:

Ելնելով պրոլետարական ինտերնացիոնալիզմի և ժողովուրդների բարեկամության սկզբունքներից, Ստ. Շահումյանը իրավաբան կերպով նշում է, որ միայն հարևան ժողովուրդների հետ համերաշխ ապրելու և գործելու քաղաքականությունն է հրաշխիք հայ ժողովրդի հանգիստ գոյության:

Այսպիսով, քննարկելով դեպի արևմտահայ ժողովրդի ազատագրությունը հնչակյանների ունեցած վերաբերմունքը, հանրագումարի բերելով նրանց քաղաքականության արդյունքները, մենք հանգել ենք այն հետևություն, որ նրանք ոչ միայն չէին կարող հասնել հայերի ազատագրությանը, այլև ձախողում էին նրանց սպառարի հաջողությունները:

3. Հ. Հ. Դաշնակցությունը — Հայ քաղաքական կյանքում, այդ ժամանակաշրջանի երկրորդ ազդեցիկ կուսակցությունը դաշնակցությունն էր, որը առաջացավ 1890 թվականից: Նա իր խնդիրն էր համարում զբաղվելու արևմտահայերի ազատագրության հարցով, որի հիմնադիրները ամենևին ծանոթ չէին Արևմտյան Հայաստանի պայմաններին: Նրանք միայն գիտեին, որ Թուրքիայում հայեր կան և ճնշվում են թուրքական բռնապետության կողմից:

Թե՛ հնչակյանները և թե՛ դաշնակցությունը կարծում էին, որ թուրքական պետությունը կազմալուծվում է՝ որը հնարավոր է դարձնում ներքին խռովությունների կազմակերպման և կոլեկտիվ խնամակալությունը հանձն առած եվրոպական խոշոր տերությունների միջամտությամբ հասնել Արևմտյան Հայաստանի ինքնավարությանը: Այդ ենթադրությունների հիման վրա նրանք մշակեցին իրենց ծրագրերը և գործողության եղանակները: Ահա թե ինչու Ռոստոմ Զորյանի և Մարտին Շաթիրյանի ստեղծած ու զխավորած դաշնակցական կազմակերպությունը բացառապես անդամագրում էր արևմտահայերին:

Դաշնակցության հիմնադիրներից Սիմոն Զավարյանը և Քրիստափոր Միքայելյանը նարոդովոլցիներ էին և գտնվում էին նրանց գաղափարական ազդեցության տակ: Այդ իրադրությունների ծնունդ էր նաև Ռոստոմ Զորյանը: Սրանք ամենևին չհրաժարվեցին նարոդնիկական հայացքներից, նրանց անուրխստական դավադրական գործողություններից, այլ, ընդհակառակը, դրանք հարմարեցրին

69 Ստ. Շահումյան, Երկեր, հատ. 2, Հայպետհրատ, 1957, էջ 407:

70 Նույն տեղում, էջ 409:

71 Նույն տեղում, էջ 408:

հայ իրականությունը, իրենց բուրժուա-նացիոնալիստական քաղաքականությունը:

Ռուսական նարոդնիկները տեղորի ու դավադրությունների ճանապարհով կամենում էին հեղաշրջել Ռուսաստանի միապետական կարգերը և հասնել ժողովրդի ազատագրությանը: Դաշնակցության հիմնադիրներն էլ կարծում էին, թե ցույցերի, արշավանքների, տնտրիստական ակտերի կազմակերպման, հրոսակային խմբերի ծավալած գործողությունների ճանապարհով կարելի է հասնել Հայկական հարցի լուծմանը:

Նարոդովուցիների օրինակով Քր. Միքայելյանը քաղաքական պայքարը նույնացնում էր քաղաքական դավադրությունների հետ: Նա մերժում էր կազմակերպված դասակարգային պայքարի անհրաժեշտությունն ու անխուսափելիությունը, պաշտպանում էր հրոսակախմբերի ստեղծման, դինման ու դրանց միջոցով պետություններին ահաբեկելու սխալ քաղաքականությունը:

1890 թվականին դաշնակցությունը հրապարակեց իր, այսպես կոչված, «Մանիֆեստը», որը ազդարարում էր, թե «Սուլթանը սարսափահար է, թուրք կառավարությունը գլուխը կորցրել է, նոր դաշնակցությունը մտել է այն կովի մեջ, որ սկսել է ինքը՝ ժողովուրդը տաճկաց կառավարության դեմ»:

1891 թվականի մայիսին «Դրոշակ»-ը գրում է. «...Հայ ժողովրդի կոիվը պետք է պարտիզանական կոիվ լինի. մենք մեր այժմյան դրության մեջ ուրիշ կերպ կուվել չենք կարող... Այդ պարտիզանական պատերազմի նախաձեռնողը կլինեն ժողովրդից դուրս եկած մարտնչող մարդիկ, որոնք միայն ձև են փնտրում արտահայտելու իրենց հիանալի զգացմունքները, ուժերն ու ընդունակությունները: Այդ ձևը — հրոսակային (հայդուկային — ավազակային) խմբերի կոիվը — կթելադրեն ժողովրդին և կժողովրդականացնեն՝ հեղափոխական ինտելիգենցիայի ներկայացուցիչները»⁷²:

1892 թվականին Դաշնակցության առաջին համագումարը իր ընդունած ծրագրում հայտարարեց, որ Դաշնակցության «նպատակն է ապստամբության միջոցով Թուրքահայ Հայաստանի մեջ ձևոք բերել քաղաքական և տնտեսական ազատություն»: Իր նպատակին հասնելու համար դաշնակցությունը «կկազմակերպե հեղափոխական խմբեր, որոնք կառավարության դեմ անընդհատ և զո-

րեղ կոիվ մղեն»: Եվ ապա՝ «կուվել և ահաբեկել կառավարության պաշտոնյաները...»⁷³:

Այդ ծրագիրն ընդունելուց հետո Քր. Միքայելյանը հարկադրված եղավ խոստովանել, որ իր կուսակցության նախընտրած գործողության եղանակը պարզապես «մի սրբազան Ռիսկ է՝ պայմանական հաջողությամբ»⁷⁴:

Դաշնակցության աղմկարարության դեմ ինչպես արևմտահայերի, այնպես էլ բոլոր ողջախոհ մտածող արևելահայերի դժգոհությունը գնալով մեծանում էր, որովհետև նրանք ոչ մի լավ բան չէին տեսնում, ոչ մի շոշափելի արդյունքի չէին հասնում դաշնակցության գործունեությունից, բացի վնասից: Այդ օրինական դժգոհությունը առիթ եղավ Քր. Միքայելյանին՝ հանդես գալու «Ամբոխային տրամադրություն» խորագրով իր կուսակցության քաղաքականությունը արդարացնող հատուկ աշխատությամբ: Նա հայերին մեղադրում էր «ամբոխային տրամադրություն» ցուցաբերելու, իր կուսակցության վարած քաղաքականության հեռանկարները չհասկանալու մեջ: Ի՞նչ էր պահանջում այդ «Ամբոխը»: Նա պահանջում էր հրաժարվել անժամանակ և անկազմակերպ ցույցերի և ապրստամբությունների դիմելու փորձերից, դավադրություններից, անուորիստական ակտերից, հայդուկային գործողություններից, որոնք առիթներ էին ստեղծում սուլթանական կառավարության համար հայերի բնաջնջման իր վաղուց մշակած ծրագիրը համարձակորեն իրագործելու և միաժամանակ միջազգային պրոպագանդա մարդկության ցատումը լուեցնելու, իր հանցագործությունը հայերի վրա բարդելու համար:

«Ամբոխը շատ իրավացի կերպով գտնում էր, որ եթե հայերը սուլթանական բռնապետությունից պետք է ազատագրվեն իրենց ֆիզիկական ոչնչացման ճանապարհով, ապա ո՞ւմ էր պետք այդպիսի ազատությունը:

«Ամբոխը» դաշնակցության քաղաքականությունից ու գործելակերպից դժգոհ էր, որովհետև դրանցից ոչ մի դրական բան չէր սպասում: Նա պահանջում էր վարել ալնալիսի քաղաքականություն և ունենալ այնպիսի գործելակերպ, որոնք օգնեին նրան ազատագրվելու ոչ միայն բռնակալների հարստահարություններից, սոցիալական ու ազգային ճնշումներից, այլև ֆիզիկական բնաջնջումի-

72 «Դրոշակ», № 2, 1891:

73 Քր. Միքայելյան, Հեղափոխականի մտքեր. Ժնև, 1906, էջ 37:

Նշանակում է, որ «Ամբոխային տրամադրությունը» ավելի առողջ էր, քան դաշնակցության պարագլուխների տրամադրությունը: Այդ բանը սկսեցին գիտակցել նույնիսկ այդ պարագլուխներից ոմանք: Նրանք դաշնակցության առաջին համագումարում, որպես շահավորներ հրաժարվեցին կրակի հետ խաղ անելու, սրի ու զենքի քաղաքականությունից: Բայց դաշնակցական բյուրոկրատիան, հաշվի չառնելով ժողովրդական մասսաների դժգոհությունը, շարունակեց իր վնասակար քաղաքականությունը՝ այն է՝ բռնի ուժով վերջ տալ թուրքական բռնապետությանը, «թոթափել այդ խայտառակ լուծը, ոչնչացնել արդի միապետական բռնակալ ռեժիմը»: Այսպիսով, հայդուկային հրոսակային խմբերի միջոցով դաշնակցությունը կամենում էր խորտակել մի պետություն, որն օգտվում էր եվրոպական խոշոր տերությունների աջակցությունից ու հովանավորությունից: Այսպես կարող էին մտածել միմիայն քաղաքական անհեռատես մարդիկ, որոնք իրոք, որ ուսկի էին ենթարկում հայ ժողովրդի բախտը:

Հետևապես, միանգամայն սխալվում է կեռն, երբ հայ ժողովրդի ազգային-ազատագրական պայքարի գաղափարախոսությունը ամբողջապես դիտում է որպես նարոդնիկական — բունդարական ռուսական սոցիալիզմի գաղափարախոսության արդյունքը: Նա հայ ազգայնական այդ կուսակցությունների բունտարական գործունեությունը կապում է Նալբանդյանի և նրա գաղափարակիցների գործունեության հետ: Ըստ կեռյի ստացվում է, որ առաջին բունտարը եղել է Նալբանդյանը, երկրորդը՝ «Հնչակը» և երրորդը՝ Դաշնակցությունը: «Ուրեմն,— գրում է նա,— դարձյալ նույն ռուսական սոցիալիզմն էր բունտարական — ապստամբական սկզբունքով, որ այս երրորդ անգամն էր — Նալբանդյանից և «Հնչակ»-ից հետո գալիս էր կազմակերպելու թուրքահայության ազատագրումը ապստամբության միջոցով»⁷⁵:

Նալբանդյանը բունտարական-դավադրական ելույթների կողմնակից չէր: Նա ամբողջ հայ ժողովրդին կոչ էր անում զինված ճանապարհով կործանելու բռնակալների իշխանությունը, նվաճելու ազատությունը: Նրա համար թուրքական սուլթանիզմը նույնքան վտանգավոր էր, որքան՝ ռուսական ցարիզմը: Նա հայ ժողովրդի ազատագրությունը սերտորեն կապում էր ռուս ժողովրդի ազատա-

գրության հետ: Նալբանդյանը հայ ժողովրդին մյուս ժողովուրդների հետ բարեկամական համագործակցությամբ պայքարի էր կոչում: Իսկ այդ ազգայնական կուսակցությունները հայ ժողովրդին թշնամացնում էին հարևան ժողովուրդների հետ և դրանով լուրջ արգելք էին դառնում նրա ազատագրության գործին:

1893—1894 թվականների՝ Սասունի ժողովրդի ազգային-ազատագրական պայքարը վերջացավ հայերի՝ պարտությամբ: Բայց հայ ազգայնական կուսակցությունները, առանց որևէ լուրջ հետևություններ անելու, կոչ էին անում «կրկին դիմել դեպի կոտորած, դեպի արյուն, դեպի զոհ. ահա միակ ճանապարհը, մինչև որ կկործանվի սուլթանի զահը...»⁷⁶:

Ռիսկի ենթարկելով ժողովրդի բախտը, հայ ազգայնական կուսակցությունները նրան օբյեկտիվորեն մղում էին կործանման ուղին: «Կտրված գլուխներ, սովամահ եղած դիակներ, բանտերում փտող կալանավորներ, հեղեղներով հոսող արյուն,— գրում է «Դրոշակ»-ը,— ահա թե ինչից է ծնում ազատությունը, ահա թե ինչեք են անկախության և բարօրության աշխարհ բերողները»⁷⁷:

Դաշնակցական գոռոզամիտների աչքում նույնպես թուրքական սուլթանը երևում էր ինչ որ մի աննշան մեծություն, մի թզուկ, և կարծում էին, թե իրենց մի քանի հայդուկային խմբերով հնարավոր կլինի վերջ տալ նրա գոյությանը և հասնել հայերի ազատագրությանը:

Սուլթանի իշխանությունը շատ ամուր էր. նա մասսայաբար կոտորում էր հայերին, իսկ դաշնակցականներն իրենց արարմունքներով բորբոքում էին նրա կրքերը: Սասունի ապստամբությունը համարում էին «Հայկական հեղափոխություն», «կյանքի գարուն»⁷⁸, որովհետև տիրչ ճանապարհ չկա, ասում էին նրանք, «ազատությունը ձեռք բերելու միջոցը զենքն է, արյունն է...»⁷⁹:

Այդ զենքի ու արյան իր վարած քաղաքականության «հաջողությանը» վերագրելով Սասունի ապստամբությունը, դաշնակցությունը սկսեց թմբկահարել, թե «Հեռու չէ ժամանակը, հայ ժողովուրդ, զանգն արդեն խփել է: Թուրք պետության օրհասն արդեն մոտ է...»⁸⁰: Այդ օրհասն ավելի մոտեցնելու նպատակով, դաշնակցու-

76 «Դրոշակ», № 14, 1894:

77 նույն տեղում:

78 «Դրոշակ», № 4, 1895:

79 «Դրոշակ», № 2, 1895:

80 «Դրոշակ», № 14, 1894:

75 Կեռ, Թուրքահայ հեղափոխության գաղափարաբանությունը, հատ. Բ, Փարիզ, 1935, էջ 8:

թյունը դիմեց ահաբեկումների քաղաքականությանը՝ որպես սուլ-թանական կառավարության ուժերը ջլատելու «միակ նպատակահարմար միջոցը, ուղին»⁸¹, որն ավելի ու ավելի մեծ աղետների առջև կանգնեցրեց հայ ժողովրդին:

Թուրքական կառավարությունն անտարբեր չէր դեպի դաշնակ հրոսակների ահաբեկումները: Նա իր ամեն մի պաշտոնյայի սպանությունը պատասխանում էր բոլորովին անմեղ հազարավոր հայերի ոչնչացմամբ:

«Հայ Հեղ. Դաշնակցությունը, — գրում է «Դրոշակ»-ը, — հավատարիմ մնալով յուր սկզբունքին, կշարունակե կռիվը. կովի մեջն է կյանքը, կովի մեջն է հաղթությունը... մենք կկովենք»⁸²:

Բայց ու՞մ դեմ էին կովում նրանք, — մի ուժեղ ու հզոր տերություն, որը նյութական և բարոյական ուժ էր ստանում եվրոպական հենց այն տերություններից, որոնցից միջամտություն էին սպասում իրենք: Իսկ ո՞րն էր իրենց կովի անհաջողությունների պատճառը: Պատճառը, պատասխանում էին նրանք, Թուրքիայից դուրս գտնվող հայերն էին, որոնք կամ փող չէին տալիս, կամ հույս էին դնում եվրոպական դիվանագիտության միջամտության վրա՝ բացասելով հայկական հեղափոխության» անհրաժեշտությունը:

«Այո՛, — գրում է «Դրոշակ»-ը, — հայ թշվառ ժողովուրդը մեռնակ է ու անգեն, և ո՞վ է մեղավորը, ինքը՝ Տաճկահայաստանից դուրս ապրող հայ ժողովուրդը, որ անտարբեր գտնվեց հեղափոխականների հրավերին ու յուր խաղաղ ուղիով հարեց դիպլոմատիային»⁸³:

Ուրեմն, «Հայկական հեղափոխության» անհաջողության պատճառը Թուրքիայի սահմաններից դուրս եղած հայությունն է, նրանց եվրոպական օրինետացիան: Բայց չէ՞ որ իրենք էլ այդ օրինետացիայի շերմեռանդ պաշտպաններն էին: Տարբերությունն այն էր, որ մեկը կամենում էր Հայկական հարցի լուծմանը հասնել խաղաղ դիվանագիտական ճանապարհով, իսկ մյուսը մեղադրելով այդ տերություններին՝ սառնասիրտ վերաբերվելու համար և իր «հեղափոխական» գործողություններով կամենում էր կոտրել նրանց քար լուծությունը, ակտիվացնել նրանց՝ «հոգևարքի» մեջ գտնված սուլթանին վերջ տալու, Հայկական հարցը լուծելու համար:

⁸¹ Նույն տեղում:

⁸² Նույն տեղում:

⁸³ «Դրոշակ», № 17—18, 1895:

Բայց ցավոք սրտի, ասում էին դաշնակցականները, այդ «թըշվառական հիվանդը» կարողանում է ապրել ու կենդանի մնալ մի կողմից եվրոպական դիպլոմատ բժիշկների, և մյուս կողմից՝ Թուրքիայից դուրս գտնվող հայերի սառնասիրտ վարմունքի հետևանքով: Թող նրանք այդպես վարվեն, իսկ մենք կշարունակենք մեր կռիվը և «այդ կռիվն է մեր ճակատագիրը վճռողը»⁸⁴: Միայն կովի միջոցով, արյուն թափելով, սրեր ճոճելով հնարավոր կլինի սրել Արևելյան հարցը և ընթացք տալ Հայկական հարցին, Այդպիսի դյուրահավատությունը ու մանկամտությունը «Դրոշակ»-ը գրում է. «Որովհետև Հայկական խնդիրը կապված է Արևելյան հարցի հետ, ուստի դիպլոմատիայի վրա ճնշում գործ դնելու ամենազորեղ միջոցը, հայտնի է, հեղափոխական շարժումներն են: Հայկական հեղափոխական շարժումը ներկայումս Արևելյան հարցի, այդ քաղաքական-պայթուցիկ պատրույզն է, իսկ հեղափոխականները այդ պատրույզը, նրա կրակը: Արևելյան հարցի պայթումից սարսափում է քաղաքակիրթ աշխարհը և առանձնապես նրա քաղաքական ներկայացուցիչները»⁸⁵:

Որ Հայկական հարցը սերտորեն կապված էր Արևելյան հարցի հետ, այդ անկասկած է: Բայց եվրոպական ոչ մի տերություն իր ոչ մի դիվլորի կյանքը չէր գոհի Հայկական հարցի լուծման համար, նրանցից ոչ մեկն էլ Թուրքիայի հետ պատերազմ չէր վարի, որովհետև նրանցից յուրաքանչյուրը ղեկավարվում էր իր շահերով:

1895—1896 թվականներին զեյթունցիները կազմակերպեցին իրենց հերոսական ինքնապաշտպանությունը և ամենևին էլ անձնատուր չեղան: Այնինչ դաշնակցական կովարարները սկսեցին կըշտամբել նրանց «անձնատուր լինելու» համար և պահանջում էին շարունակել արյունահեղությունը: «Զեյթունի անձնատուր լինելու խնդիրը դնելով հեղափոխական տեսակետից, — գրում է «Դրոշակ»-ը, — մենք չենք կարող նրա այդ վարմունքին նայել հաշտ աչքով և ներողամիտ սրտով... Զեյթունի այս անկումը մեզ չի վճատեցնիլ, ինչպես որ չվճատեցրին հարյուր հազար զոհերը. կռիվը շարունակվում է և կշարունակվի»⁸⁶:

Իրենց այս ծրագրի իրագործման դիտավորությամբ նրանք սկսեցին դատապարտել և «հայրենիքի դավաճաններ» անվանել

⁸⁴ «Դրոշակ» № 4, 1896:

⁸⁵ «Դրոշակ» № 19, 1895:

⁸⁶ «Դրոշակ» № 7, 1896:

քորր այն հայերին, ովքեր իրենց կյանքը փրկելու նպատակով թողնում, փախչում էին: «Եվ այժմ, երբ գետերով արյուն թափելուց հետո, — գրում է «Դրոշակ»-ը, — հայկական խնդրի լուծման ժամանակը գարկում է, — դու հայրենիքդ ուրանո՞ւմ, փախչո՞ւմ ես: Դատապարտելի է... Ո՛հ, որու դավաճանում ես հայրենիքիդ... Դու կլրենես դավաճան, մի գաղթիր»⁸⁷: Եվ ապա՝ «Ամոթ քեզ հայ ժողովուրդ... փոխանակ հայրենիքում մնալու... դու դառնում ես մի տճրագործ, դավաճան և վատաբար անդունդից անդունդ փախչում... Ախ՛, քո ընթացքը-գաղթելը կորստաբեր է. ամենասարսափելի կոտորածները ոչինչ են դրա դիմաց, մի ազգի կորստյան պատճառը գաղթականությունն է»⁸⁸:

Ինչո՞ւ վհատվել, ինչո՞ւ փախչել, երբ դաշնակցական հայդուկների հարվածների տակ արդեն զլուխ է խոնարհում սուլթանի իշխանությունը, երբ «մեր թշնամին օրեցօր թուլանում, ընկնում է. նա հիմա նստած է հրաբխի վրա և այսօր կամ վաղը կժայթքի այդ հրաբուխը իր լավայի տակ թողնելով մեծ ոճրագործին՝ իր բռնակալությունը»⁸⁹:

Այս ոգևորությամբ 1896 թ. օգոստոսի 14-ին Օտոմանյան բանակի գրավման կապակցությամբ Կ. Պոլսի դաշնակցական կոմիտեն մշակում և սուլթանի կառավարությանն է ներկայացնում 12 կետերից բաղկացած իր ուլտիմատում-պահանջը:

Իսկ բանկի վրա հարձակվող դաշնակցականները ֆրանսերեն լեզվով կազմում են իրենց ուլտիմատում-պահանջը՝ 4 կետից բաղկացած:

1. Ապահովել միջազգային միջամտությամբ ամբողջ երկրի խաղաղությունը:

2. Ընդունել բոլոր պահանջները, որ գրել է Հ. Հ. Դաշնակցության Պոլսո Կենտրոնական կոմիտեն:

3. Մեր դեմ ուժ գործ չդնել:

4. Կյանքի կատարյալ ապահովություն թե բանկի մեջ գտնվողների և թե քաղաքի այն մասերում խառնակչությանց մեջ մասնակցողներին⁹⁰: Հակառակ դեպքում դաշնակցականների հայդուկային խումբը սուլթանին սպառնում էր բանկի կործանմամբ:

87 «Դրոշակ» № 14, 1896:

88 «Դրոշակ» № 28, 1896:

89 «Դրոշակ» № 16, 1896:

90 «Դրոշակ» № 21, 1896:

Բանկի գրավման հետ կապված արկածախնդրության համար սուլթանի կառավարությունը սրի քաշեց ավելի քան 6000 հայերի, իսկ իրենք պարտնաջք դաշնակցականները ֆրանսիական «Ժիրոնդա» շոգենավով Ֆրանսիա մեկնեցին:

Անարգանքի սյունին զամելով հայ ազգայնական կուսակցությունների այդ դավադրական քաղաքականությունը, Ա. Չոբանյանը գրում է. «Պանքային ցույցեն ետո, երբ 6000 հայ շարովեցան Պոլիս, երբ Պոլսո հայության դիրքը վերջնականապես խախտվեցավ ու քայքայվեցավ այդ քաղաքի մեջ ու ողբալի, փախստական տարազներում մը սկսավ դեպի օտարություն «Դրոշակ»-ը կվարժենար ու կցնծար՝ «Հիմա, կըսեր, սուլթան զգաց հայուն ուժը...»: Այս քստմանելի կատակը տեեց երկայն ատեն»⁹¹:

Մեղադրելով Փարիզում բնակվող դաշնակցական բախտախնդիրներից մեկին, որը Հայաստանի հետ ոչ մի կապ չունի և միայն նրա անունն էր լսել, բայց կամենում էր հայերի արյան գնով հասնել Հայկական հարցի լուծմանը, բերելով նրա խոսքերը, Չոբանյանը գրում է. «Ի՞նչ կա, կըսեր Պանքային ցույցեն քիչ հետո, բարիկաբնակ գործիչ մը, «ինչո՞ւ իրար անցնիլ սրովհետև քանի մը հալար հոգի մեռեր է. լավագույն է որ ամբողջ ազգը ջնջվի, քան թե արդի կացության մեջ մնա», ըսողը մատը արյունած չէ երբեք դրացիին համար, և այս խոսքը կըսեր Հայաստանեն շատ հեռու, Բարիզին սիրուն մայկին վրա»⁹²:

Ծաղրի ենթարկելով մի ուրիշ բուշնակցական սրոտտախոսի, Չոբանյանը հիշատակում է նրա՝ հայտարարությունը. «Պետք է հայոց խնդիրը կարգադրել» ըսեր է. «Օ՛, կը գոչեր, քանի որ այդպես է, պետք չէ անշարժ մնանք, պետք է իսկապես փիչ մը փայտ նետել կրակին մեջ... «Քիչ մը փայտ նետել»-ը այդ արարածին բառարանին մեջ կնշանակեր Հայաստանի մեկ անկյունը դեպք մը բռնեցնել և քանի մը հաղար հայու ջարդ տոաջ բերել»⁹³:

Այդ բոլորից հետո «Դրոշակ»-ը գրում է. «Եվ ահա օգոստոսի 14-ին, Պոլսում, փաթիլահանների մայրաքաղաքում, հմուտ դիպլոմատների ամենանշանավոր կրկեսում որոտաց հայ հեղափոխականի ումբը... Հայություն վրա խաչ դնող դիպլոմատները նախ

91 «Անահիտ» № 3, էջ 85, 1896:

92 «Անահիտ» № 3, էջ 86, 1898:

93 Նույն տեղում:

շմեցին, և ապա գծվածի նման իրար ընկան և ավելի տաք կերպով ձեռք առան Հայկական հարցը: Հուզվեց ամբողջ լուսավոր մարդկությունը և հայ հեղափոխական վիշապից արդեն վախեցած դիպլոմատներից պահանջեց բավականություն տալ հային... Նոր տարին սկսում ենք գոչելով՝

Կոի՛վ, կոի՛վ և ավելի ահեղ կոի՛վ»⁹⁴:

Հենց այդ «ահեղ կովի» քաղաքականությունը եվրոպական դիպլոմատիայի սառնասիրտ վարվելու պատճառներից մեկն էր: Այդ «ահեղ կոիվները» չկարողացան և չէին կարող ակտիվացնել այդ տերությունների միջամտությունը Հայկական հարցում: Այս բոլորից հետո «Դրոշակ»-ը ստիպված եղավ ասել, թե «Նրբ դիպլոմատիան ցույց է տալիս, որ ինքը անզոր է խաղաղ միջոցով Հայկական խնդիրը լուծել, իսկ պատերազմելու էլ երբեք տրամադիր չէ, մենք չենք կարող մի բոլոր անգամ շեղվել մեր գծած ճանապարհից... Թշնամին զինաթափ չի եղել, զինաթափ չենք եղել և մենք»⁹⁵:

Թուրքական սուլթանը Վան-Վասպուրականի հայություն շատ ուժեղ ջարդ կազմակերպեց: Ժողովուրդը սգում էր իր ծանր կորուստը: Բայց դաշնակցականները սկսեցին նախատել այդ թշվառ ժողովրդին այն բանի համար, որ նա հույն-թուրքական պատերազմի առիթով նորից գլուխ չէր բարձրացնում: «Իսկ դուն ի՞նչ կխորհիս, հայ ժողովուրդ, — գրում է «Դրոշակ»-ը, — մի՞թե այդ ավետաբեր ձայնը միշտ հեռու պիտի հնչե քու ականջին: Ծթե դու այդպես մտածես, գերեզմանն է քո բաժինը... Ինչ կընես Վասպուրականը... ձեռները ծալած, դողահար, լեղապատառ՝ կսպասե ահավոր բոլորին: Ամոթ քեզ, նախատինք քեզ...»⁹⁶: Այսպես էր գրում «Դրոշակ»-ը այն ժամանակ, երբ հայերի ազգային-ազատագրական շարժումները պարտություն են կրել:

Դաշնակցականները մի քանի հայդուկային արշավանքներ կազմակերպեցին թուրքերի և քրդական որոշ ցեղերի դեմ, որոնք ժամանակ ոչնչացնում էին սչ միայն մոլորված տասնյակ հայ հայրենասերներ այլև հազարավոր անմեղ հայ ընտանիքներ:

1897 թ. օգոստոսի 6-ին (ն. տ.) դաշնակցական ֆիդայիները հարձակում են գործում Խանասորի լեռներում բնակվող քրդական Մազրիկ կոչված ցեղի վրա և տեղիք տալիս նոր արյունահեղու-

թյունների: Խանասորի արյունոտ կոիվները դաշնակցականները համարեցին իրենց խոշոր հաղթանակը: «Ֆիդայիների շեշտակի գնդակները, — գրում է «Դրոշակ»-ը, — գրեթե բնաջինջ արին այդ թշնամի ցեղը... Յեղապետ Շարաֆ-բեյ իր ընտանիքով սրախողող եղավ: Հաջողությունը փառավոր և եզակի էր մեր հեղափոխական տարեգրության մեջ... կոիվը տեևց լեռնոտ դիրքերում մինչև ուշ գիշեր: Թշնամիների դիակները կույտեր էին կազմում: Դաշնակցական ֆիդայիները ցույց տվին քաջություն և անվեհերություն: Զոհ տվինք միայն 19 քաջեր...»⁹⁷:

Դաշնակցական Ֆիդայի Օհանյանը «Դրոշակ»-ի խմբագրությանը գրում է. «Նոր վերադարձ արշավանքից... Մասնակցեցի իբրև հասարակ զինվոր... Մոտեցել էինք Շարաֆ-բեյի վրանին մինչև 15 քայլ... Գնդակները կարկուտի պես էին թափվում... Պատերազմից շատ ավար է բերված...»⁹⁸:

Շարաֆ-բեյի ցեղի դեմ ուղղված կոիվը — կոիվ է սուլթանի իշխանության դեմ, որովհետև նա հանդիսանում էր համիդիական գորախմբերի ղեկավարներից մեկը, զորախմբեր, որոնց վրա մեծ հույս էր դրել սուլթանը՝ հայերի բնաջնջման իր նողկալի ծրագրի իրագործման համար: Այդ ցեղի ոչնչացման դաշնակցական ֆիդայիների սկսած կոիվների դիմաց թուրքական կառավարությունը սրի քաշեց հազարավոր անմեղ հայերի, լուրջ կորուստներ կրեց Սալմաստի արմենականների կազմակերպությունը: Հայ ազատագրական շարժման պարտությունից հետո Խանասորի արշավանքը բացարձակապես ավանտյուրիստական քայլ էր:

Իսկ «Դրոշակ»-ը հպարտորեն գրում է. «Տեոոր Բաղեշում, ֆիդայիների արշավանքը Վասպուրականում, ջախջախված զինվորներ, սրախողխող քրդական ամբողջ ցեղեր, ավերված քրդական գյուղեր, դինամիտ Պոլսում, պայթյուն Բ. Դոան մեջ... Դարձյալ գյուղեր, դինամիտ Պոլսում, պայթյուն Բ. Դոան մեջ... Դարձյալ հայեր. ինչպե՞ս այսքան արհավիրքներից հետո դեռ հանդգնում են ձեռք բարձրացնել: Չէ՞ որ խեղդված էր նրանց ձայնը, մարած էին հույսերը, թուլացած արջունաքամ բազուկները»⁹⁹:

Իրենց վարած ավանտյուրիստական, հայ ժողովրդի համար միանգամայն կորստաբեր քաղաքականությունը արդարացնելով, դաշնակցականները կշտամբում էին բոլոր ողջախոհ ու բանիմաց

94 «Դրոշակ» № 8, 1897:

95 «Դրոշակ» 8, 1897:

96 Նույն տեղում:

97 «Դրոշակ» № 11, 1897:

98 Նույն տեղում:

99 Նույն տեղում:

Հավատարիմ մնալով իրենց դավանանքին, դաշնակցականները չհրաժարվեցին եվրոպական դիվանագիտական հիմնարկությունների սին խոստումներին հավատալուց: Նրանք շուգեցան հասկանալ, որ սուլթանական կառավարությունը չէր համարձակվի ոչնչացնելու 300 հազար հայ, եթե չլիներ եվրոպական մի քանի խոշոր տերությունների թողովությունը, նրանց համաձայնությունը: Նրանք չկամեցան ընդունել, որ եվրոպական իմպերիալիստական տերությունների դիվանագիտության ուղին Հայկական հարցի լուծման ուղին չէր կարող լինել:

1906 թվականին երևան եկավ դաշնակցության մի նոր օրգան՝ «Հառաջ» անունով: Փոխանակ վերանայելու 1890-ական թվականների իր կուսակցության կործանարար քաղաքականությունը, շարունակեց սլաշտպանել ու արդարացնել նրա վերցրած գիծը. «... Պարզ է,— գրում է «Յառաջ»-ը, որ եվրոպական միջամտություն առաջ բերելու համար, եթե մի կողմից անհրաժեշտ էր տառապող հայ երկրի բողոքը թեկուզ հուսահատական ճիշերով լսելի դարձնել մարդկությանը, նույնքան անհրաժեշտ էր եվրոպական հասարակական կարծիքը գիտակից պահել, հուզել, աղմկել և այսպիսով անդրադառնալ միջազգային քաղաքականության վրա հօգուտ հայկական դատի»¹⁰⁴:

Դաշնակցության գաղափարախոս Մ. Վարանդյանը «Քուրդյան հանգույց» վերնագրով իր հոդվածում խրախուսում էր իր կուսակցության ղեկավարների վերցրած քաղաքական կուրսը, և պահանջում էր շարունակել այն: Նա գրում է. «Դաշնակցությունը գիտե, որ իրական միջամտություն հրավիրելու է գորդյան հանգույցը լուծելու համար՝ անհրաժեշտ են այլ կարգի ձեռնարկներ (իմա՝ հայդուկային նոր շարժումներ—Չ. Վ.): Եվ ահա փաստերը գալիս են ամրապնդելու այդ համոզումը»¹⁰⁵:

Դաշնակցության հրապարակախոսը այս տողերը գրում է այն ժամանակ, երբ իր կուսակցության կողմից կազմակերպված հայդուկային ելույթները անասելի աղետների առիթներ հանդիսացան: Նրա վկայությունները ապացուցում են, որ դաշնակցության տասնըհինգ տարվա «հեղափոխական» գործունեությունը ունեցել է բացառապես մի նպատակ՝ հրավիրել եվրոպական մեծ տերություն-

ների ուշադրությունը, հարկադրել նրանց՝ ստանձնած պարտավորությունների համաձայն՝ ազատել հայերին սուլթանական թուրքիայի բռնություններից:

«Բեուլինի դաշնագիրը,— գրում է «Յառաջ»-ը,— հակառակ Սան-Ստեֆանոյի՝ Հայկական հարցը դարձրեց միջազգային: Հայը չէ, որ կարող է այդ քաղաքական ակտը ժխտել, և նա ստիպված է իր հենակետն ընդունել 61-րդ հոդվածը»¹⁰⁶:

Եվրոպական տերությունները ըստ իրենց ստանձնած պարտավորությունների, պարտավոր էին միջամտելու և պատժելու թուրքական սուլթանին 1890-ական թվականներին հայկական կոտորածների կազմակերպման համար: Բայց նրանք մատր մատին չխփեցին և սուլթանին պատժելու փոխարեն, հաճախ քաջալերում էին նրան: Եվ, հետևապես, նրանք չէին միջամտի նաև հետագայում, երբ նրանց միջև մահու և կենաց պայքար էր գնում աշխարհի նոր վերաբաժանման համար: Այս հասկանալի էր բոլոր հայ պրոգրեսիվ խավերի, հասարակական ու քաղաքական գործիչների համար, անհասկանալի էր մնում դաշնակցական ուսմանտիկների ու դյուրահավատների համար:

«Շնորհիվ մի շարք հայ և օտար գործիչների և մասնավորապես «Pro Armenie» թերթի շուրջը խմբված ակնավոր ֆրանսիացիների, հայկական հարցը եվրոպական կարծիքի համար դարձավ մի կիզիչ այժմէություն ունեցող և գերազանցորեն արդար դատ»¹⁰⁷ գրում է «Յառաջ»-ը: «Pro Armenie»-ն իրոք, որ որոշ դեր խաղաց հասարակական կարծիքը Հայկական հարցի շուրջը կենտրոնացնելու ուղղությամբ: Նա լույս էր տեսնում նաև Անգլիայում ու ԱՄՆ-ում, որի խաղաղ, դիվանագիտական ճանապարհով Հայկական հարցի լուծման քաղաքականության դեմ մեծ աղմուկ բարձրացրեց «Դաշնակցությունը» 1890-ական թվականներին՝ նրան և նրա նմաններին «ազգային դավաճանության» մեջ մեղադրելով: Իսկ այժմ հարկադրված եղան ասելու իրենց դրական խոսքը նրա մասին: Բայց ճշմարտությունը մնում էր անփոփոխ: Եվրոպական հասարակական կարծիքը անզոր էր ազդելու իմպերիալիստական տերությունների պետական գործիչների արտաքին քաղաքականության վրա, մի քաղաքականություն, որը և միաժամանակ ազգերի ու ժո-

104 «Յառաջ» № 23, 1906:

105 «Յառաջ» № 53, 1906:

106 «Յառաջ» № 25, 1906:

107 «Յառաջ» № 22, 1906:

դովորդների ստրկացմանն էր ձգտում հանուն մի բուռն միլիարդատեր շահագործողների:

Լինելով եվրոպական դիվանագիտության ճանապարհով Հայկական հարցի լուծման ջերմեռանդ պաշտպանն ու պրոպագանդիստը, մեծ աշխատանք կատարելով Հայկական հարցի շուրջը հասարակական լայն կարծիք կազմակերպելու ուղղությամբ, Մինաս Չերազը, որը հակառուսական օրինետացիա ուներ, 1890-ական թվականների հայկական կոտորածների ժամանակ հարկադրված եղավ ընդունելու, որ հայ ժողովրդի փրկությունը կախված է Ռուսաստանից:

Մինաս Չերազը հիասթափվեց եվրոպական դիվանագիտության սառնասրտությունից և սկսեց դատապարտել դաշնակցությանը իր քաղաքական մանկամտության ու սխալ գործունեության համար: «Նա դաշնակցության անհաշտ թշնամին էր,— գրում է Շիրվանզադեն,— նա կրկնում էր. «Մեր մեծագույն աղետն այդ կուսակցությունը եղավ»¹⁰⁸:

Բայց դաշնակցությունը համառորեն շարունակում էր կառչած մնալ եվրոպական դիվանագիտությանը և բոլորովին ուժ չունեցող հասարակական կարծիքի նախապատրաստման իր ոռոմանտիզմին: «...Հայկական հարցը,— գրում է «Յառաջ»-ը, որպես արևելյան կնճռոտ հարցի մի մասը, չէր կարող լուծվել առանց եվրոպական մեծ պետությունների ակտիվ, իրական միջամտության, ինչպես և չէր լուծվել Բալկանյան մանր ազգերի բախտը առանց նույն միջամտության»¹⁰⁹:

Եվրոպայում կազմակերպված «Pro Armenie» թերթի շուրջը համախմբված հրապարակախոսների՝ լսողներին արդեն ձուլված պատճառող աղմուկը մի կողմից, Ամերիկայում Ռուզվելթի նախագահ ընտրվելու կապակցությամբ ծավալված կամպանիան՝ մյուս կողմից, դաշնակցականները համարեցին բարենպաստ մոմենտ Հայկական հարցի համար: Այդ կապակցությամբ «Յառաջ»-ը ոգևորված տոնով լրում է. «Այսպես է ստեղծվել հայկական դատին այնքան նպաստավոր մթնոլորտը եվրոպայում, և այս կարգի աշխատանքի արդյունքն է նաև Ամերիկայում սկսված հայանպաստ

շարժումը ինչպես և Ռուզվելթի միջամտության հավանականությունը»¹¹⁰:

Դաշնակցությունը, գրում է Ա. Ամիրյանը, «Իր համազգային իդեալների և ազատ Հայաստանի քարոզներով բթացնում էր բանվորի դասակարգային գիտակցությունը և հոտ էր պահում նրան դասակարգային կովից»¹¹¹:

Այնուհետև, գրում է Ամիրյանը, դաշնակցությունը շարաշահում էր տանկահայերի խնդիրը իր բուրժուական նպատակի և Ռուսաստանում ու Կովկասում աճող հեղափոխությունների դեմ կովելու համար¹¹²:

Այո՛, «որքան շատ դիակներ, այնքան շուտ ազատություն» իրենց կործանարար լողունգով, դաշնակցականները կովկասահայ ժողովրդի վզին էին փաթաթում արևմտահայ ժողովրդի ազատագրության հարցը և դրանով կամենում էին շեղել արևելահայ ժողովրդի ուշադրությունը Ռուսաստանի սահմաններում մղվող հեղափոխական պայքարից «հանուն հայերի ազատագրության»¹¹³: Նրանք իրենց բուրժուա-ազգայնական քաղաքականությունը «մի քանի տարով կասեցրին հեղափոխական շարժման զարգացումը կովկասահայերի մեջ»¹¹⁴:

Այսպիսով, արևմտահայերի ազատագրության հարցում դաշնակցության դիրքորոշման վերաբերյալ բերված բազմաթիվ փաստերը հնարավորություն են տալիս անելու մի քանի հետևություններ.

1. Դաշնակցությունը բարյացակամորեն էր տրամադրված արևմտահայերի ազատագրության նկատմամբ: Սակայն նրա վարած քաղաքականությունը ու գործելակերպը սխալ էին ու վնասակար: Անցած դարի վերջին և ընթացիկ դարի սկզբին արևմտահայ ազգային-ազատագրական շարժումները պարտություն էին կրել: Դաշնակցությունը ոչ մի հետևություն չարեց և նորից շարունակեց իր նախկին գործունեությունը: Նշված ժամանակաշրջանում, հեղափոխական սոցիալ-դեմոկրատների ղեկավարությամբ Ռուսաստա-

110 «Յառաջ» № 23, 1906:

111 Մրավյան (Ա. Ամիրյան), «Դաշնակցության կրիտիկա», Վիեննա, 1907, էջ 17:

112 Նույն տեղում, էջ 36:

113 Ստ. Շահումյան, Երկիր, հատ. 1, էջ 182:

114 Ստ. Շահումյան, Երկիր, հատ. 1, էջ 254:

108 Շիրվանզադե, Երկրի լիակատար ժողովածու, հատ. 8, Հայպետհրատ, 1951, էջ 297:

109 «Յառաջ» № 23, 1906:

նում և Անդրկովկասում լայն ծավալ էին ստացել բանվորների ու գյուղացիների հեղափոխական շարժումները, որոնք ուղղված էին Երասխան ինքնակալության ու բուրժուազիայի դեմ: Դաշնակցությունը զգտագործեց արևմտահայերի ազատագրության հարցը սոցիալիզմի ու սոցիալ-դեմոկրատների դեմ պայքարելու, հայ աշխատավորական մասսաներին բուրժուական նացիոնալիզմով վարակելու, հեղափոխական շարժումներից մեկուսացնելու համար: «Պայքարելով կովկասյան սոցիալ-դեմոկրատների դեմ, — գրում է Ստ. Շահումյանը, — «Դաշնակցությունը» պայքարում է ոչ միայն սոցիալիզմի դեմ, ոչ միայն բանվոր դասակարգի դեմ: Պայքարելով Կովկասի ոչ միայն սոցիալիստական, այլև միակ դեմոկրատական կուսակցության դեմ, նա պայքարում է կովկասյան ժողովուրդների ազատության, նրանց պրոգրեսի դեմ և ծառայում է ռեակցիայի շահերին»¹¹⁵:

2. Արևմտահայերի ազատագրության մասին իր երկար ազնկարարություններից հետո Դաշնակցությունը սկսեց համագործակցել երիտասարդ թուրքերի հետ, որի կործանարար հետևանքները հայտնի են բոլորին: Ավելին, 1918—1920 թվականներին հասնելով քաղաքական իշխանության, նա սկսեց պրոպագանդել այն մասին, թե թուրքիան է Անդրկովկասի ժողովուրդների և այդ թվում հայ ժողովրդի դարավոր բարեկամն ու ազատարարը, հրաժարվեց արևմտահայերի ինքնավարության պահանջից, թուրքական ջարդարանների կողմից հայերի մասսայական կոտորածների հանցանքը բարդեց հայերի վրա, նրանց «անուղղելի ռուսասիրության» համար: Այս բոլորը ասում են այն մասին, որ արևմտահայերի ազատագրության հարցում դաշնակցությունը անկեղծ չէր:

3. Հայկական հարցի լուծման կամ արևմտահայ ժողովրդի ազատագրության դաշնակցության նախընտրած եվրոպական դիվանագիտության ուղին հայ ժողովրդին մղում էր կործանման ելուրդ: Ինչու, «Որովհետև, — պատասխանում է Ալ. Մյասնիկյանը, — նա չէր գնում իսկական ուղղությամբ: Իսկ ուղղությունն անսխալ ընտրելու համար ճանապարհորդը զինված պետք է լինի իրական կյանքից բխած օրենքների ընդունումով: Պատմությունը այնպես է սարքել, որ դրան ընդունակ է բուրժուական հասարակության դասակարգերից միայն մեկը՝ պրոլետարիատը... «Հայկական հարցի» կամ գաղթականության խնդրի մինչ այժմյան լուծումը եղել է

115 Նույն տեղում, էջ 291:

բուրժուական՝ անիրական, սխալ ու կորստաբեր, որովհետև նրան լծված են եղել ժամանակի հետադիմական դասակարգը և հակահեղափոխական կուսակցությունը՝ հայ բուրժուազիան և դաշնակցությունը: Հայ աշխատավորությունը սրանց համար եղել է միայն հում նյութ, գործիք և ոչ թե գործող, առաջ ընթացող ուժ, մինչդեռ շարժման կորիզը կազմելու էր նա, քանի որ «Դատը» նրա գործն էր, նրա բախտի հետ էր կապված: Արդեն Հասունացած հայ բանվորը և նրա հետ միասին հայ գյուղացին Հայաստանում խել են հայ բուրժուազիայի ձեռքից «դատի» մենաշնորհը, փշրել են նրան և «դատը» լուծել են¹¹⁶:

Պատմությունը ցույց տվեց, որ բուրժուական դիվանագիտության ուղին Հայկական հարցի լուծման ուղին չէր ու չէր կարող լինել: Պատմությունը ապացուցեց, որ հայ ժողովրդի փրկության և Հայկական հարցի արմատական ու վերջնական լուծման ուղին անցնում է Հոկտեմբերյան սոցիալիստական հեղափոխության հաղթանակի ու նրա հետևանքով Հայաստանում հաստատված սովետական կարգերի միջոցով: Ուրիշ ճանապարհ չկար: Բայց երկրից վտարված դաշնակցական բեկորները այսօր էլ անհաշտ են մնում Հայաստանում հաստատված սովետական կարգերի նկատմամբ, ահաբեկման են ենթարկում պրոգրեսիվ խավերին, որոնք պաշտպանում են Սովետական Հայաստանը և այն դիտում են որպես ամբողջ աշխատավոր հայության ազատագրության հույսն ու ապավենը¹¹⁷:

116 Ալ. Մյասնիկյան, Կուսակցությունները գաղութահայության մեջ, էջ 57:

117 Ողջունելի է ժամանակակից հնչեղանքների ու ռամկավարների վարքագիծը. որոնք ակտիվ պայքար են մղում դաշնակցության դեմ, պրոպագանդում են Սովետական Հայաստանի նվաճումները, սփյուռքահայությանը կապում են իրենց հարազատ հայրենիքի հետ, օգնում են ներգաղթի կազմակերպմանը և ընթանում են պրոգրեսիվ ուժերի հետ պատերազմների իմպերիալիստական հրձիգների դեմ նրանց մղած պայքարում:

**ՀԱՅ ՀԵՂԱՓՈԽԱԿԱՆ ՄԱՐՔՍԻԱՏՆԵՐԻ ԳԻՐՔՈՐՈՇՈՒՄԸ
ԱՐԵՎՄՏԱՀԱՅԵՐԻ ԱԶԱՏԱԳՐՈՒԹՅԱՆ ՀԱՐՑՈՒՄ**

Արևմտահայերի ազատագրության հարցի նկատմամբ հայ հեղափոխական մարքսիստները անտարբեր լինել չէին կարող: Ֆեոդալիզմի-արքայազնության դեմ ուղղված ազգային-ազատագրական շարժումների հիմնական բովանդակությունը համարելով բուրժուազեմոկրատական հայ հեղափոխական մարքսիստները թուրքական բռնապետական կարգերի դեմ ուղղված արևմտահայերի ազգային-ազատագրական շարժումները համարում էին առաջադիմական ու բարոյապես օգնում նրան:

Մական հայ հեղափոխական մարքսիստները արևմտահայերին հասկացնում էին, որ ազգայնական կուսակցությունների ոռոմանաիկ քաղաքականությունը, սխալ գործելակերպը ցանկալի արդյունքների հասցնել չէին կարող: Նրանք իրավացի կերպով արևմտահայերի ազատագրությունը կամ Հայկական հարցի լուծումը կապում էին Ռուսաստանում հասունացող դեմոկրատական հեղափոխության հաղթանակի հետ:

Ընթացիկ դարի վերջում կապիտալիզմը թևակոխեց իր զարգացման նոր՝ իմպերիալիզմի ու պրոլետարական հեղափոխությունների դարաշրջանը: Հեղափոխության շարժման կենտրոնը Եվրոպայից տեղափոխվել էր դեպի նրա արևելքը, դեպի Ռուսաստանը: Ռուսաստանում ծավալված հեղափոխական շարժումները համաշխարհային նշանակություն ունեին, Ռուսաստանը դառնում էր հեղափոխական շարժումների կենտրոնը:

Ռուսաստանի պրոլետարիատի հեղափոխականությունը օրինակ էր դառնում Արևմտյան Եվրոպայի համար, ուստի հեղա-

փոխությունը ազդակ էր դառնում համաշխարհային հեղափոխական շարժման աճման ու զարգացման համար:

Ղեկավարվելով մարքսիզմի հեղափոխության տեսությամբ, պրոլետարական ինտերնացիոնալիզմի և բոլոր աշխատավոր ժողովուրդների բարեկամության սկզբունքներով, հայ հեղափոխական մարքսիստները ցուցաբերեցին իրենց ուրույն վերաբերմունքը արևմտահայերի ազատագրության կամ Հայկական հարցի նկատմամբ: Նրանք այդ հարցը սերտորեն լծորդում էին ուսական հեղափոխության հաղթանակի հետ և վճռականորեն մերժում էին ազգայնական կուսակցությունների վարած սխալ քաղաքականությունն ու գործելակերպը, եվրոպական տերությունների միջամտությամբ Հայկական հարցի լուծման հնարավորության մասին ունեցած պատրանքները:

Հայ հեղափոխական մարքսիստները հաշվի էին առնում, որ 1880—1890-ական թվականներից եվրոպական տերությունները բաժանված էին երկու թշնամական լագերների, տենդորեն պատրաստվում էին նոր, ահեղ պատերազմի՝ աշխարհի նոր վերաբաժանման, պրոլետարական և ազգային-ազատագրական շարժումները ճնշելու, բանվոր դասակարգի ավանգարդը հանդիսացող հեղափոխական սոցիալ-դեմոկրատական կուսակցությունները ոչոնչացնելու նպատակով: Հասկանալի է, որ այդ տերությունները երբեք չէին հանդուրժի հայերի ինքնավար գոյությունը:

Միանգամայն իրավացի է ակադեմիկոս Աշոտ Հովհաննիսյանը հնչակյանների ու դաշնակցության դեմ հարուցած իր մեղադրանքներում: «Այդ կուսակցությունները չհասկացան, որ ազգային հարցի լուծումը հնարավոր է ոչ թե գաղութակալական շահախնդրությունների հետամուտ պետական քաղաքականության, այլ գաղութակալության դեմ ուղղված համաժողովրդական շարժումների միջոցով»¹:

Սուլթանական թուրքիայում համաժողովրդական միասնական ձևակառ ստեղծելու պայմաններ չկային և, հետևապես «նման իրադրությունը վիժեցման էր դատապարտում թուրք և բուրդ գործիչների հետ համագործակցություն ունենալու փորձերը»²: Մեկնելով այդ միանգամայն ճիշտ տեսակետից, ակադեմիկոս Աշոտ Հովհան-

1 Ա. Հովհաննիսյան, Միքայել Նալբանդյանի և ուրա հեղափոխական-դեմոկրատների գաղափարական ընդհանրություններն ու քաղաքական կապերը (տե՛ս «Գրական թերթ», № 16 (1324), 15 ապրիլի, 1966):

2 Ա. Հովհաննիսյան, Նշված աշխատությունը:

նիսյանը նշավակում է գաշնակցութիւնը՝ 1908 թվականին Երիտաւարդ թուրքերի հետ համագործակցելու համար:

Հայ ազգայնական կուսակցութիւնները մինչև վերջ չհաշտուեցին հայ հեղափոխական մարքսիստների այն տեսակետի հետ, որ հայ ժողովրդի ազատագրութեան միակ ուղին կարող էր լինել և իրոք եղավ ռուսական հաղթական հեղափոխութիւնը: Նրանք չկամեցան ընդունել, որ իրենց իմպերիալիստական կողմնորոշման և ազգային մեկուսացման քաղաքականութիւնը արեւմտահայերի ազգային-ազատագրական շարժման անհաջողութիւնների գլխավոր պատճառներից մեկն էր: «Եթե արեւմտահայ շարժման պարտութեան պատճառը իմպերիալիստական կողմնորոշումն ու ազգային մեկուսացումը եղավ, — գրում է ակադեմիկոս Աշոտ Հովհաննիսյանը, — ապա արեւելահայերի ազգային-ազատագրական շարժման հաղթանակի նախապայման դարձավ հեղափոխական դեմոկրատների օրերից ի վեր ցարիզմի դեմ պայքարող Ռուսաստանի և Անդրկովկասի ժողովուրդների հեղափոխական մարտակայնութիւնը»³:

Ազգայնական կուսակցութիւնները իրենց անցյալի սխալ գործելակերպից ու քաղաքականութիւնից ոչ մի հետեւութիւններ չունէին՝ ճանդեմ, հայ հեղափոխական մարքսիստներին կշտամբում էին դեպի Հայկական հարցը կամ դեպի արեւմտահայերի ազատագրութիւնը անտարբեր լինելու համար: Այդ կշտամբանքներին տեղիք տվեց սպեցիֆիկների պարագլուխներից Բ. Իշխանյանի այն հայտարարութիւնը, թե սոցիալ-դեմոկրատիան «չունի մի առանձին վերաբերմունք դեպի այդ հարցը»⁴ (իմա՝ դեպի Հայկական հարցը — Շ. Վ.):

Բ. Իշխանյանը մարքսիզմի ու հեղափոխական սոցիալ-դեմոկրատների հետ ոչ մի առնչութիւն չունեցրեց, բայց անբարտապանորեն հաճախ հանդես էր գալիս մարքսիզմի ու սոցիալ-դեմոկրատների անունից: Նա բացասում էր 1870—1890-ական թվականների արեւմտահայերի ազգային-ազատագրական շարժման պրոգրեսիվ նշանակութիւնը, դատապարտում էր ազատագրական պայքարի գաղափարախոսութիւնը ու կշտամբում էր բոլոր այն հոսանքներին, հասարակական-քաղաքական գործիչներին, ովքեր կանգնած էին ռուսական օրինատացիայի դիրքերում և արեւմտահայ ժողովրդի փրկութեան հույսը կապում էին Ռուսաստանի օգնութեան հետ:

³ Նույն տեղում:

⁴ «Երկրի ձայն», № 26, 1907:

Քննադատելով ու մերկացնելով հայ ազգայնականների «ազգասիրութեան» շահադիտականութիւնը, անարգանքի սյունին գամելով սպեցիֆիկներին, որոնք շարաշահում էին մարքսիզմի անունը և հայտարարում, թե սոցիալ-դեմոկրատիան առանձին վերաբերմունք չունի դեպի Հայկական հարցը, հայ հեղափոխական մարքսիստներն ապացուցում էին, որ իրենք մեծ համակրանք են տաժում թուրքական բռնապետութեան դեմ պայքարող հայ ժողովրդի նկատմամբ: Նրանք արեւմտահայութիւնը համոզում էին, որ նրա ազատագրութիւնը անհնարին է, առանց ցարիզմի ու սուլթանիզմի կործանման, առանց ռուսական հեղափոխութեան հաղթանակի:

1903 թվականին Կովկասյան սոցիալ-դեմոկրատների օրգան «Պրոլետարիատի կոիլ» թերթը գրում է. «Մենք բացարձակ կերպով հայտարարում ենք մեր համակրութիւնը բազմաշարժար տաճկահայ ժողովրդի ազատարար գործին և մեր անկեղծ ցանկութիւնն է, որ այդ ազատագրութիւնը հասնի որքան կարելի է շուտ»⁵:

Սա մի ուժգին ապտակ էր հայ ազգայնականներին, որոնք զրուարտում էին մարքսիստներին: Հեղափոխական մարքսիստները հայ ազգայնականներին քննադատում ու մերկացնում էին ոչ միայն նրանց դադափարախոսութեան, կազմակերպական սեպարատիզմի, այլև հայդուկային անիմաստ և կործանարար գործողութիւնների համար:

Ազատագրական շարժման գլուխն անցած հայ ազգայնականները, Ռուսաստանում աճող ու զարգացող հեղափոխական պայքարից հայերին մեկուսացնելու իրենց դիտավորութիւններով, կամենում էին այդ շարժումը վերածել ազգային ավանտյուրայի և այն դարձնել «հայ ազգային ռեակցիայի ռեզերվը»⁶:

Հեղափոխական մարքսիստները հետևողականորեն ղեկավարվում էին Շ. Աթաբեկյանի նամակին Ֆ. Էնգելսի գրած հակիրճ պատասխանով, որի մեջ փայլուն հստակութեամբ նշված է հայ ժողովրդի ազատագրութեան նախադրյալը:

Խոսելով հայ ժողովրդի սոցիալական ու ազգային ազատագրութեան մասին, Էնգելսը գրում է. «... Իմ անհատական անկեղծ կարծիքը այն է, որ Հայաստանի ազատագրութիւնը տաճիկների (իմա՝ սուլթանիզմի — Շ. Վ.) և ռուսների (իմա՝ ցարիզմի — Շ. Վ.)

⁵ «Պրոլետարիատի կոիլը» № 2—3, 1903:

⁶ Ստ. Շահումյան, Երկեր, հատ. 1, էջ 290:

ձեռքից կարող է տեղի ունենալ միմիայն ռուսական ցարիզմի կործանման օրը»⁷:

Դաշնակցականները հեղափոխական մարքսիստներին մեղադրում էին այն բանում, որ իբրև թե նրանք «ազգություն չեն ձանաչում» հայ ազգի մասին չեն ուզում մտածել, թե հայ ժողովրդի մեծ ցավերը նրանց սրտին օտար են»⁸:

Ստ. Շահումյանը այդ բոլորը համարում է ստոր զրպարտություն հեղափոխական մարքսիստների հասցեին և նշավակելով հայ աղաչյակականներին, գրում է, որ մարքսիստները իրոք «հակառակ են ևղծ դաշնակցականների, հնչակյանների ազգային քաղաքականության», որ այդ կուսակցությունները հայ ժողովրդի համար եղել են «կուլը առաջնորդներ», որ նրանց քաղաքականությունը հայ ազգի համար բերեց «միմիայն դժբախտություն, կոտորածներ ու ավերումներ», որ այդ կուսակցությունները իրենց քաղաքականությամբ հող էին պատրաստում «Սուլթանի ու Նիկիոյ Ռոմանովի դժոխային ծրագիրները իրականացնելու համար»⁹:

Հեղափոխական մարքսիստները հանդես էին գալիս որպես իսկական հայրենասերներ: Նրանց հայրենասիրությունը սերտորեն միահյուսվում էր պրոլետարական ինտերնացիոնալիզմի, ժողովուրդների բարեկամության մեծ սկզբունքների հետ: Իսկական հայրենասիրությունը աշխատավորական մասսաների սոցիալական և ազգային ազատագրությանը ազնվորեն ծառայելու մեջ է արտահայտվում: Կբա համար էլ, գրում է Ստ. Շահումյանը, «մենք սոցիալ-դեմոկրատներս, հակառակ էինք դաշնակցականների ազգային քաղաքականության: Մեզ համար առաջուց պարզ էր, թե ինչ կորստաբեր հետևանքներ կունենա այդ քաղաքականությունը: Եվ երբ մենք հանդես էինք գալիս մեր անհաշտ քննադատությամբ հայկական ազգային կուսակցությունների դեմ, նրանք հովատացնում էին հայ մասսաներին, թե մենք, սոցիալ-դեմոկրատներս, հայ ազգի թշնամիներ ենք»¹⁰:

Բացահայտելով հայ հեղափոխական մարքսիստների և ազգայնական կուսակցությունների միջև եղած սկզբունքային տարածանությունները, Ստ. Շահումյանը վկայակոչում է էնգելսի նամակում

եղած նախազգուշացումը: «Հայ ժողովուրդը, — գրում է նա, — բախտի բերմունքով ապրում էր երկու հրեշավոր բռնակալների՝ արչունոտ ցարի և կարմիր սուլթանի իշխանության տակ: Նա շրջապատված էր իրենից էլ ավելի հետամնաց, դժբախտ տաճիկ և քուրդ ժողովուրդներով՝ Տաճկաստանում և թուրք ու վրացի ժողովուրդներով՝ Ռուսաստանում: Հարկավոր էր խելոք և հեռատես քաղաքականությամբ ձգտել որքան կարելի է համերաշխ ապրել հարևանների հետ: Հարկավոր էր այնպես ղեկավարել քաղաքականության նավը, որ նա չչախչախվի «տաճիկ բռնակալության Սցիլլայի և ռուսական ցարիզմի Նարիբոյայի» արանքում, ինչպես խորհուրդ էր տալիս հայերին 22 տարի սրանից առաջ եվրոպացի սոցիալ-դեմոկրատ Ֆրիդրիխ էնգելսը»¹¹:

Հայ ազգայնական կուսակցությունների վարած քաղաքականության կորստաբերության խիստ քննադատությամբ հանդես եկավ նաև Արսեն Ամիրջանը: Անկեղծորեն հակվելով դեպի արևմտահայ ժողովրդի ազատագրությունը թուրքական բռնակալությունից, Ամիրջանը խորազանում է դաշնակցականներին, մշակականներին ու հնչակյաններին, որոնք շեղում էին հայ ժողովրդին, անտեսում էին այդ ժողովրդի ազատագրության միակ հնարավոր ուղին, ցարիզմի կործանման և հեղափոխության հաղթանակի ուղին:

Արևմտահայ ժողովրդի ազատագրության համար իրենց կյանքը են նվիրել հայ ժողովրդի շատ անձնուրաց զավակներ: Նրանք այդ գործին նվիրված են եղել միանգամայն մաքուր սրտով ու անշահախնդիր կերպով: Այդպիսիներից էր Անդրանիկը: Ամիրջանը ցույց է տալիս, որ Անդրանիկի մեջ արտահայտվում է իր ազատության համար պայքարող ժողովրդի մաքուր ազգասիրությունը, բայց նա նախ էր, չէր տեսնում հրապարակի վրա գործող քաղաքական կուսակցությունների դիտավորությունները և պահանջում էր նրանց համատեղ գործողություն՝ «ազգի ազատագրության համար»: Ամիրջանը բերում է Անդրանիկի հետևյալ խոսքերը. «Հայր փոխանակ զանազան բաժանումներու ենթարկվելու այս ու այն ընկերային (այսինքն՝ սոցիալիստական) փիլիսոփայություններուն, մեկ նշանաբան մը պետք է գրե իր դրոշակի վրա — հանուն հայրենիքի փրկության վազել, սեղմվել այս դրոշակին տակ — բավարարություն տանք այսօրվան հայրենիքի պահանջին»:

Ամիրջանը իրավացիորեն Անդրանիկին գատում է գաշնակցու-

11 Նույն տեղում, էջ 408:

7 К. Маркс и Ф. Энгельс, Сочинения, том XXIX, էջ 341.

8 Ստ. Շահումյան, Երկեր, հատ. 2, էջ 407:

9 Նույն տեղում, էջ 407—408:

10 Ստ. Շահումյան, Երկեր, հատ. 2, էջ 410:

Քյունից: «Այսպես է խոսում Անդրանիկը,— գրում է նա,— իր հայրենիքի ազատության համար պայքարող մի պարզ մարտիկ, խոսում է, բայց և նրա այդ անկեղծության առաջ մենք կարող ենք միայն խոնարհվել: Մենք կարող ենք վիճել նրա դեմ, մենք կարող ենք «հայրենիքի փրկությանը» այլ կերպ հասկանալ, քան հասկանում է Անդրանիկը, բայց պետք է խոստովանենք, որ մենք գործունենք մի որոշ գաղափարի, մի որոշ համոզմունքի հետ և որ այդ գաղափարի, այդ համոզմունքի արտահայտիչները շեն դիմում կիդ՝ ծիրի ու խաբեության»¹²:

Անդրանիկի մոտ «հայրենիքի փրկությանը» հասկացողությունը արտահայտում էր հուսահատության եզրին հասած հայ ժողովրդի սպինիվ ձգտումը: Դրա համար էլ Ամիրյանը Անդրանիկին հասկացնում է, որ հայ ազգայնականները ժողովրդի այդ ազնիվ և վսեմ գաղափարին մոտենում են ոչ ազնիվ ու մաքուր խղճով: Հայ ազգայնականները արևմտահայությանը կերակրում են եվրոպական դիվանագիտության միջամտության սին խոստումներով, բայց, ասում է Ամիրյանը, այդ դիվանագիտությունը հայ ժողովրդին ազատություն տալ չի կարող և չի ցանկանա, որ, հետևապես, հայ ժողովրդի ազատագրության միակ նախադրյալը Ռուսաստանում ծավալված հեղափոխության հաղթանակն է:

«Տաճկահայաստանի ազատագրումը,— գրում է Ամիրյանը,— պետք է ձեռք բերվի ոչ այնքան Սասունի բանաստեղծական և գեղատեսիլ լեռների վրա, որքան Պետերբուրգի և Թիֆլիսի պրոզայիկ փողոցների վրա»¹³:

Բոլոր ստրկացված ժողովուրդների բախտը, բացատրում է Ամիրյանը Անդրանիկին,— կժպտա միայն Ռուսաստանի հաղթական հեղափոխության հետևանքով: Նախազգուշացնելով արևմտահայերին կովկասահայ բուրժուազիայի նենգ ու շահադիտական դիտավորություններից, Ամիրյանը գրում է. «... Եթե դուք ձգտում եք ազատության, ապա կտրեցեք ձեր կապը հավիտենապես դավաճան բուրժուազիայի հետ, կտրեցեք ձեր կապը... ժողովրդի բոլոր թշնամիների հետ և միացած Ռուսաստանի մեծ հեղափոխության դու հորձանքների մեջ, այնտեղ կգտնեք դուք ազատությունը ձեր դժբախտ երկրի»¹⁴:

12 Մրավյան, Դաշնակցության կրիտիկ, էջ 32—33:

13 Նույն տեղում, էջ 39:

14 Նույն տեղում, էջ 49:

Ենելով պրոլետարական ինտերնացիոնալիզմի անխախտ սկզբունքներից, բոլոր ազգերի ու ժողովուրդների ազատագրության, նրանց եղբայրության ու փոխադարձ համագործակցությանը, ուսական ու թուրքական բռնապետական կարգերի խորտակման անխուսափելիության սկզբունքներից, Ամիրյանը արևմտահայությանը կոչում է. «Ելեք փշրելու բռնապետական այն հսկա սպանդանոցը, որի անունն է ցարիզմ»:

Այնտեղ համաշխարհային բռնակալների ոսկեզօծ պալատներում դարբնվում են շղթաները բոլոր ազգերի աշխատավորների համար:

Ելեք փշրելու համաշխարհային այն մեծ Բաստիլիան, ուր կաշկանդված է բախտն ու ազատությունը բոլոր երկրների ստրուկ ժողովուրդների:

Իսկ եթե կգա այն օր, երբ ապստամբությունը Սասունի լեռներում կթելադրվի տաճկահայ ժողովրդի և ոչ կովկասահայ բուրժուազիայի շահերից, երբ կարիք կլինի թողնել կովկասը՝ տաճկահայերի ազատագրմանը նվիրվելու համար, ապա այդ դեպքում գիտցած եղեք, որ մենք աշխատավորներս կլինենք առաջինը, որ մի կողմ կղենք մուրճն ու սալը և մի նոր խաշակրաց արշավանք կսկսենք դեպի Տաճկաստանը—աշխատավորական կոշտ և ուժեղ ձեռքը մեկնելու՝ կարմիր սուլթանի ստրուկ ժողովուրդներին: Եվ մեր շարքերում, մենք համոզված ենք, կլինեն աշխատավորները բոլոր ազգերի:

Մենք գնում ենք ուղիղ և անսայթաք ճանապարհով, այն ճանապարհով, որը մենք ինքներս ենք հարթել, այն ճանապարհով, որ տանում է դեպի ազատություն...»¹⁵:

Տաճկահայ դատը հայ բուրժուազիայի ձեռքին դարձավ գործիչ աշխատավոր մասսաների հեղափոխական ըմբոստ ոգին ընկճելու, դարիզմի կործանման ուղղությամբ եղած հեղափոխական ամեն մի քայլ կանխելու համար: Դրանից ենելով «բուրժուազիան,— գրում է Ամիրյանը,— դավադրություն է նյութում սոցիալիզմի և հեղափոխության դեմ: Դա դավադրություն է համայն Ռուսաստանի աշխատավոր ժողովրդի ազատության դեմ: Դա դավադրություն է և խատափոր ժողովրդի ազատության դեմ: Դա դավադրություն է և տաճկահայ ժողովրդի դեմ: Դա դավադրություն է այն բոլորի դեմ, որոնց «Մշակը» այնքան լկտիորեն «քիսաշիններ և քաշալներ»

15 Մրավյան, Դաշնակցության կրիտիկ, էջ 49:

անունն է տալիս: Դա դավադրություն է բոլոր աշխատավորների դեմ, որոնք արդեն սկսել են գիտակցության գալ...»¹⁶:

Հեղափոխական մարքսիստներն ընդունում էին սուլթանակա:ն բռնապետության դեմ արևմտահայ ժողովրդի մղած ազգային-ազատագրական պայքարի արդարացիությունն ու անխուսափելիությունը: Նրանք հասկանում էին, որ հայերի ազատագրական հակումները ոչ մի հիմք չէին տալիս նրանց ոչնչացման ասիմիլացման ու գաղթեցման համար:

Բայց հեղափոխական մարքսիստները միաժամանակ պնդում էին, որ հայդուկային գործողությունների և դավադրությունների ձանապարհով եվրոպական դիվանագիտության միջամտությունը արագացնելու տակտիկական կարող էր ունենալ կործանարար հետեւականքների հայ ժողովրդի համար:

Դատապարտելով հայ ազգայնական կուսակցություններին՝ նրանց կորստաբեր քաղաքականության համար, հեղափոխական մարքսիստները հայ ժողովրդին ներգրավում էին ցարիզմի դեմ ծավալված հեղափոխական պայքարի ընդհանուր հորձանքում և ցարիզմի կործանումը դիտում էին որպես բոլոր ճնշված ժողովուրդների և այդ թվում՝ հայ ժողովրդի ազատագրության նախադրյալ:

1914 թ. ապրիլի 30-ին «Հայ գրականության գալիք օր» թեմայով Թիֆլիսում կարդացած իր դասախոսության մեջ Վահան Տերյանը նշում է, որ «Ռուսիայի ապագան ինձ համար աներկբայելի է: Եվ կապելով իմ լավագույն հույսերը առաջավոր ուսու դեմոկրատիայի հույսերին և իմ բաղձանքները նրա բաղձանքների հետ, ես չեմ տարակուսում որ չեմ հիասթափվելու»¹⁷:

Արևմտահայ ժողովրդի ազատագրության հարցը կապելով ռուսական հեղափոխության հաղթանակի հետ, Տերյանը ասում է. «Մենք, հայերս, սոցիալ-դեմոկրատներս (բոլշևիկներս) հաստատ գիտենք, որ միայն պրոլետարական-գյուղացիական հեղափոխության և բանվորների ու շքավոր գյուղացիների կառավարության ստեղծումը կարող է ազատություն բերել մեր արտասահմանյան եղբայրներին, թուրքահայերին և բուժել նրանց խոր վերքերը: Մենք այդ միշտ ցույց ենք տվել բանվոր և գյուղացի հայ մասսաներին: Մենք միշտ նրանց մեջ ցրում ենք այն պատրանքները, որ պատվաստում էին մանր բուրժուական և բուրժուական կուսակցություն-

ները... Եվրոպայի իմպերիալիստական դիվանագիտության վերաբերյալ»¹⁸:

Այսպիսով, հեղափոխական մարքսիստները արևմտահայ ժողովրդի ազատագրության նկատմամբ սառնասիրտ լինել չէին կարող: Ավելին, 1914 թ. փետրվարի 1-ին, «Путь Правды»-ում Հայկական հարցի մասին կարդում ենք. «Պրոլետարիատը բազմիցս իր բողոքն է արտահայտել Թուրքիայում տեղի ունեցող գազանությունների դեմ: Առաջավոր բանվորները գիտակցում են և գտնում անհրաժեշտ՝ թուրքահայերի դրությունը փոխել Թուրքիայում տիրող հին կարգերի լիակատար վերափոխման միջոցով: Դրա հետ միասին մարքսիստները հայտարարում են, որ Թուրքահայաստանի բախտի որոշման մեջ զլխավոր դերը կարող է և պետք է պատկանի իրենց՝ թուրքահայերին»¹⁹:

Արևմտահայ ժողովրդի ազատագրության հարցում, անկասկած, աշագրավ է Հովսեփ Աթաբեկյանի այն նամակը, որ նա գրել է Տ. Էնգելսին՝ «Կոմունիստական մանիֆեստ»-ի հայերեն թարգմանության համար առաջաբան գրելու կապակցությամբ:

Հ. Աթաբեկյանի այդ նամակը հայ ընթերցողներին հանձնվեց 1959 թ. «Պատմա-բանասիրական հանդեսի» № 2—3-ում: Այդ նույն համարներում զետեղված է տնտեսագետ Արտո Եղիազարյանի «Հովսեփ Աթաբեկյան» և ակադեմիկոս Աշոտ Հովհաննիսյանի «Письмо Иосифа Атабекияна Ф. Энгельсу по поводу перевода на армянской язык Коммунистического Манифеста» խորագրերով հոդվածները:

Խոսելով Աթաբեկյանի ու նրա նամակի մասին, մենք բնավ չենք բաժանում Ա. Եղիազարյանի կարծիքը: Հողվածի հեղինակը շատ է գերազնահատում Հ. Աթաբեկյանի դերը, որը ոչ մի անհրաժեշտություն չի ներկայացնում: Նա Աթաբեկյանին համարում է «ինչնունական թվականների հայ մարքսիստներից մեկը»²⁰, որը չի համապատասխանում իրականության:

Անվիճելի է, որ Աթաբեկյանը, որպես ժամանակի առաջավոր մտածողներից ու քաղաքական գործիչներից մեկը, իր վրոպայից է մարքսիզմի ազդեցությունը, բայց նա մարքսիստ չի եղել: Կարճ ժամանակամիջոցում նա հրաժարվեց սոցիալիզմից: Հետևապես, ոչ

16 Մրավյան, Դաշնակցության կրիզիսը, էջ 48—49:

17 Վ. Տերյան, Երկեր, հատ. 4, Երևան, 1925, էջ 324:

18 Վ. Տերյան, Երկեր, հատ. 4, Երևան, 1925, էջ 324:

19 Նույն տեղում:

20 «Պատմա-բանասիրական հանդես», № 2—3, էջ 205, 1959:

«Հորիզոն»-ից բերված» «մարքսիզմի հակառակորդ ժամանակակիցներից մեկ»-ի և ոչ էլ Գ. Ղարաշյանի վկայությունները չեն կարող հիմք ծառայել՝ Աթաբեկյանին հայ մարքսիստների պատմական նախորդը համարելու համար:

Աթաբեկյանը մարքսիզմի թշնամին չէր, բայց նրա իսկական բարեկամն էլ չէր: Նա 1870-ական թվականների ուսսական հեղափոխական շարժմանը մասնակցած հայ նարոդնիկներից մեկն էր, որոնցից շատերը 1880-ական թվականներին, արևմտահայ ժողովրդի ազատագրական շարժման վերելքի ժամանակ հարեցին ազգային կուսակցություններին և գործեցին նրանց հետքերով:

Հ. Աթաբեկյանը բոլորովին բացասականորեն էր տրամադրված Հայկական հարցի լուծման գործում արևմտահարոպական տերությունների միջամտությունը հայցողների նկատմամբ: Նա Հայաստանի ազգային անկախության խնդիրը ամենևին չէր կապում վեց տերությունների կոլեկտիվ խնամակալության հետ: Բայց այդ էական հարցում նրա դիրքը չէր կանխում հայերի ազատագրական շարժման հեռանկարը՝ նրա քաղաքական մեկուսացումից, իրավացիորեն նկատում է Ա. Հովհաննիսյանը, որը գործնականորեն հասցնում և իրոք հասցրեց այդ շարժման պարտությունը:

Ընդհանուր նկարագրելով արևմտահայերի ծանր վիճակը սուլթանական Թուրքիայում, արտահայտելով իր ցասումը թուրքական փաշաների և քրդական բեկերի կողմից աշխատավոր մասսաների կեղեքումների ու հարստահարությունների նկատմամբ: «Հեղինակը,— գրում է Ա. Հովհաննիսյանը,— դժբախտաբար, դրանից չի անում համապատասխան քաղաքական եզրակացություն: Թուրքիայում քաղաքական փոփոխությունների հեռանկարը նա որոնում է ոչ թե համաժողովրդական, այլ ազգային հեղափոխության մեջ: Ռուսական կայսրության մեջ եղած գործերից տարբեր, ասում է, նա,— Թուրքիայում հեղափոխական շարժումը կրում է ազգային-պատրիոտական բնույթ, պայքար ազգային անկախության համար: Այդ պայքարի հաղթական վախճանի հույսը նա տեսնում էր միայն թուրքահայերի ընդհանուր ապստամբության մեջ՝ անկատարաբար ուսսական հարցի օգնությամբ»²¹:

Հետևապես, Հ. Աթաբեկյանի տեսակետը այս հարցում միանգամայն համընկնում էր ազգայնական կուսակցությունների տեսա-

կետներին և վերջին հաշվով հայերի ուղադրությունը բեկում էր դեպի հայկական դատը: Ընդհանուր է նկատում Ա. Հովհաննիսյանը, որ Աթաբեկյանը դեռ չէր հաղթահարել իր իդեական նախորդների՝ 1880-ական թվականների ազգային-նարոդնիկների սխալ տեսակետները:

Հենց այդ նկատառումով էնգելսը հրատարակեց «Կոմունիստական մանիֆեստ»-ի հայերեն թարգմանության համար ծավալուն առաջաբան գրելուց: Նա այդպիսի առաջաբան գրելուց հրատարակեց ոչ միայն նրա համար, որ նրանում արծարծված իր մտքերը կարող էին օգտագործվել ուսսական վարձկան մամուլի կողմից՝ նվաճողական ցարիզմի համար, այլև այն բանի համար, որ հայ ազգայնականները կարող էին այդ մտքերը օգտագործել իրենց վնասակար քաղաքականությունը առաջ տանելու և ժողովրդական մասսաների ուղադրությունը ցարիզմի դեմ նախապատրաստվող հեղափոխական պայքարից հեռացնելու համար:

Կինելով իր ժամանակի առաջավոր մտածողներից ու հասարակական-քաղաքական գործիչներից, Հ. Աթաբեկյանը հիմնականում,— իրավացիորեն գրում է Ա. Հովհաննիսյանը, «կանգնած էր 90-ական թթ. առաջին հնգամյակի բնորոշ կովկասահայ մանրբուրժուական նացիոնալիզմի ընդհանուր պլատֆորմայի վրա»²²:

* * *

Արտահայտելով իրենց խոր համակրանքը արևմտահայ ժողովրդի ազգային-ազատագրական պայքարի նկատմամբ, հեղափոխական մարքսիստները հաստատ համոզված էին, որ հայերի ազատագրությունը սուլթանական ռեժիմից անհնար է, առանց ցարիզմի կործանման և ուսսական դեմոկրատական հեղափոխության հաղթանակի:

Պատմությունը ցույց տվեց և Հոկտեմբերյան սոցիալիստական հեղափոխության հաղթանակը Ռուսաստանում պրատիկորեն, ապացուցեց հեղափոխական մարքսիստների գծի ճշտությունը, ապացուցեց, որ բոլոր ճնշված ժողովուրդների և այդ թվում՝ հայ ժողովրդի սոցիալական և ազգային ազատագրության ուղին անցնում է ուսսական հեղափոխության միջով:

Բանվոր դասակարգի ու աշխատավոր գյուղացիության դաշինքով տապալելով բուրժուազիայի ու կալվածատերերի տիրապետու-

21 «Պատմա-բանասիրական հանդես», № 2—3, էջ 323:

22 Ա. Հովհաննիսյան, էնգելսը և հայկական հարցը, Մոսկվա, 1931, էջ 12:

թյունը և հաստատելով պրոլետարիատի դիկտատուրա, Լենինի առաջնորդությամբ կոմունիստական կուսակցությունը ձեռնամուխ եղավ իրագործելու սոցիալիստական հեղափոխության արմատական հարցերից մեկը՝ ժողովուրդների լիակատար իրավահավասարության և նրանց ազատ զարգացման հնարավորությունների ապահովմանը:

Հոկտեմբերյան հեղափոխությունը փշրեց ազգային ձնշման շղթաները և հռչակեց բոլոր ազգերի լիակատար ինքնորոշման իրավունքը:

Համառուսական սովետների երկրորդ համագումարը «Ցանկություններին, գրեկություններին և գյուղացիներին» ուղղված իր դիմումի մեջ հայտարարեց, որ սովետական իշխանությունը «Ռուսաստանում բնակվող բոլոր ազգերին կապահովի ինքնորոշման իսկական իրավունք»²³:

Սովետական իշխանությունն իր գոյության երրորդ օրում ձեռնամուխ եղավ ստեղծելու Ազգությունների ժողովրդական կոմիսարիատ, որի խնդիրն էր կոմունիստական կուսակցության ազգային քաղաքականության անխափան կիրառումը, բոլոր ազգերի ու ժողովուրդների ազատ զարգացման պայմանների ապահովումը:

Սովետական կառավարությունը 1917 թ. դեկտեմբերի 28-ին հատուկ դեկրետ հրատարակեց «Թուրքահայաստանի» մասին, որը հանդիսանում է հայ ժողովրդի ազատագրության պատմական խոշորագույն փաստաթուղթ: Վահան Տերյանի կողմից կազմված, ժողովրդական կոմիսարների խորհրդի կողմից հաստատված և Լենինի ստորագրությամբ հրապարակված այդ դեկրետում ասված է. «Ժողովրդական կոմիսարների խորհուրդը հայտարարում է հայ ժողովրդին, որ Ռուսաստանի բանվոր-գյուղացիական կառավարությունը Ռուսաստանի կողմից օկուպացված Թուրքահայաստանում պաշտպանում է հայերի ազատ ինքնորոշումը՝ ընդհուպ մինչև լիակատար անկախություն: Ժողովրդական կոմիսարների խորհուրդը գտնում է, որ այդ իրավունքի իրագործումը հնարավոր է լուկ միայն մոտավոր մի շարք երաշխիքների, որոնք բացարձակապես անհրաժեշտ են հայ ժողովրդի ազատ հանրաքվեի (ռեֆերենդումի) համար»²⁴:

Այդ երաշխիքները համարվում էին՝ զորքերի դուրս բերումը Թուրքահայաստանից և հայկական ժողովրդական միլիցիայի կազմակերպումը՝ հայերի անձնական ու հասարակական ապահովության համար, փախստական հայերի և թուրքական կառավարության կողմից երկրի գանազան մասերը գաղթեցրած հայերի անխափան վերադարձը: Դեկրետը պահանջում էր թուրքահայերի ժողովրդական ժամանակավոր վարչության կազմակերպումը՝ ի դեմս դեմոկրատական սկզբունքներով ընտրված դեպուտատների սովետի և Հուլիական կոմիտեի:

Սովետական իշխանությունը Կովկասի զորքերի արատկարգ ու ժամանակավոր կոմիսար Ստ. Շահումյանին հանձնարարում էր ամեն կերպ աջակցել թուրքահայաստանի բնակչությանը՝ դեկրետով նախատեսված խնդիրների կենսագործման համար:

Սակայն դերմանա-թուրքական իմպերիալիստների օգնությամբ Անդրկովկասում հաստատված մենշևիկյան, մուսավաթական և դաշնակցական հակահեղափոխական կառավարությունները, որոշ հանգամանքների պատճառով, սոցիալիստական հեղափոխական հաղթանակի ուշացումը, Անդրկովկասի անջատումը Սովետական Ռուսաստանից, խանգարեցին արևմտահայերի ինքնորոշման մասին եղած դեկրետի իրականացմանը:

Հոկտեմբերյան հեղափոխությունը հռչակեց կոմունիստական կուսակցության ազգային քաղաքականության լիակատար հաղթանակը, խորտակեց ազգային ձնշման կապանքները, ազգային ձնշման իմպերիալիստների քաղաքականությանը հակադրեց սովետական իշխանության կողմից հետևողականորեն կիրառվող բոլոր ձնշված ժողովուրդների լիակատար ազատագրության քաղաքականությունը:

1920 թ. նոյեմբերի 29-ին Հայաստանի բանվորներն ու գյուղացիները, կոմունիստական կուսակցության դեկավարությամբ, տապալեցին դաշնակցների տիրապետությունը և Հայաստանում հաստատեցին սովետական կարգեր, որոնք Հոկտեմբերյան սոցիալիստական հեղափոխության արժանավոր ծնունդն էին: Հայ ժողովուրդը դրանով իսկ մեկընդմիջտ նվաճեց իր սոցիալական ու ազգային անկախությունը և բռնեց իր ազգային վերածննդի ուղին:

Մեծ Լենինը ջերմորեն ողջունեց դաշնակցականների տիրապետությունից ազատագրված բազմաշարժար հայ ժողովրդին: «Ողջու-

23 Վ. Ի. Լենին, Երկեր, հատ. 26, էջ 293, Հայպետհրատ, 1951:

24 «Тексты октябрьской революции», стр. 393, Москва, 1934.

նում եմ իմպերիալիզմի ճնշումից ազատագրված աշխատավորական Սովետակա՛, Հայաստանին»²⁵:

Հայաստանում սովետական էշխանության հաստատումը միակ պայմանն էր Հայկական հարցի լուծման համար: Սովետական կարգերը իրագործեցին հայերի դարավոր իղձերը: Սովետական Հայաստանը հանդիսանում է ամբողջ հայության միակ ու հարազատ Հայրենիքը, նրա տնտեսական, քաղաքական ու մտավոր կյանքի կենտրոնը, որը իր գոյության 47 տարիների ընթացքում կառուցեց սոցիալիզմը և սովետական ժողովուրդների հետ միասին, կոմունիստական կուսակցության ղեկավարությամբ, պայքարում է կոմունիզմի ծավալուն կառուցման համար:

Սփյուռքահայ աշխատավորությունը, առաջավոր մտավորականներն ու քաղաքական գործիչները համախմբվել և համախմբվում են իրենց սովետական հայրենիքի շուրջը, ուրախանում ու քաջալերվում են նրա պատմական խոշոր նվաճումներով: Սովետական կարգերի հաստատումից հետո մի քանի հարյուր հազար հայեր վերադարձել են իրենց Հայրենիքը և ակտիվ կերպով մասնակցում են կոմունիզմի կառուցման գործին:

Սովետական կառավարությունը ձեռք է առնում բոլոր հնարավոր միջոցները գաղութահայ աշխատավորներին իրենց հարազատ Հայրենիքը՝ Սովետական Հայաստան վերադարձնելու համար: ՍՍՌՄ կառավարությունը հատուկ որոշում ընդունեց 1962 թվականից պարբերաբար հայրենադարձություն կազմակերպելու մասին, որը մի նոր վկայություն է կոմունիստական կուսակցության և սովետական կառավարության լենինյան ազգային իմաստուն քաղաքականության հաղթանակի, դեպի հայ ժողովուրդը նրանց ցուցաբերած բացառիկ հոգատարության:

25 Վ. Ի. Լենին, Երկեր, հատ. 31, Հայպետհրատ, 1952, էջ 550:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿԸ

1. Վ. Ի. Լենին, Երկեր, հատ. 1, Հայպետհրատ, 1941:
2. Վ. Ի. Լենին, Երկեր, հատ. 2, Հայպետհրատ, 1943:
3. Վ. Ի. Լենին, Երկեր, հատ. 17, Հայպետհրատ, 1950:
4. Վ. Ի. Լենին, Երկեր, հատ. 18, Հայպետհրատ, 1950:
5. Վ. Ի. Լենին, Երկեր, հատ. 19, Հայպետհրատ, 1950:
6. Վ. Ի. Լենին, Երկեր, հատ. 20, Հայպետհրատ, 1950:
7. Վ. Ի. Լենին, Երկեր, հատ. 21, Հայպետհրատ, 1950:
8. Վ. Ի. Լենին, Երկեր, հատ. 26, Հայպետհրատ, 1951:
9. Վ. Ի. Լենին, Երկեր, հատ. 31, Հայպետհրատ, 1952:
10. Ստ. Շահումյան, Երկեր, հատ. 1, Հայպետհրատ, 1955:
11. Ստ. Շահումյան, Երկեր, հատ. 2, Հայպետհրատ, 1957:
12. Աշոտ Հովհաննիսյան, Հայ-ռուսական օրինատացիայի ծագման խնդրի շուրջը, էջմիածին, 1921:
13. Աշոտ Հովհաննիսյան, Նալբանդյանը և նրա ժամանակը, հատ. 2: Հայպետհրատ, 1955:
14. Խ. Արովյան, Վերք Հայաստանի, Երևան, 1955:
15. Խ. Արովյան, Երկերի լիակատար ժողովածու, հատ. 4:
16. Կենսագրություն Մեսրոպայ Դավին Թաղիադեանց Երևանցու, հավաքից և խմբագրեց Տ. Հովհաննես, Կ. Մկրեան, Թիֆլիս, 1883:
17. Մ. Նալբանդյան, Երկերի լիակատար ժողովածու, հատ. 1:
18. Մ. Նալբանդյան, Երկերի լիակատար ժողովածու, հատ. 2:
19. Մ. Նալբանդյան, Երկերի լիակատար ժողովածու, հատ. 3:
20. Մ. Նալբանդյան, Երկերի լիակատար ժողովածու, հատ. 4:
21. Մ. Մամուրյան, Անգլիական նամականի:
22. Մ. Մամուրյան, Հայկական նամականի:
23. Ատենագրությունք Ազգային ժողովու, հատ. Ծ, Կ. Պոլիս:
24. Դիվան հայոց պատմության, հատ. ԺԳ, Թիֆլիս, 1915:
25. Հովհ. Թումանյան, Երկերի ժողովածու, հատ. 4, Հայպետհրատ, 1951:
26. «Տնդեկագիրք գավառական հարստահարությանց», Կ. Պոլիս, 1876:
27. Ռ. Պատկանյան, Երկեր, Հայպետհրատ, 1955:
28. Ռ. Պատկանյան, Ընտրի երկասիրություն, հատ. 1:

29. Բաֆֆի, Տաճկահայր, Թիֆլիս, 1894;
30. Բաֆֆի, Հայ կենր և հայ երիտասարդությունը, էջ 92, Թիֆլիս, 1896:
31. Բաֆֆի, Խենթ, Երկերի ժողովածու, հատ. 3:
32. Բաֆֆի, Կայծեր, Երկերի ժողովածու, հատ. 6, Հայպետհրատ, 1956:
33. Բաֆֆի, Կայծեր, Երկերի ժողովածու, հատ. 4:
34. Բաֆֆի, Կայծեր, Կարկերի ժողովածու, հատ. 5:
35. Լեո. Թուրքահայ հեղափոխության գաղափարաբանություն, հատ. Ա, Փարիզ, 1932:
36. Լեո. Թուրքահայ հեղափոխության գաղափարաբանություն, հատ. Բ., Փարիզ, 1935:
37. Լեո, Հայոց վավերագրերը, էջ 1, Թիֆլիս, 1915:
38. Լեո, Գրիգոր Արծրունի, հատ. 3:
39. Լեո, Անցյալից, Թիֆլիս, 1925:
40. Բաֆֆի, Սամվել, Հայպետհրատ, 1957:
41. Կ. Թումայան. Պատմություն Արևելյան խնդրո և առաջնորդ Հայկական հարցին, հատ. Ա, Լոնդոն, 1905:
42. Կ. Թումայան. Պատմություն Արևելյան խնդրո և առաջնորդ Հայկական հարցին, հատ. Բ, Լոնդոն, 1905:
43. Գ. Վ. Սրվանձության, Թորոս աղբար, հատ. 1, Կ. Պոլիս, 1879:
44. Գ. Վ. Սրվանձության, Թորոս աղբար, հատ. 2, Կ. Պոլիս, 1884:
45. Ա. Մանդելշտամ, Օսմանյան կայսրության ճակատագիրը, Կ. Պոլիս, 1919:
46. Համբարձում Երամյան, Հուշարձան Վան-Վասպուրականի, Ալեքսանդրիա, 1929:
47. Խրիմյան Հայրիկ. Վանգոյժ, Կ. Պոլիս, 1908:
48. Խոսեն Գապիկյան, Հայկական հարցը Արևելյան հարցի մեջ (1860—1880), Պեյրուս, 1962:
49. Ա. Անամյան, Պատմություն Արևելյան պատերազմի, հատ. 1, Կ. Պոլիս, 1879:
50. Արամ, Սուլթան Ապտալու Համիդ ինչպես մեռավ: Գահիրե, 1908:
51. Ժազ դը Մորգան, Հայ ժողովրդի պատմությունը, Պոստոն, 1947:
52. Ա. Ամֆիտատուով, Եվրոպա և Հայաստան, Թիֆլիս, 1906:
53. Սարուխան, Հայկական խնդիրն և Ազգ. սահմանադրությունը Թուրքիայում (1860—1910), Թիֆլիս, 1910:
54. Հ. Անամյան, Հայոց Հայրիկ, Թավրիզ, 1929:
55. Ա. Ալպոյսեյան, Մինաս Զերազ:
56. Հ. Պարոնյան, Երկերի լիակատար ժողովածու, հատ. 3:
57. Հ. Պարոնյան, Երկերի ժողովածու, հատ. 4:
58. Հ. Պարոնյան, Երկերի լիակատար ժողովածու, հատ. 14:
59. Ա. Տեր-Վարսպետյան, Գյուլիզար. Փարիզ, 1946:
60. Հ. Ճանկլույան, Հիշատակարաններ Հայկական ճգնաժամին, Կ. Պոլիս, 1913:
61. Ազգապատում, մասն կրթող, Երուսաղեմ, 1927:
62. Գր. Արծրունի, Թուրքաց հայերի տնտեսական դրությունը, Թիֆլիս, 1894:
63. «Հայ ժողովրդի պատմություն», հատ. 2, Հայպետհրատ 1957:
64. Ա. Թեղբապալյան, Արժիվ իր բույնին մեջ, Փարիզ, 1938:
65. Գ. Լազյան, Հայաստանը և հայ դատը (վավերագրեր), Փարիզ, 1916:
66. Ջենալ փաշա, Հայկական հարցը, Երևան 1927:
67. Է. Շահագիր, Երկեր, Հայպետհրատ, 1947:

68. Ալ. Մատուռյան, Երկեր, Հայպետհրատ, 1948:
69. Վ. Պարսամյան, Հայ աղատագրական շարժման պատմությունից, Հայպետհրատ, 1958:
70. Մ. Ներսեսյան. Հայ ժողովրդի ազատագրական պայքարը թուրքական բռնապետության դեմ, Երևան, 1955:
71. Ռուրեն Խանազադ, Հիշողություններ Խրիմյանի մասին, Թիֆլիս, 1908:
72. «Պատմություն Ս.—Գ. հնչակյան կուսակցության», հատ. Ա, Պեյրուս, 1962:
73. Ա. Քալանթար, Սասուն, Թիֆլիս, 1895:
74. Գլակ Տարունցի, Ապստամբ Սասուն, Ժեն, 1903:
75. Հ. Առաքելյան, Ջեյթուն, Թիֆլիս, 1896:
76. Ջեյթունցի, Ջեյթունի անցյալին և ներկային, Վիեննա, 1900:
77. Սմբատ Բյուրատ, Ազատության համար — Ջեյթունի վրեժը, Կ. Պոլիս, 1911:
78. Հ. Անադյան, Տաճկահայոց հարցի պատմությունը, Ն. Նախիջևան, 1915:
79. Ա.—ԳՈ, Վանի Բիթլիսի և էրզրումի վիլայեթները, Երևան, 1912:
79. Ա.—ԳՈ, Վանի, Բիթլիսի և էրզրումի վիլայեթները, Երևան, 1912:
81. Գ. Վարուժան, Զարդը, Փարիզ, 1908:
82. «Եվրոպացիների կարծիքը հայկական դատի մասին», Ժեն, 1907:
83. Սարգիս Իզմիրլյան, Դառուժներ մեր հարյուրամյա հեղափոխության մասին: (անձնական հուշերուս ընդմիջումներ), Պեյրուս, 1962:
84. Արտակ Կարբիճյան, Հայ ազատագրական շարժման օրերին (հուշեր 1890-ին — 1940), Փարիզ, 1947:
85. Մ. Վարաճեյան, Հ. Հ. Դաշնակցության պատմություն, Փարիզ, 1932:
86. «Ծրագիր Հ. Հ. Դաշնակցության», Ժեն, 1906:
87. Քր. Միխայելյան, Հեղափոխականի մտքեր, Ժեն, 1906:
88. «Վարդապետարան Հայաստանի ազատագրության», Մարսել, 1891:
89. Շիրվանզադե, Երկերի լիակատար ժողովածու, հատ. 8, Հայպետհրատ, 1951:
90. Մրավյան (Ա. Ամիրջան), Դաշնակցության կրիգիսը, Վիեննա, 1907:
91. Ալ. Մյասնիկյան, Կուսակցությունները գաղութահայության մեջ, Թիֆլիս, 1924, էջ 57:
92. Ալուա Հովհաննիսյան, Էնգելսը և հայկական հարցը, Մոսկվա, 1931:
93. Վ. Տերյան, Երկեր, հատ. 4, Երևան, 1925:
94. Ե. Սարգսյան և Ռ. Ասեֆյան, Հայ ժողովրդի նոր շրջանի պատմության նենհափոխումը թուրք պատմագրության մեջ, Հայպետհրատ, 1963:
95. Ա. Սուխեյլյան, Հայ մարքսիստական բննադատության հիմնադիրները, Հայպետհրատ, 1957:

Ա մ ս ա գ ր Ե ր

1. «Վատմա-սանատիրական հանդես», № 1, Երևան, 1959:
2. «Վատմա-բանասիրական հանդես» № 2—3, Երևան, 1959:
3. «Նորք» № 1—2, Երևան, 1926:
4. «Մարիկ» № 124, 1866:
5. «Անահիտ» № 4, Փարիզ, 1899, 3, Փարիզ, 1898, 9, Փարիզ, 1901:
6. «Մուրճ» № 2, Թիֆլիս, 1903:
7. «Փորձ», № 7—8, 1879:

8. «Գործ» № 3, Բաբու, 1917:
9. «Արձագանք» № № 12, 2, Դ 3, 4, 1883, 2, 1882:
10. «Հայրենիք» № 9 (57), 11 (59), Բոստոն, 1927: 3 (63), 4 (64), 1929:
11. Դ «Հյուսիսափայլ», 1860:
12. «Հյուսիսափայլ», № 1, 1859:

Մ ա մ ա լ

1. «Մասիս» № № 2156, 1878, 3737, 1884, 2781, 1880, 1848, 1887 1874, 1877, 1884, 1877, 2324, 1879, 30, 1878, 3422, 1883, 3734, 1834, 37, 1895, 1459, 1888:
1. «Արևելք», № № 2002, 1890, 1225, 1888, 1205, 1888:
2. «Կոռնկ հայոց աշխարհի», 1883:
3. «Մեղու Հայաստանի», № № 37, 1879, 17, 1879, 129, 1882, 5, 1878, 29, 1876, 28, 1878, 31, 1878, 50, 1878, 40, 1879, 65, 1879, 55, 1879, 55—1880, 182, 1881:
4. «Նոր Դար» № № 25, 1895, 131, 1894, 197, 1894, 91, 1895, 6, 1884, 127, 1894, 131, 1896, 91, 1886, 4, 1888, 9, 1888, 102, 1890, 129, 1894, 221, 1894, 130, 1889, 17, 1888, 20, 1888:
5. «Արևելյան մամուլ», հունվար, 1876, մայիս, 1878, մայիս, 1878, մայիս, 1878, հունիս, հոկտեմբեր, 1878, ապրիլ, 1879, օգոստոս, 1880, հոկտեմբեր, 1876:
6. «Արմենիա», № № 24, 1888, 19, 1907, օգոստոս 12 (հուլիս 31), 1896, 33, 1890, 60, 1893, 7, 1896, 33, 1890:
7. «Մշակ», № № 8, 1893, 51, 1895, 9, 1889, 13, 1892, 24, 1876, 21, 1893, 8, 1895, 126, 1879, 45, 1876, 29, 1881, 145, 1878, 16, 1875, 17, 1875, 162, 1878, 45, 1876, 5, 1878, 6, 1878, 47, 1876, 149, 1878, 146, 1878, 33, 1876, 143, 1896, 142, 1896, 6, 1879, 60, 1876, 122, 1879, 207, 1879, 89, 1879, 110, 1878, 189, 1878, 182, 1880, 191, 1879, 94, 1878, 134, 1878, 30, 1878, 64, 1880, 65, 1880, 66, 1880, 70, 1880, 74, 1880, 26, 1913, 23, 1877, 159, 1878, 152, 1878, 5, 1880, 4, 1883, 12, 1883, 20, 1883, 84, 1883, 125, 1879, 214, 1901, 230, 1901, 39, 1884, 182, 1877, 165, 1878, 138, 1880, 156, 1880, 9, 1889, 34, 1883, 35, 1883, 110, 1891, 146, 1892, 11, 1892, 86, 1894, 111, 1894, 106, 1894, 131, 1894, 197, 1894, 37, 1895, 38, 1895, 54, 1895, 64, 1895, 77, 1895, 102, 1895, 15, 1893, 146, 1894, 148, 1894, 9, 1895, 23, 1895, 8, 1893, 144, 1895, 14, 1896, 52, 1896, 4, 1893, 4, 1893:
8. «Հնչակ», № № 4, 1894, 6, 1895, 2, 1889, 1, 1887, 5, 1887, 3, 1889, 5, 1892, 6, 1891, 6, 1895, 18, 1895, 22, 1895, 24, 1895, 3, 1896, 5, 1896, 18, 1896, 19, 1896, 8, 1897, 9, 1897, 6, 1897, 11, 1897:
9. «Դրոշակ», № № 4, 1859, 2, 1891, 14, 1894, 4, 1895, 3, 1895, 14, 1895, 17—18, 1895, 4, 1896, 19, 1895, 7, 1896, 14, 1896, 28, 1896, 16, 1896, 21, 1896, 3, 1898, 8, 1897, 11, 1897, 17, 1897:

10. «Յառաջ», № 23, 1906, 53, 1906, 25, 1906, 22, 1906:
11. «Տարազ», № 5, էջ 69, Թիֆլիս, 1890:
12. «Երկրի ձայն», № № 10, 1906, 26, 1907:
13. «Գրական թերթ», № 48 (1064), 1966:
14. «Պրոլետարիատի կոիվը», № 2—3, 1903:
15. «Պրավդա», № 327 (6573), 1935:

Հայկական արխիվներ

1. ՀՍՍՀ ԳԱ պատմ. ինստիտուտի արխիվ, Լեոյի ֆոնդ, թղթապանակ № 1, թերթ 156:
2. ՀՍՍՀ ԳԱ պատմության ինստիտուտի արխիվ, Լեոյի ֆոնդ, տետր № 25, էջ էջ 144, 145:
3. ՀՍՍՀ ԳԱ պատմության ինստիտուտի արխիվ, Լեոյի ֆոնդ, թղթապանակ № 12, վավերագիր № 38, թ. թ. 2, 3:
4. ՀՍՍՀ ԳԱ պատմության ինստիտուտի արխիվ, Լեոյի ֆոնդ, թղթապ. № 3, թերթ 90—100:
5. ՀՍՍՀ ԳԱ պատմության ինստիտուտի արխիվ, Լեոյի ֆոնդ, թղթապ. № 1, թերթ 11—12, 15, 19, 61—62, 62—65:
6. ՀՍՍՀ ԳԱ պատմության ինստիտուտի արխիվ, Լեոյի ֆոնդ, տետր № 87, էջ 1—2:
7. ՀՍՍՀ ԳԱ պատմության ինստիտուտի արխիվ, Լեոյի ֆոնդ, թղթապ. № 1, թերթ 122, 124, 67:
8. ՀՍՍՀ ԳԱ պատմության ինստիտուտի արխիվ, Լեոյի ֆոնդ, տետր № 3, թերթ 83:
9. ՀՍՍՀ ԳԱ պատմության ինստիտուտի արխիվ, Լեոյի ֆոնդ, տետր № 33, թերթ 81:
10. ՀՍՍՀ ԳԱ պատմության ինստիտուտի արխիվ, Լեոյի ֆոնդ, տետր № 17, թերթ 41:
11. ՀՍՍՀ ԳԱ պատմության ինստիտուտի արխիվ, Լեոյի ֆոնդ, տետր № 87, թերթ 48:
12. ՀՍՍՀ ՊԿՊԱ, 2. Լազարյանցի ֆոնդ, № 42, գործ № 11, թերթ 66, 24, 26, 79, 83, 89:
13. ՀՍՍՀ ՊԿՊԱ, ֆոնդ № 101, գործ № 71, թերթ 16:
14. ՀՍՍՀ ՊԿՊԱ, ֆոնդ № 42, գործ № 30, թերթ 59:
15. ՀՍՍՀ ՊԿՊԱ, ֆոնդ № 42, գործ № 11, թերթ 70, 71:
16. Մաշտոցի անվան Մատենադարան, Իզմիրլյանի արխիվ, թղթապ. № 14, վավերագիր 521:
17. ՀՍՍՀ ՊԿՊԱ, 2. Լազարյանցի ֆոնդ № 42, գործ № 28, թերթ 8:
18. Մաշտոցի անվան Մատենադարան, Ա. Երիցյանի արխիվ, թղթապ. № 149, վավերագիր 144:
19. ՀՍՍՀ ՊԿՊԱ, Ամենայն հայոց կաթողիկոսի դիվան, ֆոնդ № 57, գործ № 693, թերթ 3:
20. ՀՍՍՀ ՊԿՊԱ, Ամենայն հայոց կաթողիկոսի դիվան, ֆոնդ № 56, գործ № 46, թերթ 2:
21. Մաշտոցի անվան Մատենադարան, Էրիմյանի արխիվ, ֆոնդ № 17, գործ № 101, վավերագիր 17:
22. ՀՍՍՀ ՊԿՊԱ, Ամենայն հայոց կաթողիկոսի դիվան, ֆոնդ № 57, գործ № 496, թերթ 3:
23. ՀՍՍՀ ՊԿՊԱ, ֆոնդ № 42, գործ № 20, թերթ 16, 18:

24. ՀՍՍՀ ՊԿՊԱ, Ամենայն հայոց կաթողիկոսի դիվան, ֆոնդ № 56, գործ № 55, Թերթ 1922:
25. Մաշտոցի անվան Մատենադարան, Իզմիրլյանի ֆոնդ № 34, Թղթապ. № 14, վավերագիր 640:
26. Մաշտոցի անվան Մատենադարան, Ա. Երիցյանի արխիվ, Թղթապ. № 151, վավերագիր 30:
27. ՀՍՍՀ ՊԿՊԱ, ֆոնդ 38/102, գործ № 58, Թերթ 19:

1. К. Маркс и Ф. Энгельс, Сочинения, т. 9, Москва, 1957.
2. «Архив К. Маркса и Ф. Энгельса», т. V.
3. К. Маркс и Ф. Энгельс, Сочинения, т. 10, Москва, 1958.
4. К. Маркс и Ф. Энгельс, Сочинения, т. 22, Москва, 1962.
5. К. Маркс и Ф. Энгельс, Сочинения, т. IX, Москва, 1933.
6. К. Маркс и Ф. Энгельс, Сочинения, т. XXIX, Москва, 1933.
7. Ллойд Джордж, Правда о мирных договорах, т. I, Москва, 1957.
8. Ролен-Жекмен, Армения, армяне и трактаты, Москва, 1898.
9. «Русский архив 1889 г.», Книга 3 (9), стр. 332.
10. «Русский архив 1894 г.», Книга первая, стр. 67—68.
11. «Русский архив 1885 г.», Книга первая, стр. 102.
12. Захарий Стоянов, Записки о болгарских восстаниях, Москва, 1956.
13. О. Бисмарк, Мысли и воспоминания, том второй.
14. Н. И. Беляев, Русско-турецкая война 1877—1878 гг.
15. Б. Колобокин, Русско-турецкая война 1877—1878 гг. на Кавказе Малой Азии, СП, 1906.
16. «Дневник Д. А. Милютин, 1878—1880», т. 3.
17. «Записки графа Н. Н. Игнатъева о Сан-Стефано», Москва, 1965.
18. Ш. В. Мегрелидзе, Грузия в русско-турецкой войне 1877—1878 гг., Батуми, 1955.
19. С. О. Кишмишов, Война в Турецкой Армении в 1877—1878 гг., СП, 1884.
20. Н. И. Кравченко, Очерки из истории международных отношений конца XIX и начала XX вв., Саратов, 1925.
21. «История дипломатии», т. I, Москва-Ленинград.
22. «Положение армян в Турции», стр. XIII,
23. «Братская помощь армянам», стр. XI, Москва, 1897.
24. А. Амфитеатров, Армянский вопрос, Тифлис, 1906.
25. «История дипломатии», т. II, Москва, 1945.
26. «Декреты Октябрьской революции», Москва, 1934.
27. «Голос», от 24 декабря 1878 года.
28. «Правительственный вестник», № 179, 1879.
29. «Бакинские известия», № 44, 1903.
30. «Путь Правды», № 10, 1914.

Շենտրոնական Արխիվ

1. ЦГИА в Ленинграде, фонд Лорис Меликова № 866, дело № 7, л. 7.
2. ЦГИА в Ленинграде, фонд Лорис Меликова № 866, дело 7, л. 8.

3. ЦГИА в Ленинграде, фонд Лорис Меликова № 866, дело 7, л. 2.
4. ЦГИА в Ленинграде, фонд Лорис Меликова № 866, дело 74, л. 21.
5. ЦГВИА, фонд № 485, дело № 1250, л. 4.
6. ЦГВИА, фонд № 485, дело № 1251, л. 4.
7. ЦГВИА, фонд № 485, дело № 1251, л. 100.
8. ЦГВИА, фонд № 485, дело № 1260, л. 98.
9. ЦГВИА, фонд № 485, дело № 126Л, л. 124—125.

ԵԿԱՏՎԱԾ ՎՐԻՊԱԿՆԵՐ

Էջ	Տող	Տպագրված է	Գեաք է լինի
7	վ. 2	որկել	զրկել
18	վ. 16	մի մասին՝ հայկական լեռնաշխարհում	ազատագրեցին զբխտոնիաներին Բաղաններում և զբխտոնիաների մի մասին՝ հայկական լեռնաշխարհում:
198	վ. 3	սխալին	սոխակին

Բ Ո Վ Ա Ն Գ Ա Կ Ո Ւ Թ Յ Ո Ւ Ն

Ներածություն	5
Գլուխ առաջին. — Արևմտահայերի անտեսական և իրավա-քաղաքական դրությունը 1877—1878 թթ. ոսու-թուրքական պատերազմի նախօրյակին	25
Գլուխ երկրորդ. — 1877—1878 թվականների ոսու-թուրքական պատերազմը: Ման-Ստեֆանոյի զաշնագիրը: Բեռլինի կոնգրեսը և Հայկական հարցը	51
Գլուխ երրորդ. — Սուլթանական կառավարության հայաչինջ քաղաքականությունը Բեռլինի կոնգրեսից հետո: Ազգային-ազատագրական շարժման վերելքը 1870—1880-ական թվականներին	83
Գլուխ չորրորդ. — Ազգային-ազատագրական պայքարի գաղափարախոսությունը	135
Գլուխ հինգերորդ. — Հայկական կոտորածները Թուրքիայում 1894—1896 թվականներին և եվրոպական մեծ տերությունները	173
Գլուխ վեցերորդ. — Հայ հասարակական հոսանքները և նրանց դիրքավորումը արևմտահայության ազատագրության գործում	254
Գլուխ յոթերորդ. — Հայ ազգայնական կուսակցությունները և արևմտահայ ժողովրդի ազատագրության նրանց ծրագիրն ու տակտիկան	287
Գլուխ ութերորդ. — Հայ հեղափոխական մարքսիստների դիրքորոշումը արևմտահայերի ազատագրության հարցում	334
Օգտագործված գրականության ցանկը	349

**ԱՐԵՎՄՏԱԼԱՅԵՐԻ ԱԶԱՏԱԳՐՈՒԹՅԱՆ ՀԱՐՑԸ
 ԵՎ ՀԱՅ ՀԱՍԱՐԱԿԱԿԱՆ-ՔԱՂԱՔԱԿԱՆ ՀՈՍԱՆՔՆԵՐԸ
 XIX ԴԱՐԻ ՎԵՐՋԻՆ ՔԱՌՈՐԳՈՒՄ**

Տպագրվում է Հայկական ՍՍՀ գիտությունների ակադեմիայի պատմության ինստիտուտի գիտխոհեղի որոշմամբ

Պատ. խմբագիրներ Դ. Ա. Մուրադյան, Հ. Մ. Ղազարյան
 Հրատ. խմբագիր Ա. Ա. Հովակիմյան
 Նկարչական ձևավորումը Յու. Հ. Առաքելյանի
 Տեխ. խմբագիր Մ. Ա. Կափլանյան
 Սրբագրիչներ Ս. Կ. Զաքարյան, Զ. Խ. Օրմանյան

ՎՖ 04532, հրատ. № 2817, ԽՀԽ № 1073, պատվեր 170, տպաքանակ 5000

Հանձնված է արտադրության 27/I 1967, ստորագրված է տպագրության 15/II 1967 թ. տպագր. 22,37 մամուլ, հրատ. 18,55 մամուլ, թուղթ № 1, 60×90¹/16¹, Գինը 1 ու. 37 կ.:

Հայկական ՍՍՀ գիտությունների ակադեմիայի հրատարակչության տպարան, Ծրեան, Բարեկամության 24: